

অপসরণ

অনুদাশঙ্কর রায়

ଅପସରଣ

সংশোধন

এর পূর্ববর্তী খণ্ডে—“মর্তের স্বর্গে”—দুটি মারাত্মক প্রমাদ আছে। পাঠকপাঠিকারা দয়া করে সংশোধন করবেন।

৪১ পৃষ্ঠায় ব্লিজার্ড ভাবছেন, “ঠিক সেই সময় কিনা যুদ্ধের জগ্জে সিপাহী সংগ্রহ করে কাইজার-ই-হিন্দ পদক পেয়েছিলেন গান্ধী।” গান্ধীজী দক্ষিণ আফ্রিকায় ভারতহিতের দরুণ পদক পেয়েছিলেন ১৯১৬ সালে, সিপাহী সংগ্রহের চেষ্টা করেছিলেন ১৯১৮ সালে। সুতরাং বাক্যটি এইরূপ হবে—“ঠিক সেই সময় কিনা যুদ্ধের জগ্জে সিপাহী সংগ্রহ করতে প্রয়াস পেয়েছিলেন গান্ধী।”

৮২ পৃষ্ঠায় “গুড সামারিটান” প্রসঙ্গে লেখা হয়েছে, “অর্থাৎ সেই নারী যে যীশুকে দিয়েছিল তুষার জল।” তা নয়। এক বিদেশী পথিকের সর্বস্ব লুট করে তাকে অর্জযুত অবস্থায় দেলে রেখেছিল দস্যুরা। তাকে দেখে অগ্নি কারো দয়া হলো না,, কিন্তু একজন সামারিয়ানবাসী তার ক্ষতস্থানগুলি বেঁধে দিয়ে তাকে নিজের ঘোড়ায় চাপিয়ে সরাইখানায় নিয়ে গিয়ে তার শুক্রবা করেন ও করান। সুতরাং বাক্যটির পরিবর্তিত রূপ—“অর্থাৎ সেই ব্যক্তি যে ছিল যীশুর দৃষ্টিতে প্রকৃত প্রতিবেশী।”

প্রচ্ছদকার

পরিচ্ছেদসূচী

বাগ্‌দান	৩
ঝাঁপ	৩৯
প্রত্যাবর্তন	৮৮
মৌনব্রত	১৫০
অপ্সরা	১৯৯
হিসাবনিকাশ	২৩৮
আমার কথাটি ফুরাল	...	—	২২৯

এই খণ্ডের রচনাকাল ১৯৪১—৪২

সংগদান

১

সেদিন তার “মনের খুশি”কে বিদায়সভাষণ জানিয়ে অশোকা যখন বাড়ী ফিরল তখনো তার শরীর বিরি করছিল। চোখের জলকে ক্রোনোমতে ঠেকিয়ে রেখেছিল সারা পথ, ঘরে পা’দিত্তে না দিতেই চোখের জলের বাঁধ ভাঙল। বালিশে মুখ গুঁজে কী কাদন কাদন সোঁ। যেন তার সব স্বর্থ ফুরিয়েছে।

বসন্ত তখন শেষ হয়ে আসছে, শেষ নিঃশ্বাসের মত ফিরছিল প্রেমের হাওয়া। দিনেরও তখন শেষ বেলা, আলোর চাউনিতে বিবাহ অশোকের শোককে সৌন্দর্য্য দিয়েছিল প্রকৃতি।

তার এত দিনের প্রেম! তার এত দিনের আশা! সে ত ধরে নিয়েছিল যে তারা বিবাহিত। হু’দিন আগে হোক, পরে হোক, বিবাহ তাদের প্রজাপতির নির্বন্ধ। প্রতিবন্ধক শুধু এতটুকু কিছুতেই হুপাজ হবে না, হুপাজের যোগ্যতা অর্জন করবে না, অশোকের পিতামাতার মনোনয়নযোগ্য হবে না। এই প্রতিবন্ধকই প্রবল হল। অবুঝ পুরুষ বেছে নিল তার পথকে, বর্জন করল তার সারীকে। এ কী নির্ব্যাচন করে বসল স্বধী! কাদতে হবে না তাকেও কি সারা জীবন! কেবল কি অশোকাই কঁদে মরবে! অবোধ শিশু আগুনে হাত দিয়ে নিজেও কাদে, মার্কও কাদায়।

স্বধী, স্বধা, মনের খুশি, মন্থরা!—বিলাপ করতে লাগল অশোকা—
তোমার সন্তে কোনো মেয়ে কি রাজি হবে কোনো দিন? মিথ্যা কেহ

অপসরণ

আমায় নিরাশ করলে, নিজের হলে। তোমায় দিনের পর দিন ক-
বুঝিয়েছি, কত মিনতি করেছি, পায়ে পায়ে ছায়ার মত ঘুরেছি, যান
অপমান মানিনি। অবুঝ, তোমার কাছে বড় হল তোমার ~~অপমান~~
খেয়াল। দু'জনের যা গ্ৰাহ্য প্রয়োজন তাকে তুমি উপেক্ষা ~~করবে~~
কেন জীবনের প্ল্যান জীবনের চেয়ে বড় হবে? কেন জীবনের
সহগামিনীর জন্তে জীবনের ধারা বদলাবে না? জগতে অপরিবর্তনীয় কী
আছে? কেন তবে পরিকল্পনার পরিবর্তন হবে না একজনের সঙ্গে
আরেকজন যোগ দিলে? আমি কি তবে এক নই, শূন্য?

এক উত্তরে তোমার যুক্তি ছিল না একটিও। তুমি বলেছিলে, খুশি,
মন করে বোঝাব, তোমাকে আমার কত যে দরকার। তা বলে
দুঃখের মাঝখানে টানব না। যদিও জানি যে তুমি স্বেচ্ছায়
সে জীবন বরণ করলে দুঃখের দহনে আরো সুন্দর হতে।

আমাকে তুমি দুঃখের মাঝখানে টানবে না, কিন্তু
আমার এমন কী সাঙ্গনা! তুমি ত দুঃখের মাঝখানে বাবে!
তোমার দুঃখ বুঝি আমার গায়ে লাগে না! এত পর ভাব কেন
আমাকে, পর ভাব না? হাজার বার ভাব। তোমার নিজের
প্ল্যানটি, নিজের ধ্যানটি, নিজের দুঃখগুলি নিয়ে তুমি থাক। আমাকে
অংশ দিতে তোমার প্রাণে সন্ম না। পাছে আমি তার সঙ্গে আমার যা
আছে তা যোগ করে অগ্ন জ্বলিষ করে তুলি। আর বোলো না, তোমার
মত স্বার্থপর আমি জন্মে দেখিনি। স্বধী, স্বধা, মনুষ্য!

আমি বরাবর দেখে আসছি মেয়েরাই সব ছাড়ে, ছেলেরা কিছু
ছাড়ে না। আমি তোমার জন্তে সব ছাড়ব আর তুমি আমার জন্তে
গ্রাম ছাড়তে পারবে না, দৈন্ত ছাড়তে পারবে না। এই তোমার
স্বাধিকার! তুমি যেমন আছ তেমনি থাকবে, আমাকে ছাড়তে হবে-

মা আত্মীয় স্বজন সমাজ সংসার আরাম বিলাস। তোমার সেই
আত্ম ভ্রাসনের রাধুনী হয়ে, দু'বেলা দু'শো জনকে খাইয়ে আমার দিন
কাটবে, যতদিন না কালাজ্বর কি ম্যালেরিয়ায় ভুগে নির্কারণ ঘটেছে।

এর উত্তরে তোমার যুক্তি ছিল না। তুমি নাঃজেহাল হয়ে বলতে,
খুশি, আমাদের সম্পর্ক যেমন আছে তেমনি থাকলেই স্বন্দর হয়।
আমি কি তুমি কেউ কেন কিছু ছাড়বে? যা ছাড়বার নয় তা কারো
জন্তেই ছাড়া উচিত নয়। যার যা আদর্শ তাকে তা রক্ষা করতেই হবে,
প্রিয়জনের হাত থেকেও। যা-ছাড়া তোমার চলতে পারে তাই
ছাড়তে পার ত ছাড। আমি ছাড়ছি কি না চেয়ে দৈর্ঘ্য না, তুলনা
কোরো না।

পুরুষ। তোমার মুখে যুক্তি নেই, যদিও তোমরা যুক্তিশীল কাঁপ
কত না জাঁক কর। কেবল মিষ্টি মধুর উক্তি, যা স্নান দাঁতিয়ে ব্যাণ-
ইচ্ছা করে। মনের পাতায় লিখে রেখেছিও। বলেছি, . . .
অন্তঃকরণ দিয়ে বিশ্বাস করি যে তোমার আমার মিলন যদি তোমার
অভিপ্রেত হয় তবে তুমি আমার উপর নির্ভর করে . . .
ভাসতে পারবে। পাগল। তুমি নিজে কিসের উপর নির্ভর করে
. . . হবে! সেইজন্তেই ত বলি পি-এইচ. ডি. হতে। শুনবে না ত।

বলেছিলুম, দেশে কি জ্ঞানের ছড়াছড়ি যে তোমার কাছে কেউ
জ্ঞানের আলোক চায় না, তাঁতের কাপড় চায়। যাঁরা জানী তাঁরা কেন
নগরকেন্দ্র থেকে জ্ঞান বিকীরণ করবেন না, কেন গ্রামে গ্রামে ঘুরে
ছন্নছাড়া হবেন, চাষ করবেন, হুতো কাটবেন?

তুমি পরিহাস করেছিলে, আমার ত জ্ঞান ছিল না যে আমি একজন
জানী। ওটা তোমার স্নেহাঙ্ক নয়নের আবিষ্কার, ওটা মায়া।

আমি হাসিনি। হাসির কথা নয়। তুমি জান দেশের লোক

শিক্ষাও চায়, শুধু অল্প চায় তাই নয়। অয়ের ভার অগ্নের উপর ছেড়ে দিয়ে তুমি কেন শিক্ষার ভার নাও না?

তুমি তর্ক করেছিলে, তার জগ্নেও গ্রামে যেতে হয়। কেননা শিক্ষা যাদের দরকার তারা গ্রামে বাস করে।

তারা কেন শহরে আসবে না?

শহরে এলে তারা শিক্ষার সঙ্গে সঙ্গে আরো কিছু আয়ত্ত করবে। সেটা শিক্ষার উপসর্গ, সেটা কু। তারা কুশিক্ষা পাবে, পাবে কুসংসর্গ।

যাও, তোমার শহর সম্বন্ধে প্রেজুডিস আছে। তুমি বলতে চাও আমি লণ্ডনে গিয়ে কুশিক্ষা পাচ্ছি, আমি পাচ্ছি কুশিক্ষা!

হ্যাঁ, খুশি, আমরাও কুশিক্ষা পাচ্ছি। আমরা শিখছি বৃহত্তর থেকে মিছির থাকতে। আমরা হচ্ছি বৃহত্তর সঙ্গে খাপ খেতে অপারগ।

বৃহত্তর প্রতি আমাদের নাড়ীর টান শিথিল হয়ে আসছে। আমরা যেন মোটা হচ্ছি ততই আলগা হচ্ছি। এর পরিণাম অশুভ।

রাশিয়ায় যেমন ওরা সর তুলে ফেলল এক দিন ভারতবর্ষেও তুলবে, যদি না তখন থেকে পাতলা হয়ে দুধের সঙ্গে মিশে যাই।

কী যে বলছ, মহুয়া! কারা তুলে ফেলবে কাদেরকে? কেন তুলে ফেলবে? কী করে?

থাক, খুশি, বিষয়টা উপাদেয় নয়।

না, তুমি বল।

রাশিয়াতেও তোমার মত কত লক্ষী মেয়ে ছিল, তাদের একমাত্র অপরাধ তারা ধনীর মেয়ে। তাই তাদের শিক্ষাদীক্ষা সভ্যতা ভব্যতা কোনো কাজেই লাগল না। তাদের যে কয়জনা প্রাণে বেঁচেছে তারা এখন কী করে, জান? এই লণ্ডন শহরেই ডিউকের মেয়ে বোডিং হাউসে খুলেছেন, সেখানে তিনিই রাঁধুনী, তিনিই খানসামা। হুঁবেলা হুঁডজন

স্নোকেব খাওয়াদাওয়া দেখতে হয়। বিশ্বাস হয় না, এক দিন এসো আমার সঙ্গে। ডিউকের মেয়ে বলেছি, ভুল বলেছি। প্রিন্সের মেয়ে। এখনো তিনি বলে থাকেন, "Stalin die, I go. Again princess."

আমি খিল খিল করে হেসেছিলুম। তাতে তুমি বলেছিলে, যাক, তোমার যেমন পল্লীভীতি তার সঙ্গে নগরভীতি যোগ দিলে তুমি কি আর দেশে ফিরতে পা বাড়াবে।

আমি শঙ্কিত হয়ে বলেছিলুম, মহুয়া, তোমার কথা যদি সত্যি হয় তবে তুমি মিথ্যে ঝুঁকি নিয়ে না। ওদের শিক্ষা দিয়ে কাজ নেই, ওদের কাছ থেকে শত হস্ত দূরে থাকাই নিরাপদ। তোমার জর্জিরারি বিকলী করে যা ওঠে তা নিয়ে তুমি এই দেশেই বাস কর।

তুমি বলেছিলে, বিলেত যেমন দিন দিন স্বর্ণলঙ্কার পরিণত হচ্ছে ওর ফলে লুন্ডকদের দৃষ্টি সর্বপ্রথম এরই উপর পড়বে কি না, কে জানে। না, খুশি। আমি আগুনে ঝাঁপ দিয়ে আগুনের তাপ এড়াব। পাণ্ডবদাহের দিনে সেই সব চেয়ে নিরাপদ।

তোমার এই কথা শুনে আমি রাগ করেছিলুম। তোমার শঙ্কিত হয়েছিলুমও। মহুয়া, তোমার কথা যদি সত্যি হয় তবে খাণ্ডবদাহনের দিনে আমি তোমার সহমৃত্যু হব। কিন্তু তুমি আমার একটি কথা রাখ। তুমি পি-এইচ. ডি. হও।

তুমি অটুহাস্ত করেছিলে। বলেছিলে, সেই যে বুড়ী, জজকে আশীর্বাদ করেছিল দারোগা হতে, এও তেমনি জীবনশিল্পীকে আশীর্বাদ পি-এইচ. ডি. হতে।

সেসব কথাবার্তা মনে পড়ছে আজ, রাগও হচ্ছে, ক্ষোভও হচ্ছে স্বধী, স্বধা। তুমি কি ভাবছ আমি মরতে ভয় করি, গ্রামকে আমার ভয় আমার ভয়-মা'কে আবু বাবাকে।

সেদিন কার মুখ দেখে ঘুম থেকে উঠেছিল অশোকা। তখন কি সে জানত যে সেই দিনই তার “মনের খুশি”কে চিরদিনের তরে হারাবে!

যেমন প্রতিদিন তেমনি সেদিনও সে গুন গুন করে গান সাধতে সাধতে প্রসাধন করল। যথাবিধি মা’কে বলল, “গুড মর্নিং, মামি। ঘুম কেমন হল?”

মা বললেন, “মর্নিং, ডিয়ার। তোমাকে জানাতে চাই আজ ওবেলা স্নেহময় আসছে। কাল এসে তোমার দেখা পায়নি।”

মা ঐমুণ্ডভাবে বললেন যেন স্নেহময়ের কী একটা জরুরি কাজ আছে। অশোকা সবিস্ময়ে স্বধালা, “কেন, মা। কী হয়েছে?”

“হবে আর কী!” মিসেস তালুকদার রাশভারী লোক, ধীরে ধীরে রাগ ছাড়লেন। “ইয়ং ম্যান মোটরকার পেলে যা হয়ে থাকে। রাগভারী বিয়ে করে হানিমুনে বেরবে, সারা ইউরোপ বেড়াবে, এই তার অজ্ঞি।”

অশোকা ত অবাক।

মা বললেন, “আগে পড়াশুনা, তার পরে রোজগার, তার পরে বিয়ে। এই ত নিয়ম, এর ব্যতিক্রম কেন হবে তার গ্নায়সজ্ঞত কারণ দেখছিলেন। তাই আমি বলেছি, বিয়ে না, হানিমুন না, কণ্টিনেন্ট না। তবে বাগ্‌দানের স্বপক্ষে নজীর আছে বটে। স্নেহময় আজ আসছে বাগ্‌দানে তোমার আপত্তি আছে কি না জিজ্ঞাসা করতে।”

“!” অশোকা স্তম্ভিত হল। চোরের মত বলল, “কেন, ই’চার দিন দেরি হলে ক্ষতি কী?”

“ক্ষতি?” তিনি রাগ দিলেন, “ক্ষতি হয়ত নেই। কিন্তু ছেলোটিকে

দিনের পর দিন ঘোরানোট্টা কি ভালো ? এখন তার নিজের মোটর হয়েছে—”

বাস্তবিক অশোকা “আজ নয়, অল্প একদিন” বলে স্নেহময়কে অনেক বার ঘুরিয়েছে। স্নেহময় সঙ্কে তার নীতি হচ্ছে, না গ্রহণ না বর্জন। দৈর্ঘ্য বটে স্নেহময়ের। এতকাল অশোকের মুখ চেয়ে বুলে রয়েছে। জানে না যে অশোকের মন অগ্নজ। জানতে চেষ্টাও করেনি, কারণ তার ভূতপূর্ব সচিব তারাপদ ওরফে টর্পেডো তাকে বুদ্ধি দিয়েছিল, তার একখানা মনের মত মোটর নেই বলে সে জজ কল্লার প্রসাদ পাচ্ছে না। থাকত যদি একখানা সিট্রোয়েন ফোর তা হলে অশোকা স্নেহময়কে অশোকা, স্বয়ং মেরী পিকফোর্ড তার প্রেমে পড়তেন। তখন যে তার এক চিন্তা, এক ধ্যান। কী করে একখানা মনের মত মোটর কেনা যায়। তাই বছর খানেক ধরে টাকা জমিয়ে পুরানো পোষাক বেচে, খার করে স্নেহময় একখানা বেবী অস্টিন কিনেছে। এর আগে সে দস্তুরমত লজ্জিত, কিন্তু বুড়ো বাপটি যতদিন বেঁচে থাকবেন ততদিন কি ভদ্রলোকের স্টুডেবেকার কেনার সঙ্গতি হবে!

যাক, সে যে একখানা মোটর কিনে ফেলেছে এ হল, যাকে বলে, half the battle. এখন তার মোটর হয়েছে, সে জাতে উঠেছে। বহু জনের বহুদিনের পরিহাসের শোধ তুলবে এবার এক নিঃশ্বাসে বিয়ে করে, হানিমুন করে, ভিয়েনা ভেনিস রিভিয়েরা বেড়িয়ে।

“এখন তার মোটর হয়েছে ত কী হয়েছে, মা ?” অশোকা সরল মনে জানতে চাইল।

“কী হয়েছে !” মেয়েটা কি নীরেট, না গ্লাক। কী হয়েছে তাও খুলে বলতে হবে।

“কিছু না।” মা ঘটা করে চুপ করলেন।

অশোকা তা দেখে ফিক করে হাসল। কাজটা অতি গহীত। সে নিজেই তৎক্ষণাৎ অপরাধীর মত বলল, “না, মা, হাসির কথা নয়।” অর্থাৎ তুমি অমন হাস্যকর হলে আমি হাসি চেপে রাখতে পারব না।

তা শুনে তার মা আরো হাস্যকর হলেন। যেন চ্যালেঞ্জ করলেন, কত হাসবে হাস। অশোকা কিছুতেই হাসি চাপতে পারে না, চাপা হাসির উপর যত সাধ্যসাধনা করে কিছুতেই মা’র সাড়া পায় না। তখন চোখে আঁচল দিয়ে কাঁদো কাঁদো স্বরে বলল, “বল না, মা, তোমারি প্ল্যায়ে পড়ি।”

“তুমি ছেলেমানুষ।” মেয়ের মিনতি শুনে মা’র যেন একটু রূপা হল। কিন্তু ঐ পর্য্যন্ত। তিনি আবার মৌন হলেন।

“ছেলেমানুষ! ওমা। এক কুড়ি বয়স হল, তবু ছেলেমানুষ।”

“ছেলেমানুষ নয় ত কী! সংসারের তুমি কতটুকু বোঝ! আমার সময় সময় মনে হয় আমি যদি হঠাৎ চোখ বুজি তোমার বাবা যেমন ভালোমানুষ, তুমিও তেমনি, মুকুলের ত কথাই নেই। কী করে চালাবে তোমরা? সবাই মিলে তোমাদের ছু’বেলা ঠকাবে, এক হাটে কিনে আরেক হাটে বেচবে।”

তিনি যে নীরব থেকে এই সমস্ত গবেষণা করছিলেন তা ভেবে অশোকার আর একদফা হাসি পাচ্ছিল। কিন্তু একদফা হেসে ত এই ব্যাপার, আবার হাসলে কোনোদিন শোনা হবে না মোটর হয়েছে ত কী হয়েছে।

“ঠিক বলেছে, মা। সংসারের আমি কতটুকু বুঝি। সেইজন্মেই ত জানতে চাইছি, মোটর হয়েছে ত কী হয়েছে।”

“কী হয়েছে?” মিসেস তালুকদার এতক্ষণ পরে ভেঙে বললেন,

“ইয়ং ম্যান, বৌ নেই, মোটর আছে, দুই আর দুই মিলে কী হয়? এই তোমরা পাটীগণিত পড়েছ?”

অশোকা পাটীগণিত পড়েছে, কিন্তু ওর কোথাও এ প্রশ্নের উত্তর লেখা নেই। সে হাসবে কি কাঁদবে বুঝতে না পেরে অন্তমনস্ক হল।

যার মোটর আছে তার সাথীর অভাব হয় না। কী অপমান!

সুখীর সঙ্গে যখন পরিচয় হয়নি তার আগে স্নেহময়ের সঙ্গে বিয়ের সম্বন্ধ হয়েছে অশোকার। তার মত চাওয়া হয়নি, সেও মত জাহির করতে যায়নি। অশোকার মা মনে মনে স্থির করেছিলেন স্নেহময় যতদিন ছাত্র বিয়ের প্রসঙ্গ ততদিন তোলা হবে না, তবে বাগ্‌দানের প্রসঙ্গ তোলা যেতে পারে। স্নেহময় তুলেছে কয়েকবার, অশোকা “ই” বললে সুখীকে হারায়, “না” বললে মা রাগ করেন।

সেই স্নেহময়ের এখন মোটর হয়েছে। সে যে আর অপেক্ষা করবে তা ত মনে হয় না। আজকেই তাকে যা হয় বলতে হবে, নইলে সে তার মোটরে করে কাকে নিয়ে বেড়াবে! ভাবতে বিজ্ঞী লাগে। তার দোষ কী, সে কি প্রায় তিনটি বছর সবুজ করেনি?

সুতরাং আজকেই সুখীর সঙ্গে চূড়ান্ত নিষ্পত্তি হওয়া চাই! সুখীও এক কথায় বলুক, “হাঁ” কিম্বা “না”। সেই অনুসারে অশোকাও মনঃস্থির করবে।

সুখীর উপর অশোকা তিক্ত বিরক্ত হয়ে রয়েছিল। স্নেহময়ের এই আলটিমেটাম—অশোকার বিবেচনায় ওটা আলটিমেটাম—তার মাথা বিগড়ে দিল। স্নেহময়কে যদি সোজা বলে, “কোনো আশা নেই, স্নেহময়না, আমি অস্তুর” তা হলে ও কথা মার কানে উঠবেই, স্নেহময় তাঁর কাছে তাই জানিয়ে বিদায় নেবে। তার পরে যদি সুখীও বিমুখ হয় তবে অশোকার মুখ থাকে কোথায়! মা যে শুধু রাগ করবেন তাই

নয়, টের পেলে বিক্রম করবেন। ভিখারী শিবের গলায় মালা দিলে, কী দর্শা হয়েছিল সতীর? 'দক্ষ যজ্ঞে দেহত্যাগ!'

এমন পাগলও আছে। বিত্তের জাহাজ, ইচ্ছা করলে হাসতে হাসতে পি-এইচ. ডি. হয়। অথচ হবে না, হলে তার দেশে ফিরতে দেরি হয়, দেরি হলে দেশ রসাতলে যায়। দেশ বলতে কলকাতা বন্ধে দিল্লী নয়, নামহীন পল্লীগ্রাম। পঁচিশ বছর বয়স হলে পড়াশুনা খতম, এই নাকি তার শাস্ত্রে আছে। এমন পাগলের পাগলামি না সারালে দক্ষযজ্ঞ ত বাধবেই। তাতে শিবের কী, যত দুর্ভোগ সতীর।

না, না, শিবেরও। অশোকা স্বধীব জন্তেও ব্যাধিত হয়। কিন্তু স্বধীর সর্কে রাজি হতে পারে না, কোনোমতেই না। ভিখারী শিব এ যুগে অচল। সতী যদি এ যুগে জন্মান তিনিও রাজি হবেন না ভিখারী শিবকে মালা দিতে। বাধ্য হয়ে শিবকে বাঘছাল ছেড়ে ক্যানেল পরতে হয়, বাঁডের বদলে ট্রায়ে চড়তে হয়। অশোকা ত বলছে না যে স্বধী মস্ত বডলোক হোক, মোটর কিছুক, সার্জ কিম্বা টুইড পরুক। তার দাবীকে, সে যতদূর সম্ভব নামিয়ে এনেছে। পি-এইচ. ডি.র নীচে 'মামা' যায় না, স্বয়ং শিবও সে কথা স্বীকার করবেন, যদি এযুগে জন্মান।

অশোকার আলটিমেটাম তবে পি এইচ. ডি.। কঠিন কিছু নয়, স্বধী ইচ্ছা করলেই সম্মত হয়, তারপরে যদি সত্যি উপস্থিত হয় তেমন কোনো অসুবিধা অশোকা সাহায্য করবে তার হাত খরচ থেকে। তবে কিনা স্বধীকে হতে হবে অশোকার পিতামাতার চোখে সুপাণ্ড। শিবকেও তাঁরা সম্মান করবেন না ডিগ্রী না দেখলে। তাই শিবকেও হতে হয় ডক্টর শিব।



তারপর বিকালে যখন সূর্যের সঙ্গে দেখা হল তখন সূর্যী তার স্বভাবসিদ্ধ শ্রিতহাস্তে কুশলপ্রশ্ন করল। সে বেচারী জানত না যে তার জন্তে এদিকে বোমা তৈরি হয়েছে, অচিরাত্ ফেটে চৌচির হবে।

অশোকা এক নিঃশ্বাসে বলল, “ভালো আছি। মনুষ্য, তোমাকে আধ ঘণ্টা সময় দিচ্ছি, এই আমার আলটিমেটাম।”

• তার নিজেরই বুক টিপ টিপ করছিল। এ যেন গায়ে পড়ে বিচ্ছেদ ডেকে আনা। কিন্তু বিচ্ছেদ কেন? সূর্যী ইচ্ছা করলেই অশোকের দাবী মেনে নিতে পারে। তখন এই দুঃসাহসের পরিণাম স্ব্থময় হবে। তখন দু’জনে মিলে মনের স্ব্থে ভাবী জীবনের ছক আঁকবে। সে প্ল্যান একা সূর্যীর নয়, অশোকেরও।

“কী হয়েছে, খুশি? তোমাকে ত খুব খুশি বোধ হচ্ছে না?” আলটিমেটামের প্রথম ধাক্কাটা সামলে নিয়েছিল সূর্যী।

“হাসিতামাসা করতে চাও ত সারা জীবন ধরে করবে।” অশোকের আলটিমেটামের ঘায় সূর্যীর টনক নড়ছে না দেখে অশোক হাতুড়ি পিটল; “যদি আলটিমেটাম গ্রহণ কর।”

“ওসব মিষ্টিগারি পরিভাষা শুনে পরিহাস করতে সাহস হয় না।” সূর্যীর হাসি মিলিয়ে গেল। “সিভিল ভাষায় বল দেখি কী ব্যাপার।”

ব্যাপার যে কী তা অশোকা ভেঙে বলতে কুণ্ঠিত হয়। এমন কিছু নয়, স্নেহময় আসছে প্রপোজ করতে—যা সে কতবার করেছে। এবারকার নতনত্ব তার একটি যান জুটেছে। সূর্যী শুনে তুমুল রসিকতা করবে। বর এসেছে পাখী নিয়ে, অন্য কোনো মেয়ে হলে আক্লান্দে উল্ধনি দিত, অথচ “মনের খুশির” মনে খুশি নেই।

অশোকা খুলে বলল না, চেপে গেল। বলল, “কালকেই তুমি দরখাস্ত করবে যে সামনের সেসনে পি-এইচ. ডির জন্তে পড়া স্বীকৃত করবে।” তা হলে সে সত্য মিথ্যা মিলিয়ে মা’কে বলতে পারবে যে সে একজনকে বিয়ে করতে চায়, তিনি পি-এইচ. ডির জন্তে তৈরি হচ্ছেন।

নতুন কথা নয়। স্বধী অনেক বার শুনেছে। কিন্তু কালকেই কেন? এর মধ্যে এমন কী ঘটল!

কী ঘটেছে জানতে চাওয়া অভূতপূর্ণ হবে। স্বধীকে নীরব দেখে তাগিদ দিতে থাকল অশোকা। “করবে? করবে না? করবে?”

স্বধী বুঝতে পারল যে অশোকার মনের অবস্থা কোনো কারণে বিক্ষুব্ধ। সম্ভবতঃ মা’র সঙ্গে মনকষাকষি। আজ তাকে কিছু না বললেই ভালো হত। কিন্তু সে যে আধ ঘণ্টার বেশী সময় দিতে চায় না। আধ ঘণ্টায় যা বলবার তা অনায়াসে বলা যায়, স্বধীর বক্তব্য ত বহু পূর্বে বলা হয়ে রয়েছে। কিন্তু সহজ কথা সহজ স্বরে বললেই ত সমস্তা মেটে না। যাকে বলবে তার মানসিক অবস্থার সঙ্গে স্বর মেলাতে হয়। তৈমনি স্বরটি আজ কোথায়?

“কত সময় দিয়েছ? আধ ঘণ্টা?”

“হাঁ। আধ ঘণ্টা। আমার অল্প এনগেজমেন্ট আছে।” অশোকা মিথ্যে বলেনি। স্নেহময় আসছে, তার জন্তে প্রস্তুত হতে হবে। যেমন স্বধীর সঙ্গে তেমন স্নেহময়ের সঙ্গে আজকেই একটা এস্পার কি ওস্পার হয়ে যাওয়া দরকার। যদি স্বধী অশোকার সঙ্গে রাজি হয় তবে স্নেহময়কে মধুরভাবে বিদায় দিতে হবে, তাকে স্তোক বাক্যে তুলিয়ে রাখা অসম্ভব। আর যদি স্বধী নিজের জেদ না ছাড়ে তবে স্নেহময়কে কথা দিতে হবে, তাকে বার বার বোরানো অস্ত্রায়।

সুধী ভাবছিল কী করে অশোকাকে বলা যায়। কী বলবে, তা আজ মুখ্য নয়। কেমন করে বলবে, তাই মুখ্য। অশোকা সুধীরপন্থায় প্রিয়। তার জগ্রে সুধী সুখ সম্পদ ত্যাগ করতে পারে। কিন্তু যেখানে আশ্রয়ের প্রসঙ্গ সেখানে সুধীর ত্যাগ প্রকারান্তরে অশোকারও ত্যাগ। সুধীর মধ্যে যা সত্যিকার তাকে ত্যাগ করলে সুধীর কী অবশিষ্ট থাকে? সুধীর অবশিষ্ট নিয়ে অশোকা কতখানি হারায়!

তার পর সুধীর জীবন কি সুধী-অশোকার ঘরোয়া সম্পত্তি? তা কি ভারতবর্ষের মহাজীবনের অঙ্গ নয়? বিদেশে বসে আপনাকে গড়ে তোলা কত কাল চলবে? যার জগ্রে গড়ে তোলা তার প্রয়োজন কত কাল অপেক্ষা করবে? ভারতের সম্মুখে দীর্ঘ দুর্দিন। বহু সমস্যা জর্জরিত সে দেশ পরের বন্ধনে অসহায়। অথচ বন্ধনমোচনের যে উপায় তা পৃথিবীর ইতিহাসে অপরিচিত। কী আছে ভারতের ভাগ্য, কে জানে!

সুধী বলল, “খুশি, ভালোবাসার চেয়েও বড় জিনিষ আছে। সেও ভালোবাসার সামিল, কেননা সে ভালোবাসাকে আরো বড় করে, আরো বড় পরিণতির দিকে নিয়ে যায়, সম্পূর্ণতা দেয়।”

অন্য সময় হলে অশোকা শুনত এ কথা, বুঝতে না পারলে বুঝে নিত। কিন্তু এখন তার প্রত্যেকটি মিনিট মূল্যবান। সে কি সুধীর বক্তৃতা শুনতে এসেছে? সে চায় স্পষ্ট জবাব। সে চায় কর্মতৎপরতা।

সে অসহিষ্ণুভাবে বলল, “বক্তৃতা শুনতে সারা জীবন রাজি আছি, কিন্তু আজ না। তুমি যে বাকপটু তা আমার চেয়ে কেউ বেশী জানে না। কিন্তু তুমি যে কর্মকুশল তাই জানতে দাও, মহুয়া।”

তার রুদ্ধ মূর্তি দেখে সুধীর চোখ গেল ঝলসে। শুধু রুদ্ধ নয়, সেই সঙ্গে ক্রোধ। পর মুহূর্তেই আবেগভরা আবেদন কানে এল, “মহুয়া,

কাজের ভাষায় কথা বল ; কথার ভাষায় না । আজ তুমি দার্শনিক নও
স্বধী নও । আজ তুমি বীজ চক্রবর্তী ।”

স্বধীর বীরত্বের প্রতি এই আহ্বান স্বধীকে স্পর্শ করল, কিন্তু করবে
কী, স্বধী ? তার যেখানে বীরত্ব সে তার স্বধীত্ব । স্বধীত্ব বিসর্জন
দিয়ে বীরত্বের অবকাশ কই ? তেমন বীরত্বের অন্তিম মূল্য কী ?

“খুশি, তোমাকে আঘাত করলে আমারও আঘাত বাজে । এ কথা
বিশ্বাস কর ।” স্বধী বলল ব্যাকুল ভাবে । “যদি আঘাত করি তবে
নাচার হয়েই করি, বিশ্বাস কর ।”

অল্প সময় হলে অশোকা বিশ্বাস করত, ভেবে দেখত । কিন্তু আজ
কিনা তার দোটানার শেষ । আজ তার এস্পার কি ওস্পার । তার
সময় নেই, খৈর্য নেই, সহিষ্ণুতা নেই ।

“ভূমিকা শুনব না । উপসংহার শুনতে কান পেতেছি । বল কী
স্থির করলে ? ই কি না ?” অশোকা জ্বলুম করল ।

অশোকার এ এক অভিনব রূপ । দীর্ঘ কাল আবেদন আর নিবেদন
করেছে, কোনো ফলোদয় হয়নি । এখন সে মরীয়া হয়ে উঠেছে ।
নির্দয় কণ্ঠে বলেছে, ভূমিকা শুনব না, উপসংহার শুনতে কান পেতেছি ।
ই কি না ?

অশোকা তার হাতঘড়িটাকে চোখে চোখে রাখল । ওদিকে তার
বুকের আলোড়নও প্রচণ্ড । যতই সময় যাচ্ছে ততই আসন্ন হয়ে আসছে
চরম মুহূর্ত ।

রুদ্ধ নিঃশ্বাসে স্বধী বলল, “খুশি—”

অশোকাও রুদ্ধ নিঃশ্বাসে বাধা দিয়ে বলল, “বল, ই । বল, বল—”

স্বধীর মুখ থেকে জোর করে কেড়ে নিতে চায়, দাঁতের ডাক্তার
যেমন করে দাঁত উপড়ে আনে ।

সুধী যদি “হাঁ” বলত ‘অশোকা বোধ হয় শূণ্ণে লাফ দিত, যেমন ছেলেরা লাফ দিয়ে চৈচায়, “গোল।” হান্ত তালি দিয়ে বলত, “হিপ হিপ ছরে।”

সুধী ক্ষণকাল আত্মস্থ হয়ে বলল, “আমার অন্তরের সম্মতি নেই। মাফ কর।”

এই উত্তর! এত সাধনায়, এত আরাধনায় এই বর!

অশোকার বুকে উত্তাল তরঙ্গ, নাসায় ঘন ঘন শ্বাস। আগুন জলে উঠল তার চোখে। এই সুধী! এই তার বীরত্ব! এই কাপুরুষের কাছে আত্মসমর্পণ করত সে! এরই অম্লসরণ করেছে সে দিনের পর দিন! ছি ছি! অতি নিম্নজ্ঞ সে নিজে, পুরুষের পশ্চাদ্ধাবন করেছে কিসের সম্মোহনে! তাই তার কপালে ছিল এই অপমান, এই প্রত্যাখ্যান।

সহসা বিদায় নিল অশোকা। নেবার সময় বলল, “ধ্যাক্ ইউ।” অত্যন্ত মোলায়েম স্বর। অসাধারণ সংযমের প্রয়াস। আপনাকে প্রাণপণে সংবৃত করে আরো মুহূল স্বরে বলল, “গুড বাই।” যেন কোনো অপরিচিতা বলেছে কোনো অপরিচিতকে।

তার পরে হাত বাড়িয়ে দিল। প্রিয়ার মত প্রিয়ের হাত ধরতে নয়, মহিলার মত অতিথির করমর্দন করতে।

সব শেষ। কত কালের পরিচয়, আলাপ, সখ্য। কত জল্পনা কল্পনা। অম্লরাগ, অম্লযোগ, অভিমান। সব শেষ। অশোকার প্রবৃত্তি হল না পরের হাতে অধিকক্ষণ হাত রাখতে। সে তৎক্ষণাৎ হাত সরিয়ে নিল।

তার পরে যেন হাওয়ায় উড়ে চলল। কেবল ট্যাক্সিতে চড়বার সময় একবার অপাঙ্গে তাকাল। তখনো সুধী একটাই দাঁড়িয়ে মাথা নীচু করে কী ভাবছে।

অন্তরের সম্মতি নেই।

অশোকা দাঁতে দাঁত চাপল। অন্তর বলে কি আলাদা কেঁউ আছে? রাবিশ। সোজা ভাষায় বললে হত, আমরা নিজেরই মতি নেই।

অশোকা জলতে থাকল স্বকল্পিত প্রত্যাখ্যানের জালায়। ছি ছি। কী অপমান! কেনই বা সে উপযাচিকা হয়ে এত কাল স্তম্ভীর পায়ে পায়ৈ ঘুরল। মেয়েরা কি কখনো উপযাচিকা হয়? উপযাচক হয় পুরুষে। ছি ছি। পুরুষের দ্বারা প্রত্যাখ্যান। 'ইহার চেয়ে মরণ সে যে ভালো।'

জলতে জলতে অশোকার মাথা ধরে গেল। মাথার যন্ত্রণায় সে নীচে নামবার জন্তে তৈরি হতে পারল না, শুয়ে শুয়ে কাঁদতে লাগল। আজকেই স্নেহময়ের সঙ্গে শেষ কথা হয়ে যাক, যেমন স্তম্ভীর সঙ্গে হল। এই ঝুলে থাকা ও ঝুলিয়ে রাখা আর কতকাল চলবে!

কিন্তু জোর যে নেই। গায়ের সব জোর যেন ফুরিয়েছে। বিছানা থেকে উঠতে কষ্ট হয়। মনের জোর যেটুকু ছিল খরচ হয়েছে রাগে ও কান্নায়। সাহস হয় না স্নেহময়ের মুখোমুখি দাঁড়াতে, চোখাচোখি তাকাতে। ধরা পড়ে যাবার ভয় ত আছেই, হঠাৎ কেঁদে আকুল হলে স্নেহময় মনে করবে কী!

তা ছাড়া আরো একটা কথা আছে, অশোকা নিজের কাছে স্বীকার করতে চায় না যদিও। এখনো কি একটুখানি আশার রেশ নেই? এখনো কি আশা হয় না যে স্তম্ভী আজ সারারাত অহুতাপে দগ্ধ হবে, হয়ে কালকেই ফোন করবে? মাত্র আধ ঘণ্টা, আলটিমেটাম

দেওয়া কি উচিত হয়েছে অশোকার? এত বড় একটা ব্যাপারে—
জীবনমরণের ব্যাপারে—কেউ আধ ঘণ্টায় মনঃস্থির করতে পারে?
অশোকা হলে পারত?

স্নেহময়ের মোটরখানার কী জানি কেমন আওয়াজ। কিন্তু যেই
কোনো পনচারী মোটরের স্বর্ষয় অশোকার কানে পৌঁছায়, অমনি
সে চমকে ওঠে। এই রে। এই সেই সর্ব্বনেশে মোটর যার জন্তে
আমার এ দুর্দশা।

স্নেহময় কিন্তু পায়ে হেঁটে এল। গাড়ীখানাকে রেখে এল পোয়া
মাইল দূরে। মোটর থাকতে সাধ করে পদাতিক হবার কারণ ছিল।
নগণ্য বেবী মোটরকার তার নিজেরই না-পছন্দ। মিসেস তালুকদার
হয়ত সদর ফটক দিয়ে ঢুকতেই দেবেন না, খিড়কির দিকে ইসারা
করবেন। তাঁর কাছে মোটরের বার্তা দেবার সময় স্নেহময় সেটার
আকার প্রকার অল্পজ্ঞ রেখেছিল। তিনিও জেরা করেন নি।

অশোকাকে সংবাদ দেওয়া হলে সে কাতরভাবে বলল, “আমার
ভীষণ মাথা ধরেছে, নেলী। মা’কে বল আমি উঠতে পারছি নে।”

মা এসে মেয়ের মাথায় হাত দিয়ে বললেন, “হঁ। একবার
ডাক্তার খিওবল্ডকে রিং আপ করলে কেমন হয়?”

“করতে পার। কিন্তু মিছিমিছি ওষুধ খেয়ে কী হবে? আমাকে
বরং বিশ্রাম করতে দাও।”

মিসেস তালুকদার বিরক্ত হলেন। ভদ্রলোককে নিমন্ত্রণ করে
এনে অপ্রস্তুত করা তাঁর বিচারে গুরুতর অপরাধ। তিনি যে
স্নেহময়কে ডিনারে ডেকেছেন। কথা দিয়েছেন আজকেই অশোকা
যা হয় একটা কিছু বলবে।

তিনি গ্যাসপিরিনের উল্লেখ করলেন, কিন্তু অশোকা এমন ভাব

দেখাল যেন তার সমস্ত শরীর অবশ। 'মাথাব্যথার' অবসান হলে ত অবশ অবস্থার অবসান হবে না। একটা হট ওয়াটার বটল চাওয়ায় মিসেস তালুকদার একটু বিচলিত হলেন। কিন্তু ডাক্তার ডাকবেন কি না ঠিক বুঝে উঠতে পারলেন না। ডাক্তার এলে কি তাকে উঠতে দেবে? বরং পূর্ণ বিশ্রামের ফতোয়া দিয়ে তারই ইচ্ছা পূরণ করবে।

তিনি বললেন, “আচ্ছা, এখন এক ঘণ্টা বিশ্রাম করতে পার। একটু ভালো বোধ করলে নীচে গিয়ে একটুখানি বসবে, তারপর উঠে আসবে। কেমন?”

“আমি খাব না।”

“না, খেতে হবে না। এমনি এক আধ মিনিট গল্প করে আসবে। একটু কুশলবিনিময়।”

অশোকা অসাড়ভাবে বলল, “তা হলে একখানা স্ট্রেচার জোগাড় কর।”

মিসেস তালুকদার মেয়ের দিকে কটমট করে তাকালেন। তারপর সশঙ্কে প্রস্থান করলেন। স্নেহময়কে এখন বোঝাবেন কী! আপনিই বুঝতে পারছেন না মেয়ের রক্ত। মা'কে এমনভাবে let down করা কি মেয়ের কাজ!

ভাবী ঋণাত্মক মুখভাব নিরীক্ষণ করে স্নেহময়ের মনোভাব যা হল তা এক কথায়, তদা নাশংসে বিজয়ায় সঞ্জয়। সে আজ সারা দিন তাসের কেল্লা বানিয়েছে। সীজারের মত আসবে, দেখবে আর জয় করবে। অশোকা যেই জ্ঞাপন করবে তার সম্মতি স্নেহময় অমনি তার একটি হাত ধরে একটি আঙুলে পরিষে দেবে আজকের জন্য একটি আংটি। বলবে, “এই বা কী! যেদিন বাগ্‌দানের উৎসব হবে সেদিন পরিষে দেব দুনিয়ার সেরা আংটি।” তার পরে ভাবী

স্বাস্থ্যভীকে প্রণাম করে তাঁর শ্রীচরণে অর্পণ করবে একটি ক্রচ। অবশ্য পায়ের পরবার জুতো নয়, কিন্তু যেখানে পরবার জুতো সেখানে কি স্নেহময় পরিষে দিতে সাহস পাবে! বলবে, “এই বা কী! যেদিন বাগ্‌দানের উৎসব হবে সেদিন—”

“ওর ভীষণ মাথা ধরেছে, স্নেহময়। ওকে আজকের মত একস্কিউজ কর ত বিশেষ অল্পগৃহীত হব।”

“নিশ্চয়। নিশ্চয়।” স্নেহময় ভগ্ন কণ্ঠে উচ্চারণ করল। “আমি কি তাঁর কোনো রকম কাজে লাগতে পারি?”

“খ্যাক ইউ। তোমার মত মহৎ যুবা,” তিনি মাথা নাড়লেন। “খুব বেশী দেখছি বলে মনে পড়ে না।”

স্নেহময় প্রতিবাদ করতে চেষ্টা করলে তিনি বললেন, “আমি কল্পনাও করিনি যে তোমাকে আজ নিরাশ হতে হবে। কী করি বল, মাথা ধরার উপর কি কারো হাত আছে?”

ইতিমধ্যে স্নেহময়েরও প্রায় মাথাধরার দাখিল। সে মাথা ছুলিয়ে বলল, “যথার্থ। যথার্থ।”

“তা হলে তুমি একস্কিউজ করলে। কেমন?”

“সানন্দে।” স্নেহময়ের অন্তরাআ বলছিল, অগত্যা।

একস্কিউজ কথাটা শুনে সে একটু ঘাবড়ে গেছিল। কেননা তারাপদ কুণ্ড তাকে শিক্ষা দিয়েছিল মেয়েদের কাছে যখন বিবাহের প্রস্তাব করবে তখন যেন ভণিতা করে “একস্কিউজ মী” বলে। আজকেও অশোকাকে নেপথ্যে ডেকে নিয়ে বলত, “একস্কিউজ মী, অশোকা। তোমাকে জিজ্ঞাসা করে জ্বালাতন করতে পারি কি— তুমি কি আমাকে আজীবন স্বামী করবে?” সেই একস্কিউজ অবশেষে অশোকার জননীর মুখে শুনতে হল। হা হতোম্মি।

“ভোমার মহেশ্বর তুলনা,” মিসেস তালুকদার জোর দিয়ে বললেন, “দুনিয়ায় ছ’দশ হাজারের বেশী নেই। কিন্তু স্নেহময়, তুমি কি দয়া করে আরেক দিন আসবে?”

“দয়া!” স্নেহময় বলতে চাইল দয়া কাকে বলছেন, ও যে আমার সর্বশ্রেষ্ঠ স্বথ। কিন্তু বলতে বাধল। সে কথাবার্তায় কাঁচা। তার মনের ভাব মুখে যেটুকু ব্যক্ত হয় তাতে শব্দের অভাব।

অশোকার মা স্নেহময়কে আন্তরিক স্নেহ করতেন। সার বংশ-লোচনের বংশধর তথা অংশধর। কিন্তু সেই তার একমাত্র যোগ্যতা নয়। অগ্ন্যগ্নি অভিজাতনন্দনদের মধ্যে ক’জন তার মতন লম্বায় ঠিক ছ’ ফুট? তা ছাড়া সে একজন বিখ্যাত মুষ্টিযোদ্ধা, প্রয়োজন হলে মুষ্টির সহায়তায় নারী উদ্ধার করবে। নারীহরণের দেশে কত বড় একটা ভরসা। লেখাপড়ায় তেমন উজ্জল নয় বটে, কিন্তু মুকুন্দির জোর থাকলে সরস্বতীর কৃপাবিহীনরা লক্ষ্মীর বাহন হয়ে থাকে। মিসেস তালুকদার তাই আই সি এস, আই এম এসদের অন্বেষণ করেন নি, স্নেহময়কে হাতের কাছে পেয়ে নিকৃষ্ণ হইয়েছেন।

তা বলে তাকে অসময়ে কন্যাদান করতে কিছুমাত্র দ্বরা ছিল না তাঁর। আগে তার পড়াশুনা সারা হোক, কোনো নামকরা কামে যোগ দিক সে। ইংলণ্ডে হলেই সোনায়ে সোহাগা হয়, যেহেতু এই দেশেই তালুকদার সাহেব পেনসন ভোগ করবেন স্থির হয়েছে। স্নেহময় যে এক ঝোঁকে বিয়ে করতে চায় এ যেন ভারতবর্ষের স্বরাজ্য। মিসেস তালুকদার দান করতে রাজি আছেন, কিন্তু আজ নয়। যেনে কিস্তিবন্দী ভাবে। আপাতত বাগ্‌দানের কথাবার্তা চলুক, তারপরে এক সময় হয়ে যাক বাগ্‌দান, পরে অনির্দিষ্ট মেয়াদের শেষে পরিণয়।

স্বামী কলকাতায়। তিনি একা তাঁর দুটি সন্তানের শিক্ষার জন্তে

লগনে প্রবাসী। আপদে বিপদে উপকার পাবেন আশা করে তিনি ইংরাজ ও ভারতীয় উভয় জাতির পরিচিত ও অপরিচিতদের মাঝে মাঝে পার্টি দেন। সেই সূত্রে সূধী নামে একটি নবাগত যুবককে ডেকেছিলেন, সে আজ অনেক দিনের কথা। তখন ত জানতেন না, এখনো জানেন না, অশোকার সঙ্গে সূধীর কী সম্পর্ক দাঁড়াবে। জানলে বাধা দিতেন, কেননা স্নেহময়ের সঙ্গে সূধীর তুলনাই হয় না। কী আছে সূধীর? বংশগৌরব, না বিত্তসৌরভ? আছে বিদ্যা, কিন্তু ও বিদ্যায় লক্ষ্মীর অল্পগ্রহ নেই, ওতে শুধু সরস্বতীর সন্তোষ।

“তা হলে স্নেহময়, তুমি একস্কিউজ করে আজ বাঁচালে। তোমাকে কী বলে ধন্যবাদ দেব জানিনে। এখন চল তোমাকে নিয়ে ডিনারে বসি।”

স্নেহময় বলতে চাইল, ধন্যবাদ কেন, আমি ত আপনায় চির বশব্দ। কিন্তু সরস্বতী তার স্বর কেড়ে নিলেন।

৫

সে রাতে অশোকা স্নেহময়ের সঙ্গে দেখা করল না। তবু তার মাথার উপর ঝুলতে থাকল বাগ্‌দানের খড়্‌গ। সূধীর সাহায্য বিনা রক্ষা নেই। অশোকার কি এতখানি মনের জোর আছে যে সূধীকেও হারাবে, স্নেহময়কেও তাড়াবে? সূধী যদি তার সহায় হত তা হলে সে মা'কে চটাবার ঝুঁকি নিত, মা চটলেও বাবা বুঝতেন সে অস্বাভাবিক করেনি। কিন্তু সূধীর দ্বারা প্রত্যাখ্যাত হয়ে স্নেহময়কে প্রত্যাখ্যান করলে সে মা-বাবার সামনে দাঁড়াবে কোন ভরসায়? কার জোরে?

তার নিজের জোর যেটুকু আছে সেটুকু একটি পরগাছার। সে স্বাবলম্বী হবার স্পর্ধা রাখে না। বিয়ে তাকে করতেই হবে একদিন

না একদিন, একজনকে না একজনকে। সূধীকে না করলে স্নেহময়কে, স্নেহময়কে না করলে অল্প কোনো অপরিচিতকে। ইংরাজীতে বলে, চেনা সয়তানের চেয়ে অচেনা সয়তান ভালো। তা ছাড়া স্নেহময় তো ঠিক সয়তান ন্নয়। স্নেহময়কে সে পছন্দ করেছিল, প্রশ্রয় দিয়েছিল, সূধীর আবির্ভাবের আগে। সূধীর প্রস্থানের পরে স্নেহময়েরই দাবী অগ্রগণ্য।

না, অশোকার অল্প গতি নেই। যদি জানত যে লেখাপড়া শিখে কোনো রকম মেয়েলি চাকরি করবে তা হলে স্নেহময়কে তার সেই রাস্কুসে মোটরসহ রিদায় দিত। যে মানুষ নিজের গুণে বিকায় না সেই আসে মোটরের মুকুট পরে। শুধু তাই নয়। স্নেহময় আবার ভয় দেখান অশোকাকে না পেলে আর কাকে মোটরে করে নিয়ে বেড়াবেন! আহা, মোটরের কিবা মহিমা! একবার স্নেহময় একটি ইংরাজ তরুণীর সঙ্গে একটু মিঠে ইয়ার্কি করছে দেখে অশোকা জিজ্ঞাসা করেছিল, “মেয়েটি কে?” স্নেহময় বলেছিল, “A flame of mine.” অশোকা তা ভোলেনি। আছে স্নেহময়ের ও-স্বভাব। সেইজন্তে স্নেহময়কে বিয়ে করতে তার বিশেষ উৎসাহ নেই। কিন্তু বিয়ে যখন করতেই হবে আর সূধী যখন বিয়ুথ তখন অচেনা সয়তানের চেয়ে চেনা সয়তান ভালো, যদিও স্নেহময় ঠিক সয়তান নয়। অশোকা মনকে বোঝাল যে ক্লার্ট একটু আধটু সকলেই করে, ফ্লেম এক আধজন সকলেরই আছে।

পরদিন অশোকার মাথাব্যথা গেল, কিন্তু অনিদ্রার দরুণ অবসাদ রইল। সে বিছানায় শুয়ে থাকল, চোখ বুজে ঘুমের ভাণ করল।

তার কান কিন্তু টেলিফোনের পানে। নেলীকে বলে রেখেছিল, যদি চক্রবর্তী নামে কেউ তার খোঁজ করেন তা হলে নীচে থেকে

চৌচানো চলবে না, চুপি চুপি উপরে এসে চাপা গলায় খবর দিতে হবে। নইলে মা টের পাবেন। এই লুকোচুরির দরকার হ'ত না, যদি সুধী সুপাত্র হত। অশোকা সুধীর উপর রাগ করে আর সুধীর টেলিফোনের জন্তে কান পাতে।

ব্যর্থ প্রতীক্ষা। টেলিফোন এল বটে, কিন্তু সুধীর নয়, স্নেহময়ের। সে নাকি অশোকার জন্তে অতীব উদ্বিগ্ন, সন্ধ্যায় দেখা করতে উদ্‌গ্ৰীব। যদি শোনে অশোকা একটু ভালো আছে তা হলে সে বাগ্‌দানের প্রস্তাব করবেই, আর যদি শোনে অশোকার শরীর তেমন ভালো নয় তা হলেও তার আগমন অনিবার্য। অশোকা কিছুতেই তার সঙ্গে কথা কইতে রাজি নয়, তাকে দর্শন দিতেও প্রস্তুত নয়। মনের ধারা যেদিকে বইছে সেদিক থেকে সহসা অশুদ্ধিকে ফিরতে পারে না, ফিরতে সময় লাগে। অসময়ে মনকে ফেরাতে গেলে মনের প্রতি অত্যাচার করা হয়, সে অত্যাচার রক্তপাতের মত ভীষণ। অশোকা নেলীকে দিয়ে বলে পাঠাল, তার বিশ্রামের ব্যাঘাত করলে তার স্বাস্থ্য সারবে না।

ব্যর্থ প্রতীক্ষা সুধীর জন্তে, সুধীর কণ্ঠস্বরের জন্তে। সুধী কি সত্যি তাকে ভালবাসে না, এক ফোঁটাও না, এক কণিকাও না, এক পরমাণুও না? তবে কি সে সুধীর ভালোবাসার পাত্রী নয়, কোনো দিন ছিল না? যদি তাকে ভালোবাসত সুধী তবে কি এমন করে উপেক্ষা করত? এ কি স্বাভাবিক? মানুষ কখনো পারে এমন পাষণ্ড হতে? না হয় বুঝলুম সুধীর একটা পণ আছে, একটা স্ক্যান আছে, যার তুলনায় অশোকা তুচ্ছ। কিন্তু একবার ফোন করতে দোঁ কী? যাকে ভালোবাসত সে কেমন আছে তা কি জানতে নেই?

অশোকা ভাবল সুধী ফোন করতে সন্কোচ বোধ করছে, কিন্তু চিঠি লিখবে। চিঠির আশায় সে রাত দশটা অবধি জাগল, তবু চিঠি

এল না। তখন ধরে নিল পরদিন সকালের ডাকে আসবেই। ভালো খুঁজল না, চিঠির চিন্তা তাঁকে উতলা করল। কী থাকবে চিঠিতে কে জানে! হয়ত সুখী অকৃতপ্ত, হয়ত অশোকার সন্তে সম্মত। হরে!

হয়ত শুধু ক্ষমা চেয়ে চিঠি লিখবে। বলবে, আমি নাচার। আমার কাছে তুমি কেন অমন প্রত্যাশা করলে? আমার দেশ আগে, তার পরে তুমি।

অশোকা মনে মনে তর্ক করে। তার অভিমান উদ্বেল হয়, প্রাবিত হয় তার উপাধান। কী নিষ্ঠুর তার মহুয়া! যে নারী ওকে ভালো-বাসবে সে মরবে। অশোকা যদি না মরে তবু ক'দিন বাঁচবে! ভাবতে প্রবৃত্তি হয় না যে সে স্নেহময়ের সঙ্গিনী হবে। হলেও সুখ নেই তার কপালে। সুখ যা ছিল তা সুখী শেষ করে দিয়েছে।

দীর্ঘ সুখহীন জীবনের শঙ্কা তাকে ব্যাকুল করে। ভাবে, সুখহীন যদি হয় তবে দীর্ঘ যেন না হয়। দীর্ঘ যেন না হয়।

সকালেও চিঠি এল না। অশোকা বালিশে মাথা ঝুঁড়তে ঝুঁড়তে সুখীকে অভিষাপ দিল। কী অভিষাপে তা লিখে কাজ নেই। পরক্ষণে বলল, না, না, ছি! আমার অভিষাপ তোমায় স্পর্শ করবে না, প্রিয়তম। তুমি সুখী হবে, তোমার মত নিষ্পাপ পুরুষ সুখী না হবে কেন? সুখ ত তোমার অঙ্গে, তোমার সঙ্গে। নারী যেমনই হোক না কেন, তাকে নিয়ে তুমি সুখী হবে, কেননা সুখ ত নারীতে নয়, সুখ তোমাতে।

অশোকা ফুঁপিয়ে ফুঁপিয়ে কাঁদল। সুখ তার তরে নয়, তার সব সুখ ফুঁপিয়েছে। বিয়ে করতেই হবে একজনকে, স্নেহময়ের অপরাধ কী! কিন্তু বিয়ে করলেও যা, না করলেও তাই, সুখ তার অদৃষ্টে নেই। একা থাকলেও সুখী হবে না, স্নেহময়ের সাথী হলেও সুখী

হরে না, স্বামী হওয়া যেন প্রেমের অতীত। স্বথহীন জীবন কল্পনা করতে শিউরে ওঠে, তেমন জীবন দীর্ঘ হলেও জীবন্ত কবর।

অশোকা হাহুতাশ করে, মা'কে সংবাদ পাঠায় তার বৃকে স্বাধা, তিনি ডাক্তারকে ফোন করেন। ডাক্তার বলে, বৃকের কাঁপন অস্বাভাবিক দ্রুত। সম্পূর্ণ বিশ্রাম আর যথাবিহিত ঔষধসেবন, এ ছাড়া উপায় নেই।

অশোকার মা স্নেহময়ের কথা ভেবে বিরক্ত হন, মেয়ের দশা ভেবে বিয়ক্তি চাপেন। হঠাৎ কেন এমন হল কে বলতে পারে? তিনি কার উপর রাগ করবেন বুঝতে না পেরে স্বামীকে দোষ দেন, স্বামী ত বেশ আছেন কলকাতায়, এদিকে দুটি নাবালক নাবালিকা নিয়ে বিদেশে বেসামাল হচ্ছেন তিনি। সেই যে এডিনবরার ভাঙ্কুড়ী তাঁর ভাই, তাঁকেই টেলিগ্রাম করবেন কি না চিন্তা করলেন।

তার পরদিনও যখন স্বামীর চিঠি পেল না তখন অশোকার মাথা মাটিতে মিশিয়ে গেল। এত নিষ্ঠুর তার মনুষ্য! ওকে চিঠি না লিখে উপায় কী! লিখতেই হবে গায়ে পড়ে। সাধতে হবে আবার। অভিমানে বুক ফাটলেও মুখ ফোটে না যাদের অশোকা তাদের মত নয়। অশোকা পারে না অভিমান পুষে রাখতে, হয় হোক মাথা হেঁট। নিজের উপর তার রাগ হয়, কেন এত দুর্বল তার স্বভাব? যে মাতুষ সেদিন আলটিমেটাম দিয়ে এল সেই মাতুষ কী করে আজ কাকুতি মিনতি করবে? লজ্জা নেই কি?

লিখব? লিখব না? লিখব? অশোকা আপনাকে স্বধায়। একটি পূরা দিন কাটল এই দোটারায়। তার পরে আর বাগ্‌দান না তার মন। নিম্নজের মত হাত পাতল সেই দরজায় যেখানে পেয়েছে প্রত্যাখ্যানের অপমান। ভিখারিণীর কিবা লজ্জা কিবা মান!

অশোকা তার দুই গালে দুটি চড় মারল। বলল, ষিক, ষিক আমার অহঙ্কারকে!

• মনে মনে গুন গুন করে গাইল, সকল অহঙ্কার হে আমার ডুবাও চোখের জলে। আমার মাথা নত করে দাও হে—

কাগজ কলম নিয়ে অনেক বার খসড়া করার পর এই বকম দাঁড়াল তার চিঠি। “মানছি তুমি পার মনের ব্যথা মনে চেপে রাখতে, পার নীরব থাকতে। কিন্তু আমি তা পারিনে। তুমি ভাববে, মেয়েটা কী বেহায়া, সেদিনকার সেই কাণ্ডের পরে আবার চিঠি লেখে যে! যত্নমা, যাকে তুমি খুশি বলে ডাকতে তার মনে খুশি কোথায়? তুমি শুধু দার্শনিক, তোমার স্বথ তোমার অন্তরে, কেউ তোমাকে অস্বথী করতে পারে না। কিন্তু আমি কী করে স্বথী হব? আমার স্বথের কী ব্যবস্থা করেছে? যদি সত্যি ভালোবাসতে তবে স্বথের ব্যবস্থাও করতে। প্রিয়তম, আমি যে তোমার আলোয় আলোকিতা, তোমার আলো না পেলে নির্বাপিতা। তোমার খুশি চির অস্বথী হোক এই কি তুমি চাও? চির অস্বথীরা ক’দিন বাচে?”

চিঠিখানা ডাকবাক্সে পাঠিয়ে অশোকের ইচ্ছা হল ফিরিয়ে আনে, ছিঁড়ে কুট কুট করে। তার নির্জঙ্ঘতার এত বড় সাক্ষী আর নেই। স্বথী পড়ে হাসবে, তুলে রাখবে তার ভাবী বান্ধবীর জন্তে। ছি ছি। কোনদিন কার হাতে পড়বে ও চিঠি, কে কী ভাববে! অশোকা কঁদে আকুল হল।

৬

অশোকা যে স্বথীর কাছে ঠিক কী আশা করেছিল তা সে নিজেই জানত না। বোধ হয় চেয়েছিল একটুখানি সজস্ব, তাও পজ্ঞাবোগে

এবার ব্যর্থ হল না তার প্রতীক্ষা। স্বধীর উত্তর ফিরতি ডাকে এল। স্বধী লিখেছিল, “ভালোবেসে কেউ কাঁউকে স্বধী করতে পারে না, খুশি। তাই ভালোবাসার কাছে স্বথের প্রত্যাশা করতে নেই। ভালোবাসা আপনি একটা স্বথ। যে ভালোবাসতে জানে সে ভালোবেসেই স্বধী। আমাকে তুমি দার্শনিক বলেছ, আমি কি সেইজন্মে স্বধী? আমি প্রেমিক, আমি ভালোবাসি প্রকৃতিকে, মানুষকে। আমি ভালোবাসি বিত্তর সৌন্দর্য, পরিপূর্ণ কল্যাণ। আমার এইসব ভালোবাসা আমাকে স্বথ দেয়, নির্জলা স্বথ। স্বথের জন্মে আমি পরনির্ভর নই। খুশি, তুমিও স্বনির্ভর হও।”

এর পরে লিখেছিল, “মনে রেখো আমার ধ্যানের থেকে আমি অবিস্মিত। আমাকে তুমি বিচ্ছিন্নভাবে চেয়েছিলে, তাই এমন হল। তোমাকেও আমি নিছক নিজের জন্মে চাইনি, তাই এমন হল। যা হবার তা ত হয়েছে। এবার দ্বিধাহীন পদে অগ্রসর হও, খুশি। যাকে পিছনে রাখলে তাকে পিছনে ফেলে যাও।”

পড়তে পড়তে অশোকের চোখ থেকে ধারা ছুটল। নিজের জন্মে ততটা নয়, যাকে পিছনে রাখল তার জন্মে। সেদিন সে কি স্বধীর সঙ্গে ভদ্র ব্যবহার করেছে? স্বধীকে পিছনে ফেলে একবারও থামে নি।

সম্পূর্ণ বিশ্রামের ছল পুরানো হয়ে আসছিল, স্নেহময়কে ঠেকানো যায় না। অথচ স্নেহময়কে কথা দেবার পর স্বধী চিরকালের মত পর হয়ে যায়, অশোকা হয় পরের বাগ্‌দত্তা। তখন ত চিঠি লিখতে সাহস হবে না, চিঠি পেতেও ভয় করবে। তেমন চিঠিতে রস থাকবে কী করে?

সব স্বথ ফুরিয়েছে,, স্বথের আশা আর নেই। মনে মনে জপ করে

অশোকা। নেই, নেই, বুঝা সময় নষ্ট করে ফল কী? সোজা স্নেহময়কে কথা দিয়ে বাস্তবের সম্মুখীন হতে হবে। নিষ্ঠুর বাস্তব।

আশোকা দিন দিন শুকিয়ে যাচ্ছিল। এমন প্রচণ্ড সংঘাত তার জীবনে ঘটেনি, এমন প্রবল দোটানা। এক দিকে স্নেহময় অগ্রদিকে স্বধী হলে কথা ছিল না। একদিকে জননীর নির্বন্ধ, অগ্রদিকে স্বধীর ধ্যান। মাঝে মাঝে স্বধীর ধ্যান তাকে মুগ্ধ করে, তারা হবে চাষা আর চাষানী, স্বামী সারাদিন মাঠে কাজ করবে, স্ত্রী করবে গোনোহন, দধি মছন। স্বামী ধান আনবে, স্ত্রী ধান ভানবে। এমনি কত স্বপ্ন। কিন্তু অশোকার স্বভাবটা প্র্যাকটিকাল। যা সম্ভব নয় তার ধ্যানে বিভোর থাকা মুগ্ধতা অর্থাৎ মূঢ়তা। সে স্বধীকেই চায়, কিন্তু ধ্যানের থেকে বিচ্ছিন্নভাবে চায়। সে স্নেহময়কে চায় না, কিন্তু স্নেহময় যে জীবনপথের পথিক সে পথ ছাড়া অগ্র পথ চায় না। স্বধীর ধ্যান ও স্নেহময়ের মোটর, দুটোর মধ্যে যদি একটাকে বেছে নিতে হয় তবে মোটরকেই সে বেছে নেবে। যদিও সেটা বাক্সে তবু সেটা প্র্যাকটিকাল।

স্বধীকে অশোকা তার শেষ চিঠি লিখল। আলটিমেটামের সুরে নয়, Swan Songএর সুরে।

“তুমি বেশ বলেছ যে তোমাকে আমি তোমার ধ্যানের থেকে বিচ্ছিন্নভাবে চেয়েছিলুম, তাই এমন হল। কিন্তু, প্রেমিক, তোমার অতি সম্ভবপর বধূর প্রতি কি তোমার বিন্দুমাত্র কর্তব্য নেই? তোমার

‘মহিমা আমি মানি, কিন্তু আমার দুর্বলতা কি তুমি স্বীকার

‘নেবে না? তুমি উঠতে চাও হিমালয়ের শৃঙ্গে, কিন্তু আমি যদি ‘সে পরিমাণ শৈত্য সহিতে না পারি তবে কি তুমি আমার খাতিরে সমতলভূমিতে নামবে না? মহাশয়, তোমাকে একদিন অল্পভাপ করতে

হবে। তুমি পাবে না এমন মেয়ে যে তোমার ছায়ায় মত অল্পপতা হয়ে প্রতি কথায় সায় দেবে। হয়ত বিয়ের আগে সবভাতেই রাজি হবে, কিন্তু বিয়ের পরে একে একে গরবাজি। মনুষ্য, তুমি ঠক্‌ক, যদি মেয়েমানুষের মুখের কথা বিশ্বাস কর। তোমার জন্তে আমার সত্যি ভয় হয়, তুমি দেখবে কোনো মেয়েই তোমাকে ও তোমার ধ্যানকে একত্র ভালোবাসবে না। কেউ ভালোবাসবে তোমাকে, কেউ তোমার প্র্যানকে। হয়ত তুমি এমন নারী পাবে যে তোমার কল্পনা সম্বন্ধে তোমার চেয়েও উৎসাহী। কিন্তু সে কি তোমার জন্তে তোমাকে ভালোবাসবে? এক সঙ্গে দুই হয় না, সুধা। সুধা, তুমি পাবে না তাকে যে তোমার মানসী। সংসারে সে নেই, আছে তোমার মনে। প্রিয়তম, এখনো আমি তোমার। আরো দু' এক দিন থাকব, তারপরে থাকতে পারব না। কারণ আমি দুর্বল। আমাকে তুমি সবল করতে যদি আমার কথা রাখতে। আমার হাতের মুঠো শক্ত করতে, যদি—থাক, নাম করব না। বার বার সেই একই উক্তি শুনে তোমার অরুচি ধরেছে। আমাকে আমার এই দুর্বল মুহূর্তে বল দাও, বন্ধু। তোমার ধ্যানলোক থেকে একটুখানি নামো। এই প্রার্থনা কি অত্যধিক প্রার্থনা? একটি নারীর জীবনের অতিশয় সঙ্কটে তার প্রিয় পুরুষের কাছে এইটুকু প্রার্থনা কি সত্যি অত্যধিক?

তুমি কী উত্তর দেবে তা অনুমান করা কঠিন নয়। কিন্তু তা সত্ত্বেও আমি আশা করব যে তুমি আমাকে পরের হাতে সঁপে দেবে না। তাতে মহত্ব নেই, সেটা কাপুরুষতা। যদি তাই করতে তোমার মজি হয় তবে এইখানেই বিদায়, চির বিদায়, ওগো প্রেমিক।”

অশোকা চোখ মুছতে মুছতে এ চিঠি লিখল। লেখা শেষ হতে না হতে আবার চোখের জলে ভাসল।

তার স্মৃতির ইতি হল যেই লিখল “ইতি।” তার জীবনের উপর যবনিকা পড়ল যেই স্বাক্ষর করল নাম।

ওদিকে স্নেহময় তাড়া দিচ্ছিল মা’র মারফৎ। অশোকা মা’কে ডেকে বলল, “আমার বিশ্রাম ত প্রায় সারা হয়ে এল। স্নেহময়দাকে নেমস্তন্ন করছ কবে? পরশু?”

“বেশ। পরশু।” মিসেস তালুকদার মঞ্জুর করলেন।

অশোকা মনটাকে প্রস্তুত করে নিল। যা হবার তা ত হয়ে রয়েছে। যে মালা স্মৃতির কণ্ঠে দেবার সে মালা স্নেহময়ের গলায় দেবে। তৃতীয় পছন্দ নেই।

না, নেই। অকারণে দিন ক্ষয় করলে স্মৃতিকেও পাবে না, স্নেহময়কেও হারাবে। স্নেহময় অনেক অপেক্ষা করেছে, আর করবে না। এখন তার মোটর হয়েছে, সেই আগুনে কত পতঙ্গ ঝাঁপ দেবে। কিংবা সেই পতঙ্গ কত শিখা সজ্জান করবে। মানুষ দুর্বল, স্নেহময়ও মানুষ। সকলে ত স্মৃতি নয় যে আকাশে বিহার করবে। সাধারণের বিহার ভূতলে। সেখানে কত রকম স্থলন, কত রকম পতন।

যদিও বিশেষ ভরসা নেই তবু অশোকা আশা করে। কে জানে হয়ত স্মৃতি দুর্বলকে বল দিতে, রক্তহীনকে রক্ত দিতে, আত্মত্যাগ করবে। শিবিরাজা মাংস দিয়েছিলেন, দধীটি প্রাণ দিয়েছিলেন, স্মৃতি কি তার ধ্যান দেবে না? ধ্যানেরও সবটা নয়, অশোকা যা চায় তা ভগ্নাংশ।

স্মৃতির উত্তর যেদিন এল অশোকা দৃঢ়চিত্তে চিঠির প্রত্যেকটি শব্দ রয়েসবার পড়ল। এই সম্ভবতঃ শেষ চিঠি। স্মৃতির চরম উপভোগ।

“প্রিয়ে, তোমাকে প্রথমেই বলে রাখি, আমি এ জীবনে বিবাহ করব না। একদা স্বপ্ন দেখেছিলুম বৈরাগ্য নিয়েছি, তাই সত্য হল।

তোমার সঙ্গে পরিচয়ের পর থেকে কত বার মনে হয়েছে, এ কী কখনো সম্ভব যে তুমি আমার সহগামিনী হবে! মনে বলেছে, না, যা হবার নয় তার জন্তে নিজেকে হুলভ কোরো না। তবু আমি আশা করেছি— আমিও দুর্বল—জীবনে কত অলৌকিক ঘটনা ঘটে। তুমিও মিরান্ন ঘটাবে। সত্যবানের কীই বা ছিল! তবু সাবিত্রী ত তাকেই বরণ করে বনবাসিনী হল। তার আয়ু নেই জেনেও তার সঙ্গে ভাগ্যযোজনা করল। যে দেশে সাবিত্রী সম্ভব হয়েছে সেই দেশের কথা তুমি, অশোকা। কেন আমি তোমার কাছে ক্ষুদ্র প্রত্যাশা করব? প্রত্যাশাকে ক্ষুদ্র করলে বৃহত্তর প্রতি অগ্রায় করা হয়। রাণীর কাছে কখনো খুদ চাইতে আছে? আমি তাই খুদ চাইনি, রাণী। চেয়েছি মণিহার। যা তুমি পৃথিবীতে কারো তরে করতে না তাই আমার খাতিরে করবে এই ছিল আমার হুরাশা। আর আমি ত কেবল আমি নই, আমি ও আমার দেশ অভিন্ন। দেশের জন্তে কত মেয়ে কত ত্যাগ করেছে, ইউরোপে তার দৃষ্টান্ত ভূরি ভূরি। ভারতে সে দৃষ্টান্ত অধিক নেই বলে ভারতেরও কোনো অধিকার নেই। নারী দুর্বল, পুরুষ দুর্বল বলে দেশও দুর্বল। আশা ছিল তুমি ও আমি হব আমাদের দেশের সবল নারী ও পুরুষ। ত্যাগবলে সবল। হুরাশা, তবু হুরাশাও শ্রেয়, নিরাশা নিঃশ্রেয়। আমি দুঃস্থ, পথের পথিক, তুমি আমার হাত ধরলে আমার নিঃসঙ্গতা সঙ্গীতে ভরে উঠত।

তা হবার নয়। দুঃখ কী! যেটি যার সত্যিকার সীমা তার শাসন মানতে হয়। তুমি তোমার সীমা বুঝতে পেরেছ, সীমার শাসন মেনেছ। তুমি ভুল করনি। আমিও ঠিক করেছি। এই পরিণতি এ জন্মে দেয়। পরজন্মে তোমার প্রতীক্ষা করব, প্রিয়ে। ইহজন্মে তোমার জন্তে তপস্বী করব।”

স্বধীর চিঠি পড়ে অশোকা সরল মনে হাসল। বলল, কথাম্ব তোমার সঙ্গে কে পারবে, মনুয়া? তুমি কথার সওদাগর।

তারপরে একুটি ভরে উচ্চারণ করল, কাপুরুষ! যে নারী পায়ে পড়ে সাধছে তাকে কোলে টেনে নিতে জানে না। কাপুরুষ!

আর কী? এই শেষ। এর পরে যা আসছে তা স্বধী-অশোকায় উপাখ্যান নয়, স্নেহময় ও অশোকার।

নিমন্ত্রণের রাত্রে স্নেহময় বলল, “কত কাল তোমাকে দেখিনি। কেমন আছ, অশোকা?”

“ভালোই আছি, স্নেহময়দা। ধন্যবাদ।”

অন্তান্ত রূপাবান্তার পর আহ্বারের ফাঁকে স্নেহময় চুপি চুপি বলল, “এক্সকিউজ মী, অশোকা—”

অশোকা এ গৌরচন্দ্রিকা আগেও শুনেছে। বুঝল তার মরণ-মুহূর্ত্ত ঘনিয়ে এসেছে। নিয়তিকে এড়িয়ে বেড়াবে কত কাল! সে আজ ক্লান্ত, অপরিণীত ক্লান্ত! ধরা দিয়ে মরতে চায়, না দিলে বাঁচবে না।

“কী বলছিলে, স্নেহময়দা?”

“বলছিলুম, তুমি কি—”

“আমি কি—”

“কষ্ট করে...এই যে, কী বলছিলুম, কষ্ট করে—”

“বল না স্পষ্ট করে?” অশোকা ফিস ফিসিয়ে ধমক দিয়ে উঠল।
 “ইনি নিয়ে কত বার প্রস্তাব করা হল, এখনো সঙ্কোচ গেল না স্নেহময়দার।
 অত্যন্ত অচল অভিনেতা, পদে পদে প্রস্পট করতে হয়।

“তুমি কি কষ্ট করে রাজি হবে আমাকে—”

“তোমাকে মার দিতে?”

স্নেহময় সভয়ে বলল, “না, না, তা কি বলেছি?”

“বল না কী দিতে? তোমার দিকে চাটুনীটা পাস করে দিতে?”

“না, ধন্যবাদ। চাটুনী খেলে আমার অঞ্চল হয়।”

বহু পরিশ্রমে স্নেহময় যা ব্যস্ত করল অশোকা তা ভালো করে না শুনেই ফস করে বলে বসল, “হাঁ, আমি কষ্ট করে তোমাকে বিয়ে করতে রাজি আছি।”

তার পরে রহস্য করে বলল, “কেমন? স্বর সহিবে ত? না আজকেই?”

এ আরেক অশোকা। স্নেহময় এতটা ভাবেনি। ভ্রাতাবাচাকা খেয়ে বলল, “আজ আমি সাক্ষী কোথায় পাব? ম্যারেজ রেজিস্ট্রার রাজি হবে কেন?”

“Come, Come!” অশোকা তার ভাবী স্বামীকে দাম্পত্য কথোপকথনের নমুনা শোনাল। “মা’র কাছে কে বলেছিল এক নিঃশ্বাসে বিয়ে করে কণ্টিনেন্টে হানিমুন করতে যেতে?”

স্নেহময়টা নিতান্ত নীরবে। বলল, “সে রকম অভিপ্রায় ছিল বটে। তা বলে আজকেই ত বিয়ে করতে পারিনে। মানে আমি পারি, কিন্তু—”

“Stop it!” অশোকা স্নেহময়কে হতবাক করল। কিন্তু তার স্বর এত উচ্চে উঠল যে তার মা বুঝতে পারলেন ঠিক প্রেমালাপ নয়, অগ্নি কিছ্র।

“কী হয়েছে, ডারলিং?”

“কিছু নয়, মা। স্নেহময়দা প্রপোজ করেছেন, আমি—”

“তুমি কী বলেছ ?” মা ব্যস্ত হয়ে কণ্ঠক্ষেপ করলেন।

“আমি বলেছি, আমি ঐ রাজি।”

“থ্যাক্ গড।” মিসেস তালুকদার ভগবানের উদ্দেশে উদ্ধমুখী হলেন। তারপরে মুকুলকে ধরিয়ে দিলেন, “খী চীয়াস।”

মুকুল খী চীয়াস দিতে ওস্তাদ। তার স্কুলে ত হিপ হিপ হরে লেগেই আছে।

চীয়াস শুনে নেলী ছুটে এল, রাধুনীও। কুকুরটাও ঘেউ ঘেউ করে চীয়াস জানাল। হৈ চৈ যখন থামল তখন স্নেহময়কে দেখা গেল অশোকর সামনে দাঁড়িয়ে আংটি পরিয়ে দিতে উদ্যত। অশোকা কি সহজে পরতে চায়! আঙুলগুলোকে এমন করে বাঁকায় যে স্নেহময় দস্তরমত বকসিং করে। যেই আংটিটি পরিয়ে দেয় অমনি টপ করে নীচে পড়ে যায়। কুড়াতে কুড়াতে স্নেহময় হায়রাণ।

স্নেহময় তার ভাবী খাণ্ডীকে টিপ করে একটা প্রণাম করল দেখে সব চেয়ে আশ্চর্য্য হলেন তিনি স্বয়ং। একটু নত হয়ে দেখলেন তাঁর পায়ের কাছে রয়েছে একটি বকরাকে সোনার ত্রুচ। “ওহ্ হাউ ডেরি নাইস” বলে তিনি সেটি সযত্নে তুলে নিলেন। “থ্যাক্ ইউ, মাই চাইল্ড” বলে তিনি স্নেহময়কে আশীর্বাদ করলেন।

“হে আমার বৎসগণ,” তিনি ইংরাজীতে বললেন, “তোমরা আজ আমাকে যেমন সুখী করলে ভগবান তোমাদেরকে তেমন সুখী করুন।”

স্নেহময় উচ্ছ্বাসভরে কী যেন নিবেদন করতে চাইল, কিন্তু অশোকর মুখভাব নিবীক্ষণ করে নিবৃত্ত হল।

মিসেস তালুকদার বললেন, “বাকী থাকল পাঞ্জি দেখে বাগ্‌দানের দিও ফেলা।”

“পাঞ্জি দেখে ?” স্নেহময় চমৎকৃত হল। পাঞ্জি দেখে বিশ্বের দিন

পড়ে তা সে শুনেছে, কিন্তু বাগদানের দিন? ও হরি! পাজিতে যদি দুদিন না থাকে তবে কি ছ'মাস ধৈর্য্য ধরতে হবে?

“পাজি কেন, ক্যালেন্ডার—” স্নেহময় অত্নযোগ করতে যাচ্ছিল।

তিনি তাকে থামিয়ে দিয়ে বললেন, “ভুলে যেয়োনা, আমরা হলুম হিন্দু।”

তা বটে। স্নেহময়রা যদিও ব্রাহ্ম, অশোকারা তা নয়, তারা ক্রিয়া কলাপে হিন্দু। যাকে বলে রিফর্মড হিণ্ডু। স্নেহময়ের তার জন্তে মাথাব্যথা নেই, শস্তর খাশুড়ী যখন তার ইষ্টদেবতা তখন শস্তর-খাশুড়ীর ইষ্টদেবতার কাছে মাথা নোয়াতে তার কিসের আপত্তি? কিন্তু পাজি মানতে গেলে সবুর করতে হয়।

“মুকুল, যাও ত নিয়ে এস হিন্দু almanac. সাবধান! হিন্দু almanac বলেছি। Old Moore চাইনি।”

পাজিতে বাগদানের কথা ছিল কি না জানিনে, মিসেস তালুকদার উল্লাসভরে বললেন, “এই যে। ১লা আষাঢ় অতি শুভদিন।”

তারপর স্নেহময়ের দিকে তাকিয়ে বললেন, “তোমার দিক থেকে দেখলে একটু দেরি হয়, তা মানি। কিন্তু অশোকার বাবার পক্ষে ওই সুবিধা।”

বেচারী স্নেহময়। তার উপর ফরমাস হল সেই রাত্রেই তার ভাবী খাশুড়ীর খরচে তার ভাবী শস্তরকে cable করতে; বাগদানের দিন ১৫ই জুন। উপস্থিতি একান্ত আবশ্যক।

হায়! পাণিপ্রার্থী যুবকের বেদনা কেউ বোঝে না। টেবিলের উপর মদিরা ছিল। মিসেস তালুকদার যদিও পছন্দ করেন না, তবু এই উপলক্ষে পানীয় পরিবেশন করতে হয় বলে করা হয়েছিল। তবু তাঁর ধারণা ছিল তাঁর ভয়ে কেউ তা স্পর্শ করবে না। দেখা গেল স্নেহময় তাঁর উদ্দেশ্যে গ্লাস উচিয়ে এক গল্পে নিঃশেষ করেছে।

অশোকা লক্ষ্মী মেয়ে। কিন্তু কী যে খেয়াল চাপল তার, সেও এঁর চুমুক খেয়ে আজকের দিনটিকে স্বরণীয় করল।

সে রাত্রে অশোকা যখন ঘরে গেল তখন তার মাথা ঘুরছিল, পা টলছিল। বিছানায় আছাড় খেয়ে বালিশ চাপড়াতে চাপড়াতে বলল, “ওগো আমি কী করলুম! কী করলুম!”

পশু যেমন ফাদে পড়লে করে তেমনি ভাবে ছট্‌ফট্‌ করতে করতে বলল, “হে ঈশ্বর! হে ঈশ্বর!” ব্যাকুল স্বরে বলল, “অন্তর্ধামী, আমি ত মনে বলি নি, মুখে বলেছি। ফিরিয়ে নিতে পারিনে?”

তারপর উঠে গিয়ে মাথায় ঠাণ্ডা জলের ঝাপটা দিল। বলল, “আমার সুখ? আমার সুখ? আমার সুখ বুঝি ফুরাল?”

তার আবেল-তাবোলের আওয়াজ শুনে তার মা এসে সুখালেন, “কি হয়েছে, মণি? নেশা হয়েছে?”

অশোকা বলল, “না মা! ও কিছু নয়।”

তার মা তাকে নিজের ঘরে ধরে নিয়ে গেলেন, নিজের পাশে শোয়ালেন। সে ক্রমে শান্ত হল, ঘুমিয়ে পড়ল। ঘুমঘোরে একবার শুধু বলল, “কাপুরুষ!”

দেয়ালে ঝুলছিল হর-পার্কতীর পট, অশোকার মা নিত্য পূজা করেন। তিনি হঠাৎ উঠে প্রণাম করলেন সেখানে। বললেন, “এতদিন পরে মেয়ে আমার পরের হাতে পড়ল। বুঝতে পারছ মা’র মনের কষ্ট। কী করে এই অবোধ মেয়ে পরের ঘর করবে, কী করে একে ছেড়ে আমি বাঁচব? আশীর্বাদ কর। আমার অশোকা, আমার স্নেহময় চির সুখী হোক। হর-পার্কতী, তোমাদের কৃপায় হর-পার্কতীর মত আদর্শ দম্পতী হোক তারা।”

বাঁপ

১

না, না, আপনাদের ও ধারণা ভুল। তারাপদ চোর নয়, জোচ্চোর নয়, ধড়িৰাজ নয়। তারাপদ হচ্ছে গভীর জলের মাছ সেই যে তিনটি মাছের গল্প আছে তাদের মধ্যে যেটির না অনাগতবিধাতা সেটির নাম তারাপদ কুণ্ড।

ভারতবর্ষে যেদিন স্প্রাট ও ব্র্যাডলী গ্রেপ্তার হন ইংলণ্ডে সেদিন তারাপদের চোখে সর্ষে ফুল। তারপর যেদিন নীরাট ষড়যন্ত্র মামলা রুজু হয় সেদিন তারাপদের মনে জুজুর ভয়।

“কমরেড কুণ্ড, এ কী খবর?” তাকে ঘেরাও করে তার সাগরেদরা।

“কেন, কী হয়েছে?” তারাপদের ঠাণ্ডা মেজাজে পাইপ ধরায়। “কে না জানত যে এমন হবে? আমি ত সেই কবে থেকে ভবিষ্যদ্বাণী করে আসছি যে ইণ্ডিয়া গবর্ণমেন্ট একদিন জাল গুটিয়ে আনবে, তখন ধরা পড়বে সেই সব মাছ যারা ডুব দিতে না শিখে বুক ফুলিয়ে বেড়ায়। কেমন, ফলল কি না আমার কথা?”

কোন দিন যে তারাপদ অনন ভবিষ্যদ্বাণী করেছিল তা অবশ্য কারো স্মরণ ছিল না। স্বয়ং তারাপদ কোনো দিন কল্পনাও করেনি যে ষড়যন্ত্রের অভিযোগ উঠতে পারে।

“শাক, এ নিয়ে তোমরা উদ্বেগ বোধ করো না।”
অভয় দেয়। “মামলা ত? আর ত কিছু নয়? সাজা হলে

উপর আপীল আছে। আপীলে হারলে বড় জোর জেল বা বীপাস্তর।”

“সাকো আর ভানজেরি যে প্রাণদণ্ড—” বলে উঠল এক বেরসিক।

“হঁ। প্রাণদণ্ড অত সোজা নয় ভারতে।” তারাপদ বলতে বলতে তলে তলে শিউরে ওঠে। কে জানে, যদি প্রাণদণ্ডই হয়। “হলেই বা। আমার মনে হয় আমাদের প্রাণ এতটা মূল্যবান নয় যে আমরা ইতস্ততঃ করব। করবে তোমরা কেউ?”

— আত্মা প্রসাদের আত্মারাম জানেন প্রাণ দিতে তিনি ইতস্ততঃ করবেন কি না। বললেন, “যে কোনো নির্যাতনের জন্তে আমরা প্রস্তুত।”

“স্বত্বের সঙ্গে,” হাইদারী বললেন, “আমার বিয়ের কথা আছে।”

তারাশ্রম তার অমাত্যদের অসমসাহস দর্শন করে হুট হুট করে, কিন্তু সেই মুহূর্তে স্থির করে নিল ইংলণ্ডে আর বেশী দিন নয়; কী জানি কোন দিন না রুজু হয় কিন্স্বেরী কন্স্পিরেসী কেস!

নির্যাতনকার্যে তারাপদের উৎসাহ একটুও কমল না, অপরের বিষয়াভাব তার তামাসার খোরাক হল। “পুলিশের স্বপ্নে বিভোর থেকে না হে। পুলিশ একদিন গুভাগমন করবেই।...খুশি তোমার প্রাণ, যার জন্তে তুমি এত চিন্তিত। আমাদেরও ত প্রাণ আছে। কই, প্রাণের চিন্তা ত নেই।”

তারাপদ সকলের পিঠ চাপড়ে দেয়, বগলে হাত গুঁজে দিয়ে জড়িয়ে ধরে। “সাবাস, কমরেড। খুব ঠাটছ তুমি। এই ত চাই। কমিউনিজম প্রত্যাশা করে, প্রত্যেক কমরেড তার কর্তব্য করবে।”

হাদলের সঙ্গে তারাপদের কচিং দেখা হয়। এক বাড়ীতেই থাকলে হবে, নির্কীচনের গোলমালে কে কোথায় ছিটকে পড়ে তার ঠিক

থাকে না। হঠাৎ দেখা হয়ে গেলে তারাপদ বাদলের হাতে ঝাঁকানি দিয়ে বলে, “খুব নাম কিনলে। কই, কাউকে ত দেখলুম না তোমার মত রক্ত জল করে দিনরাত খাটতে। সাকলাতওয়ালা জিতবেনই। এবং একমাত্র তোমার জন্তে।”

বাদল অপ্রস্তুত বোধ করে। বাস্তবিক সে এতটা প্রাশংসার যোগ্য নয়। তার অনেকটা সময় যায় ব্রনস্কির ক্ল্যাটে। সেখানে মাদাম ব্রনস্কি তার মূর্তি নির্মাণ করেন আর ব্রনস্কি করেন তার সঙ্গে তর্ক। মূর্তিটা কিছুতেই তার পছন্দ হচ্ছে না। গাল দুটো চোপসা, মাথার চুল স্বল্প। বেশ, তা না হয় বাস্তবতার খাতিরে সহ্য হয়। কিন্তু বাদলের পরম সম্পদ তার চোখ দুটি। গোয়েন বলতেন, “বাদল, তোমার চোখে চোখ রেখে আমি কাকে দেখতে পাই, জান? যীশুকে।” তার সেই আশ্চর্য্য দুটি চোখ মাদাম ব্রনস্কির ক্ল্যাণে না থাকার সামিল। বাদল তাই রোজ একবার গিয়ে চোখের সঙ্গে চোখাচোখি করে, দীর্ঘ নিঃশ্বাস ফেলে জানায়, “হল না।” মাদামের অসীম ধৈর্য্য। একটি মূর্তি ভালো হলে দশটির অর্ডার আশা করেন, ভারতীয় ছাত্রেরা নিশ্চয় সকলেই রাজপুত্র।

“আমি,” বাদল সসঙ্কোচে বলে, “কীই বা করেছি! তোমায় তুলনায় আমার—”

“থাক, থাক, বলতে হবে না। তোমার সঙ্গে আমার সেই প্যাক্ট মনে আছে ত? এবার সাকলাতওয়ালা, এর পরের বার বাদল সেন, তার পরের বার তারাপদ কুণ্ড। অবশ্য ততদিনে হয়ত পার্লামেন্ট উঠে যাবে, সোভিয়েট গজাবে। কিন্তু মনে রেখো কমরেড। Gentleman's agreement.”

এমনি করে সবাইকে তারাপদ হাতে রাখে। যদি বা আঁক

কখনো কখনো মেজাজ গুরুম করেছে মীরট মামলার পর থেকে তাঁর মেজাজটি একেবারে বরফ। ডিক্টেটারগিরি ফলাতে আর যার প্রবৃত্তি হোক, তারাপদর প্রবৃত্তি নির্বাচনের ফলাপেক্ষী। সাকলাত-ওয়ালায় জয় হলে তার ভয় কিছু কমবে, অন্তত কমিউনিস্টদের পক্ষ নিয়ে পার্লামেন্ট প্রশ্ন করবার কেউ থাকবে। সাকলাতওয়ালা যদি হারেন তবে তারাপদর ইংলণ্ডে বাস করা নিরাপদ হবে না। ভারতে ফেরা ত প্রশ্নের অতীত।

তারাপদর মস্ত একটা গুণ, মনের কথা মনে মনে রাখা, কাউকেই জ্ঞাত দেয় না। তার অভিন্নহৃদয় বন্ধু কমসে কম আট জন কি দশ জন। সেই সব অন্তরঙ্গদের সঙ্গে স্খার কত রঙ্গই হয়, নাইট ক্লাব ত তারাপদ এখনো ছাড়েনি। কিন্তু যা গোপনীয় তা এক জানে তারাপদ আর জানেন বিধাতা (যদি থাকেন)। মীরট মামলার খবর পেয়ে তারাপদ যে প্যারিসের দিকে পা বাড়াবার চেষ্টা করছে তা সকলের অগোচর।

ফ্রান্সে গিয়ে পসার জমানোর জন্যে মূলধন দরকার। শুধু হাতে সে দেশে গিয়ে করবে কী? তা হলে জোগাড় করতে হয় টাকা। টাকা যা ছিল তার সবটা পাটছে কারবারে। কারবার গুটিয়ে নেবার উপায় নেই। কারবার থেকে কিছু কিছু তুলে নেওয়া চলতে পারে। তারাপদ প্রথমে সেই ফন্দি আটল। কিন্তু তাতেও যথেষ্ট হয় না। কাজেই ঠকাতে বাধ্য হয়। চুরি করতেও। যারা রাজনৈতিক কর্মী তাদের এসব নৈতিক গুটিবাই থাকা সম্ভব নয়, থাকলে কাজ মাটি হয়। দেগের জন্তে ডাকাতী করে তারাপদর পিসেমশাই জেলে গেছিলেন, ডাকাতীর মাল কুণ্ড পরিবারের তেজারতীর মূলধন হয়েছিল। এও কমিউনিজমের জন্তে

“আমার কী!” তারাপদ মনকে বোঝায়। “আমি কি টাকা নিয়ে স্বর্গে যাচ্ছি? যাচ্ছি ত মুং স্বর্গের সন্ধানে। একদা যদি শ্রেণীশূণ্য সমাজ প্রতিষ্ঠিত হয় তবে তা আমারই যত নিষ্কাম কর্মীর নিরবচ্ছিন্ন এক্সপেরিমেন্টের ফলে। ইংলণ্ডে না হয় ত ফ্রান্সে হবে। সেখানে না হয়, জার্মানীতে। রাশিয়া ত হাতের পাঁচ।”

এ বাসার নিয়ম এই যে ছোট ছোট স্টকেস যার যার শোবার ঘরে থাকে, বড় বড় স্টকেস ও ট্রাক সার্কজরীন গুদাম ঘরে। যেমন জাহাজের নিয়ম। চাবীটি তারাপদের পকেটে। সেটি নিয়ে সে বাইরে বেরিয়ে গেলে তুমি আমি নাচার। তাই তাকে চব্বিশ ঘণ্টা নোটিস দিয়ে রাখতে হয়, যদি গুদামে ঢুকে বাক্স খুলতে ইচ্ছা যায়।

নির্কীচনের কিছুদিন আগে তারাপদ আবিষ্কার করল যে বেসমেন্টের গুদামঘরে মেরামতের অবকাশ আছে, মেরামত করলে ওর পরিসর বাড়বে। অমনি হুকুম দিল মালগুলো ওখান থেকে সরিয়ে তার আফিসে পাঠাতে। সকলেই নির্কীচন উপলক্ষে ব্যস্ত, বেশীর ভাগ বাইরে ঘুরছে। তারাপদের হুকুমনামা যদিও সকলের ঘরে পৌঁছাল তবু চোখে পড়ল মাত্র দু’ একজনের। তাঁরা আপত্তি জানালেন না। স্ততরাং মাল চালান হল ইন্টারগ্রাশনাল কিন্ড এক্সচেঞ্জের আপিসে। সেখানে হাজির হবার দিন দুই পরে সাকলাতওয়ালার পরাজয়। তা শুনে তারাপদই সর্বপ্রথম তার করে ব্যথা নিবেদন করল। আর সেই দিনই মালগুলি প্রেরণ করল বিভিন্ন pawn shop এ।

কেবল স্টকেস ও ট্রাক নয়। কৃতজনের কতরকম সখের জিনিষ ছিল। বাদলের বই, ত্রাকনারের chewing gum, রবসনের ink, খেলার সরঞ্জাম, এমনি কত কী। এ সব ত অল্ কমরেড্‌স্

ম্যাসোসিয়েশনের। ইন্টারন্যাশনাল ফিল্ম এক্সচেঞ্জের বহু ফিল্ম সোর্ভিয়েট রাশিয়া থেকে আমদানি হয়েছিল। সেগুলিও চলল প্যারিসে। ছিল কতকগুলি জার্মান ফিল্মও। সব ধার করা। তারাপদ দাম দিয়ে কিনত না, ধারে আনত, ফেরৎ দিত। তার সঙ্গে কী একটা বন্দোবস্ত ছিল, খুঁটিনাটি আমরা জানতুম না। ও ব্যবসা তারাপদের একার, ওতে অগ্রাগ্র কমরেডদের অংশ ছিল না। তবে টাকা তারাপদ সকলের কাছ থেকে নিত। বলত, “লোকসান হলে টাকার আসলটা পাবে। লাভ হলে পাবে টাকার সঙ্গে বোনাস। হুদ কিংবা মুনাফা আশা করো না, কারণ কমিউনিজম ওর দ্বৈর্ভঙ্গী।”

অবশ্য এ কথা বলত কমিউনিস্টদের। মিসেস গুপ্ত ইত্যাদি বুদ্ধিজীবীদের কাছে তার অগ্র রূপ। তাঁদের বলত, “টাকায় টাকা লাভ। তা ছাড়া এটা আমাদের নিজেদের ঘরোয়া ব্যাপার। আমরাই অভিনেতা, আমরাই অভিনেত্রী, আমরাই ডিরেক্টর। আপনি কোন শার্ট পছন্দ করেন, বলুন। একবার স্টুডিওটা খোলা হোক, তারপর দেখবেন ওটা আপনারই রাজত্ব।”

২

সেইদিনই বিলাতী মুদ্রাগুলি ফরাসী মুদ্রায় রূপান্তরিত করে ফরাসী মাসকে স্থানান্তরিত করে তারাপদ নিঃশ্বাস ছেড়ে বাঁচল। এবার শুধু মাকী থাকল পাসপোর্ট ও টিকিট। তারাপদ বাসায় ফিরল।

“কমরেড হুতু,” তারাপদকে ঘিরল তার কমরেডের ঝাঁক, “এ কী ঘটন! সাকলাতওয়ালার ত হারবার কথা নয়।”

তারাপদ অগ্নানবদনে উত্তর করল, “চক্রান্ত। ক্যাপিটালিস্টরা

সব বেটাই একজোট হয়েছে। জমিদার, ব্যাংকার, ব্যারিস্টার, ডাক্তার, সিবিল সার্জেন্ট, দোকানদার—কত নাম করব, একধার থেকে সব শালাই চক্রান্ত করেছে, যাতে আমাদের ভোটসংখ্যা কম হয়।”

কমরেডরা ত তাজ্জব। এত বড় একটা চক্রান্ত চলছিল সে সংবাদ তাদের কানে যায়নি বলে নিজের নিজের কানের উপর তাদের রাগ ধরছিল, নিজের কান না হলে মলতে রাজি ছিল।

“কমরেডস্, তোমরা তোমাদের যথাসাধ্য করেছে। সাকলাত-ওয়ালার পক্ষ থেকে আমিই তোমাদের অজস্র ধনুবাদ দিই। কিন্তু যাদের উপর ব্যালট বাক্সের ভার তারাই যদি অসাধু হয় তবে তোমরা করবে কী? আমার হাতে সাক্ষী প্রমাণ আছে, আমি চ্যালেঞ্জ করতে পারি, কিন্তু জান ত? পুলিশও ক্যাপিটালিস্ট, আমাকে ধরে নিয়ে হাজতে আটক করবে। নইলে দেখতে, আমি এমন চ্যালেঞ্জ করতুম যে চারদিকে চিটি পড়ে যেত।”

এই দ্ব্যয়িত্বহীন উক্তি কেউ বিশ্বাস করল না। কেননা ইংলণ্ডের নির্বাচন ব্যবস্থা এত নিখুঁত যে তাতে অসাধুতার অবকাশ নেই। তারাপদ বুঝতে পারল যে চালটা বেচাল হয়েছে। কথাটা যুরিয়ে নিয়ে বলল, “কোথাকার পচা পার্লামেন্ট, তার আবার নির্বাচন! আমি যা বলতে চেয়েছিলুম তা এই যে এখন থেকে আমরা আমাদের সমস্ত শক্তি নিয়োগ করব প্রত্যক্ষ সংগ্রামে। নির্বাচনের দিকে ফিরেও তাকাব না।”

তারাপদের আন্তানায় ভাঙন ধরল। তারাপদ যেমন সাকলাত-ওয়ালাকে তার করেছিল ওসমান হাইদারী তেমনি তার করল প্রধান মন্ত্রী র্যামজে ম্যাকডোনাল্ডকে। আর আত্মা প্রসাদ ত কার্ড দিয়ে দেখা করে এল ভারত-সচিব ওয়েজউড বেন সাহেবের সঙ্গে।

পাসপোর্টের জন্তে যে কয়দিন দেরি হল সে কয়দিন তারাপদ অর্থকরী বিত্তীয় প্রয়োগ করল। ধীর করল চোখ বুজে। একটি যুবক একদিন অক্সফোর্ড ষ্ট্রীট দিয়ে যাচ্ছে, তাকে পাকড়াও করে বলল, “কেমন আছেন, মিঃ বোস ? নমস্কার।”

যুবকটি বলল, “আমার নাম ত বোস নয়, আপনি ভুল করেছেন।”

“বোস নয় ? তবে ত ভারি ভাবনায় পড়লুম। ঐ যে ব্যাক দেখছেন ওখানে গেছলুম টাকার আশায়। গিয়ে দেখি ব্যাক বন্ধ হবার মুখে। ওদিকে আমার মোটর রয়েছে পুলিশের পাহারায়। তেল নেই, তেল বিনা অচল। কী করি, বলতে পারেন, সার ?”

যুবকটি বিশ্বাস করল। কিন্তু পকেটে তার কয়েকটি রৌপ্যমুদ্রা ছিল, পাঁচ ছয় শিলিং মাত্র।

“নিঃশেষ, সার, আমার এই চেকখানা। এ নিয়ে একটা পাউণ্ড দিন, দয়া করে। লয়েড্‌স ব্যাঙ্কের চেক, বিশ্বাস করতে পারেন।”

যুবকটি তা দেখে বোকা বনল। “থাক, আপনার চেক নিয়ে আমার কাজ নেই। আপনি এক পাউণ্ড চান, আমি আপনাকে পাঁচ শিলিং দিতে পারি। ওতে আপনার পেট্রল কেনা হবে।”

তাই নিল তারাপদ। “থ্যাঙ্ক ইউ, মিঃ রায়।”

মিঃ রায় পরে আফশোষ করেছিলেন কেন তারাপদের চেক নেননি। নেননি রক্ষা। তারাপদের চেক যারা যারা নিয়েছিল তাদের অনেকের কাছে পুলিশ গেছল তার ঠিকানার তল্লাসে।

তারাপদের শেষটা এমন হয়েছিল যে সে বন্ধুবান্ধবের ওভারকোট পর্যন্ত ধার করত—ওভারকোট বা রেন কোট। বলা বাহুল্য সেগুলি সেকুওয়াও পোষাকের দোকানে বিক্রী করত। যথালভ।

একদিন স্নেহময়ের ওখানে উপস্থিত হয়ে তারাপদ বলল, “বড়

বিপদে পড়ে তোমার দ্বারস্থ হলুম, স্নেহময়। নইলে তোমার সেই punch আমি জীবনে ভুলব না। যাকে বলে ওস্তাদের মার। বাব্বা, আমার ঘাড়ের উপর যে মুণ্ডটা আছে সে কেবল আমি তারাপদ কুণ্ড বলেই। আর কখনো কাউকে এমন একখানি punch দিয়ে না হে। কে কখন অক্স পেয়ে তোমায় মক্কা পাঠাবে।”

স্নেহময় খোশ মেজাজে ছিল। অশোকা তাকে কথা দিয়েছে। তারাপদকে অভ্যর্থনা করে বলল, “আমি ত শুধু তোমার টুটিটা একটুখানি টিপে ধরেছিলুম। ওকে ত punch করা বলে না।”

“যার নাম চালভাজা তারই নাম মুড়ি। আমি ত তোমার মত বিখ্যাত বক্সার নই, আমি ওকেই বলে থাকি punch. কিন্তু শোন হে। আমার একটু উপকার করতে পার?”

স্নেহময় বলল, “নিশ্চয়। যদি আকাশের চাঁদ পাড়তে না বল।”

“না, আমাদের মত গরিব মানুষের ও দুরাশা নেই। চাঁদ পাবে তোমরাই। আপাতত আমাকে একখানা পাসপোর্ট পাইয়ে দাও হে।”

“কেন? কী ব্যাপার? কোথায় যাচ্ছ? আমার বাগ্‌দানের আগে তোমার যাওয়া কিছুতেই হতে পারে না। তুমি গেলে আমার best man হবে কে?” স্নেহময় কখনো এক সঙ্গে এতগুলি কথা বলে না।

“শুনে খুশি হলুম তোমার বাগ্‌দানের বার্তা, আশা করি দেরি নেই। ততদিন যদি থাকি ত অবশ্য যোগ দেব, আমাকে না ডাকলেও আমি আসবই। কিন্তু ইতিমধ্যে একটু দয়া কর। সার অতুল তোমাকে চেনেন, মিঃ মল্লিকও তোমার পিতার বন্ধু বলে শুনেছি। ওঁরা যদি এক লাইন লিখে দেন তা হলে আমার পাসপোর্ট পেতে এত অসুবিধা পোহাতে হয় না।”

“কেন ? হয়েছে কী ?”

“হবে আর কী ! আমি যে একজন কমরেড ।”

“I see ! আচ্ছা, আমি সার্ অতুলকে বুঝিয়ে বলব । তোমার যদি বিশেষ তাড়া না থাকে তা হলে একদিন ডিনারে ঠর সঙ্গে দেখা হবে । আমার খাপড়ী—”

“ভাই, তোমার যখন এমন খাপড়ীভাগ্য তখন তুমি আজ এখন আমার উপকার করতে পার । তুমি ঠকে, উনি সার্ অতুলকে ও তিনি পাসপোর্ট অফিসারকে টেলিফোন করলে মোট পনেরো মিনিটে কাজ্ হাসিল হবে । ততক্ষণ আমি বসে বসে তোমার ড্রেসিং গাউনটা পরখ করি । খাটি জিনিষ হে । কোথায় কিনলে ?”

কানেক দিয়ে কোন কাজ সমাধা হয় তারাপদ তা অভ্রান্তরূপে জানত । স্নেহময়ের দৌত্যে সেইদিনই পাসপোর্ট পাওয়া গেল । দক্ষিণাশ্বরূপ তারাপদ স্নেহময়ের ড্রেসিং গাউনটি হস্তগত করল । “ওহে একদিনের জন্তে এটি ধার দিতে পার ? কালকেই—বুঝলে ?”

স্নেহময়ের তখন দিলখুশ্ । সে শুধু ভাবছে তার বাগ্‌দানের কথা । বলল, “কাল কেন, যেদিন তোমার সুবিধা ।”

তারাপদ যেদিন অদৃশ্ হল তার বহু পূর্বেই তার অস্বাভাবিক সম্পত্তি দেশান্তরিত হয়েছিল । সঙ্গে একখানি গ্যাটাশে কেস নিয়ে সে সহজ ভাবে বাসার বাইরে গেল । কেউ অনুমানও করল না যে লোকটা ফ্রান্সে যাচ্ছে ।

রাত্রে ফিরল না । তাও এমন কিছু অস্বাভাবিক নয় । পরদিনও কেউ সন্দেহ করত না, কিন্তু পুলিশের লোক এসে খোঁজ করতে শুরু করল ।

তারপর কী করে যে রাষ্ট্র হয়ে গেল, একে একে বাড়ীওয়ালা কসাই

মুদি, দুধওয়ালা ইত্যাদি যাবতীয় পাওনাদার এসে কলরব বাধাল। তখন কমরেডদেরও মনে পড়ল যে বেসমেন্ট মেরামত হবার নামে বড় বড় স্ট্রাকেস ও ট্রাক বাসা থেকে অল্পতর সরানো হয়েছে। যাদের টাকা ছিল তারাপদর কাছে তারা হিসাব করে দেখল যে প্রায় হাজারখানেক পাউণ্ড একা কমরেডদেরই। হাইদারী, আত্মা প্রসাদ এরা বাসা ছেড়েছিল বটে, কিন্তু টাকা ফেরৎ নেয়নি, সেই টাকা ফেরার হয়েছে দেখে তাদের টনক নড়ল। কমিউনিস্ট হয়েছে তারা টাকার শোকে পুলিশের কাছে হাটাইটি অভ্যাস করল।

বাদল অল্পমনস্ক ছিল, জানত না কোথাকার জল কোথায় গড়িয়েছে। ব্রনস্কিদের ক্যাটে তার মূর্তি নির্মাণ শেষ হলেও কিসের আকর্ষণে সে পুনঃ পুনঃ সেখানে গিয়ে ঘণ্টার পর ঘণ্টা কাটিয়ে আসত, বুঝ লাধু যে জান সন্ধান। তার হৌস হল যখন পুলিশের লোক তার ঘরে ঢুকে খানাতল্লাসী করে গেল। পেল না বিশেষ কিছু। তারাপদর ঠিকানা বাদলের ঘরে থাকবে, তারাপদ এত কাঁচা ছেলে নয়। কিন্তু বাদলের আক্কেল হল। সে খবর নিয়ে টের পেল তার স্ট্রাকেস ইত্যাদি তারাপদর মত উধাও। তার টাকা ত গেছেই, খাতা কেতাব চিঠি পত্র সব গায়েব।

৩

বাদল মাথায় হাত দিয়ে বসল। বই চুরি গেলে কেনা যায়, কিন্তু বাদলের কোনো কোনো বই ছুঁখুল্য। বই তবু ব্রিটিশ মিউজিয়মে গেলে পড়তে পাওয়া যাবে, কিন্তু বাদল তার চিন্তাধারার ক্রমবিকাশের খেঁজ খুঁজে পাবে কোথায়, তার নোটগুলি যদি না মেলে? প্রতিদিন

যখন, যে ভাষনা মনে উদয় হত এক এক টুকরা কাগজে টুকে রাখত। কখনো খবরের কাগজের মার্জিনে, কখনো বাসের টিকিটের পিঠে। এ ছাড়া তার এক রাশ খাতাও ছিল, তাদের পাতায় পাতায় কত রকম আইডিয়া। এ সব মালমশলা তারাপদর কাজে লাগবে না, কিন্তু যদি কোনো ভাবুকের হাতে পড়ে তবে বাদলের আইডিয়াগুলি পরের নামে প্রচারিত হবে। চিন্তা করে মরল বাদল আর নাম করে অমর হল অণু কোনো ভাবুক! বাদলের কান্না পায়।

“আমার স্বাক্ষর! আমার স্বাক্ষর।” বাদলের চোখে বাদল নামে। “আমার চিন্তার সঙ্গে আমার স্বাক্ষর রয়েছে, আমার খাতার পাতায় আমার অদৃশ্য স্বাক্ষর! আমার নাম চুরি গেল যে! আমার নাম!”

কিন্তু এ দহনও অসহন নয়। বাদল যদি বেঁচে থাকে তবে আরো কত কী লিখবে। তার মগজ যত দিন আছে তার কাগজ চুরি গেলেও সর্বনাশ হয়নি। কিন্তু সর্বনাশ হয়েছে তার চিঠিগুলি গিয়ে। ওসব চিঠি সে কান্ধে দিয়ে আবার লেখাবে! তার অগণ্য ভক্ত তাকে অসংখ্য প্রশ্ন করেছে, সে সব প্রশ্নের সে রাত জেগে জবাব লিখেছে। ভক্তির সঙ্গে প্রীতিও পেয়েছে অশেষ, প্রীতির সঙ্গে প্রশান্তিও। কোনো কোনো চিঠি মনীষীদের লেখা, বাদলের প্রশ্নের উত্তর। যাদের অটোগ্রাফও উঁচু দরে বিক্রয় তাঁদের স্বহস্তের লিপি। হায়, তারাপদ কি এগুলির মর্ম বুঝবে! তারাপদর যেমন বিদ্যা সে ডি. এইচ. লরেন্স ও টি. ই. লরেন্স-এর পার্থক্য জানে না।

চিঠির শোকে বাদল পাগলের মত পায়চারি করতে লাগল, মাথার চুল যে ক’টি অবশিষ্ট ছিল সে ক’টি প্রায় নিঃশেষ হতে চলল।

“আমার চিঠি! আমার চিঠি কোথায় পাব! সে সব দিন কি আর ফিরবে, সে সব চিঠি কি কেউ লিখবে!” বাদল যে কেন ওসব

চিঠি নিজের কাছে না রেখে শুদামঘরে গাঠাল এর দরুণ নিজেকেই নিজের বিরুদ্ধে নালিশ করল।

“Are there two such fools in the world?” বাদল সুধাল বাওয়ার্সকে।

বাওয়ার্স সব শুনে বললেন, “It seems there are.”

তঁারও যথাসর্বস্ব গেছে। বাদলের যা গেছে তা ব্যক্তিগত, কিন্তু বাওয়ার্সের কাছে অনেক রাজনৈতিক দলিল ছিল, ওসব ইতিহাসের সামিল। গত জেনারেল ট্রাইকের সময় বাওয়ার্স ছিলেন ধর্মঘটীদের প্রক্ষে, তখন তাঁর হাত দিয়ে বহু কাগজপত্র চলাচল করেছিল। বাওয়ার্স কোনোটার নকল, কোনোটার আসল নিজের কাছে রেখে দিয়েছিলেন। পরে ইতিহাস লিখতেন।

“কিন্তু সেন,” বাওয়ার্স বাদলের হা হতাশ এক নিশ্বাসে থামিয়ে দিলেন, “আমি কি জানতে পারি কখন তুমি যাচ্ছ?”

বাদল যেন আকাশ থেকে পড়ল। “যাচ্ছি। কেন, যাব কোথায়?”

“তুমি কি লক্ষ করনি যে একে একে প্রত্যেকেই গেছে কিম্বা যাচ্ছে?” এ বাসা কুণ্ডুর নামে ইজারা। ভাড়া বাকী পড়েছে।”

বাদল অবশ্য লক্ষ্য করেছিল যে সাকলাতওয়ালার পরাজয়ের পর থেকে বিস্তর কমরেড ইস্তফা দিয়ে বিদায় নিয়েছেন। তা হলেও বাড়ী ছেড়ে দেবার প্রশ্ন ওঠেনি। বাড়ী ছেড়ে দেওয়া দূরে থাক, সে সুধীদাকে কথা দিয়েছে যে ইচ্ছা করলে এখানে এসে থাকতে পারে। সে ত এমন কোনো আভাস পায়নি যে তারাপদ অন্তর্ধান করবে।

“আমি যে ভয়ানক অপ্রস্তুত হব, বাওয়ার্স,” বাদল বলল, “যদি এ বাসা একেবারে খালি হয়ে যায়। আমি যে একজনকে এখানে এসে থাকতে বলেছি। আমার সেই বন্ধুর কাছে এখন মুখ দেখাব কী করে?”

“কুণ্ড আমাদের সকলের মুখে কালি মাখিয়ে দিয়ে গেছে। লজ্জার বাকী আছে কী?”

এ বাড়ীর আরামের পর এমন আরাম আর জুটবে না। তা বার্দল অন্তরে অন্তরে জানত। হাজার দোষ থাকুক, তারাপদ মাহুযকে আরামে রাখত। এমন সুশৃঙ্খল ব্যবস্থা বড় বড় হোটেলেও নেই। অথচ তারাপদের চার্জ মাহুযের অসাধ্য নয়। আছে, তারাপদের পক্ষে বলবার আছে। লোকটা জাঁহাজ হলেও শক্তিমান। এই ত সাজানো বাড়ী পড়ে রয়েছে। চালাক দেখি কেউ? পালাতে সবাই ওস্তাদ। দায়িত্ব নেবার বেলায় একা তারাপদ। সর্দার বটে।

“আচ্ছা, বাওয়ার্স, আমরা কি একটা কমিটি করে এ বাসা চালাতে পারিনে?”

“না, সেন। দারুণ ঝগড়াট।”

“আচ্ছা, একটা সোভিয়েট করে?”

“না, সেন। সোভিয়েট করলেও এত ঝগড়াট পোষাবে না।”

বাদল উষ্ম হয়ে বলল, “সোভিয়েট করে একটা বাসা চালাতে পার না, স্বপ্ন দেখছ একটা রাষ্ট্র চালাবার! বাওয়ার্স, তোমার লজ্জিত হওয়া উচিত।”

“আমি লজ্জিত নই। বাসার সঙ্গে রাষ্ট্রের তুলনা মন্দ উপমা।”

বাদল রাগান্বিত হয়ে বলল, “কোণঠাসা হলে তোমরা ওকথা বলবেই। কিন্তু তথ্য হচ্ছে এই যে একা কুণ্ড বা পারত একটা সোভিয়েট তা পারে না। স্টালিন যে ডিক্টেটর হয়েছে তা শুধু এইজন্যে যে সোভিয়েট ঘাটা করেছে তারা তোমার আমার মত অকেজো, অপদার্থ, ভাবপ্রবণ, তार्কিক, কলহপ্রিয়, পলায়নতৎপর।”

. বাওয়ার্স মুহূ হেসে বললেন, “হয়েছে না আরো আছে? শেষ কর তোমার কর্দ।”

“দায়িত্বহীন, দলাদলির দালাল, স্বার্থপর, যে বার খুঁটি আগলাতে ব্যস্ত, কর্তার অভাবে দিশাহারা!”

“বলে যাও, বলে যাও।”

বাদল উত্তেজনার মুখে বলে বসল, “ট্রটস্কির প্রতি অকৃতজ্ঞ!”

“এইবার ধরা পড়েছ, সেন।” বাওয়ার্স টেবল চাপড়ে হো হো করে হাসলেন। “ব্রনস্কির ওখানে শিক্ষা পাচ্ছ বেশ।”

. বাদল ঘেমে উঠল। বাস্তবিক, ব্রনস্কির শিক্ষাই বটে। তবু গভীর ভাবে বলল, “হয়ত আমার ভুল হয়েছে, কিন্তু এটা ত মানবে যে যারা একটা বাসা চালাতে পারে না তারা একটা রাষ্ট্রের ভান্স নিলে মহা ঝগড়াটে পড়বে। না ঝগড়াট কি কেবল বাসায়?”

“পয়েন্ট তা নয়।” বাওয়ার্সকে তর্কে হারানো দুঃখর। “পয়েন্ট হচ্ছে এই যে এ বাসার দেনা দাঁড়িয়েছে অনেক। দেনা শোধ করবে কে? তোমার আমার দু’জনের একটা সোভিয়েট করা সহজ। কিন্তু, তুমি আমি কি নিজের পকেট থেকে সমস্ত দেনাটা শোধ করতে পারি? তোমার বন্ধু যদি আসেন তিনিও দেনার জগ্রে দায়ী হবেন, অথচ দেনা ত তাঁর জগ্রে করা হয়নি। কেন তিনি আসতে চাইবেন, যখন শুনবেন দেনার দায়িত্ব তাঁর উপর বর্তাবে?”

বাদল চিন্তিত হল। তাই ত। দেনাটিও সামান্য নয়।

“তা হলে বুঝতে পারছ, সেন, সোভিয়েট করলে সোভিয়েট এই দেনাটি বহন করে তোমাকে আমাকে ও আমাদের মত দু’চারজনকে দোহন করতে বাধ্য হবে। দেনা শোধ করার অল্প উপায় নেই। যদি আমরা কলগের এক খোঁচায় সমস্ত দেনাটা ঘাড় থেকে ঝেড়ে

ফেলতে পারতুম, যদি পুণ্ডনাদারকে দরজা থেকে হাঁকিয়ে দিতে পারতুম তা হলে আমাদের সোভিয়েট গঠন করা সার্থক হত, যেমন ঋশিয়ায় হয়েছে। সেখানেও পূর্ববর্তী গবর্ণমেন্টের ঋণ অস্বীকার করা হয়েছে। নইলে সেই ঋণের দায়ে সোভিয়েট ব্যর্থ হত।”

বাদল বলল, “ঠিক। কিন্তু তোমার কি বিশ্বাস বর্তমান গবর্ণমেন্ট যে সব দেনা করেছে তোমার সোভিয়েট—যদি কোনো দিন এ দেশে সোভিয়েট হয়—সে সব দেনা মুছে ফেলবে? সে কি সম্ভব?”

“যদি সম্ভব না হয় তবে সোভিয়েট ব্যর্থ হবে, এই পর্য্যন্ত লিখে দিতে পারি। যাতে সম্ভব হয় সেই চেষ্টা করতে হবে।”

“বুঝা চেষ্টা, বাওয়ার্স।” বাদল প্রত্যয়ের সহিত বলল। “পরিস্কার স্ট্রেট ফ্রেন্ড কোনো দিন পায় নি। তোমাদেরও ঘাড়ে চাপবে পর্কতাকার ঋণ। সে ঋণ শোধ না করলে পাণ্ডনাদারের দল তোমাদের বিরুদ্ধে অভিযান পাঠাবে, পরাজিত হলে তোমাদের সঙ্গে অসহযোগ করবে। তোমরা অনশনে মরবে।”

বাওয়ার্স বাদলকে একটা সিগারেট বাড়িয়ে দিয়ে বললেন, “আশা করি আমরা অনশনে মরার আগে অপর পক্ষকে মরণের মুখে পৌঁছে দিয়ে যাব। আমরা আক্রমণ করব, সেন। আক্রমণও আমাদের শাস্ত্রে আছে।”

বাদল ঠিক এই জিনিষটিকে ভয় করত। শ্রেণী সংঘর্ষ! যুদ্ধ বিগ্রহ! এসব যদি অনিবার্য হয় তবে কি মানবজাতি নির্কংশ হবে না? মানবজাতির নির্বাণ ঘটলে কাকে নিয়ে জগতের বিবর্তন, কাকে নিয়ে প্রগতি, কার জন্তে সভ্যতা, কার জন্তে সংস্কৃতি? ক্যাপিটালিজম ও কমিউনিজম এদের বিরোধ যে মানবধ্বংসী!

বাদলের উক্তি শুনে বাওয়ার্স বললেন, “এর উত্তরে লেনিন স্বী বলেছিলেন তাই শেষ কথা। সাম্য প্রতিষ্ঠার জন্তে যদি পৃথিবীর বারো আনা মানুষকে মরতে ও মারতে হয় তা হলেও মাত্র চার আনা মানুষের জন্তে সাম্য প্রতিষ্ঠা করতে হবে।”

“যদি বোল আনা মানুষই মরে—”

“তা হলেও জগতের শেষ দুটি মানুষ সাম্য প্রতিষ্ঠার স্বপ্নে পরস্পরকে হত্যা করবে, কিছুতেই বৈষম্যের সঙ্গে সন্ধি করবে না।”

বাদল এসব তত্ত্ব এই নতুন শুনল তা নয়। এ. বাসায় এই হচ্ছে ডালভাত। তবে এর সঙ্গে সত্যিকার ডালভাত ছিল বলেই এ সব পেটে সহিত।

“তুমি কি তবে বলতে চাও, বাওয়ার্স,” বাদল ককণ স্বরে বলল, “বিরোধ অনিবার্য?”

“অনিবার্য।”

“কী করে এতটা নিশ্চিত হলে? যদি ক্যাপিটালিস্টরা স্বৈচ্ছায় গদি ছেড়ে দেয়।”

“স্বৈচ্ছায়?” বাওয়ার্স একটি চোখ বন্ধ করে অপর চোখে হাসলেন। “স্বৈচ্ছায় যেমন রাশিয়ার জার সিংহাসন ছাড়লেন? অসম্ভব নয়। তবে তার আগে আমাদেরও ইচ্ছাপ্রয়োগ করতে হবে, নইলে ওদের ঐ স্বৈচ্ছাটুকু অনিচ্ছায় পর্যাবসিত হবে।”

“আমার মনে হয়,” বাদল গবেষণা করল, “উভয় পক্ষে সম্মানজনক সন্ধি সম্ভব।”

“তুমি,” বাওয়ার্স বললেন, “কী উইলে আহ্বান। আর আমি

বন্ধ ডিটারমিনিষ্ট। যা হবার তা হবেই, কেউ ঠেকাতেও পারবে না, কেউ এড়াতেও পারবে না। যাদের ঘরে টাকা আছে তারা তা হুদু মুনাকায় খাটাবেই। যাদের মারকং খাটাবে তারা তা অর্জিত খাটাবার পরিসর না পেলে যুদ্ধের সস্তার নির্মাণে খাটাবে। যুদ্ধের সস্তার জমতে জমতে যুদ্ধের হেতু জমবে। সহসা একদিন যুদ্ধ বেধে যাবে—শ্রেণীতে শ্রেণীতে নয়, রাষ্ট্রে রাষ্ট্রে। যুদ্ধে যে দেশ বিব্রত হবে সে দেশে শ্রেণী সংগ্রাম বাধবে, যেমন গত যুদ্ধের সময় রাশিয়ায়। এবার কেবল একটি দেশে নয়, সব দেশেই, কেননা বিব্রত হবে সব দেশ।”

বাদল বলল, “ওটা তোমার wishful thinking.”

বার্ড্‌য়াস বললেন, “এটা বিশ্বুদ্ধ জ্যোতিষ। যেমন চন্দ্রগ্রহণ সূর্যগ্রহণ। প্রচলিত ব্যবস্থা জনসাধারণের অসহনীয় হয়ে উঠেছে। শুধু এক আঘাট দেশে নয়, সব দেশে। তবু মাতব্বরদের ধারণা আমূল পরিবর্তন না করলেও চলে, জনসাধারণকে পরম্পরের বিরুদ্ধে উত্তেজিত করে যুদ্ধে লিপ্ত করে হুদ মুনাকা দুই হাতে লুট করলেও চলে, জনসাধারণকে পরম্পরের দ্বারা উজাড় করিয়ে বেকারসংখ্যা নিমূল করলেও চলে। সেন, এ ধারণা ইতিহাসে অসিদ্ধ। এ বাসা ভাঙবেই। একে তুমি খাড়া করে রাখতে পারবে না। কমিটি দিয়েও না, সোভিয়েট দিয়েও না। আর একটি যুদ্ধ বাধলেই এর পতন অনিবার্য।”

“কিন্তু যুদ্ধ যে মানবধ্বংসী। তুমি নিজেই ত বললে যে জনসাধারণকে পরম্পরের বিরুদ্ধে লিপ্ত করে উজাড় করানো ভালো নয়।”

“ভালো নয়, কখন বললুম? ভালো মন্দের প্রশ্ন উঠছে না, সেন। যা ঘটবেই তা ভালো নয় বলে অঘটিত থাকবে না। তুমি কি মজল

কয়েক ঘটনার শ্রোত উন্টো দিকে বইকে যদি শ্রমিকদের ছুঁচুরটে খুঁচুরা স্রবিধা দেওয়া হয়? তাদের পারিশ্রমিক বাড়িয়ে দিতে পার, তাঁদের জমানো টাকা কারবারে খাটিয়ে তাদের মুনাফা জোগাতে পার, তাদের ছেলের বিনা বেতনে পড়াতে পার, সব পার, কিন্তু একটি জিনিষ পার না। পার না যুদ্ধ রোধ করতে। আর যুদ্ধ যদি একবার বাধে তবে সে শুধু আমাদেরই স্রবিধা করে দিয়ে যাবে— কমিউনিস্টদেরই স্রবিধা।”

বাদল অনেকক্ষণ চিন্তা করল। তারপর বলল, “তোমরা বোঝ কেবল একটি কথা। তোমাদের স্রবিধা। কিসে মানবের দুঃখমোচন হয় সে ভাবনা তোমাদের নেই। হয়ত ছিল গোড়ার দিকে। ইতিমধ্যে নিবেছে। এখন তোমাদের একমাত্র স্বপ্ন কিসে তোমাদের স্রবিধা হয়। তোমাদের ইতিহাসের, তোমাদের জ্যোতিষের। কিসে তোমাদের শ্রীহস্তে power আসে। কেমন?”

বাওয়ার্স আরক্ত হয়ে বললেন, “অমন ভাবে বললে কথাটা হেঁতাল শোনায়। কিন্তু আমি মানছি কথাটা সত্য। আমরা চাই power, কেন না আমরাই ওর সদ্যব্যবহার করতে পারি, অন্য কেউ পারে না।”

বাওয়ার্স ভাবাকুল স্বরে বললেন, “সেন, পৃথিবীতে স্তরে স্তরে তেল, লোহা, কয়লা, কাঠ, ধান, গম, কতরকম ভোগ্য। যে সম্পদ আছে ধরনীতে তার হিসাব নিয়ে তাকে ঠিকমত ব্যবহার করতে জানলে তার দ্বারা সকলের সব দুঃখ যাবে। কেউ অভুক্ত থাকবে না, কেউ অপরিহিত থাকবে না। সকলের শিক্ষাদীক্ষা চিকিৎসা জুটবে। সকলে গাড়ীঘোড়ায় চড়বে, ভালো বাড়ীতে থাকবে। সর্ব ধনে ধনী যে ধরনী তার বক্ষে থেকে লক্ষ লক্ষ লোক কেন সর্ব্বহারা? কারণ সে ব্যবস্থা এত দিন চলে আসছে সে ব্যবস্থার কোথাও একটা মারাত্মক

ভুল আছে। সে ভুল যারা চোখে দেখতে পায় না তারা অন্ধ। সেই সব অন্ধের দ্বারা নীহমান হয়ে পৃথিবীর আজ এই দশা। সেই সূর্য অন্ধ একদিন মানবজাতির রথ পরিচালন করে এমন গর্ভে পড়বে যে সেখান থেকে আর উদ্ধার নেই। তখন আমাদের যদি শক্তি থাকে আমরাই ঠেলে তুলব। যে ক'টি মানুষ বেঁচে থাকবে সেই ক'জনকে নিয়ে নবীন ব্যবস্থার পত্তন হবে। যদি কেউ আমাদের বিরুদ্ধাচরণ করে তবে মানবসংখ্যা আরো কমবে বলে কাতর হব না, অকাতরে কমাব।”

বাদল শুদ্ধ হয়ে গুনছিল। স্নিগ্ধ স্বরে বলল, “তোমার ক্ষত বাগুবৈদগ্ধ্য আমার নেই। আমি যা বলি তা ভোঁতা।”

“কিন্তু আমি যা বললুম তা কি সত্য বলে মনে হয় না?”

“অর্ধ সত্য। কেন না মানবের প্রতি ওদের যেমন দরদ নেই তোমাদেরও নেই দরদ। ওরা যেমন ওদের ব্যবস্থাকে বজায় রাখার জগ্গে মানুষকে পাঠাবে মরতে ও মারতে তোমরাও তেমনি তোমাদের ব্যবস্থাকে বাধাহীন করার জগ্গে মানুষকে পাঠাবে মারতে ও মরতে। মানুষের জগ্গে ব্যবস্থা না ব্যবস্থার জগ্গে মানুষ?”

“মানুষের জগ্গেই ব্যবস্থা, কিন্তু তেমন ব্যবস্থাকে বাধা মুক্ত করাও আবশ্যক।”

“বাধা,” বাদল বলল, “বাধা কি একটি? পরিশেষে টুটকি।”

“হাঁ, প্রয়োজন হলে তাঁকেও সরাতে হয়।”

“ঐ করেই উৎসন্ন যাবে রাশিয়া। আর তোমাদের যদি মানুষের প্রতি দরদ না জন্মায় তবে তোমরাও।”

বাওয়ার্স উঠতে যাচ্ছিলেন, বাদল তাঁকে আরো খানিকক্ষণ বসাল।

“এ বাসা যদি ছাড়তে হয় কোথায় যাব জানিনে। আবার কবে তোমার সঙ্গে দেখা হবে কে জানে!”

“আমারও সেই ভাবনা। কিন্তু দেখা হুব মাঝে মাঝে। যদিও আমাদের মিল তত নয় অমিল যত, তবু বাক্যালাপের দ্বারা মনটা পরিষ্কার হয়।” বাওয়ার্স বাদলকে আর একটা সিগারেট নিতে বললেন। সে নিল না।

বাদল দুই হাত দুই গালে চেপে কী যেন ভাবছিল। বলল, “সোশ্যালিজম, কমিউনিজম, আধুনিক যুগের যাবতীয় ইজম, প্রত্যেকের যাচাই হবে একই নিকষে। সে নিকষের নাম দুঃখমোচন। তুমি ধরে নিয়েছ যে দুঃখ প্রধানতঃ অন্নবস্ত্রের দুঃখ। পৃথিবী যখন অন্নপূর্ণ তখন কেন অন্নভাব? এই প্রশ্ন থেকে তোমার মতবাদ শুরু। আমার কিন্তু তা নয়। আমার কাছে দুঃখ প্রধানতঃ অপচয়ের দুঃখ। মানুষ যখন এত বুদ্ধিমান, এত হৃদয়বান তখন দিকে দিকে কেন এত অপচয়? প্রাণের অপচয়, আয়ুর অপচয়, ঘোবনের অপচয়? ধনের অপচয় ত বটেই, যারা নির্ধন তারাও অপচয় করছে তাদের সামর্থ্য ও সময়। কী করে বাঁচতে হয় তাই আমরা জানিনে, কী করে মরতে মরতে হয় তাই এত কাল শিখেছি। তুমি ইতিহাসের দোহাই দিচ্ছ। ইতিহাস আমাদের কি এই শিক্ষা দেয় না যে মারামারি কাড়াকাড়ি করে কারো মঙ্গল হয়নি? ওটা অপচয়?”

“আমি তোমার সঙ্গে একমত।” বাদলকে স্তম্ভিত করে দিলেন বাওয়ার্স। “কিন্তু মাই ডিয়ার চ্যাপ, এই প্রচলিত ব্যবস্থা রসাতলে চলেছে। একে তলিয়ে যেতে দাও, বুদ্ধিমান। এর স্থলে অভিশিক্ত হবে নবীন ব্যবস্থা, নতুন শৃঙ্খলা। তাকে রক্ষা কর, হৃদয়বান।”

বাদল দুই হাতে দুই বাহু পিষতে পিষতে বলল, “ভগবান আছেন কিনা জানিনে। কিন্তু আমি তা আছি। এই তোমার কাছে প্রতিজ্ঞা করছি, বাওয়ার্স, দুঃখমোচনের কষ্টপাথরে বা সোনার দাগ রেখে

যাবে না তাকে আমি ফোনোমতেই স্বীকার করব না, সর্বতোভাবে বাধা দেব। না ক্যাপিটালিজম, না কমিউনিজম কোনোটা ইতিহাসের লিখন নয়। যুদ্ধ যাতে না বাধে সেই হবে আমার একান্ত প্রয়াস, কিন্তু যুদ্ধের পরিবর্তে এমন কিছু আমি উদ্ভাবন করব যার দ্বারা যুদ্ধের উদ্দেশ্য সাধিত হবে, সমাজের হবে আমূল পরিবর্তন। কী করে তা সম্ভব, তা আমি জানিনে। কিন্তু বিনা যুদ্ধে আমি যুদ্ধেরই ফল চাই আর বিনা বিপ্লবে কমিউনিজমের।”

“প্রলাপ।” বলে বাওয়ার্স গা তুললেন।

৫

যুদ্ধের নাম শুনে বাদল ক্রুদ্ধ হয়ে ওঠে। মানব সে, মানবের প্রতি তার দায়িত্ব আছে, সে ত দায়িত্বহীন হতে পারে না। যে আগুনে পাড়াপড়শী সকলেরই ঘর পুড়বে, পুড়ে মরবে শিশু ও নারী, সে আগুন ধারা লাগাবে তারা যদি হয় নরপিশাচ তবে সে আগুন লাগলে যাদের সুবিধা তারাও নরাধম। যার অন্তরে লেশমাত্র মানবতা আছে সে বলবে, চাইনে সুবিধা। চাই শান্তি।

অথচ শান্তি বলতে পচা পুরুরের বন্ধ জল ও পুঞ্জীভূত পীক নয়। শান্তি হবে বেগবান শ্রোত, মুক্ত ধারা। শান্তির মধ্যে যুদ্ধের ভাব থাকবে, থাকবে শৌর্য, থাকবে সাহস, থাকবে প্রাণ নিয়ে ছিনিমিনি খেলা। বাদল অহিংসাবাদী নয়, প্রয়োজন হলে হত্যা করতেও সে পরাজু্য হবেনা। কিন্তু আধুনিক যুগের মারণাস্ত্রগুলি দিন দিন যেমন উন্নত হচ্ছে সে উন্নতি যুদ্ধকে দিন দিন এগিয়ে আনছে, কেননা অস্ত্রপরীক্ষার অস্ত্র কোনো পন্থা নেই। বাদলের বন্ধ কলিঙ্গ এরোপ্লেনের

পাইলট হতে চায়, কারণ সে পরীক্ষা করতে চায় এরোপ্লেনগুলো যুদ্ধকালে কার্যকরী হবে কিনা। ক্রমে এক দিন সেই কলিঙ্গ কেবলমাত্র পাইলট হয়ে তুষ্ট থাকবে না, বোমারু হতে চাইবে। পরীক্ষা করতে চাইবে বোমাগুলো যুদ্ধকালে কার্যকরী হবে কিনা। এইভাবে পরীক্ষা করতে করতে পরম পরীক্ষার পিপাসা জাগবে। রক্তপাতের পিপাসা। তখন “প্রয়োজন হলে হত্যা করব” এ নীতি কোথায় উবে যাবে। এর বদলে উদয় হবে “জয়ের জন্তে হত্যা করব” এই নীতি। এমনি করে মানুষ মানুষকে উজাড় করবে। মুখে আওড়াবে, “জয়ের জন্তে।” যেই জিতুক না কেন, কোটি কোটি মানুষ মরবে, মরণের মাত্রা ছাড়িয়ে যাবে। জয়ের নেশা যেমন দুটো বাঁড়কে পেয়ে বসলে দুটোকেই সাবাড় করে তেমনি দুটো দেশকেও, দু’দল দেশকেও। মাত্রা ছাড়িয়ে গেলে সমগ্র পৃথিবীকেও। না, বাদল অহিংসাবাদী নয়, কিন্তু মাত্রাবাদী। হিংসা যদি মাত্রা না মানে, প্রয়োজনের সীমানা না মানে, তবে যে ভীষণ অপচয় হয় তা মানবদেহের রক্তাপচয়ের মত প্রাণঘাতী। শরীরের নখ কাটা, চুল ছাটা মাঝে মাঝে প্রয়োজন। চিকিৎসকের নির্দেশে অস্ত্রোপচারও কদাচ কখনো প্রয়োজন। কিন্তু নেশার ঘোরে নিজের কণ্ঠচ্ছেদ বা বক্ষভেদ যে আত্মহত্যা।

আপাততঃ যুদ্ধের উপর রাগ করে বাদল বই খাতা, চিঠির শোক ভুলল। চলল ব্রনস্কির ওখানে। ব্রনস্কি ছিলেন না। ছিলেন তাঁর তরুণী ভাৰ্য্যা। তিনিই প্রথম বাদলকে নাম ধরে ডাকতে শুরু করেন।

“অল্গা,” বাদল বলল ক্লান্ত স্বরে, “আমি যে প্রায় গৃহহারা।”

বাদলের মুখে বিবরণ শুনে অল্গা বললেন, “বাদল, তুমি ত জান, একটি জায়গা আছে যেখানে তুমি সব সময় স্বাগত।”

বাদল বলল, “জানি, রাশি রাশি ধন্যবাদ। কিন্তু আমার যে কী গভীর তৃষা!”

তুষার কথায় মাদাম ঠাওরালেন বাদলের তেষ্ঠা পাচ্ছে। তিনি বললেন, “চা, না শীতল পানীয়?”

বাদল তাঁর দিকে চেয়ে বলল, “দিতে মজি হয় ত দিতে পার শীতল চা। কিন্তু তাতে আমার তৃষা যাবে না। এ আমার কিসের তৃষা বলব? জনতার সঙ্গে এক হয়ে যাবার তৃষা। আমার স্বাক্ষর গেছে, গৃহ নেই। এখন আমি চাই নামহীন গৃহহীন অচিহ্নিত জীবন, জনপ্রবাহের সঙ্গে ওতপ্রোত। বোঝাতে পারছি নে, অল্গা। স্বাধীনতার স্বত চেপে রয়েছে বৃকে নতুন একটা ভাব, নিঃশ্বাস ফেলছে বৃকে নতুন একটা অভাব।”

এই বলে বাদল অন্তমনস্ক হল। অল্গাও উঠে গেলেন।

বাদল ভাবতে থাকল, ও বাসা থেকে যেখানেই থাক টাকা লাগবে। টাকার জন্তে বাবাকে লিখতে রুচি হয় না, কোন অধিকারে নেবে ঠুর টাকা। যদি উনি শুনতে পান বাদল কোথায় ঘুরছে, কী করছে, তাহলে আপনাআপনি টাকা বন্ধ করবেন। অথচ বাদলের উপার্জন এক কপর্দক নয়। লিখে যদি বা কিছু পেত, খাতা চুরি যাবার পর সে আশাও নেই। বাদল তা হলে করবে কী? কার কাছে হাত পাতবে? কোন অধিকারে? একটা চাকরি—না, চাকরি করতে আগ্রহ নেই, যদি না সে চাকরি হয় স্বাধীনতার নামান্তর। চিন্তার স্বাধীনতাকে, বাক্যের স্বাধীনতাকে বাদল স্বাধীনতা বলে।

“ধন্যবাদ, অল্গা। তোমার সঙ্গে আর কবে দেখা হবে, জানিনে। তোমার সেই মুষ্টি নিয়ে যে কী করব, কোথায় রাখব, সেও এক সমস্যা। কেননা,” বাদল তার নিজের মনে যা অস্পষ্ট ছিল তাকে যুগ্মপং

স্পষ্ট করল ও ব্যক্ত করল, “আমি হয়ত জিপ্সীর মত পথে পথে বেড়াব।”

অলগা বিশ্বাস করলেন না, মিষ্টি হাসলেন। বাদলকে এতদিন সামনে রুসিয়ে অধ্যয়ন করছেন, তার মধ্যে যে একজন জিপ্সী আছে তা কী করে বিশ্বাস করবেন? বাদল চা চেয়েছিল, কিন্তু একবার মুখে ছুঁইয়ে আর মুখে দিল না।

“তুমি যদি অল্প কোথাও স্থান না পাও,” তিনি পুনরুক্তি করলেন, “তবে একটি জায়গা আছে সেখানে তুমি সব সময় স্বাগত।”

“কিন্তু আমি যে রিক্ত, আমি যে কপর্দকহীন।”

এ কথাও তিনি বিশ্বাস করলেন না। বললেন, “সত্যি?” তাঁর ড্রডলীটি বাদলের ভালো লাগল।

“সত্যি।” বাদলও তাঁর অম্বুবাহন করল।

“তা হলেও আমার নিমন্ত্রণ রইল।” তার পর হেসে বললেন, “তুমি কি জান না যে আমরাও নিঃস্ব?”

বাদল জানত। সেইজন্মেই ত মূর্তির অর্ডার দিয়েছিল।

ব্রনস্কি এসে পড়লেন। এই গ্রীষ্মকালেও তাঁর পায়ে জুতোর উপর স্প্যাট্‌স্‌। দস্তানা একটি পকেটে, একটি হাতে। পরিপাটি সম্ভ্রান্ত পোষাক, চোখে সোনার চশমা। চুলগুলি কাঁচাপাকা, কিন্তু যত্ন করে কাটা।

“আহ্!” হাত বাড়িয়ে দিলেন বাদলের দিকে, “স্বামী হলুম তোমাকে দেখে। কতক্ষণ এসেছ?”

“কী জানি!” বাদলের খেয়াল ছিল না, সে যেমন অন্তমনস্ক।

“বেশীক্ষণ না।” মাদাম উত্তর দিলেন।

“কমবেড ব্রনস্কি,” বাদল ~~কে~~ এতক্ষণ তাঁর স্বযোগ অবশেষ

করছিল, “আপনি যে ডিটারমিনিস্ট তা অবশ্য জানা আছে আমার।
তবু জিজ্ঞাসা করি, আপনি কি মনে করেন যুদ্ধ অনিবার্য?”

“অন্তরূপ মনে করে এমন কি কেউ আছে?”

“কেন, আমি। আমি ত মনে করি অনিবার্য যারা বলে তাদের
কিছু না কিছু স্বার্থ বা সুবিধা আছে।”

“অন্তের উপর দোষারোপ করে কী হবে? যা অনিবার্য তা
অবশ্যস্বাবী। কবে হবে সেই একমাত্র জিজ্ঞাস্য।”

বাদল গরম হয়ে বলল, “জ্যোতিষে লেখা নেই?”

ব্রনস্কি স্ত্রীকে পানীয় আনতে বলে বাদলের দিকে ফিরে বললেন,
“তুমি আমার কথা শুনতে চাও না তোমার কথা শোনাতে চাও?
আমি বলছি, শোন। যুদ্ধ বাধবেই, তবে কার সঙ্গে কার তা আমি
আন্দাজে বলতে পারব না।”

“আর বিপ্লব?”

“বিপ্লবও বাধবে। কিন্তু ওর পরিণাম সম্বন্ধে আমি সংশয়ী।
তুমি ত জান, আমার মতে জনগণ যতদিন না দৃঢ়সংকল্প হয় ততদিন
বিপ্লব একটা চোরাবালি। ওতে কমিউনিজম ভিত্তিভূমি পায় না,
পায় তার কবর। রাশিয়ায় যা ঘটছে তা কমিউনিজমের অন্ত্যেষ্টিক্রিয়া।
জনগণ দৃঢ়চেতা নয়, বোঝে না যে যেই রক্ষক সেই ভক্ষক। বিপ্লব
বাধলে অন্যান্য দেশেও স্টালিনের মত কুচক্রীর খপপরে ক্ষমতা যাবে,
জনগণ যে অক্ষম সেই অক্ষম।”

রাজা চর্চসের মুণ্ডুর মত স্টালিনের নাম যেমন করে হোক উঠবেই।
বাদল বলল, “তা হলে আপনার মতে বিপ্লবও অনিবার্য, কিন্তু
কমিউনিজম অবশ্যস্বাবী নয়।”

ব্রনস্কি তাড়াতাড়ি সংশোধন করলেন, “কমিউনিজমও অবশ্যস্বাবী,

ঝাপ

কিন্তু আগে যেমন আমার ধারণা ছিল বিপ্লবী হলেই কমিউনিজম হবে এখন আমার সে ধারণা নেই। কমিউনিজম হবে, যেদিন জনগণ দৃঢ়পণ হবে। সেদিন যে কত দিন পরে তা আমি বলতে পারব না। শুধু বলতে পারি যে, আসিবে, সেদিন আসিবে।”

“কিন্তু,” বাদল বলল, “কমিউনিজমের সঙ্গে আমার বিবাদ নাই, আমার বিবাদ শ্রেণীসংঘর্ষের সঙ্গে। পার্লামেন্টে সংখ্যাভূষ্টি হয়ে যদি কোনো দল কমিউনিজম প্রবর্তন করে তবে আমি আদৌ দুঃখিত হব না। কেননা পরবর্তী নির্বাচনে ও দলটিকে হারিয়ে দেওয়ার সম্ভাবনা থাকবে।”

ত্রনস্কি বললেন, “হায়, বাদল, সেইখানেই ত ফ্যালান। আমি স্টালিনকে বললুম, আমাকে যদি গুলি করতে চাও, কর। এই আমি খুলে দিচ্ছি বুক।” এই বলে তিনি সত্যি সত্যি কোট খুললেন। বাদল ত্রস্ত হয়ে ভাবল, তাই ত। গুলি করবেন নাকি নিজেকে ? তা নয়। ত্রনস্কি বললেন, “অসহ্য গরম। আমি যদি কোট খুলি তোমার আপত্তি আছে, বাদল ? তোমার, অলগা ?”

“এই আমি খুলে দিচ্ছি বুক। কিন্তু স্বীকার কর যে আমি জনগণের শত্রু নই। মিথ্যা অপবাদ রটিয়ে আমার মরণ ব্যর্থ কোরো না। আমি তোমার প্রতিপক্ষ, যেমন সব দেশেই থাকে অপোজিশন। শুনল স্টালিন ও কথা ?”

৬

বাদল স্থির হয়ে বসে থাকতে পারছিল না। তার ইচ্ছা করছিল জিপ্সীর মত টো টো করে খুঁড়িতে। জিপ্সীর মত বেপরোয়া,

জিপ্সুম মত চালচলোহীন্দ্র। কোথায় থাকবে, কোথায় শোবে সে ভাবনা
বাদলের নয়, বাদলের চিন্তা মানবনিয়তি।

“চললুম, কমরেড ব্রনস্কি। চললুম, অল্গা।”

“সে কী, এরই মধ্যে?” ব্রনস্কি তখনো তাঁর আখ্যায়িকা জন্মিয়ে
ভৌলেননি। তারপরে কী হল তাই বলতে যাচ্ছেন। বাদলকে
উঠতে দেখে সচকিত হলেন।

“আমাকে ঝাপ দিতে হবে।” বাদল তার সঙ্কল্প ব্যক্ত করল।
“হাই, তার উদ্যোগ করিগে।”

• “ঝাপ!” ব্রনস্কি বিস্মিত হলেন।

“হ্যাঁ, কমরেড। আমাকে তলিয়ে যেতে হবে। তবে যদি এ
সমস্তার তল পাই।”

“ঝাপ! সমস্তা!” ব্রনস্কি আরো বিস্মিত হলেন। “এসব কী,
বন্ধু সেন!” ভাবলেন ছোকরা হয়ত কারো সঙ্গে প্রেমে পড়েছে।
তাঁর ঘরগীর সঙ্গে নয় ত?

“যুদ্ধ না করে যুদ্ধের ফল, বিপ্লব না করে বিপ্লবের ফল, কী করে
লাভ করা যায় এই আমার সমস্তা।” বাদল তাঁকে আশ্বস্ত করল।
“যদি সমাধান পাই তবে দুঃখ না দিয়ে দুঃখমোচন করা চলবে। নতুবা
দুঃখমোচন করতে গিয়ে দুঃখবর্ধন করা হবে, যেমন রাশিয়ায়।”

রাশিয়ার উল্লেখে ব্রনস্কি উল্লসিত হয়ে বলতে যাচ্ছিলেন যে স্টালিন
বিজয়মান থাকতে রাশিয়ার দুঃখের পরিসীমা থাকবে না, কিন্তু বাদল
তাঁকে বলবার সুযোগ দিল না।

“চললুম, অল্গা। তোমার নিমন্ত্রণ মনে থাকবে। এই বলে
বাদল দু’জনকে গুডবাই জানিয়ে পুথে বেরিয়ে পড়ল।

এখন মার্গারেটকে খুঁজে পায় কে? মার্গারেট আগেই ঝাপ

দিয়েছে। “ঝাঁপ” শব্দটি তাঁরই। বাদলের কাছে তার একখানা পুরাতন চিঠি ছিল, চুরি যাবার মত চিঠি নয়, বাদল তা থেকে একটা ঠিকানা উদ্ধার করে সেখানে ও সেখান থেকে অল্প কয়েক জায়গায় ঘোরাঘুরি করে শেষকালে নাগাল পেল মেয়ের। সেটা একটা কটির দোকান, মার্গারেট সেখানে কটি বেক করছিল।

“ও কে, বাদল নাকি? সুখী হলুম দেখে।” এই বলে মার্গারেট তাকে দোকানের সকলের সঙ্গে পরিচয় করিয়ে দিল।

“মার্গারেট, তোমার কি আজ সময় হবে?” বাদল বলল কানে কানে। “কথা ছিল।”

বাদল ‘বান’ খেতে ভালোবাসে। অহরোধ অগ্রাহ্য করল না। এত ঘুরে তার ক্ষিদেও পেয়েছিল।

বাদলের সমস্তা শুনে মার্গারেট বলল, “কিন্তু জিপ্সী কেন? ইচ্ছা করলে শ্রমিক হতে পার।”

“শ্রমিক! উহঁ!” বাদল মাথা নাড়ল। “শ্রমিকরা ঠাওরাবে তাদের কটি কেড়ে নিচ্ছি।”

“জিপ্সীরাও তা ঠাওরাবে। যার কটির দরকার সে যদি খেতে খায় তবে ত সে সত্যি কেড়ে নিচ্ছে না।”

“জিপ্সী হলে,” বাদল পাশ কাটিয়ে বলল, “আহারনিদ্রায় জন্মে ভাবতে হয় না। শ্রমিকের সে ভাবনা আছে।”

“জিপ্সীদের সম্বন্ধে তোমার ও ধারণা রোমাটিক।” মার্গারেট হাসল। “ভাবনা যেমন শ্রমিকের তেমনি জিপ্সীর।”

“কিন্তু আহারনিদ্রায় জন্মেই যদি ভাবতে হল তবে অল্প ভাবনা ভাবব কখন? আমার যে একেবারেই সময় নেই বাজে ভাবনা ভাবতে। অথচ ওদিকে টাকার দরকার শূন্য।” বাদল সব খুলে বলল।

মার্গারেট নিজের উদাহরণ দিয়ে বলল, “আমার আহাবনিদ্রার দ্বায় তাদের উপরে যাদের জন্তে আমি খাটি। তুমি যদি আত্মকেন্দ্রিক না হও তোমার আহাবনিদ্রার ভার অল্প অনেকে নেবে। তারা হয়ত সম্পূর্ণ অচেনা লোক, প্রতিদিন নতুন।”

“তোমার কি তাই অভিজ্ঞতা?”

“হাঁ, বাদল। আমি নিজের জন্তে এক মিনিটও ভাবতে রাজি নই। আমার সমস্ত সময় যায় পরের জন্তে খাটতে। কেউ না কেউ খেতে বলে, খাই। শুতে দেয়, শুই। দেপলে ত আজ রুটি বেক করছিলুম, কাল কম্বলা বয়ে বেড়াব। যেদিন যেখানে ডাক পড়ে সেদিন সেখানে গিয়ে জুটি।”

“পরকেন্দ্রিক হতে আমার স্বভাবের বাধা।” বাদল বলল। “নইলে পরের জন্তে খাটতে কি আমার অনিচ্ছা?”

ওরা চলতে চলতে টেমস নদীর ধারে এসে পড়ল।

বাদল সহর্ষে বলে উঠল, “পেয়েছি। পেয়েছি।”

“পেয়েছ? কী পেয়েছ, শুনি!”

“রাত্রে নদীর বাঁধে শোব। একটা ভাবনা ত মিটল। বাকী থাকল আর একটা।”

মার্গারেট উৎসাহ দিল না। “ওটা একটা স্নাভভেকার, বাদল। ওতে তোমার সমস্তার সমাধান হবে না।”

বাদল তর্ক করল। কত লোক নদীর ধারে শোয়। সে কি তাদের তুলনায় ভীতু? না তার শরীর অপটু?

“তা নয়। তোমার সমস্তা ত গোড়ায় এই যে তুমি জনগণের সঙ্গে এক হয়ে যেতে চাও?”

“আমার সমস্তার সমাধানের জটিলতার সঙ্গে যেটুকু এক হওয়া

একান্ত আবগ্ৰক সেটুকু এক হস্তে আমি উৎসুক ও হতুৎক; তার আধক নয়।”

“আমি ভুল বুঝেছিলুম, বাদল।” মার্গারেট ব্যথিত হল। “অমন করে তুমি যুদ্ধের ফল পাবে না, বিপ্লবের ত নয়ই। মাঝখান থেকে জনগণের সঙ্গে এক হওয়ার যে বিশুদ্ধ আনন্দ তাও মিলবে না।”

বাদল স্বীকার করল না, তর্ক শুরু করল। মার্গারেট তাকে থামিয়ে দিয়ে বলল, “তুমি যদি একটা গ্যাডভেল্গার চাপ ত নিরাশ হবে না। নদীর বাঁধে রাত কাটানো তোমার জীবনে এই প্রথম হলেও অপরের জীবনে তা নয়। কিন্তু তার সঙ্গে জনগণের সম্পর্ক কোথায়? আর তোমার মনেও ত জনগণের প্রতি অহেতুক প্রীতি নেই, তাদের সঙ্গে এক হয়ে যেতে তোমার স্বভাবে বাধে।”

বাদল তার দিকান্তের স্বপক্ষে কত বকম যুক্তি আবিষ্কার করেছিল এই কয়েক মিনিটে। কিন্তু মার্গারেটের মুখ দেখে মনে হল সে কোনো যুক্তি শুনবে না। আসলে বাদল পরের বাড়ী গুতে প্রস্তুত নয়, কেউ গুতে ডাকলে সে যাবে না, তার লজ্জা করবে। তাই নদীর বাঁধ ছাড়া তার গতি নেই।

“গ্যাডভেল্গার বলে সব জিনিষ যদি উড়িয়ে দেওয়া হয় তবে করবার কিছু থাকে না।” বাদল অহুযোগ করল।

“সব জিনিষ নয়। যাতে পরের পরিতৃপ্তি তাতে নিজেকে নিয়োগ করলে দেখবে নিজেরও তৃপ্তি আছে। গ্যাডভেল্গারের তৃপ্তি কেবল নিজের।”

“মার্গারেট”, বাদল প্রশ্ন করল, “তুমি কি কমিউনিজম ছেড়ে দিলে?”

“কে বলল? না”, হা, নিজের প্রতিবাদ করল, “আমি আমার

মতবাদে অটল আছি। জগতে যতকাল শোষণ থাকবে ততকাল কমিউনিজমের প্রয়োজন থাকবে, শোষণ নিবারণের অস্ত্র কোনো পন্থা নেই। কিন্তু দিনরাত লোকদের উত্থান দিয়ে বেড়ালে ফল হয় উন্টো, লোকের মন ক্রমে বিমূৰ্হ হয়, লোকে ভাবে এরা শুধু ঐ একটি বিত্তা জানে।”

“এবার নির্বাচনে কমিউনিস্টদের একজনও জিতল না তার কারণ বোধ হয়,” বাদল কী বলতে যাচ্ছিল, মার্গারেট কেড়ে নিয়ে বলল, “এই যে আমাদের উপর লোকের আস্থা জন্মায়নি। লেবার পার্টির কর্মীরা অনেকদিন ধরে অনেক কষ্ট সয়েছে, ত্যাগ করেছে, সাধারণের সঙ্গে একাত্ম হয়েছে, সাধারণ তাদের চেনে ও বিশ্বাস করে। আমরাও যদি চরিত্রের দ্বারা হৃদয় জয় করি তবে মতবাদের দ্বারা রাজ্য জয় করব। চরিত্রকে উপহাস করে আমরা ভুল করেছি। আমরা ভুল ভেবেছি যে শক্তি আসে কেবলমাত্র সংঘবদ্ধ সংগ্রাম থেকে”

এসব শুনে বাদল বলল, “তোমার পার্টি কি তোমার সঙ্গে একমত?”

মার্গারেট সখেদে বলল, “না। বিপ্লব রাজনীতি ওদের মাথা খেয়েছে। ওরা বোঝে না যে লেবার পার্টির জয়ের পিছনে বিপ্লব রাজনীতি নয়, খানিকটে ধর্মনীতি রয়েছে। রাশিয়াতেও যারা কমিউনিজম পত্তন করেছিল তারা ধর্ম না মানলেও যা মানত তার জন্তে প্রাণ দিয়েছিল, দিতে উদ্ধত ছিল, ত্যাগে অভ্যস্ত ছিল, ভোগে বিতৃষ্ণ ছিল।”

বাদল ইতিমধ্যে অগ্রমনস্ক হয়েছিল। মার্গারেটকে নাড়া দিয়ে বলল, “দেখছ ও কে? ওই তোমাদের কালকের বাদল। আমি দেশলাই ফেরি করব।”

“আর একটা গ্যাভভেকার!” মার্গারেটের ঠাণ্ডা জল ঢালল।

“নদীর বাধে শোওয়া, দেশলাই বেচে খাওয়া, এই করলেই আমি শ্রেণীচ্যুত হব। তা হলে আমি টের পাব কোথায় জুতো চিমাটি কাঁটেছে। তারপরে আমি আবিষ্কার করব আমার কলকাটি, যা দিয়ে ঘটাঁব কৃষিরহীন বিপ্লব।”

৭

যাবার সময় মার্গারেট বলল, “কাল এসো, তোমাকে দেশলাই-ওয়ালার বেশে সাজাব। এই পোষাক পরে ত কেউ দেশলাই বেচে না।”

তা শুনে বাদলের চেতনা হল। তাই ত। মোটা কাপড়ের পচা সেকেন্ডহ্যান্ড কোট প্যান্টলু, টাই কলারহীন গেরো দেওয়া গলাবন্ধ, তালি পড়া জুতো। ইস্! গা ঘিন ঘিন করে।

কিন্তু উপায় নেই। সেই যে বলে, উট গিলতে আগুয়ান, মশা গিলতে পেছপাও। তেমনি দেশলাই বেচতে উদ্ভত, দেশলাইওয়ালার বেশ পরতে বিমুখ। অমন করলে চলবে কেন?

“আচ্ছা, কাল আসব, মার্গারেট।” বাদল নিরুপায়ভাবে বলল।

তারপরে স্বধীদা।

স্বধীদার ওখানে গিয়ে দেখল স্বধীদা নেই, শুনল কোথায় বেরিয়েছে, ফিরতে রাত হবে না। তখন বসল স্বধীদার ঘরে, স্বভাবের দোষে বই ঘাঁটল, কিন্তু মন লাগছিল না কিছুতেই।

জুন মাস। রাত আটটা বাজলেও দিনের আলো ঝকঝক করছে, কে বলবে যে এটা দিন নয়, রাত। কিন্তু সে ত বাইরে। বাদলের অন্তরে কিন্তু অন্ধকার, ঘোর অন্ধকার।

কী দরকার, বাপু! তুমি এসেছিলে বিলেতে পড়াশুনা করতে, পাশ করে ঘরের ছেলে ঘরে ফিরে যেতে। তা না করে তুমি রইলে মানবনিয়তির বোঝা বহিতে, দুঃখমোচনের দুঃখ সহিতে। এবার তুমি তলিয়ে যেতে চাও জনসাগরে, সেখান থেকে উঠে আসবে কোন মুক্তা নিয়ে কে জানে! তোমার চারদিকে সাগরজল—নীচে উপরে, এ পাশে ও পাশে। হে ডুবুরি, তোমার সাহস আছে ত?

বাদল একটু পায়চারি করল। তারপর স্থধীর বিছানায় শুয়ে বিশ্রাম করল। তারপর আবার পায়চারি। তারপর চেয়ারে বসে গম্ভীরভাবে ভবিষ্যতের ধ্যান করতে লাগল।

“কে? বাদল? তোর খাওয়া হয়েছে?”

বাদল চমকে উঠে চেয়ে দেখল স্থধীদা। বলল, “তোমার এখানে টেলিফোন নেই, অগত্যা সশরীরে আসতে হল। শুনবে? তারাপদ ফেরার।”

স্থধীও শুনেছিল অশোকার বাগ্‌দানের বৈঠকে। বাদল বিবরণ দিল।

তার নিজের কিছু নিয়েছে কি না বলতে গিয়ে বাদল ভেঙে পড়ল। ছোট ছেলের মত আকুল হল কঁদে।

“ভাবী কাল আমার জীবনের চিহ্ন পাবে না। আমার সাধনার নিদর্শন পাবে না। Posterity আমার নামটা পর্য্যন্ত জানবে না। আমার স্বাক্ষর চিনবে না। Oh, my signature! My signature!” বাদল লুটিয়ে পড়ল।

তার পরে স্থধী তাকে অহরোধ করল সঙ্গে থাকতে, স্থধীর ওখানে। বাদল খুলে বলল। পথে পথে দেশলাই বেচবে, কাগজ ফেরি করবে। শোবে টেমস নদীর বাধে।

“তুই কি উন্মাদ হলি?” স্বধী বলল। “চোরের উপর আভিমান করে—”

“না, না, আমাকে ভুল বুঝো না, ভাই।” বাদল বুঝিয়ে বলল যে তারাপদ তার কীই বা চুরি করেছে, কেন অভিমান করবে!

বলল, “আমার আশা চুরি গেছে, আমি যে এক রশ্মি আলো দেখতে পাচ্ছিলাম। অন্ধকার! চারি দিকে অন্ধকার!”

স্বধী বাদলের দুটি হাত ধরল। দুই বন্ধু বসে রইল নীরবে।

বাদলের মনে পড়ল, “স্বধীদা, তোমার সঙ্গে আমার হিসাবনিকাশের কথা ছিল। কত যে কথা ছিল তোমার সঙ্গে আমার। কবে সে সব হবে?”

স্বধী বলল, “সেইজন্মই ত বলছিলুম আমার সঙ্গে থাকতে।”

বাদল বলল সে নিজেই আসবে দেশলাই বেচতে, স্বধীদাকে।

তার পরে তাদের দু’জনের কথাবার্তা হল সমাজব্যবস্থাকে ঘিরে। বাদল বলল, সে একটা শ্রেণীসংগ্রাম বাধাতে চায় না, তার জন্তে অস্বাভাবিক শক্তি কাজ করেছে। সে এমন একটা টেকনিক উদ্ভাবন করবে যা কেউ এত দিন পারেনি, যা মৌলিক। কিন্তু তা করতে হলে তাকে সকলের চেয়ে নীচু হতে হবে, অধমেরও অধম।

স্বধী বাদলের হাতে চাপ দিল সম্মুখে।

“সবাই ভুলে যাবে যে বাদল বলে কেউ ছিল।” বাদল আরো কত কী বলল। “তার পরে—ধর, বিশ বছর পরে—আমি কথা কইব। কথা কইব দু’চার জনের কাছে। আর আমার সেই কথা হবে এমন কথা যার জন্তে সমস্ত জগৎ, সমস্ত যুগ, চেয়ে রয়েছে কান পেতে। এক দিনেই আমার কথা আকাশে ঝিলপে চারিয়ে যাবে, বাতাসে বাতাসে

ছড়িয়ে যাবে। আমি বিশেষ কিছু করব না। একটি বোতাম টিপব, আর অমনি তোমার সমাজব্যবস্থা সমভূম হয়ে যাবে।”

“কিন্তু এখন,” বাদল বলে চলল, “এখন আমার চোখে আলোর রেখাটিও নেই। আঁধারের পর আঁধার, তার পরে আঁধার, তার পরে আরো আঁধার। এই আঁধার পারাবার পার হব কী করে। বিশ বছর এর গর্তে গর্তবাস করব কী করে?” বাদল চোখে দেখতে পাচ্ছিল না দিনের আলো আছে কি গেছে। আকাশে তখনো আলোর আভাস ছিল।

কথা রইল বাদলের সম্বল যা কিছু আছে তা সে স্ত্রীকে পাঠাবে, স্ত্রী বিলিয়ে দেবে, ব্যবহার করবে, যেমন খুশি।

স্ত্রীদার গুধান থেকে বাসায় ফিরে বাদল দেখল পীচ তার জুড়ে খাবার নিয়ে অপেক্ষা করছে। সকলে শুতে গেছে, তারও ঘুম পাচ্ছে, কিন্তু বাদলকে না খাইয়ে সে নড়বে না।

“আমার খাবার টেবলে ঢাকা দিয়ে রেখে গেলে পারন্তে, কমরেড জেসী। মিথো কেন রাত জাগলে?”

“আপনার যেমন ভোলা মন। খেতে ভুলে যেয়েছি।” পীচ হাসল। “হয়ত দেখতেই পেতেন না যে খাবার ঢাকা রয়েছে।”

আর একবার অমন ঘটেছিল বটে। বাদল সেবার অপ্রস্তুত হয়েছিল জেসীর কাছে। তাই এবার জেসী রাত জাগছে।

“তোমার ঋণ জন্মে তুলব না।” বাদল আবেগের সঙ্গে বলল। শুধু এই নয়, জেসী তার কত সেবা করেছে ছোট বোনের মত।

“ও কী বলছেন? আপনি ত কোথাও চলে যাচ্ছেন না।

“চলে যাচ্ছি নে কী রকম? কালকেই ত যাবার কথা।”

“কালকেই!” পীচ বিশ্বাস করল না। কিন্তু কানতে বলল। তার চোখ দিয়ে জল পড়তে লাগল। প্রথমটা লক্ষ করল

না। তার এমন ক্ষিদে পেয়েছিল যে এক গ্রাসে একটি কোর্স নিঃশেষ করল।

“ও কী! তুমি কীদছ যে!” বাদল সহসা লক্ষ করল। “তোমার চাকরি থাকবে না বলে মনে খুব কষ্ট হচ্ছে বুঝি? বাস্তবিক, এ বাসা উঠে যাবার দাখিল। তোমাকে অল্প কৌথাও কাজ খুঁজে নিতে হবে, জেসী। তা তুমি পাবেও।” বাদল তাকে অভয় দিল।

তা সত্ত্বেও তার অশ্রু থামল না, বরং আরো আরো ঝরল।

মেয়েদের রীতিনীতি বাদলের অবোধ্য। সে আশ্বাস না দিয়ে বলল, “কাজ খুঁজে নিতে একটু অস্থবিধে হবে বৈকি। তবে বেশী দিন বসে থাকতেও হবে না। আমরা সবাই তোমাকে এক একখানা সুপারিশপত্র দিয়ে যাব। তা হলে তোমার আর ভয় নেই। কেমন?”

তাতেও থামে না বর্ষণ।

তখন বাদল বলে, “বুঝেছি। প্রথম মাসটা হয়ত তোমাকে ধাব করতে হবে। ভাবনার কথা বৈকি। আচ্ছা, আমরা সবাই তোমাকে কিছু কিছু বকশিস দিয়ে যাব। আমার—ভালো কথা, আমার যা কিছু সম্বল আছে তুমিই কেন নাও না, জেসী? এই স্ট ছাড়া আর কিছুই আমি সঙ্গে নিচ্ছি নে।”

পীচ অবাক হল। কিন্তু তা সত্ত্বেও তার চোপের জল বাগ মানল না। এ দিকে বাদলেরও কিছুতেই খেয়াল হল না যে মাহুষের প্রতি মাহুষের মায়্যা মমতা জন্মায়। মাহুষ মাহুষকে যেতে দিতে চায় না। তাই কাদে।

বাদলের ঘুম পাচ্ছিল। বলল, “রাত হয়েছে। যাও, ঘুমিয়ে পড়।”

পীচ কিন্তু সরল না, যেমন দাঁড়িয়েছিল তেমনি দাঁড়িয়ে রইল।

কী করে? ঘর খেঁচে দিজে বার করে দিতে পারে না, অথচ

পীচ যতক্ষণ আছে ততক্ষণ শুতে যেতেও সংস্কারে বাধে। বাদল কী ভেবে ঘর থেকে বেরিয়ে গেল, গিয়ে বাইরে পায়চারি করল। সকলের ঘর বন্ধ, কোথাও আলো নেই, একমাত্র তারই ঘর ছাড়া।

যখন ঘরে ফিরল তখনো পীচ তেমনি দাঁড়িয়ে, তবে ঘরের মাঝখানে নয়, জানালায় ঝুঁকে। তার চোখ বোধ হয় তারার দিকে।

বাদল তার কাছে গিয়ে তার হাতে হাত রাখল। বলল, “জেসী, রাত হয়েছে। ঘাও, ঘুমিয়ে পড়। কাল সকালে এসো, তোমার জন্তে কী করতে পারি দেখব।”

জেসী শুনল কি না বোঝা গেল না। তার হাত অসাড়, তার ভঙ্গীও। তার অশ্রু থেমেছে, রয়েছে একটা থমথমে ভাব।

“জেসী, কাল তোমাকে সব জিনিষ দিয়ে যাব। যা আমার আছে।”

এতক্ষণে তার মুখ ফুটল। “আমি চাইনে।”

“তবে তুমি কী চাও? তোমার জন্তে কী করতে পারি?”

“কিছু না।” এই বলে সে আবার চুপ করল।

৮

বাদলকে অবশেষে সন্ধ্যাচ বিসর্জন দিয়ে বলতেই হল যে তার ঘুম পেয়েছে, জেসী যদি দয়া করে যায় ত সে বাধিত হয়।

জেসী দয়া করল। তখন বাদল শোবার কাপড় পরে আলো নিবিয়ে বিছানায় গা ঢেলে দিল। ভাবল, আহ, কী আশ্রয়! কিন্তু কাল কোথায় থাকবে বিছানা বালিশ, কাল ঘুম হবে কী করে?

আর একটু হলেই সে ঘুমিয়ে পড়ত। অসাধারণ ক্লান্ত। কিন্তু তার মনে হল দরজার বাইরে দাঁড়িয়ে ~~হেঁচক~~ হুঁপিয়ে হুঁপিয়ে কাদছে।

বাদল- ইতস্তত করল, বিছানা থেকে উঠতে তার শক্তি ছিল না, ঘুম তার চোখ জড়িয়ে আসছিল। তবু উঠতেই হল, পরকে যদি কাদতে দেয় তবে দুঃখমোচন করবে কার ?

যা ভেবেছিল তাই। ' জেসী।

“কী হয়েছে, জেসী। তুমি ঘুমাতে যাওনি ?”

জেসী উত্তর দিল না। তখন বাদল তাকে বারবার প্রশ্ন করে এইমাত্র উদ্ধার করল যে তার দিদি ইতিমধ্যে ঘুমিয়ে পড়েছে, যে ঘরে তারা দু'জনে শোয় সে ঘর ভিতর থেকে বন্ধ। দিদিকে জাগাতে সাহস হয় না, ভাকাভাকি করলে বাড়ীশুদ্ধ সবাই জাগবে।

কী আপদ! বাদল কী করবে এত রাতে জেসীর জঙ্গে? বাড়ীর সবাইকে জাগানো ঠিক হবে না। বাইরে সারা রাত জাগিয়ে রাখাও অত্যাশ্রয়।

“আচ্ছা, বসবার ঘরে ত ঘুমাতে পার। বালিশের দরকার থাকলে আমি দিতে পারি।”

“না আমার একলা ভয় করবে।”

বাদল ভাবল জেসীকে তার ঘরটা ছেড়ে দিয়ে সে নিজেই বদবার ঘরে গিয়ে শোবে। কিন্তু সে ক্ষেত্রেও সেই একই উত্তর। আমার একলা ভয় করবে।

অগত্যা বাদল জেসীকে তার ঘরে স্থান দিল। হাতের কাছে যা পেল, স্টুটকেস, গ্যাটাশে কেস, বড় বড় বই, সব একত্র করে মেজ্জেতে একটা মঞ্চ গড়ল। তার উপর বিছানা পেতে নিজেই সেখানে শুয়ে পড়ল। জেসী কিন্তু দাঁড়িয়ে থাকল। বাদলের খাট দখল করবে জেসীর এমন স্পর্ধা ছিল না।

তখন বাদল বাধ্য হলে নিজের খাটে শুল, জেসীকে বলল মেজ্জের

বিহানায় শুতে। সে তা করল কি না দেখবার আগে বাদল ঘুমিয়ে পড়ল।

ভোরের দিকে বাইরের আলো লেগে তার ঘুম পাতলা হয়ে এল। সে অহুভব করল কে যেন তার পাশে শুয়ে তার গলাটি জড়িয়ে ধরেছে। ক্রমে তার জ্ঞান হল যে জেসীর ঘুমন্ত মুখখানি তার মুখের কত কাছে। ভোরের আলোয় কী সুন্দর দেখাচ্ছে তাকে। যেমন সরল তেমনি মধুর তেমনি পরনির্ভর।

বাদলের তখন ভাববার সাধ্য ছিল না, ঘুমের ঘোরে তার মস্তিষ্ক নিষ্ক্রিয়। তবু সে চেষ্টা করল চিন্তা করতে। তার বেশ আরাম লাগছিল সেইভাবে ঘুমোতে। কিন্তু অন্তরে একটা অস্বস্তির ভাবও ছিল। সে বিবাহিত পুরুষ, সেইজগ্রে কি? না, সেজগ্রে নয়। সে মুক্ত পুরুষ, বিবাহে তাকে বাধেনি। কেন তবে অস্বস্তি?

পাছে জেসীর ঘুম নষ্ট হয় সেই ভয়ে বাদল নড়চড় করতে পারছিল না। ওদিকে আলো পড়ছিল তার চোখের উপর, তাতে তার ঘুমের ব্যাঘাত হচ্ছিল। অস্বস্তি কি সেইজগ্রে?

ঘোল সতের বছর বয়সের এই নির্মল মেয়েটি একটি হাতে বাদলের গলাটি জড়িয়ে বিনা কথায় কী বলতে চায়? “যেতে নাহি দিব।” বলতে চায়, “যাও দেখি, বাবে কেননা করে?”

এক মুহূর্তে বাদলের কাছে সব স্পষ্ট হয়ে গেল। জেসী বাদলকে যেতে দেবে না, বেঁধে রাখবে। তাই তার কাদন। কাদন দিয়ে সে বাঁধন রচনা করবে, যাবার বেলায় বাধা দেবে। তাই তার কাদন।

এই হৃদয়দৌর্ভাগ্যকে প্রশ্রয় দিতে নেই। বাদল ধীরে ধীরে জেসীর হাতখানি সরিয়ে সোজা হয়ে উঠে বসল। জেসীরও ঘুম ভেঙে গেল। সে হঠাৎ উঠে বসে অপ্রতিভ হয়ে এক দৌড়ে ঘর থেকে বেরিয়ে গেল।

তখন বাদল দু'তিন বার হাই তুলে ভাবল আর একটু শোয়া যাক।
শুতে শুতে আবার ঘুমিয়ে পড়ল, এবার চোখে বালিশ চেপে। কয়েক
ঘণ্টা বাদে তার দরজায় কে টোকা দিচ্ছে শুনে তার ঘুম ছুটে গেল। সে
চোখ না চেয়ে চোঁচিয়ে বলল, "Come in."

"ও কী! তুই এখনো বিছানায় পড়ে!" স্বধী বলল ঘরে ঢুকে।
"প্রায় ন'টা বাজে, তা জানিস?"

"তাই নাকি?" বাদল লোক দিয়ে উঠে বসল। "ন'টা বাজে!"

"বলে বেড়াস তোর নাকি দারুণ অনিদ্রারোগ। কই, আমি ত
কোনো দিনও লক্ষ করলুম না যে তুই সকালবেলা জেগে আছিস!"

"কী করে লক্ষ করবে? আমার অনিদ্রা ত রাত্রে। জান, স্বধীদা,
কাল রাত্রে আমি কখন ঘুমিয়েছি? দেড়টায়।"

কখন এক সময় জেঙ্গী এসে বাদলের মাথার কাছে একটা টি-পয়তে
চা ইত্যাদি রেখে গেছিল। আর তুলে দিয়েছিল মেজের বিছানা।
বাদল মনে মনে ধগ্বাদ জানাল, শুধু চায়ের জগ্লে নয়, বিছানা তোলায়
জগ্লেও। নইলে স্বধীদা স্বধালে কী কৈফিয়ৎ দিত?

চা খেতে গেতে বাদল বলল, "তুমি কিছু খাবে না, স্বধীদা?"

"আমি খেয়ে বেরিয়েছি। থাক।"

মাদাম ব্রনস্কি বাদলের যে মূর্তি নির্মাণ করেছিলেন সেটা স্বধী এই
প্রথম দর্শন করল। "কার মূর্তি? জ্ঞোর?"

বাদল সগর্বে বলল, "কেমন হয়েছে? বোদায় ভাবুক মূর্তির চেয়ে
খারাপ?"

স্বধী হেসে বলল, "কতকটা সেই রকম দেখতে। তুই কি সমস্তকণ
ওই ভাবে বসেছিলি?"

বাদল লজ্জিত হয়ে বলল, "তা কেন? আমি কি জানতুম যে উনি

আমার মূর্তি গঠনের জন্তে নকশা এঁকে নিচ্ছেন? আমি আশুন মনে বসে বসে কী যেন চিন্তা করছিলুম। আমার ধারণাই ছিল না যে আমাকে বোদীর ভাবকের মত দেখতে।”

সুখী হাসি চেপে বলল, “মাদাম বোধ হয় বোদীর শিষ্যা।”

ইঙ্গিতটা বাদলের মর্মভেদ করল না। সে উচ্ছ্বসিত ভাবে বলল, “এ মূর্তি গঠন করতে অধিক সময় লাগেনি, এর প্রাণ প্রতিষ্ঠা করতে সপ্তাহের পর সপ্তাহ লেগেছে। এ যে চোখ দুটি দেখছ ওর ডগ্গে মাদামকে আমি রোজ একবার সিটিং দিয়েছি। বল দেখি, কেমন হয়েছে?”

“ভালোই।” সুখী বলল, “মাদামের চোখ আছে।”

“এখন এ মূর্তি নিয়ে আমি করি কী? কাকে দিই?” বাদল ভাবকের মত ভাবতে বসল। “তুমি কি এর দায়িত্ব নিতে পারবে, সুখীদা?”

“রাখতে বলিস, রাখব। দায়িত্ব কিসের?”

“দায়িত্ব কিসের! বল কী, সুখীদা! আমার সর্বস্ব গেছে, ভাবীকালের জন্তে একমাত্র নিদর্শন আছে এই মূর্তি। যদি হারিয়ে যায়, কি ভেঙে যায় তবে—” বাদল শিউরে উঠল।

“তবে আরো মূর্তি গড়া হবে, ছবি আঁকা হবে। ভাবনা কী, বাদল! তুই এমন ভেঙে পড়ছিল কেন? তারাপদ কী নিয়েছে তোর? কোন হুঃখে তুই নদীর বাঁধে ঝাচ্চিস?”

বাদল ততক্ষণে খাওয়া শেষ করেছিল। পায়চারি শুরু করল। “তোমাকে ত বলেছি তারাপদের জন্তে আমি নদীর বাঁধে ঝাচ্চিনে। ঝাচ্ছি আমার ক্রমবিকাশের অহুসরণে। আমার মন যেখানে এসে পৌঁছেছে সেখানকার সঙ্গে নদীর বাঁধের সংযোগ আছে। তবে

একথা ঠিক যে একদিন আগেও অতটা আমার জানা ছিল না। তারাপদ আমাকে আত্ম আবিষ্কারের উপলক্ষ দিয়ে গেছে, তাই আমি তাকে ক্ষমা করেছি।”

“তুই পাঁচচারি রাখ। পোষাক পরে নে। তোমার একটা সামাজিক কর্তব্য আছে, সেটা করে নে। তার পরে যেতে হয় নদীর বাঁধে যাবি।” স্বধী তাড়া দিল।

“মানে কী, স্বধীদা?” বাদল বিস্মিত হল।

“তোমার শ্বশুরেরও সর্বস্ব না হোক অনেক ধন গেছে। তাঁকে সাহায্য দেওয়া দরকার।”

“বল কী, স্বধীদা!” বাদল আকাশ থেকে পড়ল। “তারাপদ তাঁকেও—”

“হাঁ, তাঁকেও ঠকিয়েছে। তোমার বন্ধু বলে পরিচয় দিয়ে তাঁর বিশ্বাস লাভ করেছে, তাই তোমার একবার ধাওয়া উচিত।”

“একবার কেন, একশো বার।” বাদল অবিলম্বে প্রস্তুত হল। “একশো বার কেন, এক হাজার বার। আমার নাম করে একজন নিরীহ ভক্তমহিলাকে বঞ্চনা করা কি আমি ক্ষমা করতে পারি?”

দুই বন্ধু বাইরে যাচ্ছে এমন সময় জেসীর সঙ্গে দেখা। বাদল বলল, “জেসী, ভয় নেই, আমি এ বেলা যাচ্ছি, ওরেলা যাব।”

মেয়েটির চোখদুটি উজ্জ্বল হচ্ছে উঠল, তা স্বধীর নজর এড়াল না। স্বধী স্বধাল, “ওটি কে, বাদল?”

“আমাদের কমরেড জেসী। বড় মিষ্টি মেয়ে। আমাকে যেতে দেবে না বলে পাহারা দিচ্ছে, দেখলে ত?”

যেতে যেতে সুধী বলল, “বাদল, আমি বোধ হয় বেশী দিন ল’ঙনে থাকব না, গ্রামে যাব। যে ক’দিন আছি তোর সঙ্গে থাকতে চাই, কিন্তু নদীর বাঁধে থাকতে পারব না।”

“কেন, সুধীদা? ভয় কিসের?” বাদল পাত্রীর মত ভজাল, “নদীর বাঁধের মত অমন ঠাঠি পাবে কোথায়? খোলা আকাশ, খোলা বাতাস। মাঝে মাঝে ছ’চার ফোঁটা বৃষ্টি পড়তে পারে, তার জন্তে এত ভয়!”

“না, বাদল।” সুধী হাসল। “তুই দেখছি না শুয়েই শোবার সুখ উপভোগ করেছিস। কিন্তু আমি এসব বিষয়ে সংশয়বাদী।”

“তুমি”, বাদল মহা বিরক্ত হয়ে বলল, “কিছুই দেখবে না, কিছুই শিখবে না, কেবল মিউজিয়াম আর ঘর! তোমার মত মানুষকে আমরা বলে থাকি এসকেপিষ্ট। তোমরা বাস কর গজদন্তের গম্বুজে। তুমি ত বেহালাও বাজাও।”

“বেহালা নয়, বাঁশি।”

“একই কথা।” বাদল উষ্ণ হয়ে উঠল। “পৃথিবীর সম্মুখে ঘোর সঙ্কট। যুদ্ধ কি বিপ্লব, কী যে ঘটবে তার ঠিক নেই। আর তুমি কিনা ছিন্নবাধা পলাতক বালকের মত,” বাদলের মনে পড়ল রবীন্দ্রনাথের কবিতা, “সারা দিন বাজাইলে বাঁশি।”

“রহকাল বাজাইনি, বাদল। ইচ্ছা করে সারা রাত বাজাতে।” সুধী গায়ে পেতে নিল বাদলের অভিযোগ।

“না, তোমাকে দিয়ে কিছু হবে না।” বাদল হতাশ হয়ে হাল ছাড়ল। “তুমি এসকেপিষ্ট। তোমার পলাতক মনোবৃত্তি কী করে দূর হবে জানিনে। সারা রাত বাঁশি বাজানো যে সমস্তার মুখোমুখি

হতে অস্বীকার তা কি তুমি বুঝবে যে তোমাকে বোঝাব! তোমার মত অবুঝ লোক হয়ত হেসে উড়িয়ে দেবে যে এটা সমাজের প্রতি বিশ্বাসঘাতকতা।”

সুধী শান্ত ভাবে বলল, “বিশ্বাসঘাতকতা কিসের?”

বাদল সৰ্ব্বজ্ঞের মত মাথা নেড়ে বলল, “তুমি তা হলে Julien Bendaর বইখানা পড়নি। তোমরা বুদ্ধিজীবীরা বিশ্বাসঘাতকতা না করলে সমাজের এ দশা হত না। তোমরা সারাদিন বাঁশি বাজিয়েছ, খোজ রাখনি কী করে একদল চালাক লোক পরিভ্রমীদের মাথা ঘর কাঁঠাল ভেঙে ফলার করেছে। তোমাদেরকে দিয়েছে কাঁঠালের ছিবড়ে, তাই খেয়ে তোমাদের এমন নেশা জমেছে যে তোমরা সারা দিন বাঁশি বাজিয়েছ, আর ভেবেছ এ ব্যবস্থা চিরকাল চলবে।”

“এসব ত জানতুম না, বাদল।” সুধী স্বীকার করল। “তুই আয়, আমার সঙ্গে থাক, আমাকে বুঝিয়ে দে কবে কেমন করে কার প্রতি বিশ্বাসঘাতকতা করেছি।”

বাদল রাজি হল না। বলল, “তোমার সঙ্গে থাকতে কি আমার অসাধ! কিন্তু আমার পূর্বজীবনকে আমি পশ্চাতে ফেলে এসেছি। আমাকে এগিয়ে যেতে হবে অনিশ্চিতের অভিমুখে, অন্ধকারের গর্ভে। আমাকে আবিষ্কার করতে হবে কলকাটি। আমি এমনি করে একটি বোতাম টিপব,” বাদল অভিনয় করে দেখাল, “আর সমুদ্র হতে যাবে তোমাদের এই অপক্লপ সমাজব্যবস্থা। এই বর্ণচোরা শোষণব্যবস্থা।”

বাদল বোধ হয় চোখে বোতাম দেখছিল, সুধী তার হাত ধরে টেনে না সরালে মোটরের সামনে গুড়ত।

“তোমার জন্তে আমার ভয় হয়, বাদল। তুই যে কোন দিন দেশলাই ফেরি করতে করতে মোটর চাপা পড়বি কে জানে।”

“তা হলে ত বেঁচে যাই, স্বধীদা। অহোরাত্র একটা না একটা চিন্তা নিয়ে আছি, আর সব চিন্তার গোড়ায় সেই একই চিন্তা—হুঃখমোচন। আচ্ছা, বল দেখি আমার কেন এত মাথাব্যথা! তোমার ত কই কোনো দুর্ভাবনা নেই?”

স্বধী হেসে বলল, “আমি যে বিশ্বাসঘাতক।”

“না, না, পরিহাসের কথা নয়, স্বধীদা। এই যে তুমি বিলেতে আছ, তোমার খরচ আসছে জমিদারির প্রজাদের কাছ থেকে কিম্বা জীবনবীমার কোম্পানীর কাছ থেকে। কোম্পানি ও টাকা লাভের ব্যবসায় খাটিয়েছিল, ও টাকা শোষণের টাকা। তুমি তোমার এই খরচের কী হিসাব দিচ্ছ, শুনি? দর্শনশাস্ত্র অধ্যয়ন করছ। তাতে কার কী প্রাপ্তি? প্রজারাই বা কী পাচ্ছে, শোষিতদের পাওনা কী ভাবে মিটছে? আমি ত এইজন্তে বাড়ী থেকে টাকা নেব না স্থির করেছি। বাবার টাকা যে গবর্ণমেন্ট দিচ্ছে সে ত শোষণের উপর সুপ্রতিষ্ঠ।”

“এ সব তত্ত্ব আরো ভালো করে শুনতে চাই বলে তোকে আবার ডাকছি, বাদল, তুই আয়, আমার সঙ্গে কিছু দিন থেকে আমাকে বুঝিয়ে দে এ সব। তোর সঙ্গে অনেক তর্ক আছে।”

বাদল বলল, “না। আজকেই আমাকে ঝাঁপ দিতে হবে।”

“ঝাঁপ!” স্বধী চমকে উঠল।

“হাঁ। জনসাগরে তলিয়ে গিয়ে এই সমস্তার তল খুঁজব—এই শোষণ সমস্তার ও এর কুধিরহীন সমাধানের।”

“বাদল, তোকে নিকংসাহ করব না। কিন্তু দিন কয়েক আমার সঙ্গে বাস করে তার পরে ঝাঁপ দিতে দোষ কী?”

“স্বধীদা, আমি কৃতসংকল্প।”

সুধী যে বাদলকে সকাল বেলা পাকড়াও করেছিল তা শুধু তার স্বাভাবিক প্রতি সামাজিক কর্তব্যের অহুরোধে নয়। তাকে নদীর বাধ থেকে নিবৃত্ত করে নিজের কাছে কিছু দিন রাখার অভিপ্রায় প্রবল হয়েছিল। সুধী গত রাত্রে ভাববার অবসর পায়নি, অশোকা তার মন জুড়েছিল। আজ ভোরে উঠে ভেবে দেখল বাদল যদি সত্যি সত্যি দেশলাই বেচে তবে তার বাবা স্তন্যে পেলে সুধী সম্বন্ধে কী মনে করবেন!

কিন্তু বাদলের উপর জোর খাটে না, তাকে বকলে সে রাগ করে দেশলাই কেন, জুতোর ফিতে বেচবে। নদীর বাধে কেন, গাছতলায় শোবে। পরে তা নিয়ে থানা পুলিশ করতে হবে।

“বেশ, তুই যা করতে চাস তা কর। কিন্তু ভুলে যাসনে এ দেশে ভবঘুরেদের জন্তে আইন আছে।”

“আইন!” বাদল আঁতকে উঠল। “তা হলে ত মাটি করেছে!” বাদল জিজ্ঞাসা করল, “তুমি ঠিক জান?”

“তুই আইনের ছাত্র। ঠিক জানার কথা ত তোরাই। আমি যে গজদস্তের গম্বুজে থাকি।”

বাদল বিচলিত হয়ে বলল, “মার্গারেট গত কাল আমাকে সতর্ক করেনি। আইন! তুমি বলতে চাও ভবঘুরে বলে সন্দেহ করে আমাকে জেলে পুরবে?”

“সম্ভব। সেই জন্তেই ত বলি, আর, আমার কাছে কিছু দিন থাক, আইনের খবর নে। তার পরেও নদী থাকবে, নদীর বাধ থাকবে, তারা পলাতক হবে না।”

বাদল ধরা দিল না। বলল, “অত আটঘাট বেধে ঝাঁপ দেওয়া কি

ঝাঁপ! ঝাঁপ দিতে হয় চোখ বুজে। যদি জেলে নিয়ে যায় ত'যাব। দেখব মানুষ মানুষকে কত কষ্ট দেয়।”

বাদলের স্বাভূতী মিসেস গুপ্ত তখন জিনিষপত্র লরীতে বোঝাই করতে দিয়ে জন কয়েক বান্ধব বান্ধবীর সঙ্গে গল্প করছিলেন। স্বধীবাদলকে দেখে কাষ্ঠ হাসি হাসলেন। “এই যে তোমরাও এসে পড়েছ। কোথায় শুনলে যে আমি স্বাস্থ্যের জন্তে সুইটজারলণ্ডে যাচ্ছি? আর একটু দেরি হলে দেখা হত না।”

স্বধীর ইচ্ছা ছিল সহানুভূতি জানাবে, কিন্তু তিনি যে স্বাস্থ্যের জন্তে যাচ্ছেন এই সংবাদেই পর সহানুভূতির কথা তুলে তাঁকে বিভ্রত করা উচিত নয়। বাদল কিন্তু ফস করে বলে বসল, “আমি যে কী ভয়ানক

তিনি ঠাণ্ডারালে বাদল লজ্জিত উজ্জয়িনীর প্রতি কর্তব্য করেনি বলে। বললেন, “স্বখী হলুম, বাদল, তোমার সুমতি দেখে। এখনো বেবী এ দেশ ছাড়েনি। তাকে চিঠি লিখো, সে হয়ত তোমার কাছে আসবে।”

এই বলে তিনি মুখ ফেরালেন। তাঁর অন্তঃস্থ অভ্যাগতদের সঙ্গে আলাপ ফেনিয়ে উঠল। শুধু আলাপ নয়, ফেনিয়ে উঠল আরো একটি দ্রব্য। না, দ্রব্য নয়, দ্রব।

তাঁরাও সহানুভূতি জানাতে এসেছিলেন। তিনি তাঁদের নিরস্ত করে বলছিলেন, “ও কিছু নয়। আর্টের প্রতি আমার একটা দুর্বলতা আছে। আর্টের নামে কেউ কিছু চাইলেই অমনি দিয়ে ফেলি, ফিরে পাবার আশা রাখিনে।”

কিন্তু তাঁর মুখে গভীর নিরাশার দাগ ছিল। তাঁর চোখের চাউনি যেমন সজল তাঁর ঠোঁটের কাঁপুনিও তেমনি স্বাভাবিক। স্বধী উচ্চবাচ্য

করল না। বাদল আর এক বার কী বলতে চেষ্টা করছিল, স্থধী জ্বাৰ গা টিপল।

“অভ্যাগতরা বিদায় নিলে তিনি স্থধীর দিকে ফিরে বললেন, “তার পর, স্থধী? তোমার ভারী অঙ্কুত লাগছে, না? দেখ, আমার স্বাস্থ্য সত্যিই এ দেশে টিকছে না। রাজ্যের দেশ বলেই আছি, নইলে কোন কালে চলে যেতুম। সুইটজারলণ্ডের মত দেশ আর হয় না। গুথানকার হাওয়ায় দু’দিনেই বেঁচে উঠব। বাদল, তুমি অবশ্য ইংলণ্ডের পক্ষে ওকালতী করবে। কিন্তু এ দেশ অসহ। তোমরাও পার ত এসো সুইটজারলণ্ডে। বেবীকে লিখে আনাও না, বাদল? তোমারই ত স্ত্রী। আচ্ছা, এখন তা হলে গুড বাই। স্টেশনে আসতে চাও? Oh, how kind of you!” বলে তিনি কেঁদে ফেললেন। •

প্রত্যাবর্তন

১

উজ্জয়িনী যাবার সময় স্বধীকে অহরোধ করেছিল, “চিঠি লিখতে এক দিনও ভুলো না।...মনে রেখো।”

স্বধীও ঠিক প্রতিদিন না হলেও প্রায়ই চিঠি লেখে। না লিখলে উজ্জয়িনী টেলিগ্রাম করে, জানতে চায় অস্বস্থ করেছে কি না। বেচারিকে অথবা খরচ করিয়ে লাভ কী? তার চেয়ে একখানা পোস্টকার্ডের পিঠে দু’চার ছত্র লিখে রোজ ডাকে দেওয়া কঠিন নয়। স্বধী কিন্তু রোজ সেটুকুও পারে না, নিজের চিন্তায় মগ্ন থাকে।

তা ছাড়া তার চিঠি লেখার ধরণ এই যে সে মামুলি চিঠি লেখে না। দু’ লাইন হোক, চার লাইন হোক যাই লিখুক ভালো করে ভেবে ও গুছিয়ে লেখে। তাই তার চিঠির সংখ্যা কম। উজ্জয়িনীর খাতিরে সে যেমন তেমন করে দু’ চার ছত্র লিখে দায় সারতে পারে না। তাই মাঝে মাঝে গাফিলি হয়।

“শুধু লিখলে চলবে না। কীতিমত বড় চিঠি লিখতে হবে। বুঝলে?” উজ্জয়িনী শাসন করে। “আমি যত বড় চিঠি লিখি তুমিও তত বড় চিঠি লিখবে। মনে রেখো।”

সর্বনাশ! উজ্জয়িনীর এক একটা চিঠি যে এক একখানা পুঁথি। কোথায় কী দেখেছে, কার সঙ্গে কী নিয়ে আলাপ হয়েছে, এসব ত থাকেই, থাকে সুপ্রচুর উচ্ছ্বাস। এত দিন পরে সে জীবনকে উপভোগ করতে শিখেছে, তার কোনো ক্ষোভ নেই, আক্ষেপ শুধু এই

যে স্বধীদা তার মত স্বধী নয়। হতভাগ্য স্বধীদা! তার প্রিয়া তারক প্রত্যাখ্যান করেছে। তা সত্ত্বেও সে কেন যে লগুনে পড়ে আছে! কতি কী যদি আমেরিকা যাত্রা করে, আমেরিকার পথে ভারতে?

“স্বধীদা ভাই, তোমার জন্তে আমার মন সব সময় খারাপ। যখন কিছু উপভোগ করি তখন মনে হয়, আহা! স্বধীদা ত উপভোগ করছে না। এমন দৃশ্য একা উপভোগ করা অস্বাভাবিক। স্বধীদা, তোমার জন্তে দৃশ্যপট পাঠাতে পারি, দৃশ্য পাঠাতে পারিনে। কাজেই তোমাকে আমি বার বার বলি, তুমি চলে এসো, যোগ দাও আমাদের সঙ্গে।”

এর উত্তরে স্বধী লেখে, “আমার জন্তে মন খারাপ করিসনে। আমি প্লেটো পড়ছি। সেও এক অপূর্ণ উপভোগ।”

“আচ্ছা,” উজ্জয়িনী লেখে, “এখন ত অশোকের উপদ্রব নেই, আমারও উৎপাত নেই। তোমার হাতে রাশি রাশি সময়। কেন তবে তোমার মনের ছবি কলম দিয়ে আঁকো না? আমার কত কাজ। তবু আমি রোজ রাতে শোবার আগে তোমাকে দশ বারো পৃষ্ঠা লিখি। তুমি যে আমার ঘুমের অংশ নিচ্ছ তার বিনিময়ে কী দিচ্ছ, বল ত?”

এর উত্তরে স্বধী—“বাঃ তোমার উৎপাত নেই কী রকম! তোমার চিঠি পড়তে যে আমার পুরো আধ ঘণ্টা লাগে। আর তুমি কি জানিসনে যে আমি স্বল্পভাবী?”

উজ্জয়িনী—“আহ্ স্বধীদা! তুমি স্বল্পভাবী বলে কি এতদূর স্বল্পভাবী! অশোকের বেলায় কি এমন স্বল্পভাবী ছিলে? আমি গো জানি। তুমি এক এক জনের কাছে এক এক রকম। না, ওসব গুরুত্ব না। বোঁবাকে কথা কওয়াব। যদি লম্বা চিঠি না পাই তবে—থাক, আজ আর বললুম না। আমার মাথায় অনেক ছোট বুদ্ধি আছে। যথাকালে টের পাবে।”

এর পরে সুধী কিছুদিন পোস্ট কার্ফের বদলে খামে ভরা চিঠি লিখেছিল। তাতে লগুনের হালচাল জানিয়েছিল। ফলে উজ্জয়িনী প্রসন্ন হয়েছিল। লিখেছিল, “তুমি পারো সবই, কিন্তু তার জন্তে শাসন দরকার। যাক, এখন লক্ষ্মী ছেলের মত সকলের খবর দিয়ে। কে কেমন আছে—ক্রিস্টিন, সোনিয়া, বুলুদা। বুলুদা বোধ হয় আমার উপর অভিমান করেছে আমি চিঠি লিখিনি বলে। কিন্তু আমিও তোমারই মত স্বল্পবাক। যা কিছু বলবার তা একজনকে বলতেই নিঃশেষ হয়ে যায়। অপরের জন্তে থাকলে ত বলব! ভালো কথা, মা’র চিঠি পাচ্ছিনে কেন? অস্ব্থ করেনি আশা করি।”

ঠিক এই সময় তারাপদ ফেরার হয়। তারপর উজ্জয়িনীর মা সুইটজারলণ্ড চলে যান। যদিও বাদল সম্বন্ধে উজ্জয়িনী বেশমাত্র অন্তরঙ্গিত নয়, তবু তারাপদের অন্তর্ধানের পরে বাদলও সম্পদান করে। এসব খবর দস্তরমত জবর। সুধী বেশ ফলাও করে লিখল। তার আশঙ্কা ছিল উজ্জয়িনী হয়ত ভাববে সুধী যথেষ্ট চেষ্টা করেনি, করলে কি বাদল অমন করে নদীর বাঁধে শুত, দেশলাই বেচে খেত?

“চেষ্টা করলে বাদলকে আমি নিরস্ত করতে পারতুম।” সুধী সাফাই দিল। “কিন্তু সেটা হত নেহাৎ গায়ের জোর। পরে সে এই বলে অভিযোগ করত যে আমার জন্তে তার জীবন ব্যর্থ হল। আমি কি তার জীবনের ব্যর্থতার দায়িত্ব নিতে পারি! আমি লগুনে যে কতদিন পারি থাকব, তার খোজ খবর রাখব, যদি তার অস্ব্থ করে শুধু গ্রেপ্তার করে আনব। অথবা যদি সে নিজেই গ্রেপ্তার হয় তবে তার জামিন দাঁড়াব। আপাতত এই আমার পরিকল্পনা। তুই নিশ্চিন্ত মনে উপভোগ কর, বাদলের ভার আমার উপর ছেড়ে দে। আর যদি তোর ইচ্ছা করে স্বামীর ভার নিতে তবে চলে আয়,

আমেরিকা বাসনে। সেট কথা, তুই স্বাধীন, যেমন বঙ্গদল স্বাধীন।”

এর উত্তরে উজ্জয়িনী—“আমার স্বামী কাকে বলছ? তিনি ও সম্পর্ক স্বীকার করেন না, আমিও স্বীকার করতে পারছি। তিনি ও আমি পরস্পরের কমরেড হতে পারতুম, কিন্তু সেদিন তাঁর মুখে যা শুনলুম তার পরে তাতেও আমার অরুচি। না, আমি তাঁর ভার নিতে পারব না, স্বধীদা। সত্যি বলতে কি, আমি তাঁকে এড়াতেই চাই। আমার জীবন আমার একার। এ জীবন আমি যাকে খুশি উপহার দেব। তুমি শুনে অবাক হবে যে আমি তাঁর পদাঙ্কলন প্রার্থনা করি। তা হলে আমি সেই অজুহাতে ডিভোর্স আদায় করে নেব। না, আমি যাব না লগুনে। যা করবার তা তুমিই কোরো, তিনি তোমারই বন্ধু। আমি সম্পূর্ণ নিশ্চিন্ত আছি।”

চিঠি পড়ে স্বধী দীর্ঘ নিঃশ্বাস ফেলল। কী পরিবর্তন! এই উজ্জয়িনী একদিন কত ভালোবাসত বাদলকে। কী ঈর্ষান্বিতা ছিল সে! সেই কিনা লিখছে, “আমি তাঁর পদাঙ্কলন প্রার্থনা করি। তা হলে আমি সেই অজুহাতে ডিভোর্স আদায় করে নেব।” হা ভগবান!

স্বধী রাগ করে উজ্জয়িনীকে চিঠি লেখা বন্ধ করে দিল। তার টেলিগ্রামের জবাবে জানাল, শরীর ভালো আছে।

উজ্জয়িনী স্বধীর কে? বাদলের স্ত্রী বলেই তার সঙ্গে স্বধীর পরিচয় ও সম্পর্ক। সে যদি বাদলের স্ত্রী না হয়, ডিভোর্সের কথা তোলে, তবে তার সঙ্গে স্বধীর পরিচয় বা সম্পর্ক নেই, সে স্বধীর কেউ নয়।

যা শুনে স্বধীর অবাক হবার কথা তা শুনে সে যে শুধু অবাক হল তাই নয়, মর্মাহত হল। তার জীবনে সে এই প্রথম শুনল যে স্ত্রী

স্বামীর পদস্খলন প্রার্থনা করছে। তার সংস্কারে ভীষণ স্বা লাগল। অত্ৰ কোনো মেয়ে হলে সে উপেক্ষা করত। কিন্তু এ যে উজ্জয়িনী।

ছি ছি! কী করে এ কথা উদয় হল উজ্জয়িনীর মনে! কই, কোনো নভেলে কি নাটকে ত এ কথার উল্লেখ নেই। থাকলে সুধী এতটা আঘাত পেত না, ভাবত উজ্জয়িনী কোনোখানে ও কথা পড়েছে বা শুনেছে, সেইজন্মে নিজের বেলায় প্রয়োগ করছে। ওটা যে উজ্জয়িনীর মৌলিক উক্তি নয়, এ বিষয়ে সুধী নিশ্চিত হতে পারছিল না, হলে আশস্ত হত।

সুধী রাগ করল, দুঃখও পেল। এতদিন সে উজ্জয়িনীর পক্ষে ছিল, কেননা ধর্ম ছিল উজ্জয়িনীর পক্ষে। এখন এই উক্তির পর উজ্জয়িনী সুধীর সহানুভূতি হারাল, কেননা ধর্মের সমর্থন হারাল। যে মেয়ে নিজের স্বামীর পদস্খলন প্রার্থনা করতে পারে সে মেয়ে যতই সহানুভূতির যোগ্য হোক না কেন এই উক্তির পর সহানুভূতি পেতে পারে না। না, না, সুধীকে কঠোর হতে হবে। সে ক্ষমা করবে না। অর্থাৎ ক্ষমা করবে যদি উজ্জয়িনী অন্ততপ্ত হয়, যদি ঘাট মানে।

সুধী দুঃখ পেল। যে মেয়ের কপাল খারাপ সে কেন স্বাধীন হয়েও সন্তুষ্ট হয় না, উপভোগ করেও তৃপ্ত হয় না, দেশভ্রমণ করেও ক্লান্ত হয় না? সে যদি নারীবাহিনী গড়ে বন্দুক চালাত তা হলেও সুধী এমন দুঃখ পেত না। কিন্তু সে মেয়ে চায় জীবনটা যাকে খুশি উপহার দিতে। এবং এমন স্বার্থপর সে মেয়ে যে নিজের ডিভোর্সের জন্মে স্বামীর পদস্খলন প্রার্থনা করে। তার কি নৈতিক বোধ একেবারেই নেই? পদস্খলন কি এতই স্থলভ? কেন বাদল পতিত হবে? সে কি তেমনি ছেলে? যুগে বলে কত রকম লম্বা চওড়া কথা। কিন্তু বাদল মনে প্রাণে দায়িত্ববান। সে কখনো অমন কিছু করবে না।

উজ্জয়িনীও না। ওটুকু শুধু উজ্জয়িনীর প্রতি স্বধীর আছে। ন্তা যদি না থাকত স্বধী তাকে মুক্ত কণ্ঠে উপভোগ করতে বলত না। স্বধী চায় যে উজ্জয়িনী জীবনকে উপভোগ করুক, স্বধী হোক, কিন্তু নীতির নিয়ম মেনে, সমাজের নিয়ম অক্ষুণ্ণ রেখে। তাই তার প্রার্থনার নমুনা শুনে হঠাৎ যেন একটা চোট পেল। এর মধ্যে নীতিবোধ, সামাজিক দায়িত্ববোধ কোথায় ?

২

একবার কল্পনা করুন স্বধীর বিশ্বাস। সেদিন মিউজিয়াম থেকে বাসায় ফিরে সিঁড়িতে পা দিতে যাচ্ছে এমন সময় বড় বড়ী গন্ধ বিস্তার করে কোথা থেকে ছুটে এসে নিষ্ঠীবন বর্ষণ করতে করতে যা বলল তার মর্ম এই যে একজন ভদ্রমহিলা তার জন্তে অপেক্ষা করছেন—বসবার ঘরে।

ভদ্র মহিলা ! স্বধী বিমূঢ়ভাবে বলল, “আমার জন্তে !”

“ভারতীয় ভদ্রমহিলা আর কার জন্তে অপেক্ষা করবেন ? তাঁর সঙ্গে বিস্তার লটবহর আছে। বোধ হয় সোজা ভারতবর্ষ থেকে আসছেন।”

ভারতবর্ষ থেকে ! স্বধী মহাচিন্তিত হয়ে তাড়াতাড়ি মুখ হাত ধুয়ে বসবার ঘরে গেল।

“এ কী ! তুই ! উজ্জয়িনী !”

“হাঁ, স্বধীদা। আমিই। কেন, আমার তার পাওনি ?”

“না। কোন ঠিকানায় করেছিলি ?”

“মিউজিয়ামের।”

“সেখানে হাজার লোক। যাক, তোর খাওয়া হয়েছে?”

“দিচ্ছে কে, বল? তখন থেকে চুপটি করে বসে আছি। ওদের ধারণা আমি ইংরাজী ভালো জানিনে। তোমার বুড়ী খানিকটে অজ্ঞভঙ্গী করে গেল। আমিও অজ্ঞভঙ্গী করে তার জবাব দিলুম।” এই বলে সে হাসতে চেষ্টা করল।

“আচ্ছা, তা হলে আমি চা তৈরি করে আনি।”

“তুমি তৈরি করবে চা! থাক, থাক, তোমার হাত পুড়িয়ে কাজ নেই। তার চেয়ে চল কোনো রেস্টুরান্টে যাই।”

উজ্জয়িনীর লটবঁহর সেই ঘরেই ছিল। সুধী লক্ষ করে বলল, “হঁ।” তার মুখ শুকিয়ে গেল চিন্তায়।

তাঁ অসুস্থমান করে উজ্জয়িনী বলল, “কী করি, বল। মা থাকলে তাঁর কাছেই যেতুম। তোমার এখানে কোনো ঘর খালি নেই?”

“আমি যতদূর জানি, খালি নেই। খালি থাকলেও তোকে এ বাসায় থাকতে বলতুম না।”

সুধী মিউজিয়াম থেকে বাসায় ফিরে নিজের হাতে দুধ গরম করে থায়। তার সঙ্গে ফল ও রুটি। এই তার রাতের খাবার। এর পরে সে কিছুক্ষণ পায়ে হেঁটে বেড়িয়ে আসে। এবং স্নান করে ঘুমাতে যায়।

সেদিন উজ্জয়িনীকে তার শোবারকের ভাগ দিয়ে তার পরে ট্যাক্সি ডেকে তার জিনিষপত্র সমেত পাড়ার একটি হোটেলে চলল। রেসিডেন-সিয়াল হোটেল। সুধীর সঙ্গে আলাপ হয়েছিল ওখানকার এক পার্শী সম্পত্তির। তাঁরা বহুদিন থেকে সেখানে বসবাস করছেন।

ঝাবওয়ালা বললেন, “ঘর খালি আছে বৈকি। আপনারা বসুন, আমি সমস্ত ঠিক করে দিচ্ছি।”

উজ্জয়িনী কুল পেল। মিসেস ঝাবওয়ালা তাঁর মায়ের বয়সী।

তিনি বললেন, “শুনে দুঃখি! হলুম যে তোমার মা লগুনে নেই। তিনি যতদিন না ফিরেছেন তুমি এইখানেই থেকো, আর মা’কে লিখো সকাল সকাল ফিরতে।”

সুধী বলল, “কেমন, ঘর পছন্দ হয়েছে?”

“মন্দ নয়। তোমার বাসায় হলে আরো পছন্দ হত। তবু ভালো যে দূর বেশী নয়। আধ মাইল। না?”

“হঁ।” সুধীর তখনো বিস্ময়ের ঘোর কাটে নি।

“সুধীদা”, উজ্জয়িনী আবদার ধরল, “তুমিও এখানে উঠে এস।” —

“আমি?” সুধী একটু খতমত খেয়ে বলল, “কেন, আমার আসার কী দরকার? এই ত বাবুওয়ালারা রয়েছেন। তা ছাড়া আমি বোধ হয় শীগগিরই লগুনের বাইরে একটি গ্রামে যাচ্ছি। অনর্থক বাসা বদল করে কী হবে?”

“গ্রামে যাচ্ছ?” উজ্জয়িনী উল্লসিত হয়ে বলল, “আমাকে সঙ্গে নিতে আপত্তি আছে?”

সুধী সহসা গম্ভীর হল। উত্তর দিল না।

“তুমি বোধহয় ভাবছ”, উজ্জয়িনী উপযাচিকা হয়ে কথাটা পাড়ল, “আমেরিকায় না গিয়ে আমি লগুনে ফিরলুম কেন, ফিরলুম যদি তবে আবার গ্রামে যেতে চাইছি কেন?”

সুধী স্থাল, “ললিতাদি কোথায়?”

“তিনি কাল আমেরিকা রওনা হয়েছেন।”

“একলাটি গেলেন?”

“তোমার ভয় নেই। জাহাজে আরো অনেক ভারতীয় আছেন। এমন কি একজন চেনা লোকের সঙ্গেও দেখা হয়ে গেল—আমার নয়, তাঁর চেনা। মাদ্রাসী।”

“স্বধী উজ্জয়িনীকে জিজ্ঞাসা করল না কোথায় ফিরে এল সে। ধরে নিত সে অল্পতপ্ত হয়ে স্বামীর ভার নিতে ফিরেছে। অভিমানিনী হয়ত ও কথা মুখ ফুটে কবুল করবে না, অল্প কৈফিয়ৎ দেবে।

“আজ তা হলে উঠি। এখন তোমার বিশ্রাম দরকার। কিন্তু শোবার আগে সাপার খেতে ভুলিসনে।”

“ও কী! এরি মধ্যে উঠলে? বস, তোমার সঙ্গে কতকাল দেখা হয়নি।”

“কাল সন্ধ্যাবেলা আসব। আজ তুই বিশ্রাম কর।”

“কা—ল স—ন্ধ্যা বে—লা। আমি যদি কাল সকালবেলা তোমার গুথানে বেড়াতে আসি তোমার কাজের ক্ষতি হবে?”

“সকালে সময় কখন? প্রাতঃভ্রমণের পর স্নানাহার করতে করতে মিউজিয়ামের বেলা হয়ে যায়।”

“যদি একসঙ্গে মিউজিয়ামে যাই?”

“বেশ ত। তোমার যদি অসুবিধা না হয় আমার আপত্তি নেই।”

স্বধী উঠল। তাকে এগিয়ে দিতে গিয়ে উজ্জয়িনী হঠাৎ জিজ্ঞাসা করল, “আমার উপর রাগ করেছ?”

“কিসে বুঝলি?”

“তোমার কথাগুলি তেমন মিষ্টি নয়, একটু ঝাঁজালো। তা ছাড়া তুমি চিঠি লেখনি এই সাত আট দিন।”

উজ্জয়িনীর প্রত্যাবর্তনে স্বধীর মনটা নির্মল হয়েছিল। আহা! বেচারির উপর রাগ করা উচিত হয়নি। সে যা লিখেছিল তা ঝোঁকের মাধ্যমে লিখেছিল। কী করবে, মরীয়া হয়ে উঠেছে বাঙ্গলার ব্যবহারে। তাই অমন কথা মুখ দিয়ে বেরিয়ে যায়। সে যে আমেরিকা যাত্রার

প্রলোভন সম্বরণ করেছে এ বড় সামান্য ত্যাগ নয়। তার জন্তে কতটুকু ত্যাগ করেছে বাদল ?

সুখী সেই ত্যাগশীলার প্রতি সম্মুখে নতশির হল। বলল, “রাগ করেছেলুম। কিন্তু এখন রাগ নেই।”

উজ্জয়িনী বর বর করে চোখের জল ঝরাল। সেই অবস্থায় হেসে বলল, “ওহ্! আমার ঘাম দিয়ে জ্বর ছাড়ল। আচ্ছা, যাও। কাল একসঙ্গে মিউজিয়ামে যাব।”

তারপর পিছু ডেকে বলল, “রাগ এখনো আছে, তা তোমার চলন দেখে বুঝছি। কিন্তু আমি কেয়ার করিনে। বুঝলে?”

এই বলে সে চোখ মুছল ও চকিতে অদৃশ হল।

জুলাই মাসের রাত। তখনো সূর্যের আলো রয়েছে। সুখী সোজা বাসায় না গিয়ে কেনসিংটন উত্তানে কিছুকাল বায়ুসেবন করল।

এ এক নতুন সমস্যা। লগুনে উজ্জয়িনীর মা নেই। বাদলও কোথায় ঘোরে, কোথায় খায়, কোথায় শোয় ঠিক নেই। উজ্জয়িনীর নিঃসঙ্গ জীবন সহনীয় হবে কী করে? কার সঙ্গে? স্বামীর ভার নিতে বলা কাগজে কলমে বেশ শোনায়। কিন্তু বাস্তব ক্ষেত্রে এর অর্থ কী? ও মেয়ে কি বাদলের অহুসরণে পথে পথে বিচরণ করবে, নদীর বাঁধে মাথা রাখবে?

সুখী নিজের উপর রাগ করল। কেন লিখেছিল স্বামীর ভার নিতে! এখন যদি সে বলে, “স্বামীর ভার নিতে চাই, কিন্তু কোথায় স্বামী? কে দিচ্ছে তাঁর ভার?” তখন কী উত্তর দেবে সুখী? কে নেবে সে মেয়ের দায়িত্ব? ললিতা রায় ত আমেরিকা চললেন, মিসেস গুপ্ত গেলেন সুইটজারলণ্ড। আর একটিও আত্মীয়া নেই, অভিভাবিকা

নেই লগুনে। এক যদি মিসেস ঝাবওয়াল একটু দেখাশোনা করেন।
কিন্তু তাঁকে সে মানবে কি না সন্দেহ।

উজ্জয়িনীর যেমন জ্বর ছাড়ল সুধীর তেমনি জ্বর এল। কী ভয়ঙ্কর
দায়িত্ব যে তার ঘাড়ে এসে পড়ল! কী কৃষ্ণে সে মুকুটবিগ্নির ফলিয়ে
লিখেছিল স্বামীর ভার নিতে! উজ্জয়িনীর যদি ভালোমন্দ কিছু হয়
তবে জবাবদিহি করতে হবে তাকেই, কারণ সে-ই ত উজ্জয়িনীর
আমেরিকা যাত্রায় বাধা দিয়েছে ওকথা লিখে। এখন কে কার
ভাঁর নিচ্ছে!

সুধীর সে রাত্রে ভালো ঘুম হল না। সে স্থির করল মিসেস গুপ্তকে
তার করবে। তিনি যদি রাজি হন তবে উজ্জয়িনীকে সুইটজারল্যান্ডে
পাঠিয়ে দেবে। কিন্তু তিনি যদি সাড়া না দেন? কিষা রাজি
না হন?

৩

সুধী যা আশঙ্কা করেছিল তাই হল। মিসেস গুপ্ত সুধীর টেলিগ্রামের
উত্তরে টেলিগ্রাম করলেন, “ওকে ওর স্বামীর কাছে পৌঁছিয়ে দাও।”

এই নির্দেশ অক্ষরে অক্ষরে পালন করা কঠিন নয়, কারণ বাদল
মাঝে মাঝে সুধীর সঙ্গে দেখা করতে আসে, তখন তার স্ত্রীকে তার
হাতে গছিয়ে দেওয়া সম্ভব। কিন্তু বাবলও ওকে সাথে নেবে না,
উজ্জয়িনীও বাদলের সাথী হবে না। যদি হয় তবে ভিখারী ও ভিখারিনী
মিলে নদীর ধাঁধে সংসার পাতবে। সে এক দৃশ্য!

অগত্যা সুধী আশ্ট এলেনরের শরণাপন্ন হল। তিনি শুনে বললেন,

ত জান, এই সময়টা আমরা লগুনে থাকিনে, কারাভানে চড়ে

বেরিয়ে পড়ি। জিনীকে আমার ভালো লাগে, দলে টানতে ইচ্ছাও করে, কিন্তু নাবালিকার যিনি অভিভাবক বা অভিভাবিকা তাঁর অহুমতি চাই। তা ছাড়া জিনীর নিজের আগ্রহ আছে ত ?”

সুধী উজ্জয়িনীকে জিজ্ঞাসা করায় সে বলল, “তুমি যদি যাও ত আমিও যাই। একা ওঁদের সঙ্গে বনিবনা হবে না।”

তখন সুধী ব্লিজার্ডদের বাড়ী গেল। বৃদ্ধ বললেন, “জিনী যদি আমাদের সঙ্গে থাকতে আসে ত আমরা বিশেষ আনন্দিত হই। কিন্তু জান ত ? তোমার যেখানে নিমন্ত্রণ আমাদেরও সেইখানে। জিনী কি গ্রামে যেতে রাজি হবে ?”

জিনীকে জিজ্ঞাসা করায় সে বলল, “তুমি যদি যাও ত আমিও যাই। নতুবা—”

সুধী ভেবে দেখল যে এ ছাড়া অল্প কোনো কার্যকর উপায় নেই। হোটেলের চেয়ে ব্লিজার্ডদের বাড়ী নিরাপদ। বাদলকে যদি অভিভাবক বলে ধরে নেওয়া যায় তবে সে অতি স্বচ্ছন্দে অহুমতি দেবে। এখন কীথা হচ্ছে, জিনী স্বয়ং সম্মত কি না ?

“আমাকে কোথায় গিয়ে থাকতে বলছ, সুধীনা ? ব্লিজার্ডদের বাড়ী ? কিন্তু সে যে বহু দূর।” উজ্জয়িনী বলল।

“বহু দূর ? কোনখান থেকে বহু দূর ?”

“তোমার বাসা থেকে।”

“কিন্তু আমার সঙ্গে-তোয় এমন কী কাজ ?” সুধীর স্বরে বিস্ময়।

উজ্জয়িনী কী বলতে বাচ্ছিল, তার ঠোট কাঁপল। তার পর সামলে নিয়ে বলল, “এই বিদেশে আমার আর কে আছে যে কার সঙ্গে দুটো কথা কইব ! ব্লিজার্ডরা চমৎকার লোক, আমি সত্যি ভালোবাসি ওঁদের বাড়ী যেতে। কিন্তু দিনের পর দিন ওঁদের ওখানে থাকলে কি

আমি হাঁপিয়ে উঠব না, যদি না তোমার সঙ্গে দিনান্তে এক বারটি দেখা হয়, ভাই সুখীনা ?”

সুখী মনে মনে স্বীকার করল যে দিনান্তে এক বার দেখা হওয়ার পক্ষে আর্লস কোর্ট থেকে স্ট্রেথাম বহু দূর বটে। সুখীর অত সময় নেই। সে সম্ভ্রাহে এক বার দেখা করতে পারে, তার বেশী পারে না।

“কিন্তু হোটেল যে তোমার মত বালিকার পক্ষে নিরাপদ নয়। তুই এখানে থাকলে যে আমি নিশ্চিন্ত হতে পারিনি।”

এর উত্তর উজ্জয়িনীর জিবের ডগায় ছিল। “বেশ ত। হোটেলে থাকতে বলেছে কে? আমি কি বলেছি যে আমি হোটেলে থাকব? আমি চাই তোমার বাসায় একখানা ঘর। দু’খানা হলে একখানায় শুই, একখানায় বসি ও লেখাপড়া করি।”

সুখী বলল, “আমার বাসায় ঘর নেই। থাকলেও তোমার অসুবিধা হত। বুড়ীরা তোকে জ্বালাতন করত সময়ে অসময়ে মাখামাখি করে।”

“তা হলে,” উজ্জয়িনী বলল, “তুমিও কেন রিজার্ভদের ওখানে চল না? আশা করি বুড়ীরা তোমাকে ষাছু করেনি।”

“রিজার্ভদের বাড়ী যে মিউজিয়াম থেকে অনেকটা দূরে। তা ছাড়া অমন অসুযোগ করলে ওঁদের ভদ্রতার স্বয়োগ নেওয়া হয়।”

“তা হলে,” উজ্জয়িনী প্রস্তাব করল, “অন্ত কোনো বাসা দেখ যেখানে তোমার ও আমার দু’জনের জায়গা হবে, যেখানকার ল্যাণ্ডলেডীর মাখামাখি করবে না।”

সুখীর নিঃশ্বাস পড়ল না। বলে কী এ মেয়ে! সুখী ও উজ্জয়িনী অভিব্যবহীন ভাবে এক বাড়ীতে থাকলে কী মনে করবে সকলে!

স্বধীকে নীরব দেখে উজ্জয়িনীই বলল, “চেঁটা করিলে কেঁটা ছাড়া কি ভূতা মেলে না আর ? তোমার যদি সময় না থাকে আমার সময় আছে, আমি কাল থেকে বাসার খোঁজ করব।”

“না।” স্বধী শুধু বলল।

“না ? কেন, জানতে পারি ?”

“বালিকা হলেও তোর যথেষ্ট বুদ্ধি হয়েছে। তোর বোকা উচিত দেশটা যদিও বিলেত তবু মাথার উপরে সমাজ রয়েছে, লোকনিন্দা আছে। তোর শ্বশুর যখন শুনবেন তখন কী মনে করবেন ?”

“সত্যি আমি বুঝতে পারছি নে, ভাই,” উজ্জয়িনী আশ্চর্য্যাব্বিত হল, “কেন কেউ নিন্দা করবে। আমার শ্বশুর কাকে বলছ তুমি, আর তাঁর মনে করা না করায় কী আসে যায় !”

“তুই যেভাবে মানুষ হয়েছিস তোর পক্ষে কোন কাজের কী পরিণাম তা উপলব্ধি করা শক্ত। কিন্তু আমি ত বুঝি। আমার কর্তব্য তোকে বোঝানো।” এই বলে স্বধী বিশদ করল, “সমাজের চোখে তুই বিবাহিণী মেয়ে, আমি তোর নিঃসম্পর্কীয় আলাপী। আমার যা কিছু অধিকার তা তোর স্বামীর অধিকারের অংশ। সেই অধিকার যদি তুই অস্বীকার করিস তবে আমার অধিকারও অস্বীকৃত হয়। তেমন অবস্থায় একত্র থাকা অনধিকারচর্চা। আর যদি তোর স্বামীর অধিকার তুই স্বীকার করিস তা হলে তোর শ্বশুরের অধিকারও স্বীকার করতে হয়। তিনি কিছুতেই আমাদের একত্র থাকা অস্বীকার করেন না। যে দিক থেকেই দেখিস না কেন তোর প্রস্তাবটা অপরিণামদর্শী।”

উজ্জয়িনী চিন্তা করল।

“ভূ ছাড়া,” স্বধী বলল, “অপবাদও বিবেচনার বিষয়। এখানকার ভারতীয় সমাজটি ক্ষুদ্র নয়। আমাদের দেশবাসীরা যখন শুনবেন যে

আমরা এক বাসায় বাস করি তখন কি অত তলিয়ে দেখবেন? যা মনে করা অহুচিত তাই মনে করবেন কি না, তুই নিজে বল।”

উজ্জয়িনী জলে উঠল। “কলঙ্ক কি আমার নামে এই প্রথম রটবে, যদি রটে! কে না জানে আমার পূর্ব ইতিহাস! তবে, হাঁ, তোমার যদি কলঙ্ক রটে তবে সেটা হবে অশ্রু, অশিষ্ট ও অসহনীয়। তোমার শুভ্র নামে কালিমা লাগলে আমি আত্মহত্যা করব, সুধীদা।”

সুধী মুগ্ধ হল। তার পরে ধীরে ধীরে বলল, “তবে তুই কাল স্লিভার্ডদের ওখানে যাচ্ছিস। কেমন?”

“অত দূর আমি যাব না,” উজ্জয়িনীর কণ্ঠে বোদনের আভাস। “দূরে যাব না বলে আমেরিকা গেলুম না, সুইটজারল্যান্ডে যাচ্ছিনে। স্টেথাম যাব!”

সুধী এমন সঙ্কেটে পড়েনি। কী উপায়, ভেবে পাচ্ছিল না।

“আমি যাব না।” উজ্জয়িনী তার শেষ কথা শুনিয়ে দিল। তখন-কার মত ও প্রসঙ্গ স্থগিত রইল।

এর পরে যখন বাদলের সঙ্গে দেখা হল সেই দেশলাইবিক্রেতাকে সুধী বলল, “ওহে ম্যাচ সেলার, যার সঙ্গে তোমার ম্যাচ হয়েছে তিনি ইঠাৎ লগুনে ফিরেছেন, তাঁর আমেরিকা যাওয়া হল না।”

“কার কথা বলছ, সুধীদা?”

“উজ্জয়িনীর কথা। ওর জন্মে কী করা যায়, বলতে পারিস?”

সমস্ত শুনে বাদল বলল, “তুমিও যেমন! এক সঙ্গে বাসা করলে দোষ কী? বাস করলেই বা দোষ কী?”

সুধী হতভম্ব হল স্বামীর উক্তি শুনে।

“নদীর বাঁকে,” বাদল বর্ণনা করল, “কত রকম লোক কাছাকাছি শোয়, খবর রাখ? তাদের সবাই কিছু স্বামী জ্ঞী নয়।”

স্বধী বলল, “তারা যে সর্বস্বারা। তারা ত সামাজিক মাদ্রাস নয়

“সমাজ !” বাদল ফুৎকার করল। “সমাজ একটা বুজবুজি।”

“ও কথা শোভা পায় কেবল তোর মত অবধূতের মুখে।”

“তা হলে তোমার সৌখীন সমস্তা নিয়ে তুমি বিভোর থাক। বুর্জোয়া ভাবুকদের ও ছাড়া অন্য কোনো ভাবনা নেই। ড্রইং রুম ট্র্যাজেডী, ড্রইং রুম কমেডী—বুর্জোয়াদের ঐ পর্য্যন্ত দৌড়।”

স্বধী বাদলের কাছে বক্তৃতা শুনে চায়নি। চেয়েছিল পরামর্শ। এবং প্রকারান্তরে অহুমতি। বাদলের সঙ্গে তার অগাধ কথা ছিল। বলল, “থাক, বুর্জোয়াদের ভাবনা বুর্জোয়াদের ভাবতে দে।”

“আচ্ছা, এক কাজ কর, স্বধীদা। ফ্ল্যাট নাও আমার নামে। আর সেই ফ্ল্যাটে তোমরা দু’জনে থাক।” বাদল বলল অকপটে।

৪

স্বধী বাদলের ঋণ্ডীকে চিঠি লিখল যে বাদল বেতুইনের মত ঘুরে বেড়ায়। তার রাতের ঠিকানা নদীর বাধ। উজ্জয়িনীকে ওর জিন্মা দেওয়া যায় না। ওকে আপনি স্বয়ং এসে সুইটজারলণ্ডে নিয়ে যান।

তার উত্তর এল কার্লস্বাড থেকে। তিনি সুইটজারলণ্ড থেকে চেকোস্লোভাকিয়ায় চলে গেছেন। লিখেছেন, এখানে আমি চিকিৎসাধীন আছি। উৎস জলে স্নান করছি। আমি ত ওকে আনতে যেতে পারিনি। তুমি যদি ওকে এখানে বেধে যেতে পার। আমি কৃতজ্ঞ থাকব।

উজ্জয়িনীকে চিঠিখানা পড়তে দিয়ে স্বধী বলল, “চল, তোকে কার্লস্বাডে দিয়ে আসি।”

। সে বলল, “না। তা হবে না।”

“কী হবে না?”

“তুমি যদি কথা দাও যে তুমিও কর্নস্বাভে থাকবে তবেই আমি যাব। নয়ত যাব না।”

“বাঃ।” সুধী বলল, “তুই চেয়েছিলি বিদেশে ছুটো। কথা কইবার মাহুষ। তোর মা কি সেই মাহুষ নন?”

“হাসালে। মা’র সঙ্গে আমার কী সম্বন্ধ তা কি তুমি জান না? জন্মের পর থেকেই তিনি আমাকে পর ভেবে এসেছেন। আমার বন্ধু ছিলেন আমার বাবা, আর শত্রু আমার মা।”

সুধী কিছু কিছু জানত। তবে উজ্জয়িনীর ওটা অতিরঞ্জিত অভিযোগ।

“তবে আমি তাঁকে কী লিখব? তোর কার্নস্বাভ না যাবার কারণটা তবে কী?”

“লিখো, তোমার হাতে সময় নেই এখন। মাস তিন চার পরে যখন দেশে ফিরবে তখন আমাকে কার্নস্বাভ নিয়ে যাবে এবং সেখান থেকে দেশে।” বলতে বলতে উজ্জয়িনী রঙীন হয়ে উঠল।

সুধী বিব্রত হয়ে বলল, “আমার হাতে সময় আছে কিনা তুই কী করে জানলি? তুই কি আমাকে দিয়ে মিথ্যা কথা লেখাবি? ছি!”

“তবে তুমি যুধিষ্ঠিরের মত সত্য কথাই লিখো। আমি কেয়ার করিনি মা’কে।” বিয়ের পরে মা’র সঙ্গে মেয়ের কী সম্পর্ক!”

প্রত্যাবর্তনের পর উজ্জয়িনীর চেহারা যা হয়েছে তা দেখার মত। সুধী অবাক হয়ে ভাবে এই কি সেই লক্ষ্মী মেয়েটি? এ মেয়ে যেমন স্বাধীন, তেমনি সপ্রতিভ, তেমনি দুরন্ত। তা সন্দেহও আছে এর

কোনোখানে একটি অনির্দেশ্য মহিমা। উজ্জয়িনী নিজেকে স্থলভ করে না, সে ইঙ্গাণী।

“এবার আমি পাহাড়ে উঠেছি, হ্রদে সাঁতার কেটেছি, বাচ খেলেছি।” উজ্জয়িনী তার ভ্রমণকাহিনী বলে। “এবার আমি মাছ ধরেছি, ছবি এঁকেছি। স্বাই দ্বীপে প্রায় সত্তর জাতের বুনো ফুল তুলেছি। এবার আমি বাঁচতে শিখেছি, সুধীদা।”

রোজ সকালবেলা ঠিক সাড়ে আটটায় সুধীর ঘরের দরজায় টোকা পড়ে। সুধী জিজ্ঞাসা করে, “কে?”

“আমি উজ্জয়িনী।” এই বলে সে ঠেলে প্রবেশ করে, অতুলমতির অপেক্ষা রাখে না। এখনো তোমার ব্রেকফাস্ট খাওয়া হয়নি? হায়, সুধীদা!”

সে বসে বসে সুধীকে খাওয়ায়। বলে, “তুমি মধু ভালোবাস। না? সেইজন্তে তোমার ব্যবহার অত মধুর। আর আমি কী ভালোবাসি, শুনবে? গরম গরম সসেজ। সেইজন্তে আমি এমন বেপরোয়া।”

সুধীর ল্যাণ্ডলেডীদের ত সে পোকামাকড়ের যত হেনস্তা করে। বলে, “আমি ইংরাজী ভালো বুঝিনে।” অণ্ডজ্ঞী করে ওদের ভাগায়।

মিউজিয়ামে যেই একটা বাজে উজ্জয়িনী এসে সুধীর ধ্যানভঙ্গ করে। “আমার ক্ষিদে পেয়েছে, তোমার পায়নি? এস, খেয়ে আসি!”

আগে আধ ঘণ্টায় সুধীর লাঞ্চ সারা হত। ইদানিং উজ্জয়িনীর খাতিরে তার এক ঘণ্টা ধরচ হয়। উজ্জয়িনী তাকে জোর করে খাওয়ায়। বলে, “ধাড়া চায়ের সময় খায় না তাদের লাঞ্চ একটু ভারী হওয়া উচিত। তোমার ঐ হরলিকসের কর্ম নয়। পুডিং তোমায় খেতেই হবে। পাড়াও, তোমার জন্তে একটা নিরামিষ পুডিং নির্বাচন করি।”

‘হোটেলের উজ্জয়িনীর স্থিতি হল। স্বধী অন্ত কোনো উপায় খুঁজে পায়নি। তবে তার আশা আছে গ্রাম থেকে ফিরলে একটা উপায় মিলবে।

মার্সেলকে দেখতে স্বধী রবিবারে যায়। উজ্জয়িনীও। মার্সেলের সঙ্গে তার বনে বেশ। আগেকার দিকে স্বধী সাজত মার্সেলের ঘোড়া। সম্প্রতি উজ্জয়িনী সে ভার স্বেচ্ছায় নির্মোছে।

“তোমার স্বজ্ঞেট কিম্ব মিটমিটে শয়তান।” স্বধীকে বলে।

“কেন, বল ত?”

“তুমি টের পাও না, ও তোমার দিকে চুরি করে তাকায়।”

“তাতে কী?”

“তাতে কী!” উজ্জয়িনী বিরক্ত হয়। “ও কেন তোমার দিকে চুরি করে অতবার তাকাবে! ওর কী অধিকার আছে পরপুরুষকে লুকিয়ে দেখবার! ওর কি নিজের ‘বয়’ নেই?”

স্বধী জানত স্বজ্ঞেতের একটি ‘বয়’ আছে। ওটা একটা প্রথা, সমাজের অঙ্গমোদিত।

“যাক, তুই স্বজ্ঞেতের সঙ্গে রুঢ় ব্যবহার করিসনে। ওর মনটি বড় কোমল। কৈদে মুচ্ছা যাবে।”

উজ্জয়িনী কান্দো কান্দো স্বরে বলল, “তোমার বান্ধবীর সঙ্গে আমি রুঢ় ব্যবহার কবে করেছি, স্বধীনা? মিটমিটে শয়তান বলেছি, তাও ওর অসম্মত। ভুল করেছি, লজ্জবতী লতা বললে ঠিক হত।”

“ঠিক তাই। স্বজ্ঞেৎ বড় লাজুক মেয়ে। বড় মুখচোরা।”

“তুমি যেমন ভাবে বলছ,” উজ্জয়িনীর কণ্ঠস্বরে জ্বেষ, “তীক্ষ্ণ ওকে ভালোবাস।”

‘ভালোবাসি বৈকি। সেইজন্মেই ত তোকে বলি, ওকে তুল বুঝিসনে।’

‘ওমা, কত জনের সঙ্গে তোমার প্রেম, স্বধীদা! আমি ত জানতুম অশোকাই একমাত্র।’

স্বধী গম্ভীর হল। কিছু বলল না। উজ্জয়িনীও তার গাম্ভীৰ্য লক্ষ করে নীরব হল।

একদিন ব্লিজার্ডদের ওখানে বেড়াতে যাবার প্রসঙ্গ উঠলে উজ্জয়িনী বলল, ‘দূর! সেদিন যে ঘটনা করে বিদায় নিয়ে আমেরিকা রওনা হলুম, স্মৃতি উপহার নিলুম। ফিরে এসেছি দেখে গুঁরা কি টিপে টিপে হাসবেন না? আমার মাথা কাটা যাবে যে।’

‘তা বটে।’

‘এখন বুঝলে ত, কেন গুঁদের বাড়ী থাকতে রাজি হইনি?’

‘বুঝেছি।’ স্বধী হাসল। ‘মেয়েদের মন দার্শনিকেরও ছুরোঁধ। কিন্তু গ্রামে যদি ঘাস গুঁদের সঙ্গে দেখা হবেই, কেননা শাস্তিবাদীদের বৈঠকে গুঁরাও উপস্থিত থাকবেন।’

‘ওহ্! শাস্তিবাদীদের বৈঠক বুঝি! তাই বল।’ উজ্জয়িনী গালে হাত রেখে বুড়ীর মত বলল, ‘সত্যি কি শাস্তি হবে জগতে?’

‘জগদীশ জানেন। খুব সম্ভব হবে না, তবু যারা তাঁর রূপ রূপ অবলোকন করেছে তারা তাঁর শাস্ত রূপ ধ্যান করবে।’

‘আমি ভাবছি তোমাদের বৈঠকে আমাকে মানাবে কী করে? আমি যে ধ্বংসবাদী।’

স্বধী মনে পড়ল উজ্জয়িনীর বিভলভার।

‘তোমার কি এখনো ঐ বিশ্বাস আছে?’ স্বধী সুখাল।

‘নিশ্চয়। আমি কি একদিনও স্বধী হয়েছি, না হতে পারি?’

যত ক্ষণ তোমার কাছে থাকি ততক্ষণ ভুলে থাকি, আবার যখন একা বোধ করি তখন রুখে উঠি।”

“কিন্তু আমার ধারণা ছিল,” স্বধী স্নেহে বলল, “তোমার ও রোগ সেরে গেছে।”

“আমারও ধারণা ছিল,” উজ্জয়িনী স্বমিষ্ট স্বরে বলল, “যাতে ও রোগ সেরেছিল তা সত্য। কিন্তু তুমিই বল, তা কি সত্য?”

“বুঝতে পারছিলেন,” স্বধী মাথা নাড়ল, “তোমার মনে কী আছে?”

“বলতে পারব না,” উজ্জয়িনী রক্ত করে মাথা নাড়ল, “আমার মনে কী আছে। তুমি ত মনস্তত্ত্ব জ্ঞান। তুমি বুঝে নিয়ে।”

স্বধী ভাবতে বসল। উজ্জয়িনী উঠে বলল, “যাই, আমার লজ্জা করছে। আমি ত তোমার স্বজ্ঞেতের মত লজ্জাশীল নই, তবে কেন আমার পালাতে ইচ্ছা করছে?”

স্বধীর চোখের স্রুমুখ থেকে হঠাৎ একটা পর্দা সরে গেল। তার স্মরণ হল উজ্জয়িনীর আমেরিকা যাত্রার প্রাক্কালে সে তার বিচিত্র স্বপ্নের বিবরণ বলেছিল।

এক বছর আগে অশোকার সঙ্গে প্রথম আলাপের রাত্রে স্বধী স্বপ্ন দেখেছিল—গায়ে গেরুয়া আলখাল্লা, হাতে একতারা, মাথার চুল কটা হয়ে জটায় পরিণত হতে চলেছে, উজ্জয়িনী কোঁড়ুহলী জনতার দ্বারা বেষ্টিত হয়ে আপন মনে গান করছে। তার মুখে হাসি, ঠোঁথে জল। জনতাকে দুই হাতে ঠেলে স্বধী এগিয়ে গেল। উজ্জয়িনীর সামনে দাঁড়িয়ে বলল, “উজ্জয়িনী, তুমি আমাকে তোমার বৈরাগ্য দান কর।”

উজ্জয়িনী স্ত্রীর দিকে একদৃষ্টে চেয়ে মৌন থাকল। তারপরে বলল, “স্বধীদা, তোমার সম্ভবপর পত্নীকে বঞ্চিত করবার অধিকার তোমার নেই।” স্বধী বলল, “বৈরাগ্য বহনের যোগ্যতা একমাত্র আমারি আছে, কারণ এই দু্যলোক ভুলোকের অধিষ্ঠাত্রী প্রকৃতিদেবীর আমার মত অনুরাগী আর নেই। উজ্জয়িনী, তোমার বৈরাগ্য আমাকে দান কর।” উজ্জয়িনী জানতে চাইল, “বিনিময়ে তুমি আমাকে কী দেবে?” স্বধী বলল, “আমি দেব তোমাকে কল্যাণী হবার দীক্ষা।” উজ্জয়িনী স্বধীকে তার বৈরাগ্য দান করল। স্বধীর কণ্ঠে এল গান, হাতে এল একতারা, গাত্রে এল বহির্বাস।

এই স্বপ্নের বিবরণ শুনে উজ্জয়িনী যে কী ভেবেছিল কে জানে? বলেছিল, “আবার যদি আমাদের দেখা হয়, যদি বেঁচে থাকি, তবে যে যা ভাবে ভাবুক, আমি তোমার সঙ্গে থাকব।”

সেদিন স্বধী তাকে পাগল মনে করেছিল, কিন্তু সে স্বধীকে শুনিয়ে দিয়েছিল, “পাগলী বলেই অমন কথা বলতে পারছি, অমন কাজ করতেও পারব। যাকে ভয় করি, ভক্তি করি, মনে মনে পূজা করি, সে যদি বিমুখ না হয় তবে আমি স্থধী না হই, সার্থক হব।”

স্বধী বুঝতে পারল উজ্জয়িনীর আচরণের মূলে রয়েছে সেই স্বপ্ন। স্বপ্নটাকে সে যে ভাবে নিয়েছে সে ভাবে নেওয়া ভুল। স্বপ্নের উজ্জয়িনীর সঙ্গে স্বপ্নের স্বধী প্রেম বিনিময় করেনি, বৈরাগ্য বিনিময় করেছে। অনুরাগ ও বৈরাগ্য এক বস্তু নয়। কিন্তু উজ্জয়িনী সেইরূপ কিছু অনুমান করেছে।

“শোন, তোর সঙ্গে কথা আছে।”

“কী কথা, স্বধীদা?”

“তোর প্রত্যাবর্তনের পর থেকে আমি কেমন, যেন অস্বচ্ছন্দ বোধ

করছিলুম, যেন কোথাও কী বেসুরা বাজছিল। কাল যখন তুই উঠে পালিয়ে গেলি আমার মনে খটকা বাধল। তখন আমি হঠাৎ আবিষ্কার করলুম যে তুই আমার স্বপ্নের অর্থ ভুল বুঝে তোর নিজের জীবনে অনর্থ ভেঙে এনেছিস।”

“কে ভুল বুঝেছে, স্বধীদা? তুমি না আমি?”

স্বধী তার দৃষ্ট ভঙ্গী দেখে ভয় পেয়ে বলল, “তুই—”

“ও স্বপ্নের ঐ একটি অর্থ। দ্বিতীয় অর্থ নেই। তবে তুমি যদি পিছু হটতে চাও আমার অমত নেই।”

“আমার স্বপ্ন। আমি যেমন ব্যাখ্যা করি তেমন ব্যাখ্যাই সঙ্গত।”

“স্বপ্নেই তোমার অধিকার, ব্যাখ্যায় নয়।”

“বাঃ। আমার স্বপ্ন। আমি বুঝিনে, তুই বুঝিস?”

“তুমি স্বপ্ন দেখেছ বলে তার মানেও বুঝেছ, এ কী অভূত দাবী! না, স্বধীদা, তুমি আমাকে ভোলাতে পারবে না। আমি ঠিকই বুঝেছি।

স্বধী হাল ছেড়ে দিয়ে বলল, “তবে তুই কী বুঝেছিস, বল।”

“বুঝেছি—থাক, আমার লজ্জা করে।”

“তবে আমি যা বলি শোন।”

“না, তাও শুনব না।”

স্বধী উদ্ভ্রান্ত হয়ে বলল, “বেশ, আমার মনে আর অস্বস্তি নেই। আমি আমার স্বপ্নের যে ব্যাখ্যা করি তাই সত্য।”

“মিথ্যা।” উজ্জয়িনী অগ্নানবদনে বলল।

স্বধী আহারে মনোনিবেশ করল। উজ্জয়িনী স্বধীর ক্রটিতে মধু মাখাতে মাখাতে আড় চোখে তাকাতো থাকল। দুটু হাসি হাসতে থাকলও। স্বধীর খাওয়া শেষ হলে তার কানে কানে বলল, “এই

স্বধী বলল, “কী ?”

“মুখে মানুষ সত্যি কথা বলে না, স্বপ্নে বলে। স্বপ্নে যা বলেছে জাগ্রতে তার ভিন্ন ব্যাখ্যা কোরো না, করলে আমি মানব না। আমি বলব তোমার সামাজিক মন খোঁচা দিচ্ছে, তাই অমন ব্যাখ্যা।”

স্বধী মিনতি করে বলল, “লক্ষ্মীটি, আমার কথা আগে শোন। তার পরে তোর যা খুশি মনে কর।”

“এবার তোমার গলায় ঠিক স্বরটি বাজছে, কিন্তু তোমায় বেশী বকতে দিতে ভরসা হয় না, তা হলে তোমার স্বরভঙ্গ হবে।” উজ্জয়িনী সর্দাধীন অল্পমতি দিল।

তখন স্বধী গুছিয়ে বলল যে স্বপ্নের স্বধী স্বপ্নের উজ্জয়িনীর সঙ্গে যে বিনিময় করেছিল তা বৈরাগ্য বিনিময়, যদি কেউ ভাবে সেটা অহুরাগ বিনিময় তবে ভুল ভাবে।

উজ্জয়িনী তা শুনে হেসে ঢলে পড়ল। ভাগ্যে স্বপ্নের দরজা ভেজানো ছিল। কিন্তু কাঁচের জানালা ত খোলা।

“তোমার স্বপ্নের বিবরণ আমার স্পষ্ট মনে আছে, স্বধীদা। স্বপ্নের স্বধী বলেছিল, আমাকে তোমার বৈরাগ্য দান কর। ঠিক কি না ?”

“ঠিক।”

“স্বপ্নের উজ্জয়িনী জিজ্ঞাসা করেছিল, বিনিময়ে তুমি আমার কী দেবে ?”

“ঠিক।”

“উক্তরে স্বপ্নের স্বধী বলেছিল, তোমাকে দেব অহুরাগের দীক্ষা।”

“না, না, কল্যাণী হবার দীক্ষা।”

“উজ্জয়িনী স্তম্ভীর মুখে হাতচাপা দিয়ে বলল, “ওটুকু তোমার বানানো। স্বপ্নের উপর হস্তক্ষেপ করা তোমার মস্ত স্তম্ভীজনের পক্ষে অশোভন।”

“সত্যি। কল্যাণী হবার দীক্ষা।”

“মিথ্যা। অম্মুরাগিণী হবার দীক্ষা।”

“তোমার স্বরণশক্তি নির্ভরযোগ্য নয়, তুই ত মাত্র একটিবার শুনেছিস?”

“আর তুমি? তুমি ত মাত্র একটি বার স্বপ্ন দেখেছ।”

এ তর্কের মীমাংসা নেই। স্তম্ভী ক্ষান্তি দিল।

পথে চলতে চলতে উজ্জয়িনী বলল, “আচ্ছা, তোমার অত মন ধারাপ করার কারণ ত দেখিনে। আমি ত বলছিলাম যে তুমিও অম্মুরাগের দীক্ষা নিয়েছ। তুমি বৈরাগী, আমি অম্মুরাগিণী। এই আমাদের স্বপ্নের চুক্তি।”

স্তম্ভী বলল, “তা নয়, তা নয়।”

“উত্তম। তা স্বপ্নের চুক্তি নয়। কিন্তু বাস্তবের চুক্তি। আপত্তি আছে?”

এর পরে স্তম্ভী অসহযোগ করল। কথা কইল না।

দিন দুই পরে আবার ওকথা উঠল। উজ্জয়িনী বলল, “নিজের উপর তোমার অধিকার খাটে, কিন্তু আমার উপর তোমার কিসের অধিকার?”

“কিছুমাত্র না।”

“তা যদি হয়, তবে আমি যাকে খুশি ভালোবাসব। তোমার তাতে কী?”

“ব্যক্তিহিসাবে আমার কিছু বলবার নেই, কিন্তু সামাজিক মাপকাঠি

হিসাবে নীতির দিক থেকে বিচার করবার আছে। তা ছাড়া বন্ধু হিসাবে তোকে সাবধান করে দেওয়া আমার কর্তব্য।”

“বন্ধু হিসাবে!” উজ্জয়িনী হাসল। “তুমি ত আমার বন্ধু নও। আর একজনের বন্ধু। তাঁর অধিকার আমি অস্বীকার করি, হুতরাং তোমার বন্ধুতাও।”

স্বধী বেকায়দায় পড়ল, সহসা মুখের মত জবাব খুঁজে পেল না।

“আর সামাজিক মাহুষের বিচারকার্যেরও স্থানকাল আছে। জগতের যত বিবাহিতা মেয়ে স্বামীব্যতীত অপরের অলুরাগিণী হয়েছে তুমি কি তাদের সকলের বিচারক নাকি?”

“কিন্তু তা বলে যা আমার প্রত্যক্ষগোচর তার দোষগুণ বিচার করব না?”

উজ্জয়িনী বলল, “করতে চাও, কর। আমি ত জানি যে আমি যা করছি তা পাপ নয়—সত্যিকার ভালোবাসা কখনো পাপ হতে পারে না। আমি প্রতিদানও চাইনে, প্রত্যাখ্যানও গায়ে মাখিনে। এই নেশা যত দিন থাকবে তত দিন আমি ছায়ার মত অসুগতা হব, যেদিন ফুরাবে সেদিন—আত্মহত্যা।”

৬

এক দিন উজ্জয়িনীর সাক্ষাতে বাদলকে স্বধী বলেছিল, “তোরা সঙ্গে আমার বন্ধুতা যেমন নিবিড় উজ্জয়িনীর সঙ্গেও তেমন। তোদের বিয়ে দেবার সময় আমার এই কল্পনা ছিল যে আমরা তিনটি বন্ধু একাত্ম হব। আমরা হব এক বৃক্ষে তিনটি ফুল, তিনে এক, একে তিন। আমার সেই কল্পনা আজো সতেজ রয়েছে।”

উজ্জয়িনী স্ত্রীকে স্বরণ করাল সেদিনকার সেই উক্তি। বলল, “কই, সেদিন ত তুমি আমাকে বাদলের স্ত্রী হিসাবে দেখনি? স্বতন্ত্র বন্ধু হিসাবেই দেখেছ। আমরা তিনজনে এক বৃন্তে তিনটি ফুল। তিনে এক, একে তিন। কেমন, বলেছিলে কি না এ কথা?”

“বলেছিলুম।”

“যখন বলেছিলে তখন অবশ্য এমন আভাস দাওনি যে বাদল যদি অশ্রু কাউকে বিয়ে করত সেও তোমার সঙ্গে একাত্ম হত। আমি যত দূর বুঝি, আমাকেই তুমি সেই সৌভাগ্য দিয়েছ, অশ্রু কোনো মেয়ে তোমার বন্ধুপত্নী হলে তাকে তা দিতে না। কেমন, দিতে?”

“না।”

“তা হলে, নীতিবিদ! তোমার মুখে কত রকম উল্টোপাল্টা কথা শুনে হবে! এক দিন বলবে, আমি তোমার সঙ্গে একাত্ম। আর এক দিন বলবে, আমি তোমার কেউ নই, আমার স্বামী তোমার বন্ধু বলেই আমার সঙ্গে তোমার যা কিছু সম্পর্ক। আবার বলছে কিনা আমার বন্ধু হিসাবে তোমার কর্তব্য আমাকে সাবধান করে দেওয়া। কোনটা সত্য?”

স্ত্রী উজ্জয়িনীর স্বরণশক্তির দাপটে নাজেহাল হয়ে বলল, “সব ক’টাই সত্য। বাদল এবং তুই দু’জনেই আমার প্রিয়, তাদের মত প্রিয় আমার কেউ নেই, অশোকও না, মার্সেলও না। তাদের দু’জনের সঙ্গে আমি একাত্ম, তার সঙ্গেও, তোর সঙ্গেও। তুই তার স্ত্রী বলেও বটে, স্ত্রী না হলেও বটে। যেদিন তোর নাম প্রথম শুনি সেদিন নাম শুনেই চিনতে পারি যে তুই আমাদের একজন।” বলতে বলতে স্ত্রীর স্বর গভীর হল।

উজ্জয়িনী নিবিষ্ট হয়ে শুনছিল। বলল, “তবে?”

“তবে কী? কেন তুই ভুলে যাচ্ছিস যে বাদলকে বাদ দিলে আমাদের জমী ভেঙে যায়, আমরা ছিন্নবিচ্ছিন্ন হয়ে পড়ি? বাদল না থাকিলে আমাদের বৃক্ষে তুইও থাকিসনে, আমিও থাকিনে। তিনজনই বৃক্ষচ্যুত হয়ে ভূতলে লুটিয়ে পড়ি।”

উজ্জয়িনী বলল, “তা হলে স্বপ্নে কেন বাদল ছিল না?”

“পরোক্ষে ছিল। ঐ যে আমি তোকে কল্যাণী হবার দীক্ষা দিলুম তার মানে গৃহিণী হবার দীক্ষা। কার গৃহিণী? বৈরাগীর নয় নিশ্চয়ই। বাদলের।”

উজ্জয়িনী হেসে উঠল। “ওদিকে বাদলও যে বৈরাগী হয়ে উঠল। এক বার দেখতে যেতে হচ্ছে নদীর বাঁধে। কিন্তু ঘরকন্না করতে নয়। আমি ওর গৃহিণী হতে নারাজ।”

ইতিমধ্যে সে বাদল সম্বন্ধে “তিনি” ছেড়ে “সে” বলতে অভ্যস্ত হয়েছিল। “বাদলবাবু” কিম্বা “মিস্টার সেন” ছেড়ে “বাদল” বলত।

এক দিন সন্ধ্যা বেলা তারা বাদলকে দেখতে নদীর বাঁধে যাবে স্থির হল।

“তা বলে তুমি মনে কোরো না যে ওর বিরুদ্ধে আমার বিন্দুমাত্র ক্ষোভ আছে। ওর যদি কোনো কমরেড থাকে তবে আমি একটুও দুঃখিত হব না, বরং প্রীত হব। এই কয়েক সপ্তাহে আমি আত্মস্থ হয়েছি, সুধীদা।”

“আত্মস্থ হওয়া ভালো”, সুধী মন্তব্য করল, “কিন্তু পরের পদক্ষেপ প্রার্থনা করা ভালো নয়। ওটা নীচতা।”

উজ্জয়িনী বেন মার খেয়ে চমকে উঠল। ফ্যাকাশে মুখ দুই হাতে স্লেকে বলল, “আমি অমন প্রার্থনা করিনি কোনো দিন। কেন করব? যা হয়ে রয়েছে তাই যথেষ্ট নয় কি?”

“কিছুই হয়নি। মিথ্যা খবর।” সুধী প্রত্যয়ের সহিত বলল।
 “বাদলকে আমি চিনিনে? সে খাটি সোনা।”

“আমি বিশ্বাস করিনে।” উজ্জয়িনী উদাস কণ্ঠে বলল।

“আমি বিশ্বাস করি।”

“তোমার কথা হয়ত সত্য। কিন্তু কী জ্বাসে যায়? আমি ত
 ওকে দোষ দিচ্ছি নে। আমার প্রয়োজন ডিভোর্স, সে জন্তে যেটুকু
 প্রমাণ করা আবশ্যক সেটুকুর বেশী জানতেও চাইনে।”

সুধী উষ্ণ হয়ে বলল, “কার প্রয়োজন ডিভোর্স? তোর? কেন?”

“প্রয়োজন হলেও হতে পারে এক দিন, এখন নয়।”

“ডিভোর্স প্রয়োজন হয় তাদের যারা পুনরায় বিবাহ করতে চায়।
 তোর কি তেমন ইচ্ছা আছে?”

“কেন থাকবে না, সুধীদা? আপাতত নেই। কিন্তু জীবন দীর্ঘ।”

“যদি দ্বিতীয় জনের সঙ্গে সামঞ্জস্য না হয় তা হলে কি আবার
 ডিভোর্স ঘটবে?”

“কে জানে! অত চুল চেঁচা তর্ক করে ফল কী! যা হবার তা
 হবে। আমি ত তোমার মত জীবনশিল্পী নই যে জীবনটাকে ছাঁচে
 ঢালাই করব!”

সুধী বলল, “ছাঁচে ঢালাই করা আমারও অভিপ্রায় নয়। কিন্তু
 আমার নিজের একটি ডিজাইন আছে। আমি চাই বাগানোর মত
 সাজানো জীবন! যাকে বলে ড্রিফ্ট—শ্রোতে গা ভাসানো—তা
 আমার নয়।”

“আমি কিন্তু তাই পছন্দ করি। জীবন একটা শ্রোতাই বটে।
 আর শ্রোতে গা ভাসানোর মত আরামও নেই।”

সুধীর সংস্কার বিদ্রোহী! কিন্তু উজ্জয়িনী কি সহজ মেয়ে!

“আমাকে মাফ কর, ভাই স্বধীন্দ্র। আমি জানি তোমার মনে লাগে, কিন্তু কী করব! আমি তোমার মানসী নারী নই। আমি মানবী। বাদুলকে একদা আমি প্রাণ দিয়ে ভালোবেসেছি, কার্পণ্য করিনি। সে ভালোবাসা আজ নেই, এ কি আমার অপরাধ! এখন যাকে ভালোবাসি তাকে কোনো দিন ভালোবাসতে চাইনি, কিন্তু ঘটনাচক্রে সেই আমার প্রিয়। এ কি আমার অপরাধ! আমার এইটুকু জীবনে আমি অনেক আঘাত পেয়েছি, যাতে নতুন আঘাত না পেতে হয় সেইজন্তে আমি প্রতিদানের প্রত্যাশাও ছেড়েছি। আছে কেবল একটি দুর্বলতা—একটুখানি সঙ্কটভা। দেশে ফিরলে সঙ্গ পাব না জানি। সেইজন্তে এখনই যা পাই নিতে চাই। এ কি আমার অপরাধ!”

বাস্তবিক মেয়েটি অসামান্য দুঃখিনী। বাপ নেই, মা না থাকার সামিল। স্বামী পরিত্যাগ করেছে। কে আছে তার, কার কাছে দাড়াবে! স্বধী স্নিগ্ধ কণ্ঠে বলল, “আমি তোমার কীই বা করতে পারি! তোমার জীবন যদি হয় শ্রোত তবে আমি শ্রোতের কুটো। আমাকে আঁকড়ে ধরে তুই নিজেও ডুববি, আমাকেও ডোবাবি। তোমার কিছুমাত্র তৃপ্তি হবে না, অথচ আমার মুখ দেখানো দায় হবে।”

উজ্জয়িনী বলল, “যা বলেছ সব সত্যি। আমিও ভাবি যে তোমার হুনাং নষ্ট হলে আমারি মনে কষ্ট হবে সব চেয়ে বেশী। আমরা যে একাত্ম।”

স্বধী দীর্ঘ নিশ্বাস ফেলল। বাদল হলে বলত, বুর্জোয়া সমস্যা। ডুইং কম ট্রাজেডী। মার্কসীয় দৃষ্টিতে ওর বাস্তবতা নেই। ফিউডাল যুগের জের। কিন্তু স্বধীর কাছে এটা সত্যিকার ট্রাজেডী। কোনো যুগেই এর কোনো সমাধান নেই।

“আঙ্কল আর্থার ও আন্ট এলেনরকে দেখেছিস। ভাই বোন। একজনের বিয়ে হল না বলে অপর জন বিয়ে করেননি।”

“শুনেছি।”

“আমরাও তাঁদেরি মত চির জীবন কাটাব। তবে একসঙ্গে নয়।”

“কিন্তু একসঙ্গে না থাকতে পেলো ঠাৱা কি ওভাবে জীবন কাটাতে পারতেন!”

“আমাদের সাধনা আরো কঠিন, উজ্জয়িনী।”

উজ্জয়িনী চিন্তা করে বলল, “চির জীবনের বিলি ব্যবস্থা এখন থেকে না করাই ভালো। আপাতত যে ক’মাস পারি একসঙ্গে থাকব। তার পরে যা হবার তা হবে। দেশে ফিরে গিয়ে যদি দেখি যে আন্দোলন হচ্ছে তবে ঝাঁপিয়ে পড়ব। হয়ত জেল, হয়ত মৃত্যু। যদি বেঁচে থাকি, যদি জেল থেকে মুক্তি পাই তখন হয়ত দেখব যে দেশের আবহাওয়া বদলে গেছে, তোমার সঙ্গে আমার থাকা দৃষ্টিকটু বোধ হচ্ছে না।”

“পাগলী!” স্তম্ভী করুণ হাসল।

“পাগলরাই সমাজকে ঘা দিয়ে সিঁধে করে, কাজেই পাগল বলে অহুকম্পা কোরো না। একদিন তোমার সমাজ আমাকে মেনে নেবেই নেবে।”

৭

উজ্জয়িনীর প্রত্যাবর্তনের খবর ঢাকা রইল না, তার পরিচিত পরিচিতাদের কানে উঠল। বুলুয় দল ইতিমধ্যে গ্রীষ্মের বহু লগুনের বাইরে ছিটকে পড়েছিল। অর্থাভাবে দে সরকার ছিল লগুনে ত্রিয়মাণ ভাবে। খবরটা শুনে তার ধড়ে প্রাণ এল।

কিন্তু সে স্বধীকে বেশ একটু ভয় করত। স্বধীর কাছে ধরা পড়ার সাহস তার ছিল না। সে সন্ধান নিয়ে দেখল যে স্বধী সারাদিন পাহারা দেয়, সন্ধ্যা বেলাও স্বধী আসে উজ্জয়িনীর হোটেলে। স্বধীকে এড়িয়ে উজ্জয়িনীর সঙ্গে সাক্ষাৎ করতে হলে, হয় সকাল আটটার আগে, নয় সন্ধ্যা সাড়ে আটটার পরে, হোটেলে হাজির হতে হয়।

দে সরকার একদিন সন্ধ্যাবেলা উজ্জয়িনীর হোটেলের রাস্তায় গা ঢাকা দিল। যখন দেখল স্বধী চলে যাচ্ছে তখন হোটেলে ঢুকে কার্ড পাঠাল উজ্জয়িনীর উদ্দেশ্যে।

“ওহ্! আপনি! মিস্টার দে সরকার! আসুন, আসুন।” উজ্জয়িনী হাসিমুখে অভ্যর্থনা করল। “আপনার কি বিশেষ আপত্তি আছে আমার সঙ্গে সাপার খেতে?”

দে সরকারের বিশেষ আপত্তি কেন, আদৌ আপত্তি ছিল না। তবু লোক-দেখানো “থাক, আমি কেন,” “আমার কি এত সৌভাগ্য” ইত্যাদি উক্তি উচ্চারিত হল তার মুখে।

“স্বধীদা এইমাত্র গেলেন। যদি দু’মিনিট আগে আসতেন তা’হা- তার সঙ্গে দেখা হত। কত খুশি হতেন!” উজ্জয়িনী বলল।

কে খুশি হতেন—স্বধীদা, না দে সরকার? বোধ হয় ‘না’ কি দে সরকার মুচকি হাসল।

“হ্যাঁ, খুশি হবার কথাই বটে। কিন্তু আমার দস্তর জানে, সব সময় late। ঐ দু’মিনিটের জগ্গে আমি কত বার পাউন্ড করছি।”

“তারপর? আপনি আটলান্টিকের ওপার থেকে ফিরলেন। আনলেন আমাদের জগ্গে?” দে সরকার জমিয়ে বলল।

উজ্জয়িনী তাকে বাবগওয়ালাদের সঙ্গে পরিচয় করিয়ে দিল।

সরকার মিশুক লোক। কাকে কী বলতে হয় জানে। “আপনারা ত মালাবার হিলের ঝাবওয়ালার, সেই প্রসিদ্ধ ক্রোড়পতি—”

তারা অবশ্য প্রতিবাদ করলেন, কিন্তু আপ্যায়িত হলেনও। দে সরকার যখন তার হাতীর দাঁতের সিগারেট কেস খুলে ধরল তখন ঝাবওয়ালার মনে পড়ল, “আপনারা কি সার এন. এন. সরকারের—”

“না, না, তাঁরা হলেন শুধু সরকার। আর আমরা দে সরকার। ফরাসীতে যাকে বলে, দু সরকার। চন্দননগরে ফরাসী গবর্নমেন্ট আছে, নিশ্চয় জানেন। আমরা সেই ফরাসী আমলের জমিদার।”

ঝাবওয়ালার দম্পতি দে সরকারকে ধরে নিয়ে তাঁদের ঘরে বসালেন, উজ্জয়িনীকেও। পার্শীদের পানপ্রিয়তা সুবিদিত। দে সরকার বহু কাল পরে একটু শেরী আন্বাদন করল। উজ্জয়িনী কিন্তু পানীয় স্পর্শ করল না। পাছে সূখী টের পায়। ইতিমধ্যে সে আমিষ বাদ দিতে আরম্ভ করেছিল সূখীর অমুসরণে।

“আমেরিকার ছোয়াচ লেগে আপনিও দেখছি বর্জনশীল হলেন।” সরকার টিপ্পনী কাটল। “ওখানে কি সত্যি কেউ পান করে না?” অমুক আমি ত আমেরিকা যাইনি। স্কটলণ্ডে, স্কাই দ্বীপে ও লেক নেবে। টে বেড়িয়ে ফিরলুম।”

সী।” দে সরকার মাথা তুলিয়ে বলল, “এখন বুঝেছি। শুধু সেই অর্থনাশের পরে আমেরিকা যাওয়া প্রব্লেম বাইরে। শুনে বিশ্বাস করবেন কি না জানিনে, আমারও ইচ্ছা ছিল আমেরিকা যেতে। কিন্তু শুধু যেতে আসতে যত খরচ লাগে সেই খরচে নরোপ ঘুরে আসা যায়। আমি ইউরোপ না ঘেঁষে কোথাও নড়িনি। হুঁ না, নরওয়ে স্কাইডেন ডেনমার্ক পরিক্রমা করি।”

উজ্জয়িনীর রুহিও ছিল, রসদও ছিল। কিন্তু সূখী যদি না যায়

তবে তারও যাওয়া হবে না। বলল, “অনেক ঘুরে শ্রান্ত এখন প্রাণ। কিছুদিন বিশ্রাম করি আগে।”

এর পরে দে সরকার অল্প প্রসঙ্গ তুলল। “আপনি কি রাজ্যে কোথাও বেরোন না? থিয়েটারে? সিনেমায়?”

উজ্জয়িনীর স্পৃহা ছিল, কিন্তু স্বধীদার সময় হয় না। অস্ত্রের সঙ্গে সে যাবে না। বলল, “আমি ক্লান্ত, মিস্টার দে সরকার। শান্তির জন্তে কিছুদিন গ্রামে বাস করব ভাবছি। শহর আমার সহ হচ্ছে না।”

দে সরকার ঠেকে শিখেছিল যে বেশী বলতে নেই, হাতে রেখে বলতে হয়। তার সম্বন্ধনা পুরাতন হবার পূর্বেই সে বিদায় নিল। বলল, “আর একদিন আসব। আজ উঠি।”

ঝাবওয়ালারা স্বতঃপ্রবৃত্ত হয়ে তাকে ডিনারের নিমন্ত্রণ করলেন। কিন্তু সে সময় স্বধী থাকে। সম্মুখ সমরে দে সরকারের অনভির্ভূতি। সে বলল, “ডিনারের চেয়ে সাপার ভালো। ওসব ফর্মালিটি আমি ভালোবাসিনে। সেই ছপ্পের আমল থেকে আমাদের বাড়ী কেউ ডিনার জ্যাকেট পরে না। দেশেও আমরা রাত দশটায় খাই।”

এই বলে সে ফরাসীতে শুভরাত্রি জানাল।

পরদিন উজ্জয়িনী জিজ্ঞাসা করল স্বধীকে, “আচ্ছা, দে সরকার কি ফরাসী আমলের নাম?”

“কিসে ওকথা উঠল?” স্বধী বিস্মিত হল।

উজ্জয়িনী গত রাজ্যের ঘটনা বলল। তা শুনে স্বধী কোনো উত্তর দিল না। দে সরকারের হাত থেকে উজ্জয়িনীকে রক্ষা করা কর্তব্য, কিন্তু এবার ওটার অপব্যবহার হতে পারে। নিন্দুকরা বলতে পারে যেই রক্ষক সেই ভক্ষক। দে সরকার সন্ধানী লোক, সেই হয়ত অমন অপবাদ রটাবে। স্বধী নিঃশব্দে শুনল ও শুনে নিঃশব্দ থাকল।

যেদিন সাপারের নিমন্ত্রণ সেদিন কথায় কথায় উজ্জয়িনী বলল. “তুমি যেয়ো না, একটু সবুঁর কর। আজ দে সরকার আসবেন।”

“দে সরকার!” স্বধী জিজ্ঞাসু ভাবে তাকাল।

“ঝাবওয়ালাদের নিমন্ত্রণ আছে। তাঁরা তোমাকে ডাকেন না, কিন্তু দে সরকারকে ডাকতে ব্যগ্র। তা তোমাকে যখন ডাকেননি তুমি থেকো না, কিন্তু দে সরকারের সঙ্গে দেখা করতে চাও ত পাঁচ মিনিট দাঁড়াও।”

স্বধী অপেক্ষা করল। দে সরকারের সঙ্গে তার কথা ছিল।

“হ্যালো, হ্যালো, এ যে সাক্ষাৎ চক্রবর্তী।” দে সরকার স্বধীর হাতে বাঁকানি দিল।

“কেমন আছ? ভালো ত?” স্বধী কুশল প্রশ্ন করল।

এদিক ওদিক ছুঁচারটে কথার পর স্বধী বলল, “আমার দেরি হয়ে গেছে, আমি আসি। তুমিও আমার সঙ্গে খানিক দূর এস, কথা আছে।”

দে সরকার বলির পাঁঠার মত কাঁপতে কাঁপতে চলল।

স্বধী বলল, “ওকে কোথাও নিয়ে যেতে পারবে না, রাত জাগাবে না, পান করতে বলবে না। এই তিন সপ্তে তুমি ওর সঙ্গে যত খুশি মিশতে পার, দে সরকার। কিন্তু এর একটি সপ্ত লঙ্ঘন করলে ওর কাছে তুমি সম্পূর্ণ অপরিচিতের মত ব্যবহার পাবে, আমার কাছেও।”

দে সরকার উচ্ছ্বসিত স্বরে বলল, “আমাকে তুমি বাঁচালে, চক্রবর্তী। আমি শুধু চোখের চাতক। দেখব আর ফুলে যাব। তুমি আমার পুরাকাহিনী শুনেছ, আমাকে বিশ্বাস করবে না, জানি। তবু বলি আমার কোনো ছীন অভিসন্ধি নেই।”

স্বধী তার হাতে চাপ দিয়ে বলল, “আমি বিশ্বাস করব, যতদিন না তুমি বিশ্বাসভঙ্গ কর।”

“বিশ্বাসভঙ্গ!” দে সরকার উত্তেজিত স্বরে বলল, “অসম্ভব, ভাই চক্রবর্তী। আমি মিথ্যা বলতে পারি, চাল দিতে পারি, কিন্তু জীবনে কারো কোনো অনিষ্ট করিনি। যা করেছি তা অপরের অভীষ্ট ছিল।”

স্বধী বলল, “যাও, গুঁরা তোমার জন্তে প্রতীক্ষা করছেন। তুমি ওকে কী চোখে দেখেছ তা আমি জানি। কিন্তু ভাই, তোমার স্বভাবে যে অসংঘম আছে তাও ত আমার অজানা নয়। ভরসা করি তোমার অন্তরের সুরাসুরের স্বপ্নে দেবতারই জয় হবে। আর যদি দানব জয়ী হয় তবে মনে রেখো—আমার হাতেই শেষ তাস।”

দে সরকার বলল, “শেষ পর্যন্ত তুমিই জিতবে। আমার আশা নেই।”

৮

এর পরে একদিন দে সরকার উজ্জয়িনীর হাতে একখণ্ড বাঁধানো পত্রিকা দিয়ে বলল, “বাংলা বই পড়তে চেয়েছিলেন, লগুনে কার কাছে হাত পাতি? আমার কাছে ছিল আমারই প্রাচীন ‘কীর্তি, দুষ্কৃতিও বলতে পারি। কনীনিকা এর নাম।”

উজ্জয়িনী নাড়াচাড়া করে বলল, “বাঃ। আপনার লেখা দেখছি যে। আপনি যে বাংলায় লেখেন তা ত জানতুম না।”

“লিখি না। লিখতুম।” দে সরকার খিল্লি স্বরে বলল, “সেই যে আছে, ‘Creatures that once were men’, আমি তেমনি একদা ছিলাম লেখক, এখন অপদার্থ।”

“না, না, অপদার্থ কেন হবেন ? আপনি যেমন তাস খেলেন ক’জন তেমন পারে ? আপনার মত নাচতে জানে ক’জন ? আচ্ছা, আমি পড়ে দেখব । ধন্যবাদ ।”

দে সরকার জীবনে এত বড় প্রশংসা পায়নি । দু’হাত মাথায় ঠেকিয়ে নমস্কার করল ।

সে তার পত্রিকার কথা ভুলেই গেছিল, উজ্জয়িনী কয়েক দিন পরে মনে করিয়ে দিল । “আপনার লেখা আর আছে, মিস্টার দে সরকার ? আপনার লেখার প্রত্যেকটি লাইন যেন আমারই মনের কথা । অথচ যখন লিখেছিলেন তখন ত আমাকে চিনতেন না, তখন আমার মনের কথাও অণু রকম ছিল ।”

দে সরকার অভিভূত হয়ে গুনছিল । আরো অভিভূত হল যখন শুনল, “আশ্চর্য্য ! আপনি কি যাদুকর !”

দে সরকার কিছুক্ষণ স্তব্ধ থেকে তার পর বলল, “আমার লেখনী ধারণ সার্থক । তখন কি জানতুম যে একদিন এই পুরস্কার আমার ভাগ্যে জুটবে ! জানলে কি আমি আরো লিখতুম না ! আপনার জগ্রে আরো কোথায় পাব—কোথায় পাব !” বলতে বলতে তার নয়নে হতাশার ভাব ফুটে উঠল ।

“সত্যি । আপনার এমন ক্ষমতা থাকতে কেন আপনি লেখা বন্ধ করে দিলেন ? কেন তাস খেলে সময় নষ্ট করেন ? আমি হলে দিনরাত লিখতুম, নিজেকে চাবুক মেরে লেখাতুম । কিন্তু আমার ত সে ক্ষমতা নেই । কোন ক্ষমতাই বা আছে ! আমি চলয় সত্যিকার অপদার্থ ।”

“ও কী বলছেন !” দে সরকার গদ গদ ভাবে বলল, “আপনি অপদার্থ ! আপনি—আপনি—” কী বলতে কী বলে বসল, বাচাল,

শুনে .উজ্জয়িনীর কর্ণমূল রক্তিম হয়ে উঠল। দে সরকার আবৃত্তি
কুরল—

“ঢাকো ঢাকো মুখ টানিয়া বসন, আমি কবি হ্রদাস
দেবী, আসিয়াছি ভিক্ষা মাগিতে, পুরাতে হইবে আশ।
অতি অসহন বহিদহন মর্ম মাঝারে করি যে বহন
কলঙ্ক রাছ প্রতি পলে পলে জীবন করিছে গ্রাস।
পবিত্র তুমি, নির্মল তুমি, তুমি দেবী, তুমি সতী
কুৎসিত দীন অধম পামর পঙ্কিল আমি অতি।
তোমারে কহিব লজ্জাকাহিনী লজ্জা নাহিকো তায়
তোমার আভায় মলিন লজ্জা পলকে মিলায়ে যায়!...”

দে সরকারের আবৃত্তি বনমর্মরের মত কখনো অশ্রুট কখনো অন্তরুচ্চ
হয়ে জুলাই মাসের সেই বিলম্বিত গোধূলি লগ্নে উজ্জয়িনীর কর্ণে স্খাবর্ষণ
করতে থাকল।

“আকাশ আমারে আকুলিয়া ধরে ফুল মোরে ঘিরি বসে
কেমনে না জানি জ্যোৎস্নাপ্রবাহ সর্বশরীরে পশে।
ভুবন হইতে বাহিরিয়া আসে ভুবনমোহিনী মায়া
ঘৌবনভরা বাহুপাশে তার বেষ্টন করে কায়া।”

এইখানে দে সরকার একটু বিশ্রাম নিল। উজ্জয়িনীর দিকে এত
ক্ষণ তাকায়নি, চোখ মেলে দেখল তার চোখ ছিল ছিল করছে।

উজ্জয়িনী আবেগপূর্ণ স্বরে অতি কষ্টে বলল, “শেষ?”

দে সরকার ঘাড় নাড়ল। আবৃত্তি করে চলল বিহ্বলভাবে।
তারও চেতনা ছিল না যে এটা হোটেল এবং -পার্শ্ববর্তী বাবওয়াল
দম্পতি বাংলা বোঝেন না।

যখন সমাপ্ত হল বাবওয়াল প্রথম নিস্তব্ধতা ভঙ্গ করলেন।

“এখন ইংরাজীতে ওর তাৎপৰ্য্য বুঝিয়ে দিন আমাদের। ও কি আপনার লেখা?”

দে সরকার আবেশের ঘোরে বলল, “টেগোরের।” বুঝিয়ে দিতে কিছুমাত্র উद्यোগ দেখাল না, চোখ বুজে বসে রইল। তার ভয় করছিল, পাছে উজ্জয়িনীর সঙ্গে চোখাচোখি হয়, পাছে উজ্জয়িনীর দৃষ্টি তিরস্কার করে।

সে রাতে উজ্জয়িনী কিম্বা দে সরকার কারো ঘুম হল না। পর দিন দে সরকার হাজিরা দিল না।

“সুধীদা,” উজ্জয়িনী জেদ ধরল, “চল, গ্রামে যাই। আমার মন লাগছে না এখানে।”

“ধারা নিমন্ত্রণ করেছেন তাঁরা প্রস্তুত না হলে যাই কী করে? কনফারেন্সের দেরি আছে।”

“গ্রামে কি হোটেল কিম্বা বোডিং হাউস নেই যেখানে গিয়ে উঠতে পারি? পরের অতিথি হবার অপেক্ষায় এই চুমৎকার দিনগুলি লগুনের মত একটা ধোঁয়াটে শহরে অপচয় করতে থাকব আমরা?”

সুধী বিবেচনা করতে সময় নিল।

দে সরকার চিঠি লিখে জানতে চাইল, উজ্জয়িনী রাগ করেছে কি না। সে কি আসতে পারে দেখা করতে?

উজ্জয়িনী লিখল, রাগ করা দূরে থাক বাংলা কবিতার মনোজ্ঞ আবৃত্তি শুনে সে মুগ্ধ হয়েছে। আরো আবৃত্তির প্রত্যাশা রাখে।

এবার দে সরকার আবৃত্তি করল ইংরাজী থেকে। শেলীর কবিতা।

“O Wild West Wind, thou breath of Autumn's being
Thou from whose unseen presence”

পরিচিত কবিতা। ঝাবওয়ালা সমস্তক্ষেপ হার্ড তুলে ও নামিয়ে,

দুলিয়ে ও ছড়িয়ে মুকাভিনয় করলেন। পরিশেষে বলে উঠলেন, “কী সুন্দর আপনার উচ্চারণ ও মাত্রাজ্ঞান।”

মিসেস ঝাবওয়ালার অতুরোধসঙ্গে দে সরকার সে দিন আর আত্মতৃপ্তি করল না। তার বিদায় নেবার পর উজ্জয়িনীর শ্রবণে ধ্বনিত হতে থাকল—

“O! lift me as a wave, a leaf, a cloud!

I fall upon the thorns of life! I bleed!

A heavy weight of hours has chain'd and bow'd

One too like thee—tameless, and swift, and proud”:

উজ্জয়িনী সুধীকে দিক করল, “চল, গ্রামে যাই। আর পারছি নে।”

সুধী বলল, “আমরা ওখানে কন্ফারেন্সের দিন কয়েক আগে যাবার অহুমতি পেয়েছি, এই বার ধীরে ধীরে রওনা হওয়া যাবে।”

“তবে আর দেরি কেন? চল—”

“বাদলের সঙ্গে আমার হিসাবনিকাশ চলছে যে। পারি ত তাকেও সঙ্গে নেব।”

“এত লোককে সঙ্গে নিচ্ছ,” উজ্জয়িনী ঢোক গিলে বলল, “শেষ কালে স্থানাভাব হবে না ত?”

“এত লোক কোথায়! বাদল যদি রাজি হয় ত বাদল। আর সহায়েরও বিশেষ অভিলାষ—”

“আবার সহায়! আপনি জায়গা পায় না, শব্দরাকে ডাকে।”

অতঃপর দে সরকার আত্মতৃপ্তি করল হুইটম্যান থেকে—

“As I lay with my head in your lap, Camerado,

The confession that I made I resume . . . ”

সেদিন বাবওয়ালারা ছিলেন না, দে সরকার গলা ছাড়ল—

“I know my words are weapons, full of danger, full of death ; For I confront peace, security, and all the settled laws, to unsettle them ;”

ক্রমে তার স্বর ডানা মেলল, উড়ে চলল—

“And the threat of what is called hell is little or nothing to me ; And the lure of what is called heaven is little or nothing to me ; Dear Camerado ! I confess I have urged you onward with me, and still urge you, without the least idea what is our destination, or whether we shall be victorious, or utterly quelled and defeated.”

উজ্জয়িনী তন্ময় হয়ে শুনছিল। বলল, “এইটুকু কবিতা ?”

“কবিতাটি ছোট, কিন্তু ওর অল্পবর্ণন দীর্ঘস্থায়ী।” বলল দে সরকার।

হু’জনে নিষ্পন্দভাবে বসে রইল। উজ্জয়িনী স্থখাল, “Camerado মানে ত কয়েরেড ?”

“হাঁ, কিন্তু তার ব্যঞ্জনা আরো নিবিড়।”

৯

উজ্জয়িনী বলল, “পরের কবিতা কত আবৃত্তি করবেন ! নিজের কবিতা শোনান।”

দে সরকার বলল, “নতুন কবিতা ত আর লিখিনি সেই থেকে।”

“তবে লিখুন।”

“এত কালের অনভ্যাস। লিখতে ভরসা হয় না। যদি একটু নিরালা পাই ত কবিতা নয়, উপন্যাস লিখব।”

“উপন্যাস ?” উজ্জয়িনী উৎসুক হয়ে বলল, “তা হলে ত আরো চমৎকার হয়। নিরালা যদি কোথাও না পান আমাদের সঙ্গে চলুন গ্রামে। সেখানে আপনাকে একটা ঘরে পুরে বাইরে থেকে তালা বন্ধ করব আর নিজের কাছে চাবী রাখব। কেমন, তা হলে লিখবেন ?”

“আপনারা যদি দয়া করে সঙ্গে নেন,” দে সরকার সহর্ষে বলল, “আমাকে একটা গাছে উঠিয়ে দিয়ে মই কেড়ে নেবেন কিম্বা নৌকায় বসিয়ে দিয়ে হাল সরিয়ে দেবেন। তা হলে আমি নিরুপায় হয়ে লিখব। কিন্তু আমার উপন্যাস ত একদিনে বা এক সপ্তাহে সারা হবে না, ও যে বিরাট ! তিন চার খণ্ডের কম নয়।”

“ওমা ! তাই নাকি !” উজ্জয়িনী তটস্থ হল। “আমরা যে অক্টোবরে দেশে ফিরছি। তার আগে আপনার বই শেষ না হলে আমরা কি আপনাকে বন্দী করে দেশে নিয়ে যাব ? আর সেখানে পৌছবামাত্র যদি আমরাও বন্দী হই—”

“আপনারা বন্দী !” দে সরকার বাধা দিল।

“জানেন না ?” উজ্জয়িনী খুলে বলল, “আইন অমান্য করে আমরা জেলে যেতে পারি। আমি ত নিশ্চয়ই। সুধীন্দ্র এখনো মনঃস্থির করতে পারছে না, জেলে যাবে না গঠনের কাজ করবে।”

দে সরকার এত জানত না। বলল, “আমি ইউরোপ ছাড়তে ইচ্ছুক নই। এখানকার জীবন হচ্ছে বেগবতী বন্যা, এখানকার জীবন প্রবাহহীন পঞ্চল। দেশে যদি আপনারা একটা আনতে পারেন, প্রাণন হ্রাস পাবেন তবেই আমি আসব !”

চোখ বুজে বলল, “কিন্তু আমি যদি পারি ত আপনাকে দেশে ফিরতেই দেব না।”

উজ্জয়িনী স্ত্রীকে ভাগাদা দিল। “কবে যাব, স্ত্রীদা? কোন জন্মে? এমনি করে কি সোনার নিদাঘ ঋতু কাটায়! দেখছ না, তোমার মিউজিয়াম অর্ধেক খালি হয়ে গেছে! কেউ গ্রামে, কেউ সমুদ্র সৈকতে, কেউ পাহাড়ে, কেউ জাহাজে, কেউ কন্টিনেন্টে বেড়াতে বেরিয়েছে।”

স্ত্রী বলল, “আর দেরি নেই, ভাই। দিন চার পাঁচ কোনো মতে ধৈর্য ধর।”

“আচ্ছা গো আচ্ছা। পড়েছি মোগলের হাতে, খানা খেতে হবে সাথে। তুমি যদি চার পাঁচ দিন না বলে চার পাঁচ মাস বলতে তা হলেও আমি ধৈর্য ধরতুম। কিন্তু তোমার মত শাস্তিবাদীকে শাস্তি দিতুম না। বুঝলে?”

স্ত্রী অগ্নমনস্কভাবে হাসল। শাস্তিবাদীদের জন্তে সে তার বক্তব্য তৈরি করছিল।

“কিন্তু স্ত্রীদা, শব্দরাকে ডাকছ যখন তখন আর একজনকেও ডাক।”

“কাকে?”

“মিষ্টান্নের সরকারকে। উনি উপগ্রাস লিখবেন, শহরে নিরিবিলি পাচ্ছেন না, গ্রামে হয়ত পাবেন।”

“কে? দে সরকার?” স্ত্রী হো হো করে হাসল।

“হাসছ কেন? কেন না?”

“দে সরকার যদি গ্রামে যায় তবে মরিস নাহু নাচবে। ও কি এক দণ্ড চুপ করে বসে বই লেখবার পাত্র? তুই ওকে চিনিসনি।”

“না, না, ঠর অনেক পরিবর্তন হয়েছে। সাহিত্যে ঠর যতিগতি ফিঙ্গছে। কী মনোরম আবৃত্তি করেন যদি শুনতে!”

“ওকে চিনতে সময় লাগবে। ওর যেমন গুণের সীমা নেই তেমনি দোষেরও স্বল্পতা নেই। যারা চন্দ্রমা দেখে তারা প্রথম কয়েক তিথিতে কঁলঙ্ক দেখতে পায় না, ক্রমে ক্রমে পায়।”

এ কথা শুনে উজ্জয়িনী রুষ্ট হল। বলল, “কলঙ্ক কি আমারও নেই? তোমার মত নিষ্কলঙ্ক ক’জন? আমি ত মনে করি কলঙ্ক একটা qualification.”

স্বধী টিপে টিপে হাসছিল, তা লক্ষ করে উজ্জয়িনী গায়ে পেতে নিল। তীক্ষ্ণ স্বরে বলল, “কে কাকে ঠিক চিনতে পারে জগতে! আমার ত ধারণা মেয়েরা মেয়েদের, পুরুষরা পুরুষদের চিনতে অপরাগ। প্রতিদ্বন্দ্বিতার প্রচ্ছন্ন সংস্কার তাদের অঙ্ক করে দেয়।”

এর ভিতরে স্বধীর প্রতি একটু স্নেহ ছিল। স্বধী পুরুষ বলে তারও প্রতিদ্বন্দ্বিতার সংস্কার থাকতে পারে। স্বধী আর উচ্চ বাচ্য করল না।

দে সরকারকে উজ্জয়িনী দ্বিতীয়বার বলতেই সে উদ্বাহ হয়ে ব্যগ্রতা প্রকাশ করল।

“লোটা কষ্টল যা আছে গরিবের তাই নিয়ে বনবাসী হব।” দে সরকার বলল। “আপনার কাছে লুকিয়ে কী হবে, এই যে পোষাকটি দিনের পর দিন দেখছেন এটিই আমার বাঘছাল। টাকা থাকলে কি আমেরিকা যেতুম না? নিদেন পক্ষে স্কটলও? ধনের ঘরেও শনি। সেদিন যদি নরওয়ে সুইডেনের প্রস্তাবে আপনি সায় দিতেন আমাকে হয়ত চুরি ডাকাতি করতে হত। যাক, এ ত তবু তোম। কম খরচে চলবে। কিন্তু আপনাকে সাবধান করে দিই, আমার চালচলন দূর

থেকে যেমন, নিকট থেকে তেমন নয়। কাছাকাছি থাকলে ধরা যখন পড়বই তখন আগে থেকে জানিয়ে রাখা নিরাপদ।”

উজ্জয়িনী ফরাসী আমলের জমিদারবাংশীয়ের স্বীকারোক্তি শুনে কৌতুক বোধ করল। বলল, “আপনি সেখানে গিয়ে ছুরি কাটা চুরি করবেন না, বড় লোকের পকেট মারবেন না, মুচলেকা লিখে দিতে রাজি আছেন? তা হলে আমি আপনার জামিন দাঁড়াতে রাজি আছি।”

দে সরকার কস্পিত কণ্ঠে বলল, “আপনি যদি জামিন দাঁড়ান তবে আমি সারা জীবন নিষ্পাপ থাকব এমন মুচলেকাও লিখে দিতে পারি। তবে আমি যে একজন পুরানো দাগী এ কথা আপনার জানা দরকার। বলব আপনাকে একে একে সবই। তার পরে একদিন সরে পড়ব, যদি দেখি আমি আপনার বিশ্বাসের অভাজন।”

বলেই সেদিন সরে পড়ল।

গ্রামে যেতে উজ্জয়িনীর যতটা আগ্রহ সুখীর তার চেয়ে বহুগুণ বেশী। কিন্তু সুখী দেরি করছিল প্রকৃতপক্ষে বাদলের জন্তে। বাদলকে একা ফেলে সে কী করে লগুন ছাড়ত? বাদলও যাতে তার সঙ্গী হয় সেজন্তে তার চেষ্টার বিরাম ছিল না। বাদল সঙ্গে থাকলে উজ্জয়িনীর দরুণ সুখীকে কেউ নিন্দা করত না।

কিন্তু এত তদ্বিরেও ভবী ভুলল না। বাদল স্পষ্ট বলে দিল, “তোমাদের বুর্জোয়া শাস্তিবাদে আমার আস্থা নেই। আমিও যুদ্ধের বিরোধী, কিন্তু আমার বিরোধিতা তোমাদের মত সঙ্গীর্ণ নয়, ব্যাপক। আমি চাই শোষণের অবসান, তা যদি হয় তবে শাস্তি আপনি আসবে। শোষণের গায়ে আঁচড়টি লাগবে না, আকাশ থেকে টুপ করে শাস্তি নামবে, এই ‘ধরি মাছ’ না ‘ছুই পানি’ ধাঁদের নীতি আমি তাঁদের সঙ্গে যোগ দিতে পারিনে। কিন্তু তোমরা নিশ্চিন্ত থাকো, আমি শাস্তির

বিরোধিতা করব না, যদি কেউ শাস্তির ব্যাঘাত করে তারই বিরোধিতা করব।”

এই উক্তির পিছনে যে মানসিক বিশৃঙ্খলা রয়েছে স্বধী ইচ্ছা করলে তা চোখে আঙুল দিয়ে দেখিয়ে দিতে পারত, কিন্তু তার ত বাদলকে ভজাবার উদ্দেশ্য ছিল না, তার উদ্দেশ্য ছিল বাদলকে সাথী করবার। সে উদ্দেশ্য বার্থ হওয়ায় স্বধী আর বিলম্ব করল না, গ্রামে যাবার দিন ফেলল।

এত কাল ঝুলে থাকার পর এই স্থখবরটা শুনে উজ্জয়িনী এত খুশি হল যে সেদিন স্বধীকে আটকে রাখল। দে সরকার আসতেই দু’জনের দুই হাত ধরে বলল, “তোমাদের দু’জনের মধ্যে কিছু একটা হয়েছে। না?”

স্বধী ও দে সরকার উভয়েই নীরব। উজ্জয়িনী বলল, “আজ থেকে তোমাদের মিতালি। চল তোমরা দু’জনেই আমার সহচর হয়ে— একজন আমার দেবতা, একজন আমার ভক্ত।”

দেবতা ও ভক্ত উভয়েই অস্বস্তি বোধ করছিলেন। উজ্জয়িনীর তাতে ভ্রূক্ষেপ ছিল না। সে তাদের দু’জনকে দুটি পুতুলের মত পাশাপাশি বসিয়ে স্বয়ং তাদের সম্মুখে বসল শিশু উজ্জয়িনীর মত। তাদের তর্জনী দিয়ে শাসন করে বলল, “লক্ষ্মী ছেলের মত খেলা করবে। কেউ কারো দোষ ধরবে না। বাগড়া বাধলে আমাকে জানাবে। কেমন? মনে থাকবে?”

অশোকার বাগদানের সময় থেকে স্বধী কেমন একটা অবসাদ বোধ করছিল। প্রকৃতির কোলে আত্মসমর্পণ ছাড়া অস্ত্র কোনো আরোগ্য

নেই, প্রকৃতি তার রসায়ন দিয়ে দেহমন নবীন করতে জানে। সেইজন্তে স্খী স্থির করেছিল যে গ্রামে গিয়ে পাঁচ ছয় সপ্তাহ থাকবে। তার শাস্তিবাদী বন্ধুরাও গ্রামে যাচ্ছেন, তাঁরা হয়ত অতদিন থাকবেন না। শাস্তিবাদের যা হবার হোক, শাস্তি পেলেই স্খী সন্তুষ্ট।

মাঝখান থেকে উজ্জয়িনীর আকস্মিক আক্রমণ। সেও চায় যেতে। তাকে নিলে স্খীর দুর্গাম ত রটবেই, কিন্তু তার নিজের কলঙ্কের সীমা রইবে না। একবার সে বাড়ী থেকে পালিয়েছিল, বৃন্দাবনে ধরা পড়ল। আরো এক পৌঁচ কালি মেখে দেশে ফিরলে দেশের লোক ছি ছি করবে।

কাজেই স্খী ভারী মুশকিলে পড়েছিল। তার ভরসা ছিল বাদল শেষ পর্যন্ত গ্রামে যেতে রাজি হবে, কিন্তু বাদল ত নারাজ হলই, কোনখান থেকে দে সরকার এসে জুটল। যদি পেছিয়ে যাবার পথ থাকত স্খী গ্রামে যাওয়া বন্ধ করত। কিন্তু ইতিমধ্যে বিজ্ঞাপিত হয়েছে ভারতের পক্ষে ভাষণের ভার স্খীর উপর।

যেদিন গ্রামে যাবার কথা তার আগের দিন তিনজনেই গেল বাদলের সঙ্গে সাক্ষাৎ করতে। বাদল বলল, “কাজ কি ভাই আমাকে টেনে? আমি কথা কইতে অপারগ, কেননা একদিন আমাকে কথা কইতে হবে। আমি কথা শুনে অনিচ্ছুক, কেননা এতদিন আমি ও ছাড়া আর কী করেছি? কোথাও যেতে আমার কচি নেই, কেননা যেখানেই যাই সেখানেই দেখি দুঃখ। আমাকে একা থাকতে দাও তোমরা।”

বাদল তাদের ঠিকানা লিখে নিল। দুরকার হলে খবর দেবে। তার সম্বন্ধে নিশ্চিত হবার পক্ষে তাই যথেষ্ট নয়, কিন্তু উপায় নেই।

তারা তিন জনে নদীর বাধ থেকে ফিরে হোটলে পা দিচ্ছে এমন সময় পোর্টার বলল, “টেলিগ্রাম, ম্যাডাম।” তারখানা তাড়াতাড়ি

থুলে একবার চোখ বুলিয়ে নিয়ে উজ্জয়িনী ওখানা স্বধীর হাতে দিল।
স্বধী পড়ল—

“Come with Sudhi or Kumar.

Mother.”

উজ্জয়িনী উতলা হয়ে জিজ্ঞাসা করল, “মানে কী, স্বধীদা? তুমি
কি মনে কর মা’র কোনো অসুখ—”

স্বধী নীরব থাকল। অসুখ করলে সে কথা উল্লেখ করতে আর যেই
হোক মিসেস গুপ্ত ইতস্ততঃ করতেন না। অসুখ নয়, অল্প কোনো
ব্যাপার।

দে সরকার তারখানা চেয়ে নিয়ে পড়তে না পড়তেই চমকে উঠল।
পাংশু মুখে বলল, “হোয়াট! এ যে বিনা মেঘে বজ্রপাত। চক্রবর্তী,
তুমি কী বল?”

তা শুনে উজ্জয়িনী ভয় পেয়ে গেল। বলল, “ও স্বধীদা!”

স্বধী তাকে সাস্থনা দিয়ে বলল, “না, অসুখ নয়। তবে তোমরা ত
পৌটলা বেঁধে প্রস্তুত হয়ে রয়েছ। কেবল গন্তব্যের পরিবর্তন হল।”

উজ্জয়িনী শক্ পেয়ে সুখাল, “সে কী! তুমি যাবে না, স্বধীদা?”

“আমি গেলে দিন দু’তিনের বেশী থাকতে পারব না, আমার যে
ভারতের পক্ষে ভাষণের নিমন্ত্রণ।”

“আমিও কি দিন দু’চারের বেশী থাকব ভাবছ? যেখানে তুমি
সেখানে আমি।”

স্বধী স্তম্ভিত হয়ে বলল, “না, লক্ষ্মী। তোমার মা কিম্বা শশুর কিম্বা স্বামী
যেখানে তুমি সেখানে।”

উজ্জয়িনী তর্ক করতে যাচ্ছিল, “কিন্তু বিয়ের পরে মায়ের সঙ্গে
মেয়ের এমন কী—”

‘স্বধী বাধা দিয়ে বলল, “তোর মা তোকে ডেকেছেন, হয়ত বিশেষ বিপন্ন হয়েই ডেকেছেন, তুই যা। তোর সঙ্গে যাক দে সরকার।”

উজ্জয়িনীর চোখ দিয়ে জল উথলে পড়ল। সে দুই হাতে মুখ ঢেকে উঠে গেল, কিন্তু স্বধীকে ও দে সরকারকে ইসারা করে গেল বসে থাকতে। কিছুক্ষণ পরে চোখ মুখ ধুয়ে যখন নামল তখন তাকে দেখে মনে হচ্ছিল যেন একটি ভৈরবী।

ইতিমধ্যে দে সরকার বলছিল স্বধীকে, “এ কী মহাসঙ্কট!”

“কেন হে! তুমি ত কার্লসবাদের পথ চেন, তোমার পাসপোর্টও রয়েছে। তোমার পক্ষে ত মহা সহজ।”

“না, না, তা নয়।” দে সরকার হিমসিম খেয়ে বলল, “তুমি থাকতে আমি কোন স্ববাদে—কোন অধিকারে—ওঁকে নিয়ে যাব?”

“আমার যে উপায় নেই। তুমি আছ কী করতে যদি তোমার বন্ধুপত্নীকে তার জননীর অহরোধে এক স্থান থেকে আর এক স্থানে নিয়ে যেতে না পারলে?”

“আমাকে,” দে সরকার স্বধীর কাছে সরে এসে বলল, “ভুল বুঝো না, ভাই চক্রবর্তী।”

“না, তোমাকে ভুল বুঝব না, ভাই দে সরকার। তুমি ত নিজের ইচ্ছায় যাচ্ছ না। যাচ্ছ টেলিগ্রামের নির্দেশে।”

“স্বধীদা!” দে সরকার সেন্টিমেন্টাল স্বরে ডাকল।

“কুমার!”

“তুমিই ত সেদিন বলেছিলে ওঁকে কোথাও না নিয়ে যেতে।”

“কিন্তু এক্ষেত্রে যে উপরওয়ালার আদেশ।”

“তবু সন্দেহ ত তুমি করবে।”

“হ্যাঁ, সন্দেহ আমি করব। এবং বিশ্বাসও করব যে তুমি এই অপূর্ব

প্রলোভন জয় করবে। এই তোমার জীবনে উজ্জয়িনী সম্পর্কে প্রথম দৃষ্টি। তোমার নিজের হাত থেকে এবার তুমি তাকে রক্ষা করতে সম্মানবদ্ধ।”

দে সরকার ক্ষিপ্তভাবে বলল, “তবে তুমি আমার হাতে ঠেকে দিলে?”

সুধী উদাসকণ্ঠে বলল, “আমি দেবার কে! বিধাতা দিলেন। আমি যেভাবে জড়িয়ে পড়েছিলুম তাতে আমার কাজের ক্ষতি হচ্ছিল। তিনি আমার বাঁধন খুলে দিচ্ছেন। অশোকা গেছে, উজ্জয়িনী যাচ্ছে, এর পর মার্সেল।”

এমন সময় উজ্জয়িনী এসে সুধীর পাশে বসল। বলল, “আমি জানি তুমি তোমার কর্তব্য ফেলে আমাব সঙ্গে যাবে না। তবু আমি ভাবতে পারছিলাম যে যার জন্তে আমার আমেরিকা যাওয়া হল না তাকে রেখে আমার কার্লসবাদ যাওয়া হবে। মিস্টার দে সরকার, আপনি আমার নাম করে একখানা তার করে দিন মা’কে। জিজ্ঞাসা করুন কী হয়েছে। অস্থখ না অগু কিছু।”

দে সরকার বলল, “আ-আ-আমিও তাই ভাবছিলুম।” তার মুখখানা শুকিয়ে কাঠ হয়ে গেল।

তা লক্ষ করে সুধী বলল, “তার করে সময় নষ্ট করা উচিত নয়। মা যখন যেতে বলেছেন তখন নিশ্চয় কিছু ঘটেছে।”

“আ-আ-আমিও তাই ভাবছিলুম।” বলল দে সরকার।

উজ্জয়িনী বিরক্ত হয়ে নিজেই একখানা টেলিগ্রামের ফর্ম জোগাড় করে লিখতে বসল। কাটাকুটির পর এই বকম দাঁড়াল—

“Sudhi attending Peace Conference. I attending.
Kumar attending. How are you?”

সুধী হেসে বলল, “পীস কনফারেন্স নয়, প্যাসিফিস্ট কনফারেন্স। কিন্তু লন্ডী, তোকে যেতেই হবে কার্লসবাড। আমার কেমন বেন মনে হচ্ছে লণ্ডন থেকে কেউ বা কারা তোমার মায়ের কাছে কিছু লিখেছেন।”

“অসহ! অসহ!” উজ্জয়িনী খসড়াখানা কুটি কুটি করে ছিঁড়ল। “আমি কার কী করেছি যে কেউ অমন যা তা লিখে জ্বালাবে! রিভলভার দিয়ে শূট করতুম যদি জানতুম কে বা কারা—” এই পর্য্যন্ত বলে সে কেঁদে ফেলল।

ওদিকে দে সরকার একটু একটু কাঁপছিল। তার কাঁপুনির বিশেষ কোনো কারণ না থাকায় সুধীর মনে সন্দেহ হল, হয়ত সেই কিছু লিখেছে। কিন্তু সুধী অপরাধ নিল না। ঠিকই হয়েছে যে উজ্জয়িনী তার মায়ের কাছে যাচ্ছে। সেইখানেই তার যথার্থ স্থান। সুধীর সঙ্গে গ্রামে নয়।

“সমাজে বাস করলে,” সুধী সান্ত্বনাচ্ছলে বলল, “সমালোচনার অধিকার মানতে হয়। কত লোক কত দুর্গাম রটায়, তাদের সবাইকে গুলি করতে গেলে গুলির দর বেড়ে যায়। আমরা যদি নিষ্পাপ হই তবে সেই হবে আমাদের মোক্ষম গুলি। সীতা সেকালের অযোধ্যার লোককে চিরকালের মত গাধার টুপি পরিয়ে দিয়ে গেছেন। যদি তাদের গুলি করতেন তা হলে কিন্তু তারাই জিতে যেত।”

উজ্জয়িনী অশ্রুভারাক্রান্ত কণ্ঠে দে সরকারের সাক্ষাতেই সুধীকে বলল, “তোমার অনুমান যদি সত্য হয় যা আমাকে তোমার কাছে ফিরতে দেবেন না, তুমি যখন দেশে ফিরবে তখন আমাকে আটকে রাখবেন। তবে কি আমি কোনো দিন তোমার সঙ্গে থাকতে পাব না—এই শেষ?”

সুধী কোমল স্বরে বলল, “আপাতত এই শেষ। এই ভালো,

উজ্জয়িনী, লক্ষ্মী। আমাকে এক মনে আমার কাজ করে যেতে দে। আমার কাজ যতদিন না তোরাও কাজ হয় তত দিন আমাদের বিচ্ছেদ শ্রেয়। কিন্তু পথে যেদিন আমরা একত্র হব সেদিন দেখবি শেষ নেই, সঁ মিলন অশেষ।”

১১

পরদিন সুধীর যাওয়া হল না। উজ্জয়িনীর পাসপোর্ট ও Visa, দে সরকারের Visa সংগ্রহ করতে দিনান্ত হল। প্রাণান্ত হতে পারত, কিন্তু সুন্দর মুখের জয় সর্বত্র। উজ্জয়িনী যে অফিসারের সম্মুখে উদয় হয় তিনিই শশব্যস্ত হয়ে বলেন, “খুব বেশী দেরি হবে না। আমরা আমাদের উপকার আদেশ প্রতি মুহূর্তে প্রত্যাশা করছি।”

দিনান্তে দে সরকারকে বাজার সরকার নিযুক্ত করে উজ্জয়িনী বলল, “সুধীদা, চল শেষবার লগুন দেখি।”

দু’জনে একখানা বাস-এর ছাতে উঠে বসল। নিরুদ্দেশ যাত্রা। দু’জনেই অনেকক্ষণ অসাড় ভাবে বসে রইল, কথা কইল না।

স্বকৃত ভঙ্গ করল উজ্জয়িনী। “সুধীদা, আমার ত মনে হয় না যে মা অচিরে ফিরবেন। তাঁর কিছু টাকা গেছে, কিন্তু কিছু আছেও। সেটুকু খরচ হতে এখনো পাঁচ বছর লাগবে, তার আগে তিনি ইউরোপ থেকে নড়বেন বলে মনে হয় না।”

সুধী বলল, “দেখা যাবে।”

“আমি যদি তাঁর সঙ্গে থাকি তবে আমারও,” উজ্জয়িনী বিশদ করল, “দেশে ফিরতে আরো পাঁচ বছর।”

“দেশ,” সুধী স্নেহে বলল, “তোরা অভাব নিত্য বোধ করবে।

কিন্তু অপেক্ষা করবেও। তুই যদি ক্লিনিকের বিজ্ঞা আয়ত্ত করিস তবে পাঁচ বছরও দীর্ঘকাল নয়।”

“কিন্তু ওতে আমার মন লাগে না যে!”

“কারণ জগতের ব্যথা তোর বুকে বাজেনি। নিজের বেদনা তাকে বিস্মল করেছে।”

কিছুক্ষণ পরে উজ্জয়িনী বলল, “জগতের সেবা যে করবে তারও স্ব্থ শান্তি চাই। তার ক্ষুধা যদি না মেটে তবে কেমন করে সে অন্নপূর্ণা হবে!”

“স্বার্থ। কিন্তু ক্ষুধা মেটে অন্ন নয়, অমৃত। অন্নের জন্তে অন্নের মুখাপেক্ষী হতে হয়, অমৃতের জন্তে আপনার অন্তর মছন করতে হয়। তোর কি অমৃত নেই যে তুই অন্নের জন্তে হাবাতের মত বেড়াবি?”

উজ্জয়িনী ফিস ফিস করে স্ব্থীর কানে কানে বলল, “এই! এ বাস-এ আর একজন ভারতীয় আছেন। বোধ হয় বাঙালী।”

স্ব্থী পিছন ফিরে তাকাল, আরে এ যে নীলমাধব চন্দ! স্ব্থী বলল, “নীলমাধবের সঙ্গে তোর পরিচয় নেই? দুঃখের জীবন!”

“সঙ্গে ত একটি দুঃখিনী দেখছি।” উজ্জয়িনী নীচু স্বরে বলল। “তোমরা ভারতীয় ছাত্রেরা এ দেশে এসে এদের কন্যাদায়ের দুঃখ সহিতে পার না।”

স্ব্থী শুনেছিল নীলমাধব বাগ্‌দত্ত হয়েছে একটি জার্মান ইহুদী মেয়ে সঙ্গে। মেয়েটি উচ্চাঙ্গের বেহালা বজায়। নীলমাধব তাকে দেশে নিয়ে যেতে পারে না, সেখানে বিদেশিনীর বেহালা বুঝবে কে? আর মেয়েটিও আর্ট সম্বন্ধে serious। নীলমাধব ইতিমধ্যে কয়েক বছর বিদেশে কাটিয়েছে, বোধ হয় সারা জীবন বিদেশেই কাটাবে।

কষ্টে চাফা। চির প্রবাসীর যে নিরুপায় দুঃখ সেই দুঃখ তার। অধিক সে আর দেশকেও কম ভালোবাসে না। বহুকাল অন্তরীন ছিল, এখনো তেমনি স্বদেশী।

এসব শুনে উজ্জয়িনী চাপা গলায় বলল, “ইনটারন্যাশনাল ট্র্যাঙ্কেডী! কী বল, শান্তিবাদী? তোমার শান্তিবাদ এর কী মীমাংসা করবে?”

“মীমাংসা সম্ভব নয় বলেই ত আমি বলি, বিদেশে এসে কেউ যেন প্রেমে পড়ে না, বিয়ে করে না।”

“আর তুমি নিজেই স্বজ্ঞেতের—”

“ছি। যা তা বলিস নে।”

“কিন্তু আমি শপথ করে বলতে পারি ও তোমাকে প্রাণের চেয়ে ভালোবাসে। তেমন ভালোবাসা যদি আমি বাসতে পারতুম তবে আজ এইখানেই প্রাণ দিতুম, কখনো কার্লসবাড যেতুম না।”

কোন কথা থেকে কোন কথা এসে পড়ল! স্বধী নীলমাধবকে সন্ধেতে অভিবাধন জানাল। নীলমাধব প্রত্যভিবাধন করল।

উজ্জয়িনী চুপি চুপি বলল, “আমাকে তুমি নির্বাসন দিচ্ছ, জানি। বনে নয়, তা হলে ত বাঁচতুম। ইউরোপের ভোগবিলাসের কেন্দ্রস্থলে, যেখানে পদে পদে প্রলোভন, একটু অসতর্ক হলেই পদস্থলন। যদি কোনো দিন আমাকে দেখতে পাও তবে সেদিন কোন পাপীয়সীকে দেখবে—কোন পতিতাকে!”

স্বধী কণকাল হতবাক হল। তারপরে ভাষা ফিরে পেল।

“ইউরোপের মেয়েরা ত ভোগবিলাসের বাইরে নয়। তবে তারাও কি তোমার ধারণায় তাই?”

“না, না। আমি কি তাই মনে করে বলেছি?” অপ্রতিভ হল উজ্জয়িনী। ইউরোপের আবহাওয়ায় বহুকাল বাস করলে যেমন এক

প্রকার প্রতিরোধশক্তি জন্মায় ভোগের আবহাওয়ায়ও তেমনি বুঝলে স্বধীনা, ইউরোপের মেয়েরা immune.”

স্বধী বলল, “কতকটা সত্যি। কিন্তু আমার বিশ্বাস ওদের রক্ষা করে ওদের ধর্ম, ওদের নারীত্বের আদর্শ। ওদের ঐতিহ্য ওদের বাঁচায়।”

“হতে পারে। কিন্তু আমি যা বোঝাতে চেয়েছিলুম তা কি তুমি বুঝলে!” সে অভিমানে মুখ ফিরাল।

স্বধীও চেয়ে দেখল নীলমাধব যেখানে বসেছে সেখানে কোনো আসন খালি কি না। নীলমাধবের সঙ্গে তার কথা ছিল। আসন খালি দেখে স্বধী বলল, “আমাকে এক মিনিট ছুটি দিতে পারিস?” উত্তরের জন্তে অপেক্ষা করল না।

নীলমাধব তার ফিফ্‌সীর সঙ্গে স্বধীর আলাপ করিয়ে দিল। দু’চার কথার পর স্বধী বলল, “আপনি কি লগুনে আপাতত কিছুদিন থাকবেন? না অত্ন কোথাও যাবার কল্পনা আছে?”

“লগুনেই থাকব। এঁর কয়েকটা রিসাইটাল আছে।”

“ওহ্! তা হলে ত বঞ্চিত হব। কিন্তু শুধুমাত্র, নীলমাধবদা, আপনি আমার বন্ধু বাদলকে একটু দেখবেন? বেশী দিন না, পাঁচ ছয় সপ্তাহ। ইপ্তায় একবার দেখলেই চলবে।”

‘বেশ। তার ঠিকানাটা—’

“তার ঠিকানা যদি শোনেন নিজের শ্রবণকে অবিশ্বাস করবেন। টেমস নদীর বাঁধ।”

“তার মানে লগুন থেকে অর্ফুস্‌ফোর্ড? না টিলবেরী?”

“অত দূর নয়। লগুনের সীমানাই ওর ঠিকানা। তবে ওকে পাবেন সচরাচর চেয়ারিং ক্রসের নিকটে

সুখী, ফিরলে উজ্জয়িনী বলল, “সুখীদা, আর ভালো লাগছে না। চক্কে নেমে পড়ি।”

এবার ঠাকুসি। উজ্জয়িনীর ক্রক্ষেপ নেই, মিটারে কত উঠছে ডটক। সে সুখীর গা ঘেঁষে বসল ও বলল, “তোমার কাছে যতদিন থাকি আমার শারীরিক চেতনা থাকে না। আমি যেন অশরীরী আত্মা। দূরে গেলেই টের পাই আমার শরীর আছে, শরীরের ওজন আছে, আর আছে অতি সুস্থ সুখ। সুখীদা, তুমি যে অমৃতের কথা বলছিলে তা মিথ্যে নয়, আমিও মানি যে অমৃত যদি মেলে তবে অম্লের জগ্রে ঘুরতে হয় না। কিন্তু সে অমৃত আমার অন্তরে নেই। আছে আর একজনের স্পর্শে।”

সুখী তাকে বাধা দিল না, সেও সুখীর একটি হাত তুলে নিয়ে একটি বার মুখে ছোঁয়াল।

তারপরে কেউ কথা কইল না, সুখীও না, উজ্জয়িনীও না। সুখী অগ্ৰমনস্ত ছিল, যখন তাকাল তখন লক্ষ করল উজ্জয়িনীর চোখে মুখে অশ্রুর জোয়ার। সে যেন চেষ্টা করছে কিছু বলতে; কিন্তু বলতে বাধছে। তাই অসহায় ভাবে কাঁদছে।

সুখীর সহসা মনে হল, কে কার স্বামী, কে কার স্ত্রী, কে কার বন্ধু, কে কার ভাই! সামাজিক সম্পর্কই কি সব! সেই সম্পর্কই কি বিয়াল! আমরা যে চির পুরাতন চির নবীন আত্মা। আমাদের সকলের সঙ্গেই সকলের আত্মীয়তা, সকলের সখ্য, সকলের প্রেম। আমরা নৃকত্র নীহারকার মত নিজ নিজ কক্ষায় চলেছি, চলতে চলতে পরস্পরের পাশ দিয়ে যাচ্ছি, যেতে যেতে রেহ ভালোবাসা পাচ্ছি। সমাজ আছে, সমাজের কাছন আছে, কিন্তু সবই একমাত্র রিয়ালিটি নয়, চরম রিয়ালিটি নয়। সবার উপরে মানুষ সত্য। তা যদি না

হত তবে রাধাকৃষ্ণের অসামাজিক প্রেম যুগ যুগ ধরে ভাঙতের হৃদয় অধিকার করত না।

সুধী বলল, “আমি কিছু মনে করিনি, কোনো অপরাধ নিইনি।
তোমার শুভ্র অন্তঃকরণের নির্মল উপহার গ্রহণ করেছি। ধন্য হয়েছি।
এমনি শুভ্র যেন চিরকাল থাকিস, এমনি নির্মলা যেন সঞ্চয় করে
রাখিস। ধর্ম যদি তোকে রক্ষা না করে তবে প্রেম যেন তা করে।
কিন্তু তুলিসনে যে আমি বৈরাগী—প্রতিদানে অক্ষম।”

১২

সুধী সেদিন রাত জেগে মিসেস গুপ্তকে চিঠি লিখল। চিঠির
সারবস্ত্ত এই—

যে সব ছেলে ভারতবর্ষ থেকে ইউরোপে আসে তাদের অধিকাংশই
‘ডিগ্রী নিয়ে স্বদেশে ফেরে, সম্ভব হলে চাকরি নিয়ে। কিন্তু মাঝে
মাঝে এমন দু’চারজনও দেখা যায় যারা ইউরোপের কাছে অসম্ভবের
মস্ত্র নেয়, তাদের পণ মস্ত্রের সাধন কিম্বা শরীর পাতন। হরদয়াল,
কৃষ্ণবর্মা, সবারকার, বীরেন চট্টোপাধ্যায়—এঁদের গুরুজন নিশ্চয়ই
আশা করেছিলেন যে এঁরাও হবেন সিভিলিয়ান, ব্যারিস্টার,
প্রোফেসর। কিন্তু এঁদের কেউবা হলেন বন্দী, কেউ বা নির্বাসিত।
এঁদের কারো কারো স্ত্রী রয়েছেন স্বদেশে, হরদয়ালের ত একটি মেয়ে
আছে স্নানতে পাই, বেচারি নাকি শৈশব অবধি বাপকে দেখেনি।

বাদলের লক্ষ্য যদিও ভিন্ন তবু সেও এঁদেরই মত মস্ত্রচাষিত।
সেও বোধ হয় দেশে ফিরবে না, এ দেশেও অর্থ উপার্জন করতে না।
এর দক্ষণ আফ্রিকা ক্রান্তান্তরে, কিন্তু দোষ ধরতে পারি নে। তার
জীবনের দায়িত্ব মুখ্যতঃ তারই। কাজেই জীবনযাপনের স্বাধীনতাও

জায়তঃ তর্জর। আমরা বড় জোর অহুযোগ করতে পারি, আবেদন করতে পারি, পরামর্শ দিতে পারি, কিন্তু চাপ দিতে পারিনে।

এমন মাহুষের সঙ্গে উজ্জয়িনীর বিয়ে দেওয়া ঠিক হয়েছে কি না বিতর্ক করা মূখ্য। আমার এক এক সময় মনে হয়, ঠিকই হয়েছে, বিয়ে দিতে হ'লে বাদলের যোগ্য উজ্জয়িনীই আর উজ্জয়িনীর যোগ্য বাদলই। ভুল যদি হয়ে থাকে তবে মনোনয়নে নয়, পরিণয়ে। অর্থাৎ অসময়ে বিয়ে দিয়ে এই বিপত্তি। সবুর করলে হয়ত বিয়েই হত না, কিন্তু বিজ্রাট বাধত না।

যা হোক এখন এ বন্ধন আছে। উজ্জয়িনী ছেদনের কথা ভাবছে, কিন্তু ওতে স্বপ্ন নেই। আমি যতদূর বুঝি উজ্জয়িনীর কর্তব্য তার বাল্যের আদর্শে প্রত্যাবর্তন। সিস্টার নিবেদিতা, ক্লোয়েন্স নাইটিঙ্গেল, ইন্ডিথ ক্যাভেল, এই সকল প্রাতঃস্মরণীয় নারীর আত্মনিবেদনই তার বাল্যের আদর্শ। তার পিতা সেই উদ্দেশ্য সামনে রেখে উইল করে গেছেন। পিতার আশীর্বাদ তাকে সার্থক করবে যদি সে উপযুক্ত শিক্ষার পরে সেবাকার্যে ব্রতী হয়।

সেই যে ক্লিনিকের কথা ছিল, যা নিয়ে আপনিও উৎসাহ প্রকাশ করেছিলেন, তার ভিত্তি স্থাপনের সময় এসেছে। ভিত্তি হচ্ছে উজ্জয়িনীর শিক্ষানবীশী। কোথাও যদি তাকে শিক্ষার্থীরূপে নেয় তবে স্বেচ্ছানৈ সে থাকবে, যতদিন না তার শিক্ষা সমাপ্ত হয়। আর আপনি থাকবেন তার অদূরে, যদি সঙ্গে না থাকতে পারেন। এ ছাড়া ত আমি কোনো সমাধান দেখিনে। আমার অনধিকারচর্চা কমা করবেন, যা। আমি কোথাকার কে। তবে আপনাদের সঙ্গে ভাগ্যান্বিত্তে গাঁথা। আপনাদের মঙ্গল আশীর্বাদকবাজের প্রার্থনা।

আমি যেতে পারছি, দে সরকার যাচ্ছে। দেশে ফেরবার সময়

দেখা করে যাব, যদি ততদিন ওখানে থাকেন। আশা করি আপনার স্বাস্থ্য ভালো আছে। আমার প্রণাম।—

পরদিন স্টেশনে যাবার আগে চিঠিখানা সুধী উজ্জয়িনীর জিন্মা দিল। উজ্জয়িনী বলল, “পড়তে পারি?”

সুধী বলল, “স্বচ্ছন্দে।”

চিঠিখানার উপর একবার চোখ বুলিয়ে উজ্জয়িনী ঠোট উন্টিয়ে বসল, “এই ঋণা! আমি ভাবছিলাম কী জানি কোন রহস্য ফাঁস করে দিয়েছ। কিন্তু সুধীদা, আমি কি শ্রদ্ধাণী যে সেবা করেই আমার সঙ্গতি? অশোকা হলে তার বেলায় কি তুমি ওই ব্যবস্থা দিতে?”

সুধী স্তম্ভিত হল এ অভিযোগ শুনে।

“রাগ করলে?” উজ্জয়িনী সুধীর আঙুল নিয়ে খেলা করতে করতে বলল, “না, আমি সেবিকা হব না। আমার বাল্যের আদর্শ আমার নিজের ভিতর থেকে পাওয়া নয়, বাবার কাছে পাওয়া। তিনি ষাদের ভক্তি করতেন আমিও তাঁদের ভক্তি করতে শিখেছিলাম। এত দিনে আমি তাঁর প্রভাব কাটাতে পেরেছি, এখন আমি তাঁর আদর্শকে নিজের আদর্শ বলে ভ্রম করব না। পৈত্রিক ধনের জন্তেও না। আত্ম আবিষ্কার অতি কঠিন কাজ। আমি আপাতত তাই করব। স্বতঃস্ফূর্তিই আমার জীবনের আলো। সেই আলোয় যখন যা দেখতে পাই তাই আমার কর্তব্য। তুমি আমাকে কর্তব্য বাতলাবার দাবী কোরো না। কী হবে শুনি? ব্যর্থ হবে আমার জীবন? তার বেশী তো নয়? হোক না ব্যর্থ, ব্যর্থতারও কুহক নেই কি?”

যে মাহুয বাবার মতো এতটুকু সজ্ঞে ঝগড়া করতে সুধীর যতি হল না। সে জানতে চাইল, “দে সরকার কোথায়?”

“তিনি মালের সঙ্গে বণ্ডনা হয়ে গেছেন।” উজ্জয়িনী হেসে বলল, “সুন্দর, স্বধীদা? আমার ধারণা ছিল তিনি বোহেমিয়ান। কিন্তু ঘরকন্না করাই তাঁর স্বভাব। বাঁধতে বাড়তে বাজার করতে জিনিষপত্র বাঁধতে তাঁর মত ক’জন আছে? যে মেয়ে তাঁকে বিয়ে করবে সে মেয়ের ভারী মজা—কর্তাই হবেন গিন্নী।”

স্বধী বলল, “তোরা যে দেশে যাচ্ছিস তাকেও বলে বোহেমিয়া। কিন্তু সেখানকার লোক বোহেমিয়ান নয়।”

উজ্জয়িনীর সঙ্গে স্বধী লিভারপুল স্ট্রীট স্টেশনে গেল। হল্যাণ্ড ও জার্মানী দিয়ে কার্গিসবাড যাবার প্রোগ্রাম হয়েছে।

“লিভারপুল থেকে আমেরিকা নয়, লিভারপুল স্ট্রীট থেকে চেকোস্লোভাকিয়া!” উজ্জয়িনী পরিহাস করল। “যেমন আমের বদলে আমড়া!”

দে সরকার বার বার ঘড়ি দেখছিল। যদিও সময় ছিল দেদার তবু তার ভাবখানা যেন—যা: গাড়ী ত ছেড়ে দিল, সহযাত্রিণী কোথায়!

এমন সময় উজ্জয়িনীকে দেখতে পেয়ে সে লুফে নিতে ~~দিল~~ দিল। স্বধী বলল, “সব্বর’! সব্বর’! তোমার লক্স ডিঙানোর এখনো অনেক দেরি। কিন্তু তোমার হাতে ঐ গন্ধমাদনটি কিসের?”

বোকা মেয়ে কোর্টটাকে বন্ধ করে গাড়ীতে চাপিয়ে দিয়েছিল। বুদ্ধিমান দে সরকার সেটিকে উদ্ধার করে কাগজে মুড়ে বগলে ধরেছে। একটু পরে ট্রেন থেকে নেমে জাহাজে চড়তে হবে, তখন এই দারুণ গরমের দিনেও দিবিয়া শীত করবে। কোর্টের খোঁজ পড়বেই।

স্বধী বলল, “হী, গিন্নীপনাই এর স্বভাব—

উজ্জয়িনী ফিক করে হাসল। দে সরকার বুঝতে পারল না কেন

ও মস্তব্য। অপ্রস্তুত হল। তা দেখে উজ্জয়িনীর দম্মা হল। সে কোটটি গায়ে দিয়ে বেচারাকে অব্যাহতি দিল।

স্বধী কিছু ফুল কিনে এনে উজ্জয়িনীকে দিল। বলল, “এবার তোকে বিদায় দিতে লগুনের লোক ভিড় করেনি। আমিই তোকে সর্বসাধারণের পক্ষে বিদায় উপহার দিচ্ছি।”

উজ্জয়িনী বলল, “সর্বসাধারণকে আমার অসংখ্য ধন্যবাদ।”

স্বধী বলল, “চিঠিখানা মা’কে দিতে ভুলিসনে। আর তাঁকে বুঝিয়ে বলিস কেন আমার যাওয়া হল না।”

“তিনি,” উজ্জয়িনী তামাসা করল, “তোমাকে না দেখে হাহাকার করবেন। আমি বুঝিয়ে বলব, পথে হারিয়ে যায়নি, আছে যেখানে ছিল সেখানে।”

দে সরকার কী সব খাবার কিনে আনল। কৈফিয়ৎ দিল, “পুলম্যান আছে বটে, কিন্তু আমরা পুলম্যানে বসে খাব না।”

“কেন পুলম্যানে বসে খাব না?” উজ্জয়িনী তার মুখ থেকে কথা কেড়ে নিল। “পুলম্যানের সৃষ্টি হয়েছে কী জন্তে যদি আমরা সেখানে বসে না খাই? আপনি কি মনে করেছেন পুলম্যান থাকতে আমি নিজের কামরায় বসে লুকিয়ে লুকিয়ে খাব? এসব বিষয়ে আমি আমেরিকান।”

স্বধী উজ্জয়িনীর মেজাজ জানত। সে কখনো টাকা বাঁচাবে না, যত পারে ওড়াবে। কিন্তু দে সরকার হল অল্প দশধন মধ্যবিত্ত যাত্রীর মত হিসাবী, অकारণে পুলম্যানে বসে পকেট খালি করতে তার স্বাভাবিক বিতৃষ্ণা। তাই দে নিজের খরচে দু’জনের উপযোগী পুষ্টিকর ও রুচিকর আহাৰ্য্য কিনেছিল।

“না, আপনি সত্যিকার বোহেমিয়ান নন।” উজ্জয়িনী মাথা ঝুড়ল।
“আপনি বেশ গোছালো গিন্নী। চলুন, পুলম্যানেই ওঠা বাক।”

সুধী দে সরকারকে একান্তে ডেকে নিয়ে উপদেশ দিল, “ওহে, লগিতা রায় ওকে সামলাতে পারলেন না, ও মেয়ে উড়নচণ্ডী। পুলম্যান আছে, একথা উল্লেখ করতে গেলে কেন? ওকে বড় হোটেল, বড় দোকান ইত্যাদির ধার দিয়ে যেতে দিয়ে না। ও সব যাতে ও ভুলে থাকে তাই হবে তোমার কর্মকৌশল। কিন্তু একবার যদি ওর মনে পড়ে যায় তবে বাধা দিয়ে না। বরং উড়তে দিয়ে। তাতে বুঁকি কম।”

মৌনব্রত

১

বাদল মনে মনে প্রতিজ্ঞা করেছিল যতদিন না নিজের বাণী আবিষ্কার করেছে, নিজের কণ্ঠস্বর অর্জন করেছে, ততদিন নীরব রইবে। প্রাণধারণের পক্ষে যে কয়টি প্রশ্ন একান্ত আবশ্যিক, ভদ্রতার স্বাতিরে যে কয়টি উত্তর একান্ত প্রয়োজন, সেই কয়টি শব্দ কোনো যতে উচ্চারণ করবে। যেমন, “দেশলাই, সার ?... ধন্যবাদ, সার।” কিম্বা “কটিমাখন, প্রীজ।... ধন্যবাদ, মিস।” কিম্বা “হাঁ, দিনটি চমৎকার।”

মাসিকের নৈই তার তুণে তর্কস্বর থেকে কী লাভ ? তর্ক করতে করতে বাদলের তর্কে অকুটি ধরেছিল। তার নিজের বিচারে তার তর্ক স্বতঃসিদ্ধ, কিন্তু কেউ কি ওকথা মেনে নেয় ? মানুষের সঙ্গে তর্ক করে কিছু শেখাও যায় না, কিছু শেখানোও যায় না, কেবল কষ্ট হয় মনের ভিতরটায়। দুনিয়াতে কষ্টের কমতি কোথায় যে ইচ্ছা করে কষ্ট বাড়াতে হবে ? যে পরের দুঃখমোচন করবে তার নিজের দুঃখ বাড়ানো উচিত নয়। বাদল তর্কের বিরুদ্ধে সতর্ক হল।

তর্ক নয়, তর্ক মাঝারিদের জন্তে। বাদল মাঝারি নয়, অধিতীয়। সে যে কথা বলবে সে কথা হবে লাখ কথার এক কথা। লক্ষ লোকের কথা ফেলে তারই কথা শুনবে বিশ্বজন। সে যখন সেনাপতির মত আদেশ করবে, “চল”, তখন যে যেখানে আছে সৈনিকের মত চলবে। যখন নির্দেশ দেবে, “থাম”, তখন যে যেখানে এসেছে সেইখানে থামবে। বেশী ব্রহ্মইটি একটি কথা। সেই কথা এমন কথা যে তার জন্তে সমগ্র জগৎ উৎকর্ষ হয়ে প্রতীক্ষা করছে।

ইকাধায় পাবে সেই কথা, বাদল ভাবে। বিছা নয় যে পুঁথি
বাঁটলেই পাওয়া যাবে। বুদ্ধি নয় যে বুদ্ধিমানদের সঙ্গে মিশলেই
মিলবে। বল নয় যে ব্যায়াম করলেই লভ্য হবে। কার্যিক কঠোর
নয় যে অল্পশীলন করলেই আয়ত্ত হবে। বাদল যে কঠোর চায়, যে
বাণী চায়, তা বোবা মানুষেরও থাকতে পারে। অর্কেস্ট্রার পরিচালক
কথা কন না, ইসারা করেন। অমনি বহু বিচিত্র বাস্তব একসঙ্গে
গর্জে ওঠে, তরঙ্গের পর তরঙ্গ ছুটে আকাশের তটে আছাড় খায়,
কাঁদতে কাঁদতে পিছু হটে, সাগরের বুকে ঘুমিয়ে পড়ে।

বাদলকেও কথা কইতে হবে না, যদি ইসারায় কাজ চলে। কিন্তু
সেই ইসারা হবে এমন ইসারা যে জনপারাবার উদ্বেল হবে, অথচ
বক্তের ফেনায় ফেনিল হবে না। বিনাযুদ্ধে যুদ্ধের ফল, বিনা বিপ্লবে
বিপ্লবের ফল, এই হচ্ছে বাদলের ধ্যান।

বাদল যে কঠোর চায় তা বিস্তার সঙ্গে বেধাপ। বিস্তারানের উক্তি
যুক্তিপূর্ণ হলেও বিস্তারীদের চিন্তা স্পর্শ করে না, তার পিছনে যেমন
জোর নেই যেমন জোর বিস্তারীদের উক্তির পিছনে। মানুষ প্রথমেই
সন্ধান করে যে কথা বলছে সে কেমন লোক, স্বার্থপর কি নিঃস্বার্থ,
নিঃস্বার্থ হলে প্রমাণ কী, জীবনে প্রমাণ আছে না শুধু বক্তৃতায়, জীবনের
প্রতি কর্তব্য প্রমাণ আছে, না দুটি একটি কর্তব্য। বিস্তারীদের ভোলানো
কিছা ছাড়া কোনো কঠিন নয়, কিন্তু তাদের প্রেরণা দিয়ে অনুপ্রাণিত করা,
অর্কেস্ট্রার মত পরিচালিত করা বিষয় কঠিন। তাদের incite করা
এক কথা, inspire করা আরেক কথা।

তা ছাড়া বিস্তারানের উক্তি কি বিস্তারীদেরই চিন্তা জয় করবে ?
তারা বলবে, তুমি নিজেও ত মোদোহন নও। অন্তত দৃষ্টি পান করছ।
তোমার জিহ্বাগ্রে শোষণের বিরুদ্ধে নাগিন, কিন্তু ঠোঁটের কোণে

শোষণলব্ধ ক্লীব। ক্যাপিটালিস্টদের মুচকি হাসি কল্পনা কল্পনাই। বাদল লজ্জায় সঙ্কোচে ত্রিয়মাণ হয়। সে নিজে তাদের চেয়ে কোঁন অংশে ভালো যে তার কণ্ঠে তাদের বিরুদ্ধে অভিযোগ বজ্রের মত ধ্বনিত হবে? তার কণ্ঠস্বর বজ্রের মত শোনাবে তখন, যখন সে দুধের পাত্র স্থণার সঙ্গে ঠেলে তাদের জ্ঞেয়ী থেকে ছিটকে বেরিয়ে যাবে। যদি ক্লীরের লালসায় গোদোহনে লিপ্ত থাকে তবে তার দশা হবে তার কমিউনিস্ট কমরেডদের মত। ওদের কণ্ঠস্বর যেমন কর্কশ তেমনি ক্লীব। কেউ কানে তোলে না ওদের উক্তি, বিশ্বাস করে না ওদের যুক্তি, একটা ভিখারীও ওদের পক্ষে ভোট দেয় না, একটা ধর্মঘটও সফল হয় না ওদের দ্বারা। এর কারণ এমন নয় যে কমিউনিজমে বিন্দুমাত্র সত্য নেই। এর কারণ কমরেডরাও দুষ্কপায়ী।

কমিউনিস্টদের সঙ্গে বাস করে বাদল যেমন তাদের দুর্বলতা হৃদয়ঙ্গম করেছিল তেমনি নিজের দুর্বলতাও। সেইজন্তে ওদের বিরুদ্ধে কিছু বলবার অধিকারও তার ছিল না। যেমন ওরা তেমনি সে নিজে অস্থিমজ্জায় স্বাচ্ছন্দ্যবাদী। স্বাচ্ছন্দ্য বা আরাম ছেড়ে ওরা বেশীদিন বাঁচে না, সে নিজেও বাঁচবে কিনা সন্দেহ। যুদ্ধের মাদকতায়, বিপ্লবের উন্মাদনায় সাময়িকভাবে স্বাচ্ছন্দ্য বিসর্জন দেওয়া হুঃসাধ্য নয়, কিন্তু কোনো রকম নেশা না করে দিনের পর দিন, মাসের পর মাস, বছরের পর বছর আরামহীন জীবনযাপন মধ্যবিত্তদের সাধ্যাতীত। নতুন একটা যুদ্ধ কিংবা বিপ্লব না বাধলে ওরা যিইয়ে যাবে, ওদের কথার সঙ্গে কাজের অসঙ্গতি ধরা পড়লে শ্রমিকরা শুধু যে ওদের অবিশ্বাস করবে তাই নয়, উপহাস করবে। বাদল ওদের সঙ্গে থেকে হান্সাম্পদ হতে চাইবে, হাসিকে তার যত ভয় ফাঁসিকে তত নয়।

তার স্থানে শুনে কেউ হাসছে কল্পনা করলে তার ইচ্ছা করে মাটিতে মিশিয়ে যেতে।

সে স্থির করেছিল ক্যাপিটালিজমের কোনো ধার ধারবে না, স্বাচ্ছন্দ্য যদিও তার অতীব প্রয়োজন তবু স্বাচ্ছন্দ্য পরিহার করবে। যতদিন শরীরে সইবে ততদিন অধমেরও অধম হবে, শরীর বিমুখ হলে সেও শরীরের প্রতি বিমুখ হবে। মরতে হয় মরবে, কিন্তু এমন করে বেঁচে থাকা যে মরে থাকা। অসহ্য এই অক্ষমতা, এই ক্লৈব্যা। অগ্নায় বে করে সে ত অপরাধী, অগ্নায় যে দেখে সেও অপরাধীর সহকারী। শোষণ যারা করে তারা ত criminal, শোষণের প্রতিকারে যারা অক্ষম তারাও accomplice.

একথা মনে হলেই বাদলের মাথা বন বন করে, স্মার্ট টন টন করে। ফেমেন একটা অহেতুক উদ্বেগ তাকে ভারাক্রান্ত করে। যেন এই মুহূর্তে হস্তক্ষেপ না করলে পর মুহূর্তে সৃষ্টি রসাতলে ঝাবে, মানবজাতি নির্দোষ হুবে। বুঝতে পারে না সে, এটা কি তার নিজের মনের বিকার, না সমাজের বিকারের প্রতিফল? Tension কি তার অঙ্গের, না বাইরে? তার একার জীবনে, না ইউরোপের জীবনে? বন বন করে তার মাথা ঘুরছে, না পৃথিবী ঘুরছে?

এসব উপসর্গ নতুন নয়। অনিশ্চয় তার পুরাতন রোগ? অনিশ্চয় সঙ্গে মানবন্যস্তির জিজ্ঞাসা যোগ দিলে প্রাণ অতিষ্ঠ হয়। এমনি অতিষ্ঠ হয়ে একদা সে গোয়েনের আশ্রমে গেল, সেখানে দেখল দুঃখমোচনের আন্তরিক প্রয়াস। বেশ তৃপ্তি পাচ্ছিল সে সেখানে, কিন্তু জানতে পেলো দুঃখমোচনের খরচ জোগায়, গোলাবারুদের টাকা। দুঃখমোচন করে হবে কী, যদি যুদ্ধবিগ্রহের জালে জড়িয়ে পড়া হয়, যদি আরো দুঃখের ফাঁদে পা দেওয়া হয়? ইংলণ্ডের বা ইউরোপের

বর্তমান দুঃখ কি গত মহাবুদ্ধের প্রতিফল নয়? হতে পারে—মহাবুদ্ধি
জৈই পুঁজিবাদের প্রতিফল। কিন্তু দুঃখমোচনের কোনো অর্থ হয়
যদি দুঃখের দিকেই জগতের গতি হয়।

ভ্রমে ঘি ঢালবে না বলে বাদল গোয়েনের আশ্রম ত্যাগ করল।
নে উপলব্ধি করল যে ব্যবস্থার পরিবর্তন চাই, ক্যাপিটালিজম সব
র্থ মূল। বাস করতে গেল কমিউনিস্টদের সঙ্গে। তার প্রত্যয়
ব্যবস্থার পরিবর্তন অসম্ভব নয়, কিন্তু পরিবর্তিত ব্যবস্থায় দুঃখের
নিবৃত্তি নেই, দুঃখেরও পরিবর্তন। ভাত কাপড় পেলেই যাদের দুঃখ
ঘায় তাদের হয়ত যথালভ, কিন্তু যেখানে কর্তার ইচ্ছায় কর্ম সেখানে
কর্তার পতনে ব্যবস্থারও পতন। সোভিয়েট ব্যবস্থা ডিক্টেটরসাপেক্ষ
ইয়ে নিজের কবর নিজের হাতে খুঁড়েছে। তাছাড়া যেখানে মত-
ভেদের যথোচিত পরিসর নেই, অপোজিশন নেই, সেখানে কর্তার তুল
ঘটলে শোখরানোর কী উপায়? যে তুলের সংশোধন নেই তার শাস্তি
নেই কি? ইতিহাস কি সহ্য করবে চিরকাল?

কিন্তু এসব কারণেও বাদল কমিউনিস্টদের দোষ ধরত না, যা হোক
একটা কিছু পরীক্ষা ত চলছে। কিন্তু ঐ যে ওদের আশা যুদ্ধ বাধবে,
যুদ্ধের আত্মবজ্রিক বিপ্লব বাধবে, ওটাকে বাদল “আশা” বলে না,
“আশঙ্কা” বলে। এখানেই ওদের সঙ্গে বাদলের ভাবায় বিরোধ।
ওরা যাকে ভালো বলে বাদল তাকে মন্দ বলে। উটের পিঠে শেষ
কুটো কমিউনিস্টদের দুঃখমোচনের পদ্ধতি। ও পদ্ধতি বাদলের নয়।
মাথা কেটে মাথাব্যথা সারানো তার মতে কুচিকিৎসা। ওটা কি
একটা উপায়ে পরিবর্তন? ক্যাপিটালিজমে যুদ্ধ নিহিত বলে সে
ক্যাপিটালিজমের বিপক্ষে, কমিউনিজমেও যদি যুদ্ধ নিহিত তবে কেন
কমিউনিজমের পক্ষ নেবে?

৩.৫ বাদল শান্তিবাদীও নয়। শান্তিবাদীরা নিৰ্বিবাদী। তারা যে প্রচলিত ব্যবহার পরিবর্তনের জন্তে মনের শান্তি বিপন্ন করবে এতটুকু প্রত্যাশাও তাদের কাছে নেই। প্রচলিত ব্যবহার আমূল পরিবর্তনের প্রস্তাব তাদের কারো মুখে শোনা যায় না, যা শোনা যায় তা লীগ অফ নেশনস, নিরস্ত্রীকরণ, আন্তর্জাতিক পুলিশ। তাদের ধারণা সব দেশের সৈন্তদল যদি ভেঙে দেওয়া যায় তা হলে যুদ্ধের সম্ভাবনা থাকবে না, শান্তিপূর্ণভাবে লীগ অফ নেশনসের দ্বারা পারস্পরিক বিরোধ ভঞ্জন হবে। যদি কোনো রাষ্ট্র লীগের সিদ্ধান্ত না মেনে নেয় তবে আন্তর্জাতিক পুলিশ গিয়ে গোলমাল খামাবে।

বাদলও এর সমর্থক, কিন্তু আগে তার যেমন উৎসাহযুক্ত সমর্থন ছিল এখন তেমন নেই। কারণ ইতিমধ্যে সে হৃদয়ঙ্গম করেছে যে যতদিন হুদ ও মুনাফা মূলধনীদেব ভোজ্য হবে ততদিন ধনিক শ্রমিকের সম্বন্ধ যেন খাণ্ড খাদকের সম্বন্ধ। অবশ্য ইংলণ্ডের মত কোনো কোনো দেশে শ্রমিকদেরও হাতে দু'পয়সা জমে, তারাও তাদের সঞ্চয় ব্যাংকে রাখা ও বাণিজ্যে খাটায়, কিন্তু তা সত্ত্বেও মোটের উপর বলা যে পারে যে মালিক ও মজুর যেন খাণ্ড খাদক। এই দুর্নীতিকর সম্বন্ধ ততদিন না পরিবর্তিত হচ্ছে ততদিন জগতে সত্যিকার শান্তি সম্ভব নয় পুলিশকে দিয়ে ভয় দেখিয়ে শান্তিস্থাপন হয়ত শান্তিবাদীদের মতে মানবকল্যাণ, কিন্তু বাদলের মতে মানবের অপমান। যাদের স্বেচ্ছাসিদ্ধ প্রাপ্য অপরে কাঁকি দিয়ে ভোগ করছে তাদের প্রতি স্ববিচার কিসে হয় সেই সর্বপ্রথম প্রশ্ন। আগে সে প্রশ্নের উত্তর দাও, তারপরে লীগ অফ নেশনস কর, আন্তর্জাতিক বিবাদ মেটাও।

১ আগে ষোড়শ; তারপরে গাড়ী, এই ত নিয়ম। কিন্তু শান্তিবাদীরা

ঘোড়ার সামনে গাড়ী রাখবে, গাড়ী যদি না চলে তবে গাড়ীর গুলদের কথা ভেবে মাথা খারাপ করবে। যেন আরো গোটা কয়েক টাকা ছুড়ে দিলে গাড়ীটা গড় গড় করে গড়িয়ে চলবে। ওদিকে ঘোড়া-স্বত্বের একটা আরেকটাকে কামড়ে ক্ষতবিক্ষত করছে, তার বেলায় শাস্তিবাদীদের বিধান—চাবুক। চাবুকটা অবশ্য শ্রমিক বেচারারই ঘাড়ে পড়বে, কেননা সে কেন চূপ করে ক্ষতবিক্ষত হচ্ছে না, কেন লাথি মারছে। লাথি মারা যে হান্ধামা। কিন্তু কামড় দেওয়া? সে কাজ অলক্ষ্যে চলে, তাই হান্ধামা বলে গণ্য নয়। যার যা পাওনা সে তার চেয়ে কম পাচ্ছে, তার পেট ভরছে না, এই প্রবঞ্চনা যে হান্ধামার চেয়েও ক্ষতিকারক, হান্ধামার চেয়েও দুর্নীতিকর, এ জ্ঞান যাদের আছে তারা শাস্তিবাদে সাস্থনা পায় না। যাদের নেই তারা আগ্নেয়গিরির শিখরে বসে শাস্তির বেহালা বাজায়। ভাবে লীগ অফ নেশনস যখন হয়েছে তখন যুদ্ধবিগ্রহের অর্ধেক আশঙ্কা গেছে, এখন কেবল নিরস্ত্রীকরণটা হয়ে গেলেই চিরস্থায়ী শাস্তি। শ্রেণী সংগ্রাম? বাধলেও জমবে না। নিরস্ত্রদের সায়েস্তা করতে পুলিশ থাকবে যে!

যাহোক শাস্তিবাদীদের বিরুদ্ধে কিছু বলবার অধিকারও বাদলের ছিল না। তাদের অনেকে গত যুদ্ধে জেল খেটেছে, অনেকে যুদ্ধ করে ঠেকে শিখেছে। বাদল কী করেছে যে তার কণ্ঠস্বরে নৈতিক অধিকার ধ্বনিত হবে? যার নৈতিক অধিকার নেই সে কোন অধিকারে শাস্তিবাদীদের দোষ ধরবে?

সে যুদ্ধবাদী নয়, কেননা যুদ্ধের দ্বারা দুঃখমোচন হতে পারে না। অথচ সে শাস্তিবাদীও নয়, কেননা বিশ্বশাস্তির দ্বারা শ্রেণীসংগ্রাম নিবারণ করা যায় না। তাহলে সে কোন মতবাদী?

বাদল ভাবে। সমর ও শাস্তি ছাড়া তৃতীয় কোনো বিকল্প আছে

কি? এমন কোনো বিকল্প যার অহুসরণে পাবে যুদ্ধ না করে যুদ্ধের ফল, বিপ্রব না করে বিপ্রবেব ফল? এমন কোনো বিকল্প যার সাফল্য নির্ভর করে না দলগঠনের উপর, সম্ভবদ্বক্তার উপর? এমন কোনো বিকল্প যা বাদলের একার সাধ্যাতীত নয়, বাদলের কণ্ঠস্বরের সঙ্গে গ্রথিত, বাদলের বাণীর প্রতীক্ষায় উৎকণ্ঠ? বাদল ভাবে। ভাবতে ভাবতে তার মাথা ভেঁ ভেঁ করে, চোখে আঁধার নামে।

তর্ক করবে না বলে প্রতিজ্ঞা করলে কী হবে, আত্ম সম্বরণ করতে পারে না যখন মার্গারেট বলে, “তোমার মত যুবকরাই অবশেষে ফাসিস্ট হয়।”

“ফাসিস্ট!” বাদল অভিমানভরে অভিযোগ করে, “মার্গারেট, তুমিও! তুমিও আমায় ভুল বুঝলে! ফাসিস্ট! আমি কোনোদিন ফাসিস্ট হতে পারি! আমি! I should be the last—”

“আমি জানি,” মার্গারেট বলে, “তুমি ফাসিস্টদের ঘৃণা কর। কিন্তু তার কারণ ওরা ডিক্টেটর মানে। কাল যদি ওরা ভোল বদলায়, যদি নির্বাচনে অধিকসংখ্যক আসন পায়, যদি ডেমক্রেসীর দোহাই দেয়, তুমি কি ওদের তারিফ করবে না?”

“শুধু ওদের কেন, কমিউনিস্টদেরও তারিফ করব, মার্গারেট, তোমরা যদি ডিক্টেটরশিপ ছেড়ে ডেমক্রেসীর পরীক্ষা দাও।”

মার্গারেট তার ছোট করে ছাঁটা চুল কপাল থেকে সরিয়ে বাদলের দিকে ভালো করে তাকায়। বলে, “পরীক্ষা দেবার প্রয়োজন নেই, উদ্বেগসিদ্ধিরই প্রয়োজন। সেই প্রয়োজন সাধনের জগ্রে যদি ডেমক্রেসীর স্বযোগ নিতে হয় তবে অসঙ্কোচে নেব। মনে কোনো না ডেমক্রেসীর সঙ্গে আমাদের কোনো শত্রুতা আছে। আমাদের শত্রুতা ওর স্বযোগ নিচ্ছে বলেই আমাদের ক্ষোভ।”

“কিন্তু তোমার ঐ উদ্দেশ্যসাধনের জন্তে যুদ্ধবিগ্রহের স্বযোগ নেওয়া, বাদল অলক্ষিতে তর্কের সূত্রপাত করে, “আমি সইতে পারিনে, মার্গারেট। কোনো এক জায়গায় দাঁড়ি টানা উচিত। আমার মতে যুদ্ধবিগ্রহ হচ্ছে সেই নিষিদ্ধ জায়গা।”

“কেন, বল ত? তোমার ভয় করে বলে?”

“না, আমি ভীত নই। গত যুদ্ধে আমি মনে মনে যোগ দিয়েছিলুম। নাবালক না হলে সশরীরে যোগ দিতুম। কিন্তু আমি অপরিমিত রক্তক্ষয়ের অপক্ষপাতী। তাতে মানবজাতির বিলোপ ঘটবে।”

মার্গারেট নির্মমভাবে বলে, “কাকে তুমি অপরিমিত বলবে? আমি বলি, যেপরিমাণ রক্তক্ষয় না করলে উদ্দেশ্যসিদ্ধি হবে না সেই পরিমাণ রক্তক্ষয় সুপরিমিত। তার বেশী হলে অপরিমিত। কম হলেও অপরিমিত।”

বাদল চেপে ধরে। “কম হলে অপরিমিত কেন?”

“কারণ উদ্দেশ্যসিদ্ধির পূর্বে যদি তোমার নির্দেশ উপস্থিত হয়, যদি ভাব বিশ লাখ মানুষকে মরতে পাঠিয়েছি, আর পাঠাব না, তা হলে তোমার উদ্দেশ্য সিদ্ধ হন না, অথচ তুমি বিশ লাখ মানুষের প্রাণব্যয় করলে। সেই ব্যয় একেবারেই অনর্থক, স্তূতরাং অপরিমিত।”

“না, বুঝলুম না।” বাদল মাথা নাড়ে।

“বুঝলে না? এত সোজা!” মার্গারেট আশ্চর্য্য হয়। “পরিমেয়তার বিচার উদ্দেশ্যসিদ্ধির দিক থেকে। যদি সিদ্ধিলাভ হয় তবে সব খরচটা দরকারী খরচ, মিতব্যয়। যদি না হয় তবে সব খরচটাই বাজে খরচ, অমিতব্যয়।”

“কিন্তু আর একটা দিক ত আছে। মানবজাতির বংশনাশের দিক। বিশ লাখের পর ত্রিশ লাখ, ত্রিশের পর চল্লিশ—কোথাও এক জায়গায়

ধামতে হবে। নইলে উদ্দেশ্যসিদ্ধির পর কেউ ভোগ করতে বেঁচে থাকবে না।”

“ধামতে যদি ইচ্ছা থাকে তবে গোড়াতেই ধামতে হয়। তা হলে শাস্তিবাদই শ্রেয়। কিন্তু একবার আরম্ভ করলে শেষ করতেই হবে। মাঝপথে ধামলে তুমি মৃতদের প্রতি বিশ্বাসঘাতকতা করবে। অথচ জীবিতরাও পরাজিত হলে পরে তোমায় খল্লাবাদ দেবে না। বাদল, মণ্ড পছন্দ নেই। শুটা তোমার ভ্রম।”

এই কথোপকথনের পর বাদল আরো চিন্তিত হল। পরিমিত রক্তক্ষয় সে এতদিন সমর্থন করে এসেছে। সব যুদ্ধ যে খারাপ এমন কথা সে বলে না। আধুনিক যুদ্ধ একটা সংক্রামক মহামারী বলেই তার যুদ্ধে আপত্তি। কিন্তু মার্গারেটের যুক্তি যদি অর্থবান হয় তবে পরিমিত রক্তক্ষয়ের কোনো অর্থ নেই। হয় অকাতরে রক্তক্ষয় করে পৃথিবীকে নির্মমুগ্ন করতে প্রস্তুত হতে হবে, নয় উদ্দেশ্য ত্যাগ করে গোড়াতেই ধামতে হবে।

৩

উদ্দেশ্যসিদ্ধির দিক থেকে দেখলে যে উপায়ে সিদ্ধিলাভ সেই উপায়ই সঙ্গুপায়, যদিও তার পরিণাম অর্ধেক মানবের বিনশ্টি। রক্তক্ষয়ের দরুণ যদি রক্তাক্ততা হয়, যদি ভাবী বংশীয়দের রক্তে ঘৃণা ধরে, যদি তখন তাদের সমাজ আপনি ভেঙে পড়ে সে ভাবনা আতঙ্কের নয়। আর শুধু লক্ষ্য রাখতে হবে উদ্দেশ্যসিদ্ধির উপর।

কমিউনিস্টদের এই ব্রহ্মদৃষ্টি বাদলকে ফ্লিট করে, কিন্তু তাদের লজিক সে যুক্তি দিয়ে কাটতে পারে না। বিনশ্টির আশঙ্কায় যদি পেছিয়ে যেতে

হয় তবে উদ্দেশ্যসিদ্ধির কোনো সম্ভাবনা নেই, মানুষকে চিরকাল বড় লোকের দাসত্ব করতে হবে। দাসত্ব ভালো, না বিনষ্টি ভালো ?

বাদলও বোঝে, দাসত্ব ও বিনষ্টি এর দুটির একটিকে বেছে নিতে ঝুলে যার মনুষ্যত্ব আছে সে বরণ করবে বিনষ্টি। কিন্তু সত্যি কি-কোনো মধ্যপন্থা নেই ?

বাদল সুধীকে দেশলাই বেচতে গিয়ে সুধায়, “সুধীনা, উদ্দেশ্যসিদ্ধির যদি অন্য উপায় না থাকে তবে কি অপরিমিত রক্তক্ষয় অকাতরে করতে হবে ? কাতর হলে যদি উদ্দেশ্যসিদ্ধির ব্যাঘাত হয় তবে কি কাতর হওয়াটা কাপুরুষতা ? যদি লক্ষ লক্ষ লোককে মৃত্যুমুখে ঠেলে দিয়েও উদ্দেশ্যসিদ্ধি না হয় তবে উদ্দেশ্য ত্যাগ করাটা কি মৃতের প্রতি বিশ্বাসঘাতকতা ?”

সুধী হেসে বলে, “ভগবদ্ গীতা পড়ছিস বুঝি ?”

“কে ? আমি ? আমি পড়ব তোমাদের গীতা ?” বাদল উত্তেজিত হয়, “আর কি খেলে কি এতটা পথ হাটতে পারতুম !”

“কিন্তু গীতার মূল সমস্যা ত ও ছাড়া আর কিছু নয়। উদ্দেশ্যসিদ্ধির জন্তে অর্জুন রাজি ছিলেন সবাইকে বধ করতে, কিন্তু আত্মীয়স্বজনকে বাচিয়ে। আচার্য্য, পিতা, পুত্র, পিতামহ, মাতুল, শশুর, পৌত্র, শ্রীলক এবং সম্বন্ধী—এরা যদি অর্জুনকে বিনাশ-করতেনও তথাপি তিনি এঁদের আঘাত করতেন না। শ্রীকৃষ্ণ তাঁকে অশেষ বোঝালেন, শেষে বিশ্বরূপ দেখালেন, তখন তিনি নিমিত্তমাত্র হলেন। এই ত গীতা।”

বাদল বহুকাল খবরের কাগজ পড়েনি, খপ করে টেবিলের উপর থেকে “টাইমস” থানা টেনে নিয়ে অগ্রমনস্ক হয়। এক সময় জিজ্ঞাসা করে, “হাঁ, কী বলছিলে ? অর্জুন প্রথমটা মরতে রাজি হননি, তারপরে স্বীকার মত মরলেন।”

“দূর!” স্বধী তাকে আরেক দফা শোনায়। বলে, “অর্জুন উদ্দেশ্য-
সিদ্ধির জন্তে কতক দূর যেতে প্রস্তুত ছিলেন, কিন্তু চরম সীমায় যেতে
পরাজুখ। তোরও সেই মনোভাব। তুই পরিমিত বক্তৃত্ত্বে অগ্রসর,
কিন্তু অপরিমিত বক্তৃত্ত্বে পশ্চাৎপদ। আমি যদি এযুগের শ্রীকৃষ্ণ হতুম
তোকে সম্পূর্ণ বেহিসাবী হতে শিক্ষা দিতুম, কিন্তু আমি তোকে হিসাবী
হতেও বলব না।”

“তবে তুমি কী বলবে, স্বধীদা?”

“বলব উদ্দেশ্য ত্যাগ করে উপায়কে পরিশুদ্ধ করতে। উপায় বিশুদ্ধ
হলে উদ্দেশ্য আপনি সিদ্ধ হবে।”

“হেঁয়ালি।” বাদল মস্তব্য করে। কিন্তু তর্ক করে না।

“তুই কাগজ পড়।” স্বধী চুপ করে।

“না, স্বধীদা,” বাদল হাত তুলে শূণ্ণে বোতাম টেপে, “আমি এ
ব্যবস্থা সহ্য করব না। আমি একে ধ্বংস করব।”

“সে ভার,” স্বধী প্রত্যয়ের সহিত বলে, “ক্যাপিটালিস্টরা নিজেরাই
নিয়চ্ছে। ওরাই পরস্পরকে ধ্বংস করবে।”

“তার মানে যুদ্ধ?” বাদল জেরা করে।

“যুদ্ধ ওরা করবেই, না করে ওদের পথ নেই।”

“কিন্তু যুদ্ধ আমি হতে দেব না, হলে মানবজাতি বাঁচবে না,
বাঁচলেও আধমরার মত বাঁচবে।”

“না, বাদল,” স্বধী নিশ্চয় হাসে, “সে ক্ষমতা তোর কিছা কারো নেই।
যুদ্ধ বাধবেই, ক্যাপিটালিস্ট নেশনরা পরস্পরকে ফতুর করবেই, তেমনি
করে এ ব্যবস্থা ধ্বংসে পড়বেই। মাছুষ কত মরবে জানিনে, তবে
বেঁচে থাকবে অনেক, সামলে নেবে কালক্রমে। কিন্তু ভাববার কথা
হচ্ছে এ ব্যবস্থার পরিবর্তে কোন ব্যবস্থা প্রবর্তিত হবে? তোর যদি

ইচ্ছা থাকে তবে তুই এ ব্যবস্থাকে ভাঙতে দিয়ে সেই ব্যবস্থাকে গড়ে তোলাবার স্বপ্ন দেখ। ভাঙার কাজ সোজা, গড়ার কাজ কঠিন। তোর সমস্ত শক্তি নিযুক্ত হোক স্বপ্নে।”

বাদল ভেবে বলে, “কথাটা তুমি নেহাৎ মন্দ বলনি। কিন্তু ভাঙন-সমাপ্ত না হলে গড়নের সম্ভাবনা স্বদূর। আমার নজর immediateএর উপর।”

“আর আমার দৃষ্টি ultimateএর উপর।”

বাদল তর্ক করতে অনিচ্ছুক। স্বধী তাকে খেতে ডাকে। তার পেটে ক্ষুধা, মুখে লাজ।

“ধাক্কা” বাদল হাত ধুয়ে বলে, “তুমি আমার সেই প্রেমের উত্তর দাও। উদ্দেশ্যসিদ্ধির জগ্রে যদি দরকার হয় তবে কি সাত কোটি খুন মাফ? যদি সাত কোটি খুন মাত্রাতীত মনে হয় তা হলে কি ছয় কোটি খুনের পর উদ্দেশ্যত্যাগ প্রেয়?”

স্বধী বিস্মিত হয়। “খুনজখমের কথা এত ভাবিস কেন, পাগল! খুন একটাও যা ছয় কোটিও তাই। একজনের হৃৎক আর একশো ষাট কোটি লোকের হৃৎক পরিমাণে একই। হৃৎকের যোগ বিয়োগ গুণ ভাগ নেই, তেমনি স্বথেরও।”

বাদল আবার বলে, “হেঁয়ালি।”

স্বধী অগ্র কথা পাড়ে। তার সঙ্গে গ্রামে যেতে সাথে। বাদল ঘাড় নাড়ে।

“দর্শনশাস্ত্র পড়ে”, বাদল ধোঁয়াতে ধোঁয়াতে জলে ওঠে, “তোমার দর্শনশক্তি রহিত হয়েছে। খুন একটাও যা সাত কোটিও তাই! একটা মানুষ মরলে সমাজের কী ক্ষতি হয়? সাত কোটি মানুষ মরলে যে ফসল ফলানো, কারখানা চালানো বন্ধ হবার জোগাড়!”

স্বধী বুঝিয়ে বলে, “বাদল, moral issueর বিচার ওভাবে হয় না। একজন মানুষেরও যদি বিনা দোষে প্রাণদণ্ড হয় তবে সমাজের ভিত্তি টলে। ত্রায় অত্রায় স্বথ দুঃখ এ সবেক বেলায় সংখ্যার গণনা অবাস্তব।”

বাদলের খোরাক যদিও একটা পাখীর চাইতেও কম তবু দিনমান দেশলাই ফেরি করে দারুণ ক্ষুধা পায়। অথচ ফেরি করে যা পায় তা ক্ষুধার অহুপাতে যথেষ্ট নয়। অগত্যা তাকে বন্ধুবান্ধবের সন্ধানে বেরোতে হয়। ঠিক এমন সময় উপস্থিত হয় যখন তাদের খাওয়াদাওয়া চলছে। ডাকলে “না” বলে, কিন্তু পীড়াপীড়ি করলে হাত ধুতে যায়।

“স্বধীনা,” বাদল অহুযোগ করে, “তোমার কাছে যা চাই তা মনের খোরাক, যা পাই তা দেহের। তুমি আমাকে বঞ্চিত করছ।”

“আমার সঞ্চিত ষতটুকু সৰ্ব্ব তুই নে না।” স্বধী বলে, “আমি যা উপলব্ধি করেছি তোর হাতে তুলে দিচ্ছি।”

“কিন্তু তুমি যে আমাকে উদ্দেশ্যত্যাগের উপদেশ দিলে, তুমি কি জান আমার উদ্দেশ্য কী?”

স্বধী সবিনয়ে জানায়, “আমি ষত দূর বুঝি তোদের সকলেরই উদ্দেশ্য Capitalism without capitalists. যেমন আমাদের সকলেরই লক্ষ্য English rule without Englishmen.”

বাদল সবেগে মাথা নাড়ে। স্বধী বলে, “তুই ওটুকু খেয়ে শেষ কর।”

“তোমাদের লক্ষ্য,” বাদল বলে, “তোমরাই বোঝ, কিন্তু আমাদের লক্ষ্য তোমরা বুঝবে না। ক্যাপিটালিজম আমরা প্রথম স্বযোগেই খারিজ করব। কিন্তু তার জন্তে আমি সাত কোটি প্রাণ বলি দিতে প্রস্তুত নই, আমি চাই বিনা যুদ্ধে যুদ্ধের ফল, বিনা বিপ্লবে বিপ্লবের ফল। এর জন্তে আমি অর্জন করছি আমার কণ্ঠস্বর, আমার বাণী।”

“আমি তোমার সাফল্য কামনা করি, বাদল। তোমার বোধিলাভ হোক, তুই সিদ্ধার্থ হ।” সুধী আশীর্বাদ করে।

“কিন্তু ক্যাপিটালিজম নয়। বুঝলে?”

সুধী হেসে বলে, “সেই কলকারখানা, সেইসব মজুর, উপরন্তু চাষা-কৈ পিটিয়ে মজুর বানানো। ওটা ক্যাপিটালিজমের গুরুমারা চেলা।”

৪

বাদল আত্মসম্বরণ করতে পারে না। “সুধীদা, তুমি কি কলকারখানার আগের যুগে ফিরে যেতে চাও?”

“না, আমি কলকারখানার পরের যুগে এগিয়ে যেতে চাই। কিন্তু সাম্যবাদের নামে কলকারখানা আমি কবুল করব না।”

“কেন, বল ত? তুমি কি রোজ দু’বেলা টিউবে বাসে চড়ে যাওয়া আসা করছ না? তোমার ঐ লোহার খাটখানায় শুয়ে কি সুনিদ্রা হচ্ছে না?”

“তা যদি জানতে চাস,” সুধী সম্মেহে বলে, “তুই যেদিন থেকে নদীর বাধে রাত কাটাচ্ছিস সেদিন থেকে আমারও রাত কাটছে না। কিন্তু থাক ও কথা। আমি যে এ দেশের কলকারখানার উপর নির্ভর আমি তা মানছি, আমার এই নির্ভরতা কী করে নিঃশেষ হয় তাই দিন রাত ভাবছি।”

বাদল তর্ক করবে না বলে সপ্রতিজ্ঞ, কিন্তু হিসাবনিকাশও করতে হবে একদিন। এখন তার কিছুটা হয়ে থাক।

“তুমি যে কলকারখানার শত্রু তা তুমি কোনোদিন গোপন করনি। তোমার ঐ খাদির পোষাক তার জলজ্জলে বিজ্ঞাপন। কিন্তু সুধীদা, তোমার নিজের একটা খেয়াল তুমি তোমার দেশের উপর চাপিয়ে দিতে

পার না। চাপাতে গেলে দেশ বিদ্রোহ করবে। তুমি ত অস্ত্র দিয়ে সে বিদ্রোহ দমন করবে না, কাজেই তোমার খেয়াল তোমার সঙ্গেই লোপ পাবে। তুমি কি তা বোঝ না?”

“বাদল, যে চোরাগলিতে তোরা ঢুকেছিস তার থেকে তোদের উদ্ধার নেই।” সুদী গম্ভীর ভাবে বলে। “তোদেরও নেই, তোদের সভ্যতারও নেই। কিন্তু আমরা ভারতের অশিক্ষিত অসভ্য গ্রাম্য নরনারী, আমরা ত তোদের মত কলকারখানার জঙ্কলে হারিয়ে যাইনি, আমরা সংকল্প করব নিজের জমিতে নিজের ফসল ফলিয়ে নিজের হাতে কেটে নিজে রোঁধে খেতে। নিজের জমির তুলো নিজের চরকায় কেটে নিজের তাঁতে বুনে নিজে পরতে। এ যদি একা আমার খেয়াল হয় তবে এর ভবিষ্যৎ নেই। কিন্তু এটা একটা বিরাট দেশের বিশাল সমাজের নীতি।”

সুদীর স্বরে এমন একটা দৃঢ়তা মিশিয়ে থাকে যে বাদল তার উক্তি উড়িয়ে দিতে পারে না। বিচলিত হয়ে বলে, “তুমি কি বিশ্বাস কর, সুদীদা, ভারতের জনসাধারণ আধুনিক সভ্যতাকে অগ্রাহ্য করবে?”

“বিশ্বাস করি, বাদল।”

“তাহলে বল, তোমরা দেড়শো বছর পিছিয়ে যাবে।”

“না, আমরা দেড়শো বছর এগিয়ে যাব।”

“ওটা ভাষার ঘোরপ্যাচ।”

“না, বাদল, আমরা সত্যিই এগিয়ে যাব, কারণ আমরা তোদের আধুনিক সভ্যতার থেকে কয়েকটি তত্ত্ব শিখেছি, সেগুলি আমাদের দেড়শো বছর আগে জানা ছিল না। এই জ্ঞান আমাদের কাজে লাগবে। তখন কেউ আমাদের যুদ্ধে হারাতে পারবে না, আমাদের ব্যাটার কেড়ে নিতে পারবে না, আমাদের কাঁচ দিয়ে ভুলিয়ে কাপন

হরণ করতে পারবে না। আধুনিক সভ্যতার কাছে সেই কয়েকটি তত্ত্ব ছাড়া আর কিছু শেখবার নেই। আর সব আমাদের আছে।”

সুধীর প্রতীতি তার কণ্ঠস্বরে ব্যক্ত হয়।

“সুধীদা, সুধীদা,” বাদল হঠাৎ উঠে দাঁড়ায়, “তুমি যত কথা বললে আমি তার সমস্ত শুনিনি, কিন্তু তোমার মত কণ্ঠস্বর কবে আমার হবে? কোথায় পাব আমার কণ্ঠস্বর?”

সুধী উত্তর দেয় না, বাদলের হাতে চাপ দেয়।

“আমি জানি”, বাদল বলে, “তোমার ও সব কথা আমার নয়। কিন্তু তোমার ঐ কণ্ঠস্বর আমারও হতে পারত। আমার বলবার আছে অনেক, কিন্তু গলা নেই।”

সুধী বাদলকে বসায়, কিন্তু সে বিদায় নেয়।

থেকে থেকে বাদলের মনে পড়ে, “বাদল, যে চোরাগলিতে তোরা ঢুকেছিল তার থেকে তোদের উদ্ধার নেই।” কোন চোরাগলি? আধুনিক সভ্যতা কি একটা চোরাগলি? বাজে কথা। কিন্তু বাজে কথাও সুধীদার কণ্ঠে কেমন জোরালো শোনায়। সুধীদার কণ্ঠে স্বর আছে, স্বরে জোর আছে।

আধুনিক সভ্যতায় বাদল মোটের উপর সশ্রদ্ধ ছিল, তার ক্ষোভ কেবল এই যে এর দ্বারা মানুষের দুঃখমোচন হচ্ছে না, মানুষের শক্তির অপচয় হচ্ছে। সুস্থ, সবল, কর্মক্ষম মানুষ বেকার হয়ে ধীরে ধীরে কর্মিষ্ঠতা হারায়, তখন সেই নিষ্কর্মাকে আহার জোগানোর ভার সমাজের। এই সব কুপোত্তর সংখ্যা বাড়লে সমাজের ভারসাম্য থাকে না, সমাজ উল্টে পড়ে। সেই ওলটপালটের নাম বিপ্লব। বিপ্লব এড়ানোর জন্তে প্রতিবেশী সমাজের সঙ্গে যুদ্ধ বাধানো যে ক্যাপিটালিস্টদের হাতের পাঁচ এ বিষয়ে বাদলের সন্দেহ নেই, কিন্তু সে চায় তাদের

সেই চাল সময় থাকতে নিবারণ করতে। তার কমিউনিস্ট কমরেডরা তা চায় না, স্বধীদার মত শাস্তিবাদী বন্ধুরাও যে চায় তাও মনে হয় না। ক্যাপিটালিস্ট, কমিউনিস্ট, প্যাসিফিস্ট কেউ উঠে পড়ে লাগছে না, কেউ তৎপর নয়—বাদল একা যতদূর পারে করবে। যুদ্ধ বাধানোর আগেই যেন পূঁজিবাদ বরবাদ হয়, বরবাদ হবার সময় যেন রক্তারক্তির মাত্রা ছাড়ায় না। ডেমক্রেসীর খাপটা যেন আস্ত থাকে, তলোয়ার যেন সে খাপ কেটে ডিকটেটরশিপের বেথাপে সঁধেয় না।

আধুনিক সভ্যতার বাহন যে কলকারখানা বাদলের তৎপ্রতি অহুবাগ ছিল। কয়লা, পেট্রোল, ইলেকট্রিসিটি এই তিন ভূতকে বেগার খাটিয়ে মানুষ অক্লেশে নিজের খাটুনি কমাতে পারে। এই রকম আরো গোটা কতক ভূত আবিষ্কৃত হলে মানুষ তাদের খাটিয়ে নিজে স্বখে স্বচ্ছন্দে বিহার করতে পারে। আধুনিক সভ্যতার ভিত্তি যদি হয় কয়লা, পেট্রোল, ইলেকট্রিসিটি তবে কেন যে স্বধীদা ওর বিরোধী তা বাদল কোনো দিন অহুধাবন করতে সমর্থ হয়নি। ভাবে, স্বধীদার ওটা খেয়াল। শুনে আশ্চর্য্য হচ্ছে যে ভারতেরও ওটা সংকল্প। ভারত যদি সৃষ্টিছাড়া হতে চায় ত হবে। ঐ আজব দেশের নেতা যখন গান্ধী তখন ওর দুঃখমোচনের আশা অল্প। বাদল ওদেশে ফিরবে না। তবু তার আফশোষ হয় যে ওদেশ কয়লা, পেট্রোল, ইলেকট্রিসিটির বনিয়াদের উপর আধুনিক সভ্যতার আকাশচুম্বী সৌধ নির্মাণ করবে না।

স্বধীদা হয়ত বলবে, ভৌতিক ভিত্তির চেয়ে নৈতিক ভিত্তি বরগীয। কিন্তু আধুনিক সভ্যতার নৈতিক ভিত্তির ক্রটি কোথায়? সাম্য, মৈত্রী, স্বাধীনতা যদিও কার্যত' বিড়ম্বিত তবু কত শত ভাবুককে, কর্ম্মীকে, বিজ্ঞানতপস্বীকে প্রেরণা প্রদান করেছে। কার্যও

কি হয়নি? ইটালী এখন স্বাধীন দেশ, জার্মানী এখন রিপাবলিক, রাশিয়া এখন সোশ্যালিস্ট সোভিয়েট রিপাবলিকের সমবায়। লীগ অফ নেশনস হয়েছে, ইন্টারন্যাশনাল কোর্ট হয়েছে। এসব কি তুচ্ছ করবার মত?

বাদল স্বীকার করে না যে আধুনিক সভ্যতা একটা চোরা গলি। শোষণ আছে, শ্রেণীদ্বন্দ্ব আছে, অফুরন্ত অবিচার আছে। তা সত্ত্বেও বনিয়াদ ঠিকই আছে।

কথাটা কিন্তু বাদলকে খোঁচা দিতে থাকে। তাতে কোনো সার আছে বলে নয়, তার সঙ্গে কর্তৃত্ব আছে বলে। স্বাধীন রাস্তায় অগ্র কেউ বললে বাদল কর্ণপাত করত না।

“স্বাধীন”, এর পরে যখন দেখা হয় বাদল স্বধায়, “সেদিন যে চোরা-গলির উল্লেখ করেছিলে ওটা তেমন পরিষ্কার হয়নি। আধুনিক সভ্যতার ভৌতিক ভিত্তি যদি হয় কয়লা, পেট্রোল, ইলেকট্রিসিটি আর নৈতিক ভিত্তি যদি হয় সাম্য, মৈত্রী, স্বাধীনতা তা হলেও তুমি ওকে চোরাগলি বলবে?”

“তুনে স্বাধী হলুম, বাদল,” স্বধী জবাব দেয়, “তুই নীতির দাবী মানিস। কিন্তু সেদিন আমার বক্তব্য ছিল এই যে আধুনিক সভ্যতার গতি materialism এর অভিমুখে। আধুনিকদের মধ্যে যারা ধনিক তাদের দেবতা যে Mammon একথা কে না জানে! যারা শ্রমিক বা শ্রমিকপ্রেমিক তাদেরও দেখছি সেই দেবতা। কমিউনিজমের সঙ্গে materialism এমনভাবে জড়িয়ে গেছে যে ওর ভিতরে যেটুকু নৈতিক ছিল সেটুকুও গৌণ হয়ে গেছে। সাম্যবাদ বলতে যা বোঝানো উচিত ও কি তাই? ও ত dialectical materialism!”

বাদল ভাবে, তা হলে materialism কি চোরাগলি?

৫

“স্বধীদা”, বাদল ক্লম্ব স্বরে বলে, “তুমি ত ইতিহাস পড়নি, পড়লে দেখতে মেটরিয়ালিজম পূর্ব যুগেও ছিল, এ যুগেও আছে। সেটা আধুনিকতার সমার্থক নয়। তবে গোকর গাড়ীর যুগের মেটরিয়ালিজম ও মোটর গাড়ীর যুগের মেটরিয়ালিজম বিভিন্ন হতে বাধ্য। কিন্তু সেই বিভিন্নতার দরুণ আধুনিকতার উপর মেটরিয়ালিজমের সমস্ত দায় আরোপ করা যায় না, স্বধীদা।”

স্বধী হেসে বলে, “আমার মনে থাকে না যে তুই Crocer শিষ্ট। আমি কেবল অবাক হয়ে ভাবি তুই তা হলে কী করতে কমিউনিস্টদের সঙ্গে থাকিস, কেনই বা অমন করে ঘুরিস।”

“সে অনেক কথা।” ক্রোচের উল্লেখে বাদলের পূর্ব স্মৃতি উজ্জীবিত হয়। “কবে তোমার সময় হবে, তোমাকে বলব আমার মানসিক বিকাশের ধারাবাহিক বৃত্তান্ত। আজ ত সময় নেই। এক কথায় বলি, আমি আমার হিউমানিজমের দিক থেকে এখনো সব জিনিষ দেখি, সব দুঃখের প্রতিকার খুঁজি—ওদের ওই মেটরিয়ালিজমের দিক থেকে নয়। আমি যে ক্রমে ক্রমে মেটরিয়ালিস্ট হয়ে পড়ছি তেমন আশঙ্কা নেই, কেননা ডিটারমিনিজম আমি প্রাণ গেলেও মানব না, আর ডিকটেটরশিপ আমি কিছুতেই সহিব না। রক্তপাতের বিরুদ্ধে আমার মজ্জাগত প্রেজুডিস নেই, কিন্তু অপরিমিত রক্তক্ষয় আমি কোনো মতেই সমর্থন করব না। কাজেই আমি শেষ পর্যন্ত হিউমানিস্টই থাকব, বেঁচে থাকতে মেটরিয়ালিস্ট হব না। আমার ভয় কেবল এই যে আমি যদি না দুঃখমোচনের দুঃখহীন উপায় আবিষ্কার করি তবে আমার পরেই

প্রলয়!” বাদল বলতে বলতে শিউরে ওঠে। বলে, “তখন দুনিয়ায় একটিও হিউমানিস্ট অবশিষ্ট থাকবে না, সব মেটিয়্যালিস্ট। তখন তোমার মত শাস্তিবাদীদেরও শাস্তি বাদ পড়বে।”

সুধী তার স্মৃথে কুটি দুধ ফল ও বাদাম রেখে তার পিঠে হাত রাখে। বাদল বিনা বাক্যে হাত ধুতে চলে।

সুধী বলে, “আমি ইতিহাস না পড়লেও মনস্তত্ত্ব পড়েছি, তাদের আধুনিকদের মন ত বুঝি। তোরা পৃথিবীর ঐশ্বর্য্য সম্ভার ভোগ করতে করতে সহসা বিমর্ষ বোধ করিস। ভাবিস, হায়! আমরা যা ভোগ করি সকলে কেন তা করতে পায় না! কোটি কোটি লোক কেন দিনে বারো ঘণ্টা খাটে, লক্ষ লক্ষ লোক কেন বেকার হয়, চারিদিকে এত দৈন্ত কেন, কেন এত অস্বাস্থ্য! তখন তোরা নিজ নিজ রুচি অনুসারে এই ব্যবস্থার পরিবর্তন খুঁজিস, কারো সঙ্গে কারো পদ্ধতি মেলে না, কিন্তু সকলেরই মুখে একই কথা—ধনসম্পদের অভাবই মানুষের প্রাথমিক অভাব, অভাবমোচনই পুরুষার্থ। ক্যাপিটালিস্ট ও কমিউনিস্ট, এখন দেখছি হিউমানিস্ট, সকলেরই দৃষ্টি অভাবের উপর, পার্থিব অভাবের উপর। মানুষের যে আত্মা আছে, আত্মার ঐশ্বর্য্যে যে প্রত্যেকে ঐশ্বর্য্যবান, আত্মিক ঐশ্বর্য্যই যে সাড়ে পনেরো আনা, এ যদি তোরা বুঝতিস তবে বাকী আধ আনার জন্তে কেউ শ্রমিকতোষণের কথা, কেউ শ্রেণীসংগ্রামের কথা, কেউ শ্রেণীসংগ্রামের পরিবর্তে আন্তর্জাতিক সংগ্রামের কথা, কেউ বিনা যুদ্ধে ও বিনা বিপ্লবে ফললাভের কথা এমন তন্ময় হয়ে ভাবতিস নে।”

বাদল চূপ করে শোনে, প্রতিবাদ করে না। তর্ক করতে ইচ্ছা নেই, কিন্তু হিসাবনিকাশও যে দরকার।

“কিন্তু সুধীদা, ওটা যে একটা হুঃস্বপ্নের মত বুকে চেপে বসেছে।

বাকী আধ আনাই বল, আর আঠারো আনাই বল, ওটা যে দুর্কহ সত্য।”

“পাগল”, সুধী স্নেহে বলে, “এই বললি দুঃস্বপ্ন, এই বলছিস দুর্কহ সত্য! স্বপ্ন কি সত্য?”

“যতক্ষণ স্থায়ী হয় ততক্ষণ সত্য। তুমি যদি পার ত এই দুঃস্বপ্ন ভেঙে দাও। তা হলে আমিও মুক্তি পেয়ে আত্মার সন্ধান নিই।” এই বলে বাদল সুধীর দিকে মুমূর্ষুভাবে তাকায়।

“আত্মার সন্ধান নিলে তবেই তুই মুক্ত হবি, তার আগে নয়। যারা আত্মার সন্ধান পায় তাদের কোনো কামনা থাকে না, তাই তারা এই সংসারজ্বালা থেকে মুক্ত।”

এবার বাদল তর্ক না করে পারে না। “কিন্তু তাদের মুক্তির পরেও যদি সংসারজ্বালার অস্তিত্ব থাকে তবে তাদের মুক্তি কি স্বার্থপরতা নয়? তেমন মুক্তি কে চায়?”

সুধী কণকাল আস্থাস্থ হয়। তার পরে বলে, “জ্বালা চিরকাল থাকবে। যে কারণে নক্ষত্র নীহারিকা জ্বলছে সেই একই কারণে মানুষের সংসার জ্বলছে ও জ্বলবে।”

বাদল হঠাৎ উঠে বলে, “আমি তোমার সঙ্গে দর্শনচর্চা করতে আসিনি। আমি চাই একটা হাতে কলমে সমাধান। আমার এই দুঃস্বপ্ন আমার কাছে অবাস্তব নয়, দুঃখীদের কাছে ত নয়ই। কেন তা হলে আমরা বাস্তবকে এড়াব?”

“আমি কি এড়াতে বলেছি?” সুধী স্নিগ্ধ স্বরে বোঝায়। “আমি যা বলেছি তার তাৎপর্য এই যে তুই যদি বৃহত্তর বাস্তবের সন্ধান পাস তবে তোর কাছে ক্ষুদ্রতর বাস্তব দুর্কহ বোধ হবে না।”

বাদল হাল ছেড়ে দেয়। হতাশভাবে বলে, “দুর্কহ বোধ না হতে

পারে, কিন্তু তার অস্তিত্ব থাকবে ত? ক্লোরোফর্ম করলে যাতনাবোধ সাময়িকভাবে লোপ পায়, কিন্তু যাতনা কি যায়?”

“না, যাতনা যায় না। কেন যাবে? জগতে কি আগুন থাকবে না, তাপ থাকবে না? আমরা যে তড়িৎ দিয়ে গড়া, দহন দিয়ে ভরা।”

“গাঁজা! গাঁজা!” বাদল পা বাড়ায়। “আফিং! আমি ওসব গুনতে চাইনে, আমি চাই অভাবের নির্করণ। অভাববোধের নয়, অভাবের। যা আমি statistics দিয়ে মেপে দেখতে পারব, যা দস্তুরমত objective.”

সুধী নীরবে তার সঙ্গ নেয়। সে সিঁড়ি বেয়ে নামতে নামতে বিড়বিড় করে, “ছোট ছেলেমেয়েদের যেমন বৃদ্ধির ওজন নেওয়া হয় তেমনি ওজন নেব প্রত্যেকের বৃদ্ধির। সুখস্বাচ্ছন্দ্য যদি বাড়ে তবেই বৃদ্ধব পৃথিবীটা বাসযোগ্য হচ্ছে। অল্পসংখ্যক ভাগ্যবানের নয়, অধিকাংশ পুণ্যবানের নয়, প্রত্যেক অধিকারবানের।”

সুধী শুধু বলে, “মেটরিয়ালিস্ট!”

বাদল সে অপবাদ মাথা পেতে নেয়। বলে, “মেটরিয়ালিস্ট? বেশ, তাই!”

সুধী এক সময় তার হাতে চাপ দিয়ে বিদায় নেয়। বাদল একা চলতে চলতে ভাবে, মেটরিয়ালিস্ট? বেশ, তাই! নামে কী আসে যায়! এতদিন নিজেই ও পরের নামকরণের প্রতি যতটা মনোযোগ দিয়েছি ততটা যদি বস্তুর উপরে দিতুম তা হলে হয়ত এত দিনে বস্তুর নিয়ম কাছন জেনে রাখতে পারতুম। মার্কসের মস্ত গুণ তাঁর দৃষ্টি সমস্তকণ বস্তুর উপরে। অপরে কেবল শব্দের পিছনে ছুটে বৃথা শব্দ করেন। আমি মোন হয়ে বস্তুর স্থিতি গতি ও প্রকৃতি অধ্যয়ন করব। সেদিক থেকে আমি মেটরিয়ালিস্ট, কিন্তু তা বলে মার্কসপন্থী নয়।

আমাদের পক্ষা স্বতন্ত্র, লক্ষ্য এক। স্বধীদার মন অধ্যাত্মবাদীরা চায়
অভাববোধের অবসান, আমরা বস্তুবাদীরা চাই অভাবের অবসান।
আমরা চাই অতি প্রচুর পণ্য এবং সেই পণ্যের প্রমাহুঁপাতে বণ্টন।
প্রাচুর্যের জন্তে যন্ত্রের সহায়তা নিতেই হবে, কিন্তু যন্ত্রের উপর মালিকী
করবে না ধনিক অথবা ধনিকের প্রতিনিধি রাষ্ট্র। মার্কসের সঙ্গে
আমার যে পার্থক্য তা পদ্ধতিগত, আর স্বধীদাদের সঙ্গে আমাদের যে
পার্থক্য তা ভিত্তিগত। কেন তা হলে আমি স্বধীদার কাছে এত
বার যাই ?

এর পরে বাদল স্বধীকে পরিহার করে। স্বধীর বাসায় যদি বা যায়
তবে তা ক্ষুধার তাড়নায়। কিন্তু সামাজিক শিষ্টাচারের সীমা লঙ্ঘন
করে না, সীমার ভিতরেও যথাসম্ভব নীরব থাকে। স্বধী যদি স্বধায়,
“বাদল, তুই কী আজকাল ভাবিস”, বাদল ধরাছোঁয়া দেয় না। সে যে
মেটিরিয়ালিজমের চোরাগলিতে ঢুকেছে এ কথা বার বার শুনতে তার
ইচ্ছা নেই। চোরাগলিই হোক, খোলা সড়কই হোক অভাবমোচনের
ও ছাড়া অন্য পথ নেই, তবে কিনা সে মার্কসবাদীদের সঙ্গে এক
ফুটপাথে হাঁটবে না, তার ফুটপাথ স্বকীয়।

অগত্যা স্বধীই মাঝে মাঝে নদীর বাঁধে গিয়ে বাদলের সঙ্গে সাক্ষাৎ
করে, কিন্তু বাদল মন খুলে কথা কয় না।

৬

মার্গারেট যখন আসে বাদলের জন্তে কেক বিস্কুট বান্ ইত্যাদি
আনে। বাদল ত রাতদিন ক্ষুধিত হয়েই রয়েছে, তাকে সাধতে না
সাধতে সে আত্মদান করে।

“ধন্যবাদ, মার্গারেট।” বাদল বলে অস্তর থেকে। তার মানে উদর থেকে।

মার্গারেট তার পাওয়া দেখে খুশি হয়, নিজেও এক ঢুকরা ভেঙে মুখে দেয়।

“আমি এখন বুঝতে পারি”, বাদল খেতে খেতে বলে, “কেউ কেন মেটরিয়ালিস্ট হয়। আগে আধিভৌতিক ভিত্তি, তার পরে নৈতিক বা আধ্যাত্মিক চূড়া, যদিও আধ্যাত্মিকতায় আমি চিরদিন সন্দিহান।”

“কেন, বাদল?” মার্গারেট প্রতিবাদ করে। “সন্দিহান হতে যাও কেন? আধ্যাত্মিকতার সঙ্গে আমাদের কিসের বিবাদ? যার খুশি সে গির্জায় যাক, প্রাণভরে প্রার্থনা করুক, চোখের জলে ধোত হয়ে নির্মল হোক। আমাদের কেবল দেখতে হবে আমাদের সংগ্রামের সময় ধর্মের নাম করে কেউ আমাদের বিভ্রান্ত করেছে কিনা। যদি করে তবে তার বক্ষা নেই, সে বিশপ কিম্বা আর্চবিশপ যেই হোক। কিন্তু গায়ে পড়ে আমরা ধামিকদের সঙ্গে ঝুলহ করব না, বরং আমরা মানব যে যীশুর ধর্মে কমিউনিজমের সার তত্ত্ব রয়েছে। তিনিই ত প্রথম কমিউনিস্ট।”

“ও কথা,” বাদল একটু গ্লেশ মিশিয়ে বলে, “তোমার ডায়ালেকটিকাল মেটরিয়ালিস্টদের বোঝাও গিয়ে। ওদের কমিনিউজম কেবল ক্যাপিটালিজমকে ধ্বংস করে কান্ত হব না, সেই সঙ্গে ধর্মকেও।”

“ওদের সঙ্গে,” মার্গারেট বলে, “আমার ঘোলা আনা মিল নেই, তোমারও না। কিন্তু পার্টি বলে একটা জিনিষ আছে ও থাকবে। আমি ওদের পার্টিতে আছি, থাকবও। কাজের দিক থেকে ও ছাড়া উপায় নেই। তুমিও ক্রমে উপলব্ধি করবে যে একলা কিছু করতে পারা অসম্ভব। কিন্তু বাদল, তোমাকে আমি পার্টিতে যোগ দিতে বলব না। আমি জানি ওর ভিতরে কত আবিলতা। আমি যদিও

পার্টির সদস্য তবু একটু দূরে দূরেই থাকি, আমার রাজনীতি বিপ্লব রাজনীতি নয়।”

বাদল অনেকক্ষণ ভাবে।

“পার্টি,” বাদল দৃঢ়তার সহিত বলে, “আমার জন্মে নয়। ব্যর্থ যদি হই তবে নিজের দোষে হব, কিন্তু পার্টির দোষে ব্যর্থ হতে প্রস্তুত নই। মার্গারেট, তোমার কাছে গর্ব করতে চাইনে, কিন্তু আমার সময় সময় মনে হয় যে একজন মানুষ একটা পার্টির চেয়েও বলবান হতে পারে। সেই একজন মানুষই হচ্ছে এক, অগ্নাত্মেরা তার পিঠের শৃঙ্খ।”

“তোমার এই ব্যক্তিত্বের গর্বেই তুমি গেলে!” মার্গারেট তার সঙ্গে একখানা বিস্কুট নিয়ে লোফালুফি খেলে। “বাদল, তুমি তলে তলে ফাসিস্ট।”

“মার্গারেট, আমি তলে তলে হিউমানিস্ট।” বাদল গম্ভীর ভাবে বিস্কুটখানা বদনসাৎ করে।

“তুমি যাই হও না কেন, তুমি যে বাদল তা আমি ভুলব না।” মার্গারেট হাসে। “কিন্তু তোমাকে ব্যর্থ হতে দেখতে ইচ্ছা করে না, সেইজন্মে বলি যে তুমি যদি এত কষ্ট সয়ে নদীর বাঁধে থাকলে তবে আর একটু কষ্ট সয়ে ডেকে কাজ কর। কিষা কারখানায়। যদি তাতেও তোমার আপত্তি থাকে তবে মুঁচির সাগরের হও, কিষা মুঁদির সহকারী। এমন করে দেশলাই ফেরি করাটা যে ভিকারুস্তি।”

বাদল রাজি হয় না।

“আমি স্বাধীন থাকতেই ভালোবাসি, মার্গারেট। মুঁচির সাগরের কি স্বাধীন? মুঁদির সহকারী কি মুঁদির অধীন নয়? তা ছাড়া নীতি দুর্নীতির প্রবল আছে। কারখানায় কিষা ডেকে কাজ করলে শোষণের সঙ্গে সহযোগিতা করা হয়। আমি যদি সহযোগিতা করি তবে সেই

নিঃশ্বাসে ধ্বংসের কথা বলতে পারব না। আমার কণ্ঠস্বর জোরালো হবে কী করে, যদি আমি সহযোগিতার নিজস্ব নিয়ম নেই? না, মার্গারেট, শোষণের সঙ্গে আমি প্রত্যক্ষ সংস্রব রাখব না।”

মার্গারেট তাকে বোঝায় যে নীতি দুর্নীতির প্রশ্ন যদিও তুচ্ছ নয় তবু উদ্দেশ্যসিদ্ধির প্রশ্নই সকলের উর্দ্ধে।

“বুঝলে, বাদল? তুমি যে শ্রেণীচ্যুত হয়েছ ক’জন এটা পারে! তুমি পার বলেই তোমাকে বলেছি, অগ্নি কাউকে বলিনে। তুমি যখন শ্রেণীচ্যুত হতে পেরেছ তখন নিশ্চয় তার পরবর্তী ধাপটাও তোমার পক্ষে ছুঁতে হবে না। তুমি পাটিভুক্ত নাই বা হলে, শ্রেণীভুক্ত হও। শ্রমিক, শ্রেণীতে মিশে যাও। অমন করে জলের উপর তেলের মত ভেসে থাকারটা তোমার নিজের পক্ষে হয়ত অস্বস্তিকর নয়, কিন্তু তুমি যদি কায়মনোবাক্যে শ্রমিক না হতে পার তবে তোমাকে আমি শ্রমিকের পোষাক পরিয়ে ঠিক করিনি, তুমি ছদ্মবেশী বর্জোয়া। তোমাকে যারা অল্পসরণ করবে তারা হয়ত একদিন তোমারই মত ফাসিস্ট হবে। ছদ্মবেশী ফাসিস্ট। রাগ কোরো না, বাদল। তোমাকে আমি পুরোদস্তুর শ্রমিক হতে দেখলেই নিশ্চিন্ত হব, নইলে আমার মনে সন্দেহ থেকে যাবে যে তুমি তোমার ওই পোষাকের দ্বারা শ্রমিকদের ভুলিয়ে ফাসিস্ট করবে। চারি দিকে শত্রুপক্ষের চর ঘুরছে, তাদেরও তোমারই মত পোষাক। সংগ্রামের দিন তারা যদি শ্রমিকের আস্থা পেয়ে তাকে হাত করে তা হলে কি শ্রমিক কোনো দিন জিতবে? জয়ের দিক থেকে বিবেচনা করলে তোমার এই পোষাক হয়ত বিশ্বাসঘাতকের ডেক। সেইজন্তে তোমাকে মিনতি করি তুমি শ্রমের দ্বারা শ্রমিক হও।”

মার্গারেট বিমূঢ় বাদলকে মুখ খুলতে না দিয়ে আবার বলে,

“তোমার রুচি না হয় পার্টিতে যোগ দিয়ো না, কিন্তু শ্রমে যোগ দিয়ে শ্রমিক শ্রেণীভুক্ত হতেই হবে তোমাকে, যদি তুমি পোষাকের মর্যাদা রক্ষা করতে চাও। আর এ যদি হয় তোমার অভিনয়ের সাজ তবে তুমি আমার পোষাক আমাকে ফেরৎ দাও। আমি আমার শ্রেণীর সর্বনাশ ডেকে আনব না।”

মধুর ভাবে যার আরম্ভ তিক্ত ভাবে তার ইতি। বাদলকে যে কেউ বিশ্বাসঘাতক ঠাওরাতে পারে বাদল তা ভুলেও ভাবেনি।

এর পরে মার্গারেটকেও বাদল পরিহার করে, তার সঙ্গে মন খুলে কথা কয় না। তার কেক বিস্কুট তেমন ভালো লাগে না। পেটের ক্ষুধাই সব নয়, মন বিমুখ হলে মুখও বিমুখ।

এর পরে একদিন সুধীর সঙ্গে উজ্জয়িনী দেখা করতে আসে। গ্রামে যাবার প্রস্তাব শুনে বাদল বলে, “কাজ কি ভাই আমাকে টেনে? আমি কথা কইতে অপারগ, কেননা একদিন আমাকে কথা কইতে হবে। আমি কথা শুনতে অনিচ্ছুক, কেননা এতদিন আমি ও ছাড়া আর কী করেছি! কোথাও যেতে আমার রুচি নেই, কেননা যেখানেই যাই সেখানেই দেখি দুঃখ। আমাকে একা থাকতে দাও তোমরা।”

বাদল তাদের ঠিকানা লিখে নেয়।

আরো একবার সাক্ষাৎ হয় সুধীর সঙ্গে বাদলের। সুধী জানায় নীলমাধব মাঝে মাঝে বাদলের সংবাদ নেবে, বাদল যেন চেয়ারিং ক্রস অঞ্চল ছেড়ে অগ্রজ নীচলে যায়। গেলে যেন সুধীকে কিম্বা নীলমাধবকে চিঠি লেখে।

“অত কথা,” বাদল মাথা নাড়ে, “আমার স্বরণ থাকবে না, সুধীদা। আমি একমনে ভাবছি কেবল একটি কথা—হয় আমিই ওকে খতম করব, নয় ওই আমাকে খতম করবে। ওর সঙ্গে মানিয়ে চলা

আমার দ্বারা হবে না। আমার সঙ্গে বনিয়োঁ চলাও ওর দ্বারা হবার নয়।”

স্বধী শঙ্কিত হয়ে স্বধায়, “কাকে লক্ষ্য করে বলছিস, পাগল! উজ্জয়িনীকে?”

“না, উজ্জয়িনী নয়।” বাদল স্বধীকে আশ্বস্ত করে।

“তবে কে?” অগ্র কোনো মেয়ে নয় ত। “মার্গারেট?” হঠাৎ প্রশ্ন করেই স্বধী অন্ততপ্ত হয়। কী লজ্জা! এসব বিষয়ে কৌতূহল কি স্বধীর শোভা পায়!

“না, স্বধীদা।” বাদল অকপটে বলে “Exploitation.”

স্বধী হো হো করে হাসে। তারপর বিষগ্ন হয়। সে ষ্ঠে আজ বাদলের কাছ থেকে বিদায় নিতে এসেছে। আবার কবে দেখা হবে কে জানে!

৭

বাদলকে স্বধী রেস্টোরাণ্টে নিয়ে গিয়ে খাওয়ায়।

“তোকে এখানে এই অবস্থায় ফেলে কোথাও যেতে আমার স্পৃহা নেই, বাদল। তবু যাচ্ছি, তার কারণ আমারও কিছু দুঃখ আছে। তাকে প্রকৃতির স্নেহধারায় গাহন করাতে চাই, জ্ঞান করে স্বিগ্ন হোক সে।”

“ওনেছিলুম,” বাদল অগ্রমনস্কভাবে বলে, “শান্তিবাদীদের আসরে তুমি বেহালা না বাঁশরী কী যেন একটা বাজাবে।”

“হী, তেমন অভিপ্রায়ও আছে।” স্বধী মুচকি হাসে।

বাদলের সইসা মনে পড়ে যায়। “তোমারও দুঃখ? আমি কি সে দুঃখ দূর করতে পারিনে, স্বধীদা?”

“না, পাগল। দুঃখ দেখলেই তোরা দূর দূর করিস, যেন দূর সম্পর্কের দীন কুটুম্ব। আমি কিন্তু ওকে নিকট সম্পর্কের ধনী আত্মীয় বলেই জানি। ধনী আত্মীয়েরই মত দুঃসহ, কিন্তু ওর যা কিছু ধন তা একদিন আমারই হবে। এমন দিন আসবে যে দিন আমার এই দুর্ভোগ থেকে দূর চলে যাবে, তখন থাকবে কেবল ভোগ। হল চলে যাবে, থাকবে কেবল মধু।”

“দত্ত তোমরা, দার্শনিক।” বাদল বক্রোক্তি করে। বলে, “ভলতেয়ার তোমাদেরই একজনকে অমর করে দিয়ে গেছেন, সেই চরিত্রটির নাম Pangloss.”

স্বধী হাসে। সেও ভলতেয়ারের “Candide” পড়েছে।

“তামাসা নয়, স্বধীদা।” বাদল খেয়েদেয়ে চাক্ষা হয়ে ওঠে। “তোমরা আছ বলেই দুঃখ আছে। তাকে তোমরা আশ্বাস দিয়ে এমন বেয়াড়া করে তুলেছ যে আমরা তাকে নিয়ে জলেপুড়ে মরছি। প্লেটো তাঁর কল্পিত রাষ্ট্রে কবিদের স্থান দিতে চাননি, আমি হলে দার্শনিকদেরও নির্বাসনে পাঠাতুম।”

বাদল শূন্যে বোতাম টেপে। ওটা ওর মূদ্রাদোষ।

“দুঃখকে তাড়িয়ে যদি তোরা স্বধী হস তবে দুঃখের সঙ্গে সঙ্গে আমরাও আপনি সরে পড়ব, বাদল। কিন্তু যদি লেশমাত্র দুঃখ থেকে যায় তবে তোরাই আমাদের ফিরিয়ে আনবি। তোদের শোকে সান্ধনা দিতে, ব্যর্থতায় সার্থকতার রং ফলাতে, সংঘাতে শাস্তিজল ছিটাতে আমরাই আবার আসব। আমরা যে তোদের চিরদিনের সাথী।”

বাদল ততক্ষণে অগ্নমনস্ক হয়েছে। অগ্ন মনে বসে, “দুঃখ তোমার থাকবে না, স্বধীদা, যদি সফল হই আমি। সব দুঃখেরই প্রতিকার

এই ব্যবস্থার পতন। ব্যবস্থা ত নয়, অব্যবস্থা।” এই বলে সে তার সমস্ত শক্তির সহিত শূণ্ণে আঙুল হানে।

“তোরা জয় হোক।” বলে স্বধী বিদায় নেয়।

স্বধী যত দিন লগুনে ছিল বাদলের অবচেতন মন জানত যে সে একা নয়, তার স্বধীদা আছে, তার চির দিনের স্বধীদা। স্বধীর লগুনত্যাগের পর বাদল মর্মে মর্মে অহুভব করতে লাগল যে সে নিরাশ্রয়।

তবে তার আর একটা অহুভূতি ক্রমে প্রখর হচ্ছিল। সারাদিন ঘোঁরাফেরা করে শ্রান্ত হয়ে সে যখন তারই মত ভবঘুরেদের পাশাপাশি শয্যা পাতে তখন তার খেয়াল থাকে না যে সে বিংশ শতাব্দীর বাদল, ইতিহাসের চালক, ইনটেলেকটের প্রতিক্রম, ত্রায়পরতার কণ্ঠস্বর। নামহীন গোত্রহীন বিভূতহীন উদ্দেশ্যহীন শৈবালদের সঙ্গে সেও যেন একই স্রোতে ভাসছে। যেন শয্যাতলের মৃদ্বিকাটা কঠিন নয়, সমীপবর্তী নদীজলের মতই তরল। তখন সেই অজানা অচেতন ভবঘুরেদের মেলায় বাদল অহুভব করে অপূর্ণ এক Communion—যেন সকলে মিলে এক, যেন একাধিক নয়। তার স্বাতন্ত্র্য যে কোথায় বিলীন হয়েছে বাদল সহসা সন্ধান পায় না। সে কি সংজ্ঞাবদ্ধ ব্যক্তি? না সে সংজ্ঞাতীত গণ? বাদলের কেমন যেন মালুম হয় সে যেন হুনের পুতুলের মত মিলিয়ে গেছে সাগরে। সে আর ব্যক্তিবিশেষ নয়, সে নিষ্কিংশেষ, নৈর্বাক্তিক, নিষ্কিচ্ছিন্ন এক। তার সে নিরাশ্রয়তাব নেই, সে আর নোঙরছেঁড়া নৌকা নয়, সে পোতাশ্রয় পেয়েছে। এটা একটা প্রাপ্তি।

এই যে কমিউনিয়ন এ যদি হত কমিউনিজমের চরম লক্ষ্য তা হলে শ্রেণীসংঘর্ষের ধূমে আকাশ আচ্ছন্ন হত না। খীসিসের সঙ্গে য্যান্টি খীসিসের

মানসিক বিরোধ মানবিক ব্যাপারে আরোপ করে কী এক কাণ্ড করে গেছেন কার্ল মার্কস্ ! তাঁর সেই ডায়ালেকটিক মেটরিয়ালিজম হয়েছে ইতিহাসের আধুনিকতম ভাষ্য এবং কমিউনিজমের অবলম্বন। কোথায় তলিয়ে গেছে কমিউনিয়নের ভাব, যা ছিল কমিউনিজমের আদি উপজীব্য ! প্রাচীন কমিউনিজম ত মেটরিয়ালিজমের সঙ্গে এমন ভাবে ওতপ্রোত ছিল না। তার ভিতর বিরোধের ভাব ত ছিল না। অথচ বিরোধের ভাব মার্কসীয় কমিউনিজমের গোড়ার কথা। বিরোধবিহীন জগৎ মার্কস্ কল্পনা করতে পারতেন না, বিরোধ আবহমানকাল চলে এসেছে ও যতদিন না শ্রেণীশূন্য সমাজ সংস্থাপিত হয়েছে ততদিন চলতে থাকবে। তা যদি হয় তবে খ্রীস্ট ও ম্যাটি খ্রীস্টের লীলা কি হঠাৎ একদিন থামবে ? প্রগতির সৰ্ত্ত যদি হয় ডায়ালেকটিক টানাপোড়েন তবে শ্রেণীশূন্য সমাজ সংস্থাপিত হওয়ামাত্র কি প্রগতিরও বিরাম ঘটবে ? শ্রেণীশূন্য সমাজের পরবর্তী ইতিহাস কীদৃশ ? যে ইতিহাস যুগযুগান্ত ধরে বিরোধের ইতিহাস হয়ে এসেছে সে কি তখন থেকে হবে মিলনের ইতিহাস ? না শ্রেণীশূন্য সমাজের অভ্যন্তর হতেই অভিনব বিরোধের সূত্রপাত হবে ? টুট্কি বনাম স্টালিন ? খ্রীস্ট বনাম ম্যাটি খ্রীস্ট ?

ও লাইনে চিন্তা না করে বাদল চিন্তার স্টীয়ারিং ঘোরায়ে। ক্রমে ক্রমে তার জিজ্ঞাসা জাগে, ব্যক্তি ত এক একটি চেউ, চেউয়ের নীচে অনন্ত অতল জলনিধি, তবে কেন আমরা এত বেশী ব্যক্তিসচেতন ? এও কি এক হিসাবে মাত্রা ছাড়িয়ে যাওয়া নয় ? ব্যক্তিসচেতনতার মাত্রা ঠিক রেখে সমষ্টিসচেতন হলে ক্ষতি কী ? অবশ্য সমষ্টিসচেতন হতে গিয়ে ব্যক্তির সত্তা অস্বীকার করা বা ব্যক্তির ইচ্ছা অগ্রাহ্য করা আর এক চরমপন্থা, সেও মাত্রা ছাড়িয়ে যাওয়া। দুই চরমপন্থার

মারামাঝি যে পন্থা সেই পন্থা বাদলের। ধরতে গেলে ইতিহাসেরও সেই পন্থা। ইতিহাসও মধ্যপন্থী, যদিও এক এক যুগে এক এক দিকে তার ঝোঁক। আধুনিক ক্যাপিটালিজম, আধুনিক কমিউনিজম কোনোটাকেই ইতিহাস সহ্য করবে না, কেননা দুটোই দু'রকম চরম পন্থা। ইতিহাস দক্ষিণপন্থী বামপন্থী নয়। ইতিহাস মধ্যপন্থী। ব্যষ্টিকে ডাইনে রেখে সমষ্টিকে বামে রেখে সে এই নদীর মত এঁকে বঁেকে চলেছে। তার সেই আঁকাবাঁকা গতিককে যদি বলা হয় খীসিস ও য্যাণ্টি খীসিস তবে বাদলের মতে ব্যাষ্টি হচ্ছে খীসিস, সমষ্টি হচ্ছে য্যাণ্টি খীসিস। কিন্তু তা বলে তাদের মধ্যে সত্যি কোন বিরোধ নেই। যা আছে তা মাত্রাতিরিক্ত। নদী যেমন এ কূল ভাঙে, ও কূল গড়ে, তারপর ও কূল ভাঙে, এ কূল গড়ে ইতিহাসও তেমনি কখনো ব্যাষ্টিকে প্রাধান্য দেয়, কখনো সমষ্টিকে। দিনের বাদল ব্যক্তিসচেতন, রাতের বাদল গণসচেতন। ইতিহাসও তেমনি।

এই তত্ত্ব আবিষ্কার করবার পর বাদল কতকটা শান্তি পায়। সে যদি মধ্যবিস্তৃত শ্রেণী ছেড়ে শ্রমিক শ্রেণীতে না মিশে যায় তা হলেও সে ইতিহাসের সঙ্গেই চলবে, ইতিহাস যে অভিমুখে চলেছে সেই অভিমুখেই চলবে। ইতিহাসের বাইরে পড়বে না, ইতিহাসের বিরুদ্ধতা করবে না। ধনিকদের শোষণ বন্ধ করবে, কিন্তু তাদের ধনেপ্রাণে মারবে না। শ্রমিকদের গ্রায্য পাওনা পাওয়াবে, কিন্তু অল্প সকলের মাথার উপর দিয়ে রাজ্য চালাতে যাওয়াবে না। তার নেতৃত্ব পদে পদে মাত্রা মানবে, তবেই এ সংসারে গ্রায্যের জয় আনবে। তার লক্ষ্য সোশ্যাল জাসটিস—ধনিকরাজের পরিবর্তে শ্রমিকরাজ নয়।

মার্গারেটকে যেই এঁ কথা বলা অমনি সে টিটকারী দিয়ে বলে, “তোমাকে এক জোড়া গোঁফ কিনে দেব, আর একটা বোলার টুপি।

তা হলে তুমি হবে দোসরা নম্বর : চার্লি চ্যাপলিন। তোমার এই হাশ্বকর ফাসিজম সার্কাসেই সাজে, কাজেই তোমাকে পরতে হবে সার্কাসের সাজ। চার্লির সার্কাস ছবিখানা তুমি দেখনি?”

বাদলের দুঃচোখ জলে ভাসে। হায় রে! এরা কী . মুঢ়! ইতিহাসের বাদল-নেতৃত্ব হেসে উড়িয়ে দেয়! সে যদি যীশু হত তা হলে বলত, পিতা, পিতা, এদের ক্ষমা কর, এরা জানে না এরা কী করছে! কিন্তু সে দোসরা নম্বর যীশুও নয়, চার্লিও নয়। সে পয়লা নম্বর বাদল। বাম্পরুদ্ধ কণ্ঠে বলে, “মার্গারেট, আমি হয়ত বাঁচব না। কিন্তু তোমরা দেখবে আমার কথাই ফলবে। জয় হবে অগ্নি কোনো বাদলের।”

৮

মার্গারেট করুণায় আর্দ্র হয়।

“আমি জানি তুমি কষ্ট পাচ্ছ। কিন্তু তুমি কষ্ট পাচ্ছ বলে কি দিনের সূর্য রাত্রে উদয় হবে? যেমন প্রকৃতির নিয়ম তেমনি ইতিহাসের বিধান। ব্যক্তির দুঃখকষ্টের প্রতি জ্রক্ষেপ নেই ওর।”

মার্গারেট একটু থেমে একটু দ্বিধার সুরে বলে, “বাদল, তুমি কিরে যাও।”

“ফিরে যাব!” বাদল বিস্মিত হয়। “কোন চুলায়?”

“যেখানে খুশি। দেশে। কিম্বা বাসায়।”

বাদল দীর্ঘনিঃশ্বাস ফেলে। অকারণে কাঁপতে কাঁপতে বলে, “মানবতনয়ের দেশ কোথায়! যেখানে তার কাজ সেইখানে তার দেশ। আর বাসা! পাখীর আছে নীড়, শেয়ালের আছে বিবর, কিন্তু মানব-তনয়ের নেই মাথা রাখবার ঠাই।”

“আমি জানি। জানি বলেই তোমায় নিবৃত্ত হতে বলি।” মার্গারেট প্রত্যয়ের সহিত বলে, “হবার যা তা ব্যক্তির দ্বারা হবার নয়। হবে সমষ্টির দ্বারা। তুমি যদি সমষ্টির অঙ্গীভূত হতে তবে তোমার দুঃখকষ্টের সার্থকতা থাকত, ভাই। কিন্তু তুমি শ্রমিকের সাজ পরলেও কারখানায় কাজ করবে না, শ্রমিকদের থেকে অভিন্ন হবে না। তোমার ব্যক্তিস্বাতন্ত্র্য তোমার কাছে এত মূল্যবান যে তুমি কোনো সমষ্টিগত প্রয়াসে চোখ বুজে গা ভাসিয়ে দেবে না, সমস্তক্ষেপ সমালোচনা করবে। এমন মানুষকে দিয়ে ইতিহাসের উদ্দেশ্যসিদ্ধি নৈব নৈব চ।”

বাদল আজকাল থেকে থেকে কাঁপে। সে যে কাঁপে তাই সে জানে না। কেন কাঁপে তা কী করে জানবে! শীতকাল নয়, স্নতরাং এ কাঁপুনি সম্পূর্ণ অসাময়িক।

“তার চেয়ে তুমি যাও, আইন পড়, ব্যারিস্টার হও। কিম্বা বই-লেখ, অধ্যাপক হও। ব্যারিস্টার অথবা অধ্যাপক হয়েও তুমি আমাদের সাহায্য করতে পার। ক্রিপ্‌স, ল্যান্সি, কোল—এঁরা কি কম সাহায্য করছেন?”

“কাকে বোঝাব! কে বুঝবে!” বাদল হতাশভাবে বলে। “আমি যে বাদল। আমি যে দায়ী। যদি এক মুহূর্তের তরেও মনে করতে পারতুম আমার কোন দায়িত্ব নেই, কিম্বা আমার দায়িত্ব আর দশজনের চেয়ে বেশী নয়, তা হলে কী স্বখীই যে হতুম! ক্রিপ্‌সের পিতা লর্ড, ল্যান্সির পিতা বণিক। আমার পিতা তত বড় না হলেও আমি তাঁর একমাত্র উত্তরাধিকারী। ইচ্ছা করলে আমি ব্যারিস্টার, প্রোফেসর, ম্যাজিস্ট্রেট, এডিটর হতে পারি। কিন্তু আমার ইচ্ছা পূর্ণ হলে আমি সেই সিস্টেমেরই একটি চাকা হব যে সিস্টেম জগন্নাথের রথের মত শোষিতদের বুকের উপর দিয়ে চলেছে।” বাদল যেন একটু

তিন্ত স্বরে বলে, “পুঁজিবাদের ভূরিভোজনে উদরপূর্তি করে তার নিন্দাবাদ উদগার করা আমার দ্বারা হবে না, মার্গারেট।”

দুজনেই নিস্তব্ধ থাকে।

বাদল নিস্তব্ধতা ভঙ্গ করে। “অথচ এমন নয় যে আমি পুঁজিবাদের কাছে প্রার্থী হয়ে প্রত্যাখ্যাত হয়েছি। যারা একটা সামান্য অল্পগ্রহ পেলে স্বেচ্ছায় ক্যাপিটালিজমের চাকা হয়, পায়নি বলে চোখ রাঙায়, আমি তাদের একজন নই। তা হলে আমি কী? আমি বাদল। আমি বিংশ শতাব্দীর মুক্ত মানুষ। আমি দেখছি আমার ভাইরা মুক্ত নয়। তারা একটা অপচয়শীল সমাজব্যবস্থার দাসত্ব করছে—মজুরিদাসত্ব, ওয়েজ স্লেভারি। এই দাসত্ব আমি সহিতে পারিনে বলে পিতার উত্তরাধিকার পরিত্যাগ করেছি। আমি এব্রাহাম লিংকনের উত্তরাধিকারী। উনবিংশ শতাব্দীতে তিনি যা করেছিলেন, বিংশ শতাব্দীতে আমি তাই করব। তিনি তাঁর কৃষ্ণাঙ্গ ভাইদের মুক্তি দিয়েছিলেন, আমি আমার মজুর ভাইদের মুক্তি দেব। আমার কাছে ইতিহাসের তাৎপর্য এই।”

বাদলের হাত, কাঁধ, ঘাড় কাঁপতে থাকে।

“আমি মুক্তিদাতা বাদল। আমার যেদিন শক্তি হবে সেদিন আমি মুক্তি দেব। কী করে আমার শক্তি হবে, কবে আমার শক্তি হবে, সেই আমার একমাত্র ভাবনা। আমার এই একাগ্রতা নষ্ট হবে যদি আমি কারখানার শ্রমিক হই। মনে কোনো না, মার্গারেট, যে আমি শ্রমের ভয়ে কাতর।”

এই বলে বাদল অতি দুঃখে হাসে।

“শ্রমের ভয়ে কাতর, তেমন ইঙ্গিত করিনি, বাদল।” মার্গারেট শশব্যস্তে বলে। “বলেছি, সমষ্টির মধ্যে স্বাতন্ত্র্য বিলোপের শঙ্কায় ঘাটে

বসে তুমি সমালোচনা করবে, ঘটনার শ্রোতে গা ভাসানো তোমাকে দিয়ে হবে না। অত্যায বলেছি, ভাই ?” সে স্নিগ্ধ নয়নে তাকায়।

“না, যথার্থ বলেছি। ঘটনার শ্রোতে গা ভাসানো বাদলদের দিয়ে হবার নয়।” বাদল সাহসকারে বলে, “কারণ ঘটনার শ্রোত যে বাদলদের আয়ত্তে। ইতিহাস হচ্ছে অশ্ব, বাদলরা অশ্বারোহী। ঘোড়া তার সওয়ারকে ফেলে কত দূর যাবে ? ঘোড়া বোঝে তাকে অগ্রগতির স্বাদ দিতে পারে তার নিজের খেয়াল নয়, তার সওয়ারের মর্জি। ঘটনার শ্রোত উজান বয়ে আমাদের ঘাটে ফিরবেই। কারণ আমরাই জানি আমাদের শতাব্দীর প্রয়োজন কী, আর কিসে প্রয়োজন মিটবে।”

বাদলের কণ্ঠ কাঁপে। সে ক্লান্ত হয়ে মাথা নোয়ায়।

“তোমার কি কোনো অস্ব্থ করেছে, বাদল ?”

“কই, না।”

“তবে তুমি অমন করে কাঁপছ কেন ?”

“কই, কাঁপছি নে ত।”

“বোধ হয় উত্তেজনায় কাঁপছ। তা হলেও তোমার কিছু দিনের জন্তে বাসায় ফেরা উচিত। তোমাদের সেই আস্তানা আছে না গেছে ?”

“কে জানে ! থাকলেও সেখানে ফেরার কথা ওঠে না। সেখানে,” বাদল ইতস্তত করে, “আমার একাগ্রতা রক্ষা করা কঠিন। একটি মেয়ে—”

মার্গারেট মুচকি হাসে।

বাদল অপ্রতিভ হয়ে আমতা আমতা করে। জেসী কি একাগ্রতার ক্ষতিই করত ? একাগ্র হতে সহায়তা করত না ? গৌতমের যেমন স্বজাতা বাদলেরও তেমনি জেসী নয় কি ? যশোধরা ও স্বজাতা দুই

এসেছে তার জীবনে। তা সত্ত্বেও যদি সে সিদ্ধার্থ না হয়ে থাকে তবে তাদের কী দোষ।

জেসীর জন্তে তার মন কেমন করে। তপস্বীকে ক্ষুধার মুখে পথ্য দিয়ে, পায়স দিয়ে, যে সৃজাতা তন্নয় রাখত তাকে সে ঠিকানা পর্য্যন্ত জানায়নি। জানালে যদি সে রাত্রে হাজির হয়।

“একটি মেয়ে,” বাদল গুছিয়ে বলে, “আমার সেবা করত। কিন্তু কারো সেবার ঋণ আমি গ্রহণ করতে কুণ্ঠিত। ঋণশোধের কথা ভাবতে গেলে আমার ভাবনা মাটি হয়।”

“ঋণশোধের কথা ভাবতে চাও কেন?” মার্গারেট আশ্বাসনা দেয়। “তুমি ব্যক্তিস্বাতন্ত্র্যবাদী বলেই তোমার মনে ও প্রবৃত্তি। আমিও অসংখ্য ঋণে ঋণী। কিন্তু সে ঋণ আমি সমষ্টির কাছ থেকে নিয়েছি, সমষ্টিকে শোধ দেব। বাতাস কি আকাশের কাছে ঋণী হয়, না ঋণী থাকে?”

বাদল অগ্রমনস্ক। জেসীমনস্ক।

“বাদল, তুমি নিজেকে ব্যক্তিবিশেষ মনে করে নিজের ও পরের হৃদয় ভাঙছ। অমন করে তুমি শক্তিও পাবে না। শক্তি আসে নানা সূত্র থেকে। ঋণ গ্রহণ করব না বলে পণ করলে শক্তিকেই বর্জন করা হয়। তুমি যদি মনে করতে যে তুমি ঝড় কি বিদ্যুৎ কি অগ্নি কোনো নৈসর্গিক আধার তা হলে শক্তি তোমার ভিতরে আপনি সঞ্চারিত হত, সঞ্চার করত স্বয়ং প্রকৃতি, স্বয়ং ইতিহাস। সে শক্তি তুমি বিচ্ছুরিত করে নিঃশেষিত হতে গ্রহভারার মত। বর্ষণ করে ফুরিয়ে যেতে বাদলের মত। তোমার নাম ত বাদল, ব্যবহার কেন অগ্নিরূপ?” মার্গারেট রহস্য করে।

এ তর্ক আরো কয়েক বার হয়েছে। বাদল ও মার্গারেট পরস্পরকে ভজ্ঞাতে চেষ্টা করেছে, সফল হয়নি।

“থাক, মার্গারেট, তুমি আমাকে ঠিক বুঝবে না।” বাদল হাল ছেড়ে দেয়। “তোমার মতে ব্যক্তির নিজের কোনো মূল্য নেই, সে সমষ্টির মূল্যে মূল্যবান, যেমন সূর্য্যের মূল্যে তার কিরণ। পক্ষান্তরে ব্যক্তিই আমার মতে মূল্যের পরিমাপক। সমষ্টির কল্যাণ, সমাজের সুখ, সবই শেষ বিশ্লেষণে ব্যক্তির কল্যাণ, ব্যক্তির সুখ। তবে কিনা তোমরা বিশ্লেষণবিমুখ। পাছে তোমাদের সংহতিবোধ দুর্বল হয়! পাছে ব্যক্তিকে একবার আমল দিলে প্রাইভেট প্রপার্টি মেনে নেওয়া হয়!”

বাদলের গ্লেশ যথাস্থানে পৌঁছায়। মার্গারেট আরক্ত হয়ে বলে, “আগে প্রাইভেট-প্রপার্টি নির্বংশ হোক, উত্তরাধিকার উঠে যাক। সব সম্পত্তি সমাজের হোক, উপস্বত্বের অধিকার যাক ঘুচে। তার পরে ব্যক্তির মূল্য সম্বন্ধে দার্শনিক বিচার চলুক, আমার আপত্তি নেই।”

৯

দার্শনিক বিচারে সমষ্টিরও মূল্য আছে, সে মূল্য ব্যক্তির মূল্যেরই মত আন্তরিক। কিন্তু ব্যবহারিক জগতে সমষ্টি একটা খণ্ডের অতিরঞ্জন। কমিউনিস্টদের মুখে সমষ্টি মানে ত শ্রমিকশ্রেণী। শ্রমিক শ্রেণী মানে ত কমিণ্টার্ন। কমিণ্টার্ন মানে ত স্টালিন। অতএব সমষ্টি মানে একজন একচ্ছত্র পুরুষ, একজন ডিক্টেটর। রোমান ক্যাথলিকরাও সমষ্টির মহিমা কীর্তন করে। তাদের মুখে সমষ্টি মানে খ্রীষ্টরাজ্য। খ্রীষ্টরাজ্য মানে রোমক সম্প্রদায়। রোমক সম্প্রদায় মানে রোমান চার্চ। রোমান চার্চ মানে পোপ বা পিতা। অতএব সমষ্টি মানে একজন হুগো বার্তা বিধাতা, একজন ডিক্টেটর। বিশ্লেষণ করলে সমষ্টি ঠাড়ায় ডিক্টেটরে।

বাদল কিনা মৌনব্রতী। তাই তর্ক করে না। বলে, “আচ্ছা, সে সব পরে হবে। আপাতত দাসমুক্তি আমাদের উভয়েরই লক্ষ্য। কেবল পদ্ধতি ভিন্ন।”

মার্গারেট হেসে বলে, “কেবল পদ্ধতি ভিন্ন নয়, লক্ষ্যও ভিন্ন। গত শতকে যারা দাসদের মুক্ত করেছে তারা এখনো তাদের উপর প্রভুত্ব করেছে। এ কালে যাদের তুমি দাস বলে অভিহিত করলে—আমি মনে করি, অপমান করলে—তোমরা যে তাদের মুক্তির পরেও তাদের উপর প্রভুত্ব করবে না তার গ্যারাণ্টি কে দেবে?”

বাদল ভেবে বলে, “গ্যারাণ্টি কি কেউ দিতে পারে? মুক্তিই সাম্যের গ্যারাণ্টি।”

“উহু।” মার্গারেট ঘাড় নাড়ে। “শ্রমিককে সাম্যের গ্যারাণ্টি দিতে পারে শ্রমিকশ্রেণীর একাধিপত্য। কোনো মিশ্র শাসন নয়, অবিমিশ্র শ্রমিক শাসন। প্রোলিটারিয়ান ডিক্টেটরশিপ। আমি জানি তুমি ডিক্টেটরশিপ পছন্দ কর না। আমিও করিনে। কিন্তু শ্রমিকরা যত দিন শিক্ষিত না হয়েছে তত দিন তাদের স্বার্থরক্ষার জগ্গে ডেমক্রেসী স্থগিত রাখতে হবে। চিরকালের তরে নয়, শ্রমিকরা যত দিন না মেজরিটি পাবার কলকৌশল অবগত হয়েছে তত দিন। তারপরে যখন ডেমক্রেসী হবে তখন দেখবে প্রতি নির্বাচনে শ্রমিকদেরই মেজরিটি, তাদেরই অপ্রতিহত প্রভুত্ব।”

বাদল মর্মাহত হয়। সমাজে গ্রাম্যের প্রতিষ্ঠা হোক এই সে চায়। গ্রাম্যের রাজত্ব বলতে যদি শ্রমিক রাজত্ব বোঝায় তবে সোশ্যাল জাসটিসের ধূয়া ধরে সত্যকে ঢাকা দেওয়া কেন? খোলাখুলি বলে ফেলা ভালো, আমরা গ্রাম্য বুঝিনে, মুক্তি বুঝিনে, আমরা কুন্নি আমাদেরই চিরস্থায়ী একাধিপত্য। পার্লামেন্টে প্রবেশ পাচ্ছিনে বলে ডিক্টেটরশিপের সব

তুলেছি, ডিক্টেটরশিপ নিষ্কণ্টক হলে ডেমক্রেসীতে রূপান্তরিত হবে। যখন সব লাল হয়ে যাবে তখন কেই বা শ্রমিক, কেই বা ধনিক! তখন শ্রেণীশূণ্য সমাজ। তেমন সমাজে ব্যক্তিকেও উত্তরাধিকার ব্যতীত অণুবিধ অধিকার ছেড়ে দিতে বাধবে না।

বাদলের স্বগতোক্তি শুনে মার্গারেট বলে, “কতকটা বুঝেছি। কিন্তু যা নিয়ে তোমার এত মাথাব্যথা তা নিয়ে আমরা সত্যি এত ভাবিনে। ডিক্টেটরশিপ হবে কি ডেমক্রেসী থাকবে, ব্যক্তির কোন কোন অধিকার কেড়ে নেওয়া হবে ও কোন কোন অধিকার ছেড়ে দেওয়া যাবে, এসব প্রশ্ন পরের কথা। আমাদের প্রথম চিন্তা বলপরীক্ষা। আপাতত একমাত্র চিন্তা, সর্বগ্রাসী চিন্তা। ইতিহাস যদি হঠাৎ আমাদের বলপরীক্ষার স্বেচ্ছা দেয় আমরা কি জিতব? না ইলেকশনের মত তাতেও হারব? ইতিহাসের উপর বরাত দিয়ে বসে আছি যে, ইতিহাস কি আমাদের সাহায্য করবে, যদি আমরা নিজেদের সাহায্য না করি? পার্টি লাইনের সঙ্গে আমার লাইন মিলছে না, বাদল। এ কথা তোমাকে কানে কানে বলছি। তর্কের সময় কিন্তু কান ধরে বলব যে ইতিহাস আমাদের জিতিয়ে দেবেই, জয়ের প্রথম কিস্তি রাশিয়ায় দিয়েছে।”

দুজনেই হাসে।

বাদল বলে, “তা হলে শক্তির চিন্তাই আমাদের দুজনেরই প্রথম চিন্তা, একমাত্র চিন্তা, সর্বগ্রাসী চিন্তা।”

মার্গারেট উদাসকণ্ঠে বলে, “তা ছাড়া আর কী!”

“কিন্তু এক্ষেত্রেও তোমার সঙ্গে আমার পথভেদ। আমি চাই বিনা বিপ্লবে বিপ্লবের ফল, বিনা যুদ্ধে যুদ্ধের ফল।”

“খবরের কাগজে যেমন থাকে বিনামূল্যে গুম্ব বা সাবান।”

“যাও! কিসের সঙ্গে কিসের তুলনা!”

“তুলনা ঠিকই হয়েছে, বাদল। বিনা বিপ্লবে বিপ্লবের ফল, বিনা যুদ্ধে যুদ্ধের ফল হচ্ছে ম্যাজিক। ও দিয়ে ছেলে ভোলানো চলে, কিন্তু এ যুগের মানুষ ত শিশু নয়। ও ফল ছুঁড়ে ফেলে দিয়ে বলবে, দুঃ ছাই!”

“কিন্তু”, বাদল কাতরভাবে বলে, “আমি যে ফলের কথা বলেছি তা সত্যিকার ফল।”

“সত্যিকার ফল,” মার্গারেট নির্দয় স্বরে বলে, “মিথ্যাকার গাছে ফলে না। বিনা বিপ্লবে রাজ্যালাভ যেন বিনামূল্যে সোনার ঘড়ি ও চেন। ঘড়িটা অচল, সোনাটা গিল্টি।”

বাদল বিমর্ষ হয়। মার্গারেট ওঠে।

“রাজ্যালাভ বললে যে,” বাদল জিজ্ঞাসা করে, “রাষ্ট্র-করায়ত্ত না করে ক্রি বর্তমান ব্যবস্থার পতন ঘটানো যায় না?”

“পতন ঘটানো কি একদিনের কাজ!” মার্গারেট যাবার সময় বলে যায়। “কিসের পতন সেটা বিবেচনা কর। রাজার কিন্তু রাজমন্ত্রীদেব পতন হয়ত একরাত্রেব মামলা। তেমন বিপ্লব শত শত হয়েছে। কিন্তু আমাদের বিপ্লব তেমন নয়। আমরা চাই যেখানে যত কোম্পানী আছে ব্যাঙ্ক আছে দোকান আছে জমিদারি আছে তেলের ধনি ও রবারের বাগান আছে রেল লাইন ও জাহাজের কারবার আছে সমুদয় প্রতিষ্ঠানের পতন—এই অর্থে যে সমুদয় পতিত হবে ধনীর হস্ত হতে শ্রমীর হস্তে, ধনীদেব রাষ্ট্রেব হস্ত হতে শ্রমীদেব রাষ্ট্রেব হস্তে।” মার্গারেট করুণ হেসে বলে, “এক রাত্রির নয়, এক শতাব্দীর কাজ। চিরস্থায়ী একাধিপত্যের কথা যখন বলি তখন সব দিক ভেবেই বলি। এক শতাব্দী ধরে ভাঙাগড়া চললে পরে নতুন ব্যবস্থায় নতুন মানুষ তৈরী হবে। আমার সেইসব মানস সন্তানের জন্তে প্রাণপাত করে যাব আমি। শুভ বাই!”

মার্গারেটকে দেখলে মনে হয় মূর্তিমতী ট্রাজেডী। কার সঙ্গে উপমা দেবে চিন্তা করলে মনে পড়ে গ্রেচেনকে। ও নামে সে ওকে কতবার ডেকেছে। কিন্তু গায়টের গ্রেচেন ত শেষপর্যন্ত স্বর্গে উপনীত হয়, মর্ন্তের ট্রাজেডী হয় স্বর্গের কমেডী। না, গ্রেচেন নয়, য্যাণ্টিগোনি। সোফোক্লিসের য্যাণ্টিগোনি।

বাদল ওর হাতে হাত রেখে বলে, “Good-bye, Antigone”.

সেকালে লড়াই হত সিংহাসনের জন্তে। যে জয়ী হত সে সিংহাসনে বসত। একালে যুদ্ধ বাধবে রাষ্ট্রের জন্তে। যোদ্ধারা এক একজন ব্যক্তি নয়, এক একটা শ্রেণী! যারা জিতবে তারা রাষ্ট্র হাতে পাবে এবং রাষ্ট্রের সামর্থ্য দিয়ে পরাজিতকে পদানত করবে। বাদল শিউরে ওঠে।

যারা পদানত হবে তারা কি পড়ে পড়ে সহ্য করবে? চক্রান্ত করবে না, বিদ্রোহ করবে না? তবে এর বিরতি কোথায় ও কবে? শত বর্ষ ধরে যদি হানাহানি চলতে থাকে পুনর্গঠনের কতটুকু আশা? যারা ডান হাত দিয়ে লড়বে তারা বাম হাত দিয়ে গড়তে গেলে শিব গড়বে না বাঁদর গড়বে? যদি ডান হাত দিয়ে গড়তে বসে বাম হাত দিয়ে লড়তে পারবে কি?

বাদল বিশ্বাস করে না যে শ্রমিকরাজকে কেউ দশটি বছরও নিষিদ্ধাবাদে গঠনের কাজ করতে দেবে। রাশিয়ায় দেখনি, সেখানে বিসম্বাদ লেগেই রয়েছে। বলপ্রয়োগের দ্বারা কাজ করিয়ে নেওয়ার নীতি হচ্ছে বাঁদর গড়ার নীতি। বাঁদর গড়ে হবে কী?

অন্ধকার। চারি দিকে অন্ধকার। বাদলের মনে হয় পায়ের তলায় মাটি কাঁপছে। সে হাঁটতে হাঁটতে থমকে দাঁড়ায়। টাল সামলে নেয়। তবু তার ভয় থাকে হয়ত পড়ে যাবে।

মানবের ভাগ্যে কী আছে কে জানে! যাই থাক বাদলকে দিয়ে

যেতে হবে মধ্যপন্থী সমাধান। যাতে শোষণের প্রতিকার হয় অথচ অপচয় বাঁচে। যাতে দুই হাতই গঠনের কাজে লাগে। ইতিহাসের ভাষ্যলেকটিকাল প্রোসেস একটা ছঃস্বপ্ন, একটা অসত্য। অনবরত সংঘর্ষের ঘর্ষণে ইতিহাসের রথ চলে এ কথা হয়ত যথার্থ হত, যদি বাদলরা না থাকত। মার্ক্‌স্‌ ভুলে গেছেন যে বাদলরা আছে। তারাই ইতিহাসের সারথি। তারা থাকতে সংঘর্ষের প্রয়োজন হয় না। নিতান্তই যদি প্রয়োজন হয় তবে বাদলরা তার মাত্রা নিয়ন্ত্রণ করে।

মানুষের হিতাহিত বুদ্ধি তাকে সমস্তক্ষণ মধ্যপন্থার প্রবর্তনা দিচ্ছে, তাই এত যুদ্ধবিগ্রহসত্ত্বেও মানুষ লয় পায়নি। বাদলরাই বিষটুকু কণ্ঠে ধারণ করে মানুষকে বিসর্প থেকে রক্ষা করে এসেছে। লিংকন যদি প্রাণের বিনিময়ে নিগ্রোদাসপ্রথা রহিত না করতেন তবে আমেরিকার গৃহবিবাদ কোথায় গিয়ে ঠেকত কে জানে! বাদলও প্রাণ দিতে পেছপাও হবে না। প্রাণের বিনিময়ে মজুরিদাসপ্রথা উচ্ছেদ করবে। সব মানুষকে সমান করে দেবে, সমান অর্থে স্বৈচ্ছাধীনকর্মী। বাদলের কল্পিত সমাজে সকলের পারিশ্রমিক হয়ত সমান হবে না, কারণ সবরকম কাজের একই রকম পারিশ্রমিক সমাজ সম্ভবত স্বীকার করবে না। কিন্তু কাজ বেছে নেবার ও পেট ভরে খাবার সুযোগ পাবে সকলে।

সাম্য মৈত্রী স্বাধীনতার সেই যে ফরাসী আদর্শ তাই বাদলের অন্তরে মুদ্রিত রয়েছে। সে যদি অষ্টাদশ শতাব্দীশেষে প্যারিসে উপস্থিত থাকত তবে স্বপ্রসিদ্ধ বৈপ্লবিক সংস্থা Cordeliers ক্লাবের

সদস্ত হত। যতদিন বাদলরা ওর চালক ছিল ততদিন ওর দ্বারা ইষ্টই হয়েছে, অনিষ্ট হয়নি। খোলা চোখ ছিল ওর প্রতীক। চক্ষুমানরা বক্ষীর মত সজাগ থাকত কখন মানবের মৌলিক অধিকারে হস্তক্ষেপ হয়। যদিও তারা মধ্যবিস্তৃত তথাপি তারা জনসাধারণের সঙ্গে একাত্ম হতে পেরেছিল। তাই জনতাও তাদের আপন বলে জেনেছিল। নিতান্ত প্রয়োজন না দেখলে তারা বিদ্রোহের প্ররোচনা দিত না, যখন দিত তখন সমুদ্রের ঢেউয়ের মত প্যারিসের জনতা গর্জে উঠত। ইতিহাসে সে ছিল একদিন।

বাদলদের সেই ক্লাব পরে উগ্রপন্থীদের হস্তগত হয়। তাদের সুর বেহুয়া। উপজীব্য সুরা। জনপারাবার মন্বন করে তারা গরল তুলে আনে। সে গরল ক্রমে ক্রমে তাদের প্রত্যেকের বিনাশ ঘটায়। গরলে জর্জরিত হয়ে জনতাও ধীরে, ধীরে নিবীৰ্য্য হয়, অবশেষে নেপোলিয়নের পদলেহন করে। উগ্রতার সমাপ্তি দাসত্বে। ফরাসী বিপ্লব যদি মাত্রা মানত তবে সাম্য মৈত্রী স্বাধীনতার এই পঙ্খিণাঙ্ক হত না, মাহুঘ মাহুঘের চাকর বনত না, যার যা খুশি সে তাই করে সমাজকে সমৃদ্ধ করত, মাহুঘে মাহুঘে সর্ব্বনেশে বিবাদ ধরণীর ধূলি রঞ্জিত করত না। *

ফরাসী বিপ্লব ব্যর্থ হয়েছে মাত্রা না মেনে। অতীত কোনো কারণ নেই ব্যর্থতার। আদর্শেরও ক্রটি নেই। ওকে ধান্না মধ্যবিস্তৃতদের বিপ্লব বলে লঘু করতে চায় তারা বোঝে না তারা কী বকছে। আথেরে রুশবিপ্লবও যে ব্যর্থ হবে না তার নিশ্চয়তা কোথায়? স্টালিন কি নেপোলিয়নের প্রতিক্রম নন? নেপোলিয়ন শাসিত ফ্রান্স কি সেকালের পক্ষে প্রভূত উন্নতি করেনি? সাংসারিক উন্নতি যদি কাম্য হয় তবে নেপোলিয়ন ফ্রান্সকে তা দিয়েছিলেন, তাই দিয়ে ভুলিয়েছিলেন। কিন্তু মাহুঘের ঐশ্বর্য্য যে সাম্য মৈত্রী স্বাধীনতা সে ধন থেকে বঞ্চিত

করেছিলেন। মানুষ অতি সহজেই তার আদর্শ হারায়, চুষিকাঠি পেলেই খুশি হয়। সেসব চুষিকাঠির রকমারি নাম। একটা ত মোরি বা গৌরব। আর একটা Collectivization. মানুষকে সমষ্টিতে পরিণত করণ।

পুরাতন অভ্যাসবশে কখন এক সময় বাদল তার ব্যাকের দ্বারদেশে হাজির হয়। টাকার দরকার নেই, থাকলেও সে কেন পিতার দান নেবে! কিন্তু চিঠি—যদি চিঠি থাকে তার নামে। বাদল চিঠির খোঁজ নেয়।

আশ্চর্য্য! চিঠি লিখেছেন তার বাবা। কতকাল পরে বাবা চিঠি। এতদিন তিনি স্থায়ী চিঠিতেই বাদলকে উপদেশ ও আশীর্ষ জানিয়ে ইতি করতেন। কাক্সের লোক, তাঁর কাছে এক একাধ মিনিট যেন এক একখানা ইট, যা দিয়ে সরকারী পদমর্য্যাদার দেউল ভেঁদে দেয়।

লিখেছেন—তিনি কোন এক সূত্রে সংবাদ পেয়েছেন যে বাদল তার পড়াশুনায় জলাঞ্জলি দিয়ে কমিউনিস্টদের দলে ভর্তি হয়েছে। অগ্র কেউ সংবাদ দিলে তিনি বিশ্বাস করতেন না, কারণ বাদল যে তাঁর মত লোকেয় ছেলে, সে কি কখনো তার কর্তব্য অবহেলা করে বুনো হাঁস তাড়াতে যাবে! কিন্তু যিনি দিয়েছেন তিনি ইংরাজ। ইংরাজ কদাচ মিথ্যা বলতে পারে না। তাই তিনি এয়ার মেলে এই চিঠি লিখে বাদলকে সনির্ভর উপদেশ দিচ্ছেন যে তাঁর ছেলে যেন বাপের নাম রাখে। এবারও যদি সে আই. সি. এস. পরীক্ষায় অকৃতকার্য হয় তবে জীবনের পরীক্ষাতেও অকৃতকার্য হল বলে ধরে নিতে হবে। তা হলে তার পিতার জীবনের যাবতীয় আশাভরসাও অন্তর্হিত হবে, তিনি কাউকে মুখ দেখাতে পারবেন না, অকালে অবসর নিয়ে কানীবাশী

হবেন। জগৎ তাঁর সঙ্গে যে নিষ্ঠুর ব্যবহার করছে তার তুলনা নেই। এখনো তিনি ও. বি. ই. খেতাব পেলেন না, অথচ গবর্ণমেন্ট ও খেতাব যাকে তাকে দিচ্ছেন। পদবীর এই দুর্বোধ্য অপচয় দেখে তাঁরও মাঝে মাঝে ইচ্ছা যায় কমিউনিস্ট হতে। তা ছাড়া তাঁকে এখনো প্রথম শ্রেণীর জেলার ভার দেওয়া হয়নি, পড়ে আছেন তিনি মুন্সেরে। কাশীবাসের কথা তিনি সত্যি সত্যি ভাবছেন। বাদল যদি অকৃতকার্য হয় তবে সেটা হবে উটের পিঠে শেষ কুটা।

বলা বাহুল্য চিঠিখানা ইংরাজীতে লেখা ও স্টেনোগ্রাফারকে দিয়ে নাইপ করা। সেই অবশ্য তাঁর নিজের হাতের। সেই মানে অবশ্য মেটা নম্ব, ইংরাজীতে “ফাদার।” তার নীচে নিজের হাতের পুনশ্চ। ঋতে আছে উজ্জয়িনীসম্বন্ধে জিজ্ঞাসা। তাকেও তিনি তাঁর আশীর্বাদ জানিয়েছেন। প্রাচীন ভূত্যা নাথুনী তাদের দুজনকেই সেলাম পাঠিয়েছে।

নাথুনী যে তাকে মনে রেখেছে তাতে তার রাগটা জুড়িয়ে জল হয়ে যায়। নতুবা সে বাপকে লিখত, আমি কি আপনার খাই না ধারি যে আপনি আমার সারা জীবনের বিলিব্যবস্থা করবেন? হাকিম হয়ে যদি আমি অসুস্থ হই তবে কি আপনি সে অসুস্থ সারান্তে পারবেন? আর কী ছোট নজর আপনাদের! আই. সি. এস. হয়ে সারা জীবনের শেষে হব ত আমি প্রাদেশিক লাট বা হাই কোর্টের জজ। টম ডিক হারি, রাম শ্যাম ষড়ুও তা হয়ে থাকে। ওই যদি হয় আপনাদের উচ্চাভিলাষের চূড়ান্ত তবে সেই যে বুড়ী জজকে আশীর্বাদ করেছিল দারোগা হতে সেও ছিল চরম দুর্ভাগ্যিণী। তার ছেলেরি বোধ হয় দারোগাগিরির সাধনায় অকৃতকার্য হয়ে বুড়ীকে গঙ্গাতীরবাসিনী করেছিল।

বাদল তার বাবার চিঠি কুটি কুটি করে ছিড়ে ব্যাকের ছেঁড়া কাগজের টুকরিতে বিসর্জন দেয়। বুধা তর্ক এমন লোকের সঙ্গে! সে যদি কোনো দিন তার কণ্ঠস্বর পায় সেইদিন প্রমাণ করে দেবে সে সার টমাস কি সার রিচার্ড নয়, সার রামগোপাল কি সার শ্যামাচরণ নয়। সে বিংশ শতাব্দীর বাদল।

তার মনে পড়ে যায় O'Shaughnessyর কবিতার লাইন—

“One man with a dream, at pleasure,

Shall go forth and conquer a crown ;

And three with a new song's measure

Can trample an empire down.”

বাদল ভাবে, কেবল আমি একা নই, আমরা সকলেই—সব মানুষই—শক্তির স্বাপ্নিক। আমরা যদি শুধু একবার বিশ্বাস করতুম যে আমরা ঘানির বলদ নই, আমরা চারটি খোরাকের জন্তে বা একটু আদরের জন্তে ঘানি ঘোরাতে বাধ্য নই, যদি বিশ্বাস করতুম যে আমরা নরপুঙ্গব, তা হলে কোন দিন এ ঘানি চুঁ মেরে ভেঙে এ ব্যবস্থা লাখি মেরে গুঁড়িয়ে গাঁক গাঁক করে গর্জন করতুম। মাসে মাসে টাকা পাঠান বলে বাবা মনে করেন তিনি আমাকে কিনে রেখেছেন, তেমনি মজুরি বা বোনাস দেন বলে পুঁজিপতিরা মনে করেন আমরা তাঁদের কেনা। যেদিন আমাদের আত্মবিশ্বাস জন্মাবে, আত্মবিশ্বাসি দূর হবে সেদিন আসবে ইতিহাসে আর এক দিন। সেদিন আমরা ঘুম থেকে জেগে দেখব যে আমরা মুক্ত। মুক্তির উল্লাসে আমরা সমস্ত দিন ধরে গড়ব আমাদের স্বপ্নের মায়াপুরী, আমাদের সব পেয়েছি দেশ।

বাদল স্বপ্ন দেখে মানবজীবনপ্রভাতের। সে প্রভাতে যার যেখানে খুশি সেখানে গিয়ে তাঁর গাড়েছে, কেউ ভারতবর্ষ ছেড়ে ইংলণ্ডে, কেউ

ইংলণ্ড ছেড়ে ভারতবর্ষে। যার যে কাজে খুশি সেই কাজ করছে, যেটুকু দরকার সেইটুকু পারিশ্রমিক নিচ্ছে। যে যাকে ভালোবাসে তার সঙ্গে বিহার করছে, সম্ভানসম্বন্ধে নিজেদের মধ্যে একটা বোঝাপড়া করে নিচ্ছে। কোথাও কোনো সমাজপতি বা রাষ্ট্রপতি বা পুঁজিপতি নেই, পুরাকালের ডাইনোসর প্রভৃতি অতিকায় প্রাণীদের মত বিলুপ্ত হয়েছে। পতি কিম্বা পত্নীও নেই, মানুষের উপর মানুষের মানিকী স্বত্ব উচ্ছেদ হয়েছে। সকলে স্বাধীন, কোলের শিশুও। সকলে সমান, যার পারিশ্রমিক কম সেও যেমন যার পারিশ্রমিক বেশী সেও তেমনি। প্রয়োজন অনুসারে যখন পারিশ্রমিক তখন সেটাকে পারিশ্রমিক না বলে প্রয়োজনিক বললে ক্ষতি নেই। সকলের প্রয়োজন সমান নয়, তা সত্ত্বেও সকলে সমান। যেমন শাল তাল দেওদার ওক পাইন সমান। কারো উপরে চোখ রাঙাবার কেউ নেই, সকলে এক একটি নবাব। তবে সকলের মধ্যে শৃঙ্খলা রাখতে, সামঞ্জস্য রাখতে সকলেরই মনোনীত একটা সমিতি থাকবে, সভা বসবে। সেই সমিতিতে রাষ্ট্র কিম্বা সমাজ বলতে পার, চার্ট কিম্বা সজ্জ বলতেও পার, কিন্তু ক্ষমতা তার ব্যক্তির নিকট হতে লক্ক, তার যা কিছু মূল্য তা ব্যক্তির দেওয়া। সে স্বয়ম্ভু বা স্বয়ংসিদ্ধ নয়। মানুষের জন্তে প্রতিষ্ঠান, প্রতিষ্ঠানের জন্তে মানুষ নয়।

নদীর বাঁধে ফিরে বাদল বসে বসে ঢুলছে এমন সময় নীলমাধব তাকে আবিষ্কার করে। মুখচেনা ছিল, বাক্যালাপ ছিল না। মাধব বীদলের গায়ে হাত দিয়ে আশ্বে নাড়া দিল, বাদল চমকে উঠে বলল, “কে?”

“আমুন, কথা আছে।” এই বলে মাধব তাকে বন্দী করল। ধরে নিয়ে গেল নিজের বাসায়, ছেড়ে দিল না।

অপসরা

১

কালস্বাভেদে পথে দে সরকার বলল উজ্জয়িনীকে, “উপন্যাস যে কবে লিখব স্থিরতা নেই, লিখলেও আপনি পড়বেন কিনা জানিনে। আপনাকে যখন সাথে পেয়েছি তখন উপন্যাসের কথাবস্ত্ত শোনাতে চাই। শুনবেন?”

উজ্জয়িনীরও কিছু ভালো লাগছিল না। মা’র জন্তে তার মন খারাপ। হয়ত কোনো সাংঘাতিক অসুখ। বিদেশে বিভূঁইয়ে বিপদ কখনো একা আসে না। ঐদিকে সুখীর জন্তেও তার মন কেমন করছিল। এই দোটারায় পড়ে দু’ধারের দৃশ্য উপভোগ করবার মত শক্তি ছিল না তার। কাজেই গল্প করে ও শুনে সে বাস্তবক্ষে ভুলতে পারলেই বাচে।

উজ্জয়িনীর সম্মতি নিয়ে যা শুরু হল তা পল্লবিত হতে হতে প্রায় উপন্যাসেরই মত অফুরন্ত হয়ে দাঁড়াল। দে সরকার অবশ্য গোপন করল যে তার উপন্যাসের নায়ক সে নিজে। উজ্জয়িনীরও উক্ত তথ্যে প্রয়োজন ছিল না। প্রণয়কাহিনীগুলি তার কৌতূহল উদ্দীপ্ত করছিল, আর দে সরকারও এমন ঘোরালো করে বলছিল যে স্বভাবত মনে হতে পারে বানানো। মাঝে মাঝে পরামর্শ নিচ্ছিল, “বলন্তে পাহরেন, এই খণ্ডটা কী ভাবে সমাপ্ত করা যায়? পদ্ম কি কুল রাখবে, না শ্রাম রাখবে?” যেন উজ্জয়িনীর মতামতের উপর উপন্যাসের ভবিষ্য নির্ভর করছে।

এমনি করে দে সরকার তার জীবনের বহুতর অভিজ্ঞতার উপাখ্যান ঘুরিয়ে ফিরিয়ে বলল। অত ব্যাপার সে সুধীকেও শোনায়নি। সুধীর বেলায় তার ভয় ছিল, কারণ সুধী ত বিশ্বাস করবে না যে ওগুলি অলীক। উজ্জয়িনীর বেলায় ভয় ছিল না, কারণ উজ্জয়িনীর ধারণা ওসব উপন্যাসের অঙ্গ। জানত না যে একজনের কাছে যা গল্প আরেকজনের কাছে তাই বাস্তব।

“আপনার বই,” বলল উজ্জয়িনী, “রোমহর্ষক নয়, শুনে চমক লাগে না। কিন্তু ওর আগাগোড়া ট্রাজিক। আচ্ছা, আপনার ইচ্ছা করে না আপনার নায়কনায়িকাদের অন্তত একটিবারও সুখী করতে?”

“আমার কি অনিচ্ছা! কিন্তু করি কী, বলুন। যেমনটি ঘটেছে তেমনিটি লিখতে হবে। লোকে ভাবে লেখকরা নিরঙ্কুশ। ওটা ভুল।”

“ঘটেছে, কেন বলছেন? সবই ত কাল্পনিক।”

“ঘটেছে,” দে সরকার ঢোক গিলে বলল, “নায়কনায়িকাদের

“কিন্তু নায়কনায়িকারা ত কাল্পনিক।”

দে সরকার কোণঠাসা হয়ে বলল, “কল্পলোকের ঘটনাও ঘটনা।”

উজ্জয়িনী দুটি হাত জোড় করে বসেছিল, এক একবার জানালা দিয়ে চেয়ে দেখছিল প্রসারিত জার্মেনীর দিকে। কতবার খেয়াল হচ্ছিল এইখানে নামলে কেমন হয়, কিছুদিন থাকলে কেমন হয়। কিন্তু মা’কে না দেখা অবধি শান্তি নেই, মা যদি সুস্থ থাকেন সুখী থাকেন না দেখা অবধি স্বস্তি নেই। তা হলে জার্মেনীর বুকের উপর দিয়ে যাওয়া আসাই সার। হল্যাণ্ড ত রাত্রে কখন পার হওয়া গেল মালুম হল না। শুধু গাড়ীবদলের ফাঁকে বার্লিনে কিছু সময় কাটল।

“তা যদি হয়,” সে অহুযোগ করল, “আপনি ইচ্ছা করলেই ঘটনার শেষে স্মৃতির সমাবেশ করতে পারতেন, এখনো পারেন।”

“হায়, বন্ধু!” দে সরকার গাঢ় স্বরে বলল, “আমার যদি সাধ্য থাকত! লেখকরা যে কত অসহায় পাঠকরা কী করে বুঝবেন!”

“লেখকরা পাঠকদের কাঁদিয়ে কী যে আনন্দ পান, তাঁরাই জানেন। কিন্তু ইচ্ছা করলে তাঁরা হাসাতেও পারেন, খুশি করতেও পারেন। আপনি কেন পারেন না!”

“আমার নিয়তি!”

উজ্জয়িনী তার চোখে চোখ রেখে বলল, “কই, আপনাকে কখনো হাসতে দেখেছি বলে মনে পড়ে না। আপনি কি তবেও রসে বঞ্চিত?”

“চেষ্টা করলে,” দে সরকারও চোখে চোখ রাখল, “হাসতে পারি, কিন্তু শাক দিয়ে যেমন মাছ ঢাকা যায় না হাসি দিয়ে তেমনি কান্না। আজ আপনার মুখেও ত হাসি দেখছি, চেষ্টা করলে সে হাসি আন্তরিক হবে কি?”

এই ব্যক্তিগত প্রশ্নের জগ্রে উজ্জয়িনী প্রস্তুত ছিল না। বিরক্ত হল। মুখ ক্রিয়ের নিম্নে গুঁষ হয়ে বসল।

দে সরকারও হৃদয়ঙ্গম করল যে সীমা লঙ্ঘন করেছে। এতদিনের তপস্শায় সে সহধাত্রী হবার সৌভাগ্য লাভ করেছে, সহানুভবী হবার হ্রলভ বর আরো সাধনাসাপেক্ষ। এ মেয়ে বাইরে পর্দা মানে না, ভিতরে ঘোর পর্দানশীন। এর সঙ্গে সারা দুনিয়া ঘুরে বেড়ালেও এর মনের বোরখা খুলবে না।

“আপনার গল্প থামালেন যে?” এক-সময় উজ্জয়িনীর মৌন ভাঙ্গল। “নাটালীকে লাগছিল বেশ।”

“থাক, আপনার মন ভালো নেই।”

“কেমন করে জানলেন ? আমি ত বলিনি।”

“না, আপনি বলেননি। আপনার মনের প্রাইভেটী রক্ষা করেছেন। কিন্তু অমন একখানা টেলিগ্রাম পেয়ে কার না হৃদয় হ হ করে। তিনি অবশ্য আমার মা নন, তবু আমারই কি বুকটা ধড়ফড় করছে না ? কেন তবে বোকার মত বকর বকর করি ?”

উজ্জয়িনী কোমল স্বরে বলল, “আমি কি আপনাকে দোষ দিয়েছি ? শুধু বলেছি লেখকরা পাঠকদের কাঁদিয়ে কী যেন একটা আনন্দ পান। অন্তায় করেছি ?”

“না, না, যথার্থ বলেছেন। আনন্দ পানই ত। আনন্দের জন্মেই লেখা। যিনি পারেন তিনি হাসিয়ে আনন্দ পান, খুশি করে আনন্দ পান। আর আমার মত ধারা অক্ষম অসহায় লেখক তাঁরা কাঁদিয়ে সাহুনা পান। সেও এক প্রকার আনন্দ। যে হতভাগারা কাঁদে তারা আরো দশজনকে দলে টানতে চায়, তাই চিমটি কেটে কাঁদায়।”

এর পরে উজ্জয়িনী আবার তার চোখে চোখ রাখল। আবেগ ভরে বলল, “কিন্তু আপনি কেন তাদের মত অক্ষম অসহায় হতে যাবেন ? আপনি হবেন শক্তিশালী লেখক, যার কুণে বিচিত্র শর— বিচিত্র চরিত্র। কারো অন্তরে সূখা, কারো অদৃষ্টে ব্যর্থতা, কেউ সম্পূর্ণ সুখী, কেউ জলেপুড়েই মলো। চার দিকে চেয়ে দেখুন, জীবন কি একরঙা, না বহুরঙা ?”

কার্লস্বাভ ওরফে কার্লোভিভারী যাবার সংক্ষিপ্ত রাস্তা এ নয়। উজ্জয়িনীর অভিলাষ ছিল এই যাত্রায় বার্লিন দেখবে, যদিও পাঁচ ঘণ্টার বেশী দেখা হবে না। চিড়িয়াখানাটার উপর তার ঝোঁক। কিন্তু সেখানে গিয়ে মন লাগল না। দোকানে দোকানে ঘুরে মার জন্মে

কয়েকটা উপহার কিনল। স্টেশনে ফিরে এসে খেতে খেতে গাড়ীর সময় গুণতে গুণতে দে সরকারের কাহিনী শুনল। স্টেশন তার ভালো লাগে এইজন্তে যে সেখানে বহু বিচিত্র নরনারীর বিভিন্ন মনোভাবের চিত্র সচল ও সবাক। তার পরে এই ট্রেন।

স্বরম্য নগর ডেসডেন পিছনে রেখে পার্করতা পথ দিয়ে ট্রেন চলেছে। রেলপথের সহযাত্রিণী এল্বে নদী। নদীর দুই দিকে খাড়ার মত খাড়া হয়ে উঠেছে পাহাড়। বিদায়বেলার সূর্য্য রঙের তুলি ব্লাচ্ছে। দে সরকার মুগ্ধ কণ্ঠে বলল, “কী সুন্দর এ ধরণী!”

দুজনে তন্ময় হয়ে শোভা সন্দর্শন করল। কিন্তু তন্ময়তা সত্ত্বেও দে সরকার ভুলল না যে উজ্জয়িনীকে একাকী পাওয়া এই প্রথম, এই হয়ত শেষ, যদি না তাকে চিরকালের মত পায়। এমন সুযোগ এক জীবনে দুবার আসে না—এই প্রথম, এই হয়ত শেষ। কার্লস্বাডে তার মা তাকে চোখে চোখে রাখবেন। সেখান থেকে যদি লগুনে ফেরা হয় তবে তিনিও সঙ্গী হবেন। আর কয়েকটি ঘণ্টা পরে সুযোগের অন্ত। ট্রেন যতই লক্ষ্যের নিকটবর্তী হচ্ছিল দে সরকারের সুযোগের আয়ু ফুরিয়ে আসছিল।

কখন এক সময় সে অলক্ষিতে উজ্জয়িনীর একখানি হাত নিজের হাতে নিল। এমন অলক্ষিতে যে যার হাত সে টের পেল না।

“আচ্ছা, আপনি ত কবি, আপনার কি কখনো মন যায় না এমনি কোনো এক দুর্গম স্থানে কুটীর নির্মাণ করে বাস করতে?”

“আপনার?”

“আমারও।”

“কুটীর চেষ্টা করলে মেলে। কিন্তু কাল-হয়ত কালস্বাডের কুহকে কুটীরের স্বপ্ন মনে থাকবে না। এমনি মানুষের মন!”

“না, ঠিক মনে থাকবে। কিন্তু আপনি ত বুঝবেন না আমার কী জালা! আমার যে ইচ্ছা থাকলেও উপায় নেই।”

দে সরকার কান পাতল, কথা কইল না। পাঁছে উজ্জয়িনী রাগ করে, লোকটা কী অশিষ্ট, পরের বিষয় জানতে চায়!

চেক রাজ্যের সীমান্তে কাস্টমসের পরীক্ষা। সে সময় উজ্জয়িনী ব্যস্ত হয়ে হাত তুলে নিল। দে সরকারও তাদের হুজনের মালপত্র খুলে দেখাতে লাগল। পাসপোর্ট দেখে পরীক্ষক সম্মুখের স্তরে বললেন, “ভারতীয়? টাগোর...গান্ধী...”

ইতিমধ্যে আরো কয়েকবার আরো কয়েকজনের মুখে ভারত সম্বন্ধে ঐংস্ক্য অভিযুক্ত হয়েছে। উজ্জয়িনী জার্মান ভাষা জানে না, দে সরকার যেটুকু জানে তাতে বেশীক্ষণ চলে না। অপর পক্ষ ভাড়া ভাড়া ইংরাজীতে কিছু দূর চালিয়ে হাল ছেড়ে দেন।

ছাফাম চুকলে উজ্জয়িনী বলল, “সকলের সঙ্গে মিশতে, সকলের জীবনের ভাগ নিতে এত সাধ যায়! কিন্তু ভাষা শেখবার উৎসাহ নেই। নিরুপায়!”

২

“ভাগ্যিস ভাষা জানেন না।” দে সরকার ভয়ে ভয়ে বলল, “জানলে ঝগড়া করতেন।”

“কেন, বলুন ত?”

“ওই যে পাসপোর্ট পরীক্ষক ও বলছিল, আপনার স্বীর গায়ে ঠাণ্ডা লাগতে পারে, কোট পরিয়ে দিন। বাস্তবিক একটু একটু শীত বোধ

।। পাহাড়ে রাস্তা।”

উজ্জয়িনী কোট গায়ে দিয়ে অবুধবু হয়ে বসল। বলল, “লোকটা বোকা। আমার ফোটার সঙ্গে আমাকে মিলিয়ে দেখেছে, আপনার নামের সঙ্গে আমার নাম মিলিয়ে দেখেনি।”

“আমি কিন্তু ওর কাছে কৃতজ্ঞ। কারণ আমার পক্ষে অত বড় গৌরব কল্পনাতীত।”

তা শুনে উজ্জয়িনী পরিহাস করল। “কথাটা আপনার জীব পক্ষে গৌরবের নয়। তাঁকে চিঠি লিখে জানাব।”

“লিখলে ও চিঠি আপনার ঠিকানায় ফেরৎ আসবে।”

উজ্জয়িনী বুঝতে না পেরে বলল, “আপনার স্বামী বৃষ্টি পতিনিম্মা সহিতে পারেন না?”

“মাথা নেই, তার মাথাব্যথা।”

“ওহ্।” উজ্জয়িনী এতক্ষণে বুঝতে পারল। হেসে বলল, “বেশ যা হোক। যার বিয়ে হয়নি তার আঙুলে বিয়ের আংটি। আমার সন্দেহ ছিল আপনি বৌ থাকতে বোহেমিয়ান। যেমন হয়েই থাকে বিলেতে এসে ভারতের ছেলেরা।”

এবার দে সরকার তার আংটির ইতিহাস আরম্ভ করল। এ সেই আংটি যা সে পেয়েছিল তার সুইস বান্ধবীর কাছে। তাঁর সঙ্গেও আলাপ এই চেকোস্লোভাকিয়ায়, এমনি এক ট্রেনে। তখন তারা দুজনেই কিরছিল পোলাণ্ড থেকে। তাঁর স্বামীর দেশ পোলাণ্ড।

“কিন্তু মনে রাখবেন,” দে সরকার সতর্ক করল, “এ আংটি আমার নয়, এ কাহিনীও আমার নয়। এসব আরেকজনের, অর্থাৎ আমার উপস্থাসের নায়কের। কুমুদ লোকটা মোটের উপর কাল্পনিক হলেও আমার অন্তরঙ্গ, সেই সূত্রে তার হাতের আংটি আমার হাতে এসেছে।”

উজ্জয়িনী সন্দিগ্ধ স্বরে স্থাল, “কুমুদ বলে কি কেউ সত্যি আছে?”

দে সরকার মুশকিলে পড়ল। পালাবার পথ নেই দেখে মরীয়া হয়ে বলল, “না থাকলে এ আংটি আমি কার কাছে পেতুম? এমন আংটি কি বাঙালীরা বিয়ের সময় পায়?”

“তা হলে কুমুদ পেল কী করে?”

“সেই কথাই বলতে যাচ্ছি। অবধান করুন। কুমুদ আসছিল পোলাওর রাজধানী গুয়ারস বেড়িয়ে।...”

গল্প যখন সারা হল তখন উজ্জয়িনীর সারা দেহে বিষ্ময়। দে সরকার কিছুই গোপন করেনি, কুমুদের সঙ্গে তার বান্ধবীর বধু সম্পর্কের উপর আবরণ টেনে দেয়নি।

“এ কি সত্য?” উজ্জয়িনী বিশ্বাস করবে কি না ভাবছিল।

“কুমুদ জানে।”

“কুমুদ এখন কোথায়?”

“বড় কঠিন প্রশ্ন করেছেন।” দে সরকার পাশ কাটাতে চাইল।

“যদি আপত্তি থাকে বলবেন না, আমার বেআদবি মাফ করবেন।”

“না, আপত্তি কিসের? আপনি জানতে চান কুমুদ এখন কোথায়। যদি বলি, জানিনে, তা হলে মিথ্যা বলা হয়। যদি বলি, জানি কিন্তু বলব না, তা হলে কী মনে করবেন তা আমদাজে বুঝি। স্তব্রাং বলে ফেলাই ভালো। দুদিন বাদে কোথায়ই বা আপনি, আর কোথায়ই বা আমি! তখন ত আপনার ঘৃণা আমার গায়ে লাগবে না। এই দুটো দিন বড্ড লাগবে।” গলা পরিষ্কার করে দে সরকার বলল, “তা বলে কেন আপনাকে ধোঁকা দেব? কুমুদ এখন এইখানে।”

উজ্জয়িনী শুনে থ হয়ে রইল। একটু পরে হেসে বলল, “না। আমি অত স্বেবোধ নই। আংটি হয়ত কুমুদের, কিন্তু কুমুদ এখন এখানে নেই। স্তব্রাং আপনি দুদিনের বেশী অনায়াসেই আমাদের

ওখানে থাকতে পারেন। কেউ আপনাকে ঘৃণা করবে না। কেন করবে?”

“আশ্বস্ত হলাম।” দে সরকার একটা সিগারেট ধরাল। “আমি যে আমার মুখোস খুলতে পেরেছি এই আমার যথেষ্ট। এখন আমি নির্ভয়ে মুখ দেখাতে পারি।”

উজ্জয়িনী কাতর স্বরে বলল, “দুদিনের বেশী কেই বা থাকতে চায়। যদি মা’র শরীর নিরাময় দেখি আমিও আপনার সঙ্গেই ফিরব।”

“প্রার্থনা করি তাঁর সর্বাদ্বীন কুশল। কিন্তু তিনি কি আপনাকে ফেরবার অনুমতি দেবেন?”

“ভালো থাকলে কেন দেবেন না?”

“কী জানি! আমার ত মনে হয় না যে ললিতা রায় ভিন্ন অন্য কারো উপরে আপনার ভার দিয়ে তিনি নিশ্চিন্ত হতে পারবেন?”

উজ্জয়িনী দাঁক করে জলে উঠল। “আমার ভার আমি ভিন্ন অন্য কারকে বইতে হবে না। আমি কি নাবালিকা?”

“মা’র চক্ষে হয়ত তাই।” দে সরকার ফোড়ন দিল।

“মা’র তা হলে চোখের অস্থ। ওর চিকিৎসা কার্লস্বাডে হবে না। ভিয়েনায় কিছা অস্ত্র কোথাও করাতে হবে। আমি তাঁকে লগুনেই নিয়ে যাব।”

দে সরকার উস্কে দিয়ে বলল, “তাতে করে এই প্রমাণ হবে যে আপনি নাবালিকা, একটি chaperon না হলে আপনার লগুনে থাকা নিরাপদ নয়, এবং আপনার জননীই আপনার chaperon.”

“ককনো না।” উজ্জয়িনী চোঁচিয়ে বলতে যাচ্ছিল, অস্ত্রাস্ত্র যাত্রীদের দিকে চেয়ে ফিসফিসিয়ে বলল, “আমি সম্পূর্ণ স্বাধীন। মা যদি ভালো থাকেন তা হলে আমি তাঁর নিষেধ সবেও লগুনে ফিরব অথবা তিনিই

ফিরবেন আমার সঙ্গে লগুনে। আর আপনিই হবেন আমার সে যাত্রার chaperon, যেমন এ যাত্রার।” এই বলে সে আবার চোখে চোখ রাখল, পরম নির্ভরভাবে।

দে সরকার তার একখানি হাত নিজের মুঠোয় ভরে গদগদভাবে বলল, “যেমন এ যাত্রার, তেমনি সে যাত্রার, তেমনি সব যাত্রার। সব যাত্রার।”

উজ্জয়িনীকে নিঃশব্দ দেখে সে আরো সাহস সঞ্চয় করে বলল, “এতদিন ভাবছিলুম কী নামে আপনাকে ডাকব। আজ যখন আপনি আমাকে শাপেরোন বলে অভিহিত করেছেন তখন আমিই বা কেন আপনাকে ডাকব না সখী বলে?”

উজ্জয়িনী সচকিত হয়ে এদিক ওদিক চেয়ে দে সরকারের চোখে একদৃষ্টে তাকাল। তার অমুভূতি তাকে করস্পর্শের করাঘাতের দ্বারা জানাল যে একজন তাকে কামনা করে।

“আমি,” সে একটু শব্দ হয়ে বলল, “লগুন থেকে সুবীদার সঙ্গে ভারতবর্ষে ফিরব, মিস্টার দে সরকার। তারপরে বোধ হয় জেলে যাব। জেলযাত্রা অবশ্য মেয়েদের সঙ্গে, যদি দেশের মেয়েরা জাগে।”

দে সরকার রহস্য করল, “জাগে নয়, ক্ষেপে। না ক্ষেপিলে সব ভারত ললনা, এ ভারত আর ক্ষেপে না ক্ষেপে না।”

“বেশ, তাই হোক। ক্ষেপুক আর জাগুক আমি চাই যে মেয়েদের দিয়ে কিছু একটা কাজ হোক। দিনের পর দিন হাঁড়ি ঠেলা আর বছরে একটি করে ইংরাজের ক্রীতদাস সৃষ্টি করা কি একটা কাজ।”

উজ্জয়িনীর কণ্ঠস্বরে তীব্র দহন, নয়নদীপে জ্বলন্ত শিখা।

“সব আগে স্বাধীনতা,” তারপরে আহার বিহার বংশরক্ষা। যা সব আগে তার জন্তে আমাদের মেয়েদের জীবনের সব শেষেও যদি একটু-

খানি ঠাই থাকত। যদি জানতুম যে মা হবার পরে, ঠাকুমা হবার পরে আমরা স্বাধীন!”

“সেইজন্মেই ত বলি ওই অভিশপ্ত দেশে ফিরে কাজ নেই। আমি হয় ইউরোপে থাকব, নয় তাহিতি কিম্বা সামোয়া দ্বীপে পালাব।” দে সরকার অকপটে জানাল।

“না, মিষ্টার দে সরকার, দেশকে অমন করে বর্জন করা ঠিক নয়। দেশে গিয়ে দেশের মানুষকে জাগাতে হবে—দরকার হয় ত ক্ষেপাতে হবে। পুরুষরা কতকটা জেগেছে এবং ক্ষেপেছে। এখন মেয়েদের পালা। তাদের জাগানো বলুন, ক্ষেপানো বলুন, সেটা ঘটবে। তবে ত ভারত জাগবে, অথবা ক্ষেপবে।”

“মাফ করবেন।” দে সরকার আর একটা সিগারেট ধরাল। “আমরা প্রায় পৌঁছে গেছি। পরে এ নিয়ে তর্ক করা যাবে। দেখছি আপনি একজন পেট্রিয়ার্ট। ছুঁথের বিষয় আমি তা নই। কারণ পেট্রিয়ার্টদের রুজি রোজগারের খোজ খবর নিয়ে আমার কুচি উবে গেছে। যাদের বয়স কম, আদর্শবাদ বেশী, সেই বেচারীদেরকে বিপদের মুখে ঠেলে দিয়ে নিজেরা গেছেন কাউন্সিলে কর্পোরেশনে লোকাল বোর্ডে। এবার শুনছি মেয়েদের পালা। আমি বলি, পালা নয়—পালা। পলায়ন কর।”

ইতিমধ্যে উজ্জয়িনী তার হাত খুলে নিয়েছিল। উঠে বলল, “প্রায় পৌঁছে গেছি। তা হলে যাই, সাফ হুতরো হয়ে আসি। আপনি ততক্ষণে জিনিষপত্র গুছিয়ে শুনতি করে রাখুন।”

স্টেশনে উপস্থিত ছিলেন মিসেস গুপ্ত স্বয়ং, তাঁর সঙ্গে তাঁর ইংরাজ সহচরী মিস আর্চার। এই অল্পবয়সী মেয়েটি ফরাসী ও জার্মান ভাষা জানে, কন্টিনেন্টের পথঘাট চেনে। একে তিনি বহাল করেছিলেন লগুনে থাকতে, লগুন ছাড়বার এক দিন আগে।

“মা,” উজ্জয়িনী উল্লসিত হল, “তুমি ভালো আছ তা হলে।”

“হ্যাঁ, ডিয়ার।” তিনি তাকে প্রকাশ্যে চুম্বন করলেন। “বার কয়েক বাথ নিয়ে আমার বাত অনেকটা সেরেছে। তার পর, কুমার, তুমি ত এলে, তোমার বন্ধু স্বধী?”

“স্বধীদা,” উজ্জয়িনী উত্তর কেড়ে নিল, “কী করে আসবে? তার যে পীস কন্ফারেন্স।”

“প্যাসফিস্ট কন্—” দে সরকার সংশোধন করতে গেল।

উজ্জয়িনী তাকে ঠেলা দিয়ে বলল, “আপনি আপনার নিজের কাজে মনোযোগ দিন। মাল এখনো নামল না। কী দেখছেন?”

ধমক খেয়ে দে সরকার মিস আর্চারের মুখ থেকে চোখ ফিরিয়ে নিল। মিস আর্চার বললেন, “থাক, আমি সে ভার নিচ্ছি। আপনারা এগিয়ে যান, বাইরে গাড়ী দাঁড়িয়েছে।”

দে সরকার একবার ভাবল শিভ্যালরির খাতিরে মিস আর্চারকে বলে, “ধন্যবাদ, মিস। কিন্তু আপনি কেন? আমিই ওসব করব। আমি ত এ দেশে নবাগত নই।” কিন্তু উজ্জয়িনীর চাউনি তাকে নির্বাক করেছিল। সে উজ্জয়িনীর আদেশ পালন করতে গিয়ে মিস আর্চারকে বিনাবাক্যে উপেক্ষা করল।

ফল হল এই যে দে সরকার ও মিস আর্চার দু জনেই মালের কাছে

থাকলেন। তা লক্ষ্য করে উজ্জয়িনী থমকে থামল। হুতরাং মিসেস গুপ্তকেও থামতে হল।

“ও কী করছেন? একজন থাকলে কি যথেষ্ট হত না? ছেড়ে দিন। বুঝলে, মা, এই ভবলোকটি একটি পাকা গিন্নী। এমন সংসারজ্ঞান তুমি কোথাও পাবে না। এখন এঁর একটি কর্তা থাকলে বোলো কলা পূর্ণ হত।”

“এস, কুমার। ভিকি সমস্ত পারবে।” মিসেস গুপ্ত অভয় দিলেন। “এটি একটি অমূল্য রত্ন। ছোটবেলা থেকে কন্টিনেন্টে মানুষ হয়েছে কি না, এসব রাজ্যের হালচাল জানে ও বোঝে। ভিকি, তুমি রইলে?”

উজ্জয়িনীর আশঙ্কা ছিল তার মা হয়ত যোগে পড়। কিন্তু দেখা গেল তাঁর বয়সের তথা শরীরের ওজন দিনকের দিন কমছে। তিনি যেন হাই হীলের উপর উড়ে চললেন। শাড়ীখানিও পরেছিলেন মনোজ্ঞ ভাবে। স্টেশনের লোক মেয়ের চেয়ে মায়ের দিকে তাকাল বেশী, মনে মনে তারিফ করল সেই ভারতীয় রূপসীকে। দুজনেই তব্বী, কিন্তু মেয়ের চেয়ে মায়ের মুখের ছাঁদ সুখম। উজ্জয়িনী এর দ্বারা তার মা’কে ঈর্ষা করে। রঙের জগ্গেও। কিন্তু রং একটু মলিন হলে কী হয় তার চিকণ, তার অঙ্গের সুরভি প্রসাধননিরপেক্ষ। উজ্জয়িনীর বৈশিষ্ট্য তার লাবণ্য আর সূজাতার বৈশিষ্ট্য তাঁর রূপ।

দে সরকার পেছিয়ে পড়ছিল। তার ত উড়ে চলবার সাধ্য নেই। পুরুষ মানুষ, হাই হীল সে পাবে কোথায়? কিন্তু উজ্জয়িনী উল্টো বুঝছিল। মনে করছিল মিস আর্চারের খাতিরেই সে পেছিয়ে পড়ছে। মাঝে মাঝে থমকে থমে ফিরে ফিরে আড়নয়নে অগ্নিবাণ হানছিল। আর তা দেখে দে সরকারের অন্তরাহ্বা বলছিল, তদা নাশংসে বিজয়ায়...

হোটেলে পৌছেই মিসেস গুপ্ত কফির ফরমাস দিলেন। এটা সেটা জিজ্ঞাসা করতে করতে এক সময় বললেন, “তার পর, কুমার, তোমার বন্ধু বাদলের কী খবর?”

দে সরকার উৎসাহিত হয়ে বলল, “বাদলের জন্তে বড় কষ্ট হয়। পাগলের মত টেম্‌সের বাঁধে পড়ে আছে, দেশলাই বেচে খায়।”

“হোয়াট!” তিনি হতভম্ব হলেন। “তুমি নিশ্চয় ও কথা বলতে চাও না?”

“কথাটা সত্যি।” উজ্জয়িনী সাক্ষী দিল।

“আশ্চর্য্য!” মিসেস গুপ্ত শিউরে উঠলেন। “Well, I never!”

“স্বধীদা তোমাকে ও বিষয়ে কী যেন লিখেছে, মা। চিঠিখানা আছে আমার—কোথায় রাখলুম, বলতে পারেন?”

দে সরকার দেখেনি। বলতে পারল না। উজ্জয়িনী মুচকি হেসে বলল, “না, আপনি পাকা গিন্নী নন। এখনো কাঁচা আছেন।”

“স্বধী কেন তার বন্ধুকে কাছে রাখে না?” তিনি বাদলের জন্তে আজ যতটা উদ্বেগ প্রকাশ করলেন ততটা কখনো করেনি। “মাই পুওর বোয়! কী যে তার ব্যথা, কিছুই বুঝতে পারিনি। কমিউনিস্ট না বোলশেভিক, কী ওদের বলে? ওই যারা রাজার শত্রু?”

উজ্জয়িনী সংশোধন করল, “রাজার নয়, ধনীরা।”

“একই কথা।” তিনি কানে তুললেন না। “ওরা ত ছেলে ধরে নিয়ে যায়, শুনেছি। ওরা কি তবে বাদলকেও ভুলিয়ে নিয়ে গেছে?”

দে সরকার বলল, “না, মা।” উজ্জয়িনীর মা’কে মাতৃসম্বোধন করে সে আত্মীয়তার স্বর্থ পাচ্ছিল। “না, মা। ওরা জুজু নয়। বাদল ভুল করে ওদের দলে জুটেছে। কিন্তু নদীর বাঁধে দেশলাই বিক্রী করা বোধ হয় ওদের দলের নির্দেশ নয়।”

“তবে কাদের শিক্ষা ?”

“আমার নিজের মনে হয় বাদল স্যানার্কিস্ট।”

“হোয়াট !” মিসেস গুপ্ত মূর্ছা যাবেন এমন অসুস্থমান হল। তাঁর মেয়ে তাঁকে এক হাতে ধরে আর এক হাত দিয়ে একটা ঘুঁষি বাগাল। তার স্বামীর নামে এ কী নতুন অপবাদ !

দে সরকার তাড়াতাড়ি বলল, “দোহাই আপনার। স্যানার্কিস্ট আমি টেররিস্ট অর্থে বলিনি। ওর মানে নৈরাজ্যবাদী—যারা কোনো রকম গভর্নমেন্ট মানে না। কোনো রকম শৃঙ্খলা বা শৃঙ্খল।”

কফিতে চুমুক দিতে দিতে মা বললেন, “ওর পাগলামির নাম যাই হোক না কেন, নাম নিয়ে তর্ক করা বুধা। আমি এর প্রতিকার চাই। কালকেই রায় বাহাদুরকে cable করব যে তিনি আপনি এসে তাঁর পুত্রের দায়িত্ব নিন। যেমন আমি আপনি নিয়েছি আমার কন্ডার।”

“ওহ্ !” উজ্জয়িনীর এতক্ষণে হাঁশ হল যে তার মা তাকে আনিয়েছেন নিজে অসুস্থ বলে নয়, সে অভিভাবকশূণ্য বলে।

“মা,” সে তাঁকে একটু বাজিয়ে দেখল, “আমরা কবে ফিরব ?”

“কারা ?” তিনি ক্রভঙ্গী করলেন। “কোথায় ?”

“ইনি আর আমি। সম্ভব হলে তুমিও।” উজ্জয়িনী দ্বিতীয় প্রশ্নের উত্তরে বলল, “লগুনে।”

“কেন। লগুনে তোমার কী কাজ ? তুমি ত দেশলাই বেচবে না। আর আমি সেখানে ফিরব কোন মুখে ?”

তিনি বিশদ করলেন তাঁর বক্তব্য। “ইংলণ্ডের পুলিশ এখনো আমাকে জানায়নি যে তারাপদ এত দিনে খরা পড়েছে। এই যাদের কর্মতৎপরতা তাদের রক্ষণাবেক্ষণে সাঁপে দেবার মত অজস্র সম্পত্তি

আমার নেই। থাকলে,” তিনি স্বর নামিয়ে বললেন, “এই হোটেলে ঘর নিয়ে বাস করতে হত না। একটা ভিলা কিনতুম।”

তিনি আরো খোলসা করে বললেন, “না, ডিয়ার! লগুনে ফেরা ঘটবে না, আমার জীবনেও না, তোমার জীবনেও না, যদি না তোমার স্বামী তোমাকে ডাকে।”

তার স্বামী! এইমাত্র সে তার স্বামীর পক্ষ নিয়ে দে সরকারের উপর খড়্গহস্ত হচ্ছিল। কিন্তু মা’র উক্তি শুনে তাঁর উপরে রুষ্ট হল। সে তা হলে স্বাধীন নয়, স্বচ্ছাগতি নয়। এ কী অসহনীয় অশ্রায়! তার ইচ্ছা করছিল সেই রাত্রেই কার্লস্‌বাড ছেড়ে পালাতে।

দেখা গেল ইতিমধ্যেই বহুসংখ্যক নরনারীর সঙ্গে তাঁর আলাপ পরিচয় হয়েছে। এঁরা নানা দিকদেশাগত। কেউ জার্মান, কেউ ফরাসী, কেউ আমেরিকান, কেউ চেক। সবাই তাঁকে দূরে রেখে অভিবাধন জানায়, নিজ নিজ টেবিল থেকে দুটো একটা কুশল প্রশ্ন করে। এখানে প্রায় সকলেই স্বাস্থ্যের জন্তে আগন্তুক। কে কেমন বোধ করছে, আর ক’দিন থাকতে হবে, কথোপকথন প্রাধান্য এই সূত্র ধরে অগ্রসর হয়। হতে হতে অশ্রান্ত প্রসঙ্গে পথ হারায়।

উজ্জয়িনীরা ছত্রিশ ঘণ্টা ভ্রমণ করে ক্লান্ত। তাই মিসেস গুপ্তকেও সেদিন জটলা ছেড়ে উঠতে হল।

“এস, তোমাদের কার কোন ঘর দেখিয়ে দিই। আজ বিশ্রাম কর, কাল তোমাদের বেড়াতে নিয়ে যাব। এটা লগুন নয়, এখানে বিশেষ কেউ ব্রেকফাস্টের জন্তে নামে না। ঘরে বসেই ব্রেকফাস্ট খেয়ো। ন’টার সময় আমি তোমাদের ডেকে পাঠাব। আমার কিছু কেনাকাটা আছে, সেটা সেবে খুব এক চোট বেড়ানো যাবে। কয়েকটা call-ও আছে। তোমাদেরকে এখানকার সমাজে ইন্ট্রোডিউস করা আমার

প্রথম কাজ। একটা পার্টি দেব, ভাবছি। পার্টিতে তুমি কী পরবে, বেবী? শাড়ীগুলো সঙ্গে এনেছ, না লগুনে টমাস কুকের জিন্সা রেখে এসেছ?”

উজ্জয়িনীর ঘুম পাচ্ছিল। হাই তুলে বলল, “কাল ওসব কথা। এই আমার ঘর? বেশ, ষথেষ্ট জায়গা। কোথায় স্নান করব, বলে দাও। স্নান আজ সারা দিন হয়নি। গা ঘিন ঘিন করছে। আচ্ছা, আমি তা হলে স্নানের আয়োজন করি। গুড নাইট, মাদার। গুড নাইট, মিস্টার দে সরকার।”

৪

স্নান করে শীতল হবে ভেবেছিল। অঙ্গজ্বালা নিবল না।

এত কয়লার গুঁড়া নয় যে সাবানের জলে উঠবে। অথবা নয় থিতানো ঘাম যে গরম জলে গলবে। উজ্জয়িনীর ঘুম পাচ্ছিল, কিন্তু আসছিল না। যতই মনে পড়ছিল এক জনের আঙুলের ছোয়া ততই তপ্ত হয়ে উঠেছিল শুধু সেইটুকু ঠাই নয়, সকল দেহ।

এমন ত কখনো হয়নি। কুমার ও সে কতবার এক সঙ্গে নেচেছে। স্পর্শ করেছে পরস্পরের স্কন্ধ, কটি, কর। কোনো দিন মনে কোনো ভাব উদয় হয়নি, দেহে উদয় হয়নি কোনো তাপ। কেন তা হলে আজ এমন হল? কুমার তাকে সখী বলে ডেকেছে সেইজন্তে কি?

উপন্যাসের নায়ক কুমুদের কাহিনীগুলি একে একে মনে পড়তে থাকল। কুমুদ বন্দী হতে চেয়েছে প্রত্যেক বার, কিন্তু কেউ তাকে বাধতে রাজি হয়নি। তার সঙ্গে তুলনা করা যাক বাদলকে। বাদল মুক্তিপাগল, কোনোখানে বন্ধ হবে না। তার স্ত্রী তাকে

বাঁধতে পারেনি, অল্প কেউ যদি পারত তবে সে নদীর বাঁধে বাসা করত না। বাদল মুক্ত পুরুষ। কুমুদ ওরফে কুমার বন্ধনকাষী।

এমন যে কুমার সে তার রক্ত রাঙা হৃদয় অনাবৃত করেছে উজ্জয়িনীর সম্মুখে। সখী বলে বিশ্বাস করেছে। আঙুলে আঙুল জড়িয়েছে। আগুন লাগিয়েছে গায়ে। করবে কী উজ্জয়িনী!

সে রাত্রে ঘুম যদি বা হল বার বার ভেঙে গেল। পাশাপাশি যার সঙ্গে সারাদিন বসে কাটিয়েছে সে মানুষটি কি পাশে নেই? কুমার, তুমি কোথায়! উজ্জয়িনী এ পাশ ও পাশ করে, কাউকে কাছে পায় না। ক্রমে ক্রমে প্রত্যয় হয় যে এটা ট্রেন নয়, হোটেল। আসন নয়, শয্যা। এখানে কুমার অনধিকারী। উজ্জয়িনী লজ্জিত হয়, বালিশে মুখ ঢাকে। তখনো তার মনে হতে থাকে ট্রেন চলেছে, কুমার চলেছে, সখী চলেছে, কে জানে কোন নিরুদ্দেশ যাত্রায়। তখনো তার তলুতে অতনুর পরশমণিরাগ।

পরের দিন যখন মা'র সঙ্গে দেখা হল সে বলল, “মা, আমি যাব না, তুমি যাও। কেনাকাটা করতে চাও, দে সরকারকে নাও। উনি বাজার সরকার হবেন। আমি আর একটু শুয়ে থাকলে সুখী হব।”

কারো সঙ্গে, কারো পাশে বসে, কারো হাত ধরে নিরুদ্দেশ যাত্রার যে সুখ একবার আশ্বাসন করেছে সেই সুখ পুনঃ পুনঃ কল্পনা করে সুখী হবার ছল এ। তার মা ঠাওরালেন, এটা ক্লান্তি মোচনের আকাজক্ষা। তার প্রস্তাবে সায় দিলেন।

দে সরকার শূন্য মন্দিরে একাকী নিশিষাপন করেছিল, ভোরে উঠে ভাবছিল আজকের দিন সে তার দয়িতাকে কী দিয়ে অর্চনা করবে, কোন উপহার কিনবে। ফুল যেমন সুলভ হয়েও দুর্লভ

তেমন ত আর কিছু নয়। কার্লস্বাডের ফুলের দোকানে কি এমন ফুল মিলবে না যা পেলে দেবী বরদা হন ?

উজ্জয়িনীর প্রস্তাবে সে ব্যথিত হল, কিন্তু নিজের ক্লাস্তির দ্বারা পরিমাপ করতে পারছিল তার ক্লাস্তি। পীড়াপীড়ি করল না। মিসেস গুপ্তের প্রতি মনোযোগ দিল। তাঁকে সন্তুষ্ট করে, তাঁর আস্থা অর্জন করে, তাঁর দক্ষিণ হস্ত স্বরূপ হতে পারলে কার্লস্বাডে আরো কিছুদিন অবস্থান করতে তিনিই তাকে সাধবেন। বাজার সরকারের কাজে সত্যি তার যুড়ি নেই। তার পূর্বরুশদের কেউ হয়ত মোগল বাদশাদের বাজার সরকার ছিলেন, তাই থেকে সরকার পদবী।

উজ্জয়িনী সন্ধ্যার আগে নামল না, শুয়ে শুয়ে দিবাস্থপ্ত দেখল। স্বধীর জগ্রে তার মন কেমন করছিল, কিন্তু এমনি চঞ্চল তার মন যে স্বধীর চিন্তায় নিবিষ্ট থাকছিল না। স্বধীর চিন্তা আধখানা রেখে বাদলের চিন্তায়, বাদলের চিন্তা আধখানা রেখে কুমারের চিন্তায় ঘুরঘুর করছিল। তিনজনেই দুঃখী। স্বধীর জীবনকে দুঃখের করেছে অশোকা। বাদল দুঃখ পাচ্ছে মাহুষের দুঃখ দূর করতে না পেরে। এদের দুজনের একজনেরও প্রয়োজন নেই উজ্জয়িনীকে। সে সহস্র চেষ্টাসত্ত্বেও স্বধীকে সুখী করতে অক্ষম, বাদলকে সুখী করা ত নারীর অসাধ্য। বাকী থাকে তৃতীয় জন। কুমারের দুঃখ, সে যত বার সব দিতে চেয়েছে ততবার ঘোলো আনার কিছু কম পেয়েছে। যারা দিয়েছে তারা হাতে রেখে দিয়েছে। কুমার কেন তা সহ্য করবে! সে চায় পূর্ণ দানের বিনিময়ে পূর্ণ দান। হৃদয় নিয়ে খেলায় হাতের পাঁচ লুকিয়ে রাখা চলে না। হাতের সব ক'টা তাস টেবলের উপর মেলতে হয়। তা হলেই খেলা জমে। নইলে একদিন খেলা ভেঙে যায়।

এই যদি হয় কুমারের দুঃখ যে তার সঙ্গে একজনও খেলার নিয়ম মেনে খেলতে রাজি হল না তবে এ দুঃখ বোধ হয় তার সখীর ক্ষমতার অতীত নয়। তাস খেলায় তারা প্রায়ই পার্টনার হত লগুনে। নাচ যদি একটা খেলা হয় তবে তাতেও তারা হয়েছে পার্টনার। সে সব খেলা যে এই খেলারই প্রথম পাঠ বোকা মেয়ে অতটা ভাবেনি। খেলাকে মনে করেছে খেলা ছাড়া কিছু নয়। আর একজন যে জীবন পণ করে খেলায় নেমেছে তা যদি জানত তবে হয়ত গোড়ায় ইস্তফা দিত।

সন্ধ্যায় যখন সাক্ষাৎ হল কুমার দিল একটি গাড়িনিয়ার শাখা। উজ্জয়িনী চমৎকৃত হয়ে বলল, “ওমা, এ যে আমাদের গন্ধরাজ।”

কুমার সেটিকে পরিয়ে দিল সখীর কটিদেশে। ওর সাস্থ্যেতিক অর্থ, আজ আমরা পরস্পরের সাথী হব নৃত্যে।

উজ্জয়িনী পুলকিত হল ঐ সঙ্কেতে। বিনা বাক্যে ব্যক্ত করল; নিশ্চয়, সাথী হব প্রতি বার।

তাদের হোটেলে সে রাতে নাচের আয়োজন ছিল। দু’জনে নাচল যতক্ষণ আসর চলল। মিসেস গুপ্তও নাচলেন, তবে বিশেষ কোনো একজনের সঙ্গে না। কেউ প্রার্থনা করলেই তিনি পূরণ করছিলেন, প্রার্থীরা একাধিক হলে প্রথমাগতকে বরণ করেছিলেন। এতে তাঁর জনপ্রিয়তা বাড়ছিল। কিন্তু জনতা এত বেশী যে কোনো একজনের বরাতে দ্বিতীয় বার বরণের অবকাশ ছিল না।

উজ্জয়িনীকেও অহুরোধ করছিল অনেকে। সে তাদের সরাসরি অগ্রাহ্য করছিল সলাজে ও সবিনয়ে। চুপি চুপি বলছিল, “দুঃখিত। আমি অঙ্গীকারবদ্ধ।” তা শুনে কোনো কোনো নাছোড়বান্দা জানতে চাইছিল, “কাল? পরশু? তরশু?” কিন্তু কুমারের দিকে চেয়ে তার ভরসা হচ্ছিল না। কারণ ঠিক সেই সময়েই কুমারের চাউনি

পড়ছিল আর কোনো তরুণীর চোখে। তারা যে ওর প্রতীক্ষা করছিল তা অস্পষ্ট ছিল না।

সে রাত্রেও স্নান করে উজ্জয়িনী শীতল হল না, তার প্রতি অন্ধ জলতে থাকল। শুয়ে শুয়ে সে যেন নাচতে লাগল, কুমারের হাতে হাত সাঁপে, কাঁধে হাত রেখে, কুমারকে কটি বেঁটন করতে দিয়ে। গাভিনিয়ার শাখাটি তার বালিশের উপর ছিল, পুষ্পিত শাখা। কখনো সেটিকে বুকে চেপে ধরল, কখনো নাকে। এ কৌ মধুর যন্ত্রণা!

এতদিন যেন সে ঘুমিয়েছিল, আজ হঠাৎ জেগেছে। এ যেন তার নির্বরের স্বপ্নভঙ্গ। তার অহল্যার শাপমোচন।

কিছুতেই তার ঘুম আসছিল না। জানালার ধারে চেয়ার টেনে নিয়ে বসল। বাইরে জ্যোৎস্না ফিনিক ফুটেছে। ঋজু দীর্ঘ বনস্পতি একাগ্র চিন্তে ধ্যান করছে। ধাপে ধাপে পাহাড়। তার গায়ে গায়ে পাইন বন। দু'দিকে দুই নদী।

কেউ কেন তার পাশে নেই? উজ্জয়িনী নিঃসঙ্গ বোধ করল, বোধ করল যেন কার বিরহ। পৃথিবীর ত কোথাও কোনো অভাব নেই, প্রকৃতিও আপনাতে আপনি সম্পূর্ণ। মানুষ কেন কারো অপেক্ষা রাখে? কেন তার অসার লাগে এই সৃষ্টি, যদি না থাকে আর এক জোড়া চোখ, আর এক জোড়া কান, আর একটি মুখ, আর একটি বুক?

সে উঠে পায়চারি করল। করতে করতে এক সময় দ্বার খুলে বেরিয়ে পড়ল। নিরুন্ম পুরী। কেউ কোথাও নেই। লোভ হল এক বার বাইরে বেড়িয়ে আসতে। অবশ্য রাতের পোষাকের উপর ড্রেসিং গাউন জড়িয়ে বাইরে বেড়ানো চরম নির্লজ্জতা। কিন্তু যার রক্তে জ্বলছে আকাশের তারা সে কি লোকনিন্দ্যার টলবে? হোটেলের গেট খোলা ছিল। সে আকাশের তলে এসে দাঁড়াল।

মরি মরি! কী উত্তরোল নৃত্য। আকাশের জ্যোৎস্নাজালা
নৃত্যশালায় জ্যোতির্ময় পুরুষদের সঙ্গে জ্যোতিষ্মতী ললনাদের তালে
তালে পদক্ষেপ ও ঘূর্ণন। রাত যতক্ষণ থাকবে নাচ ততক্ষণ চলবে।
তার পরে অঙ্গন শূণ্য করে রঙ্গী ও রঙ্গিনীরা নেপথ্যে বিশ্রাম করবে
জোড়ায় জোড়ায়।

আকাশের তারা, বনের পাখী, সকলেরই জোড়া। কেউ বিজোড়
নয়। সে কেন একা? কেন? কেন?

সইতে পারে না এই একাকিত্ব। ধৈর্য্য ধরতে পারে না। কাল
সকালে আবার দেখা হবে, কিন্তু কাল সকাল যেন কত কাল পরে।
কেন সকাল হয় না? কেন? কেন?

পা টিপে টিপে ফিরে আসে। এবার ধরা পড়ে। পোর্টারকে
ঘরের নম্বর দেয়। পোর্টার তাকে তার ঘরে পৌঁছে দিয়ে একটু
দাঁড়ায়। লোকটা মরতে দাঁড়িয়ে থাকে কেন? খেয়াল হয়, বকশিশ।
পাস' খুলে হাতে যা ওঠে দান করে। পোর্টার সেলাম জানায়। আপদ
বিদায় হয়।

উজ্জয়িনী মেঝের উপর এলিয়ে পড়ে। তাতে যদি একটু শীতল
হয়। দুই হাতের উপর মাথা রেখে ঘুমকে সাধে। আয়, ঘুম আয়।
কেন আমাকে জাগিয়ে রাখিস, জুড়ি যখন ঘুমিয়ে!

আগেও একবার সে এই দশা অতিক্রম করেছে। কিন্তু তখন সে
ছিল তার সমবয়সীদের তুলনায় বালিকা, অপরিণত বয়সে পরিণীতা,
তাই প্রকালে জাগরিতা। অকাল বোধনও বোধন, কিন্তু এমন নয়।

সেটা যেন প্রথম বর্ষণ, বড়ের মত এল, গেল, মাটি ভিজল না। শুধু উঠল একটা আর্দ্র উচ্ছ্বাস, ভিজ়ে হাওয়ার হা হতাশ। আর এটা যেন আঘাতের আসন্ন বারিপাত, সঙ্গে বজ্রঘাতও আছে। বর্ষণের আগে পুঞ্জ পুঞ্জ মেঘচমু গগন ছেয়েছে, সারি সারি শিবির ফেলেছে। এবার যা আসছে তা জয়ের দাবী রেখে আক্রমণ।

শঙ্কায় তার বৃকে দোলন লাগে, হর্ষে তার গায়ে শিহরণ। “প্রতি অঙ্গ লাগি কান্দে প্রতি অঙ্গ মোর।” এ কঁাদন কি ফুরাবে? মনে হয় রজনী ভোর হবে, তবু এ রোদন শেষ হবে না। নিদ্রার আরাধনা ব্যথা।

সত্ত জাগ্রতা নারী প্রবোধ মানে না, সম্ভব অসম্ভবের ভেদ স্বীকার করে না। তার কাছে বাস্তব যেন স্বপ্ন, স্বপ্ন যেন বাস্তব। তার অভিলাষ অভিলষিতের প্রতি শরবৎ ধাবমান, অভিলষিতলাভে শরবৎ তন্ময়। “সমাজ সংসার মিছে সব।” স্বধীর ছায়া পড়ে অভিসার সরণিতে, সে ছায়া বিবেকের। উজ্জয়িনী দৃকপাত করে না, তার এতদিনের স্বধীদা যেন কেউ নয়, যেন একটা অনভিপ্রেত বাধা। আর বাদল? সে ত মুক্তি নিয়েছে ও দিয়েছে। একদিন বাঁধন ছিল, আর ত নেই।

কয়েক মাস ধরে সে ভাবতে অভ্যস্ত হয়েছে যে সে কুমারী, তার কুমারী নামে পরিচয় দিয়েছেও। কিন্তু এর আগে নিশ্চিত জানত না যে দে সরকারও কুমার। দে সরকার যে অমন আভাস দেয়নি তা নয়, কিন্তু তার আঙুলের আংটি বিপরীত সাক্ষ্য দিচ্ছিল। এখন নিঃসংশয় হওয়া গেল যে সে কুমার। তার নামটিও কুমার। শুধু কুমার নয়, কৃষ্ণ।

কৃষ্ণ! তোমাকে আমি বৃন্দাবনে পাইনি। কত অন্বেষণ করেছি, বিড়ম্বিত হয়েছি। এবার কি তুমি আপনি ধরা দিলে? প্রিয়তম, এ

কি তুমি, সত্যি তুমি? দেবতা আমার, মানুষের রূপে এসেছ, বিগ্রহ-রূপে নয়। আমাকে তোমার ভালো লেগেছে, দিয়েছ এই গন্ধরাজের অভিজ্ঞান, করেছ তোমার নমসহচরী। আমি কি এর যোগ্য? জানিনে। যদি যোগ্য হতুম তবে কেন মানুষ হয়ে জন্মাতুম? তেমন পুণ্য নেই বলেই ত মানুষ। তাই কি তুমি মানুষ হয়ে মানুষের যোগ্য হলে? তুমি আমার চেয়ে ভালো না হলেই ভালো, হলে কি আমার কোনো আশা থাকে? আমি তোমার দোষ ধরব না, অপরাধ নেব না, বিচার করব না। কেবল তুমি যদি অত্ন কারো হও তবে আমি বিদায় নেব। তুমি পুরুষ। পুরুষের স্বভাব ওই। অতএব আশ্চর্য্য হব না। শুধু নিজের প্রস্থানের পথ মুক্ত রাখব। তুমিও অবন্ধন, আমিও অবন্ধন। আমাদের কেলিকুঞ্জের দ্বার অব্যাহত থাকবে।

সে রাত্রেও তার স্থনিদ্রা হল না। ফলে ক্লান্তি গেল না। উপরন্তু সর্পি দেখা দিল। পরের দিনও সে নীচে নামল না, ঘরে শুয়ে রইল। তার মা দে সরকারকে তার কাছে বেশীক্ষণ বসতে দিলেন না, নিজেও বেশীক্ষণ বসলেন না। পূর্ণ বিশ্রামের উপদেশ দিয়ে, চিকিৎসার ব্যবস্থা করে, ‘কল’ করতে চললেন মিস আর্চারকে নিয়ে। দে সরকারের উপর বাজার করবার বরাত পড়ল। বেচারার ইচ্ছা ছিল শুশ্রূষা করতে, কিন্তু ইচ্ছা থাকলেও উপায় নেই। এই কথাটাই সে বোঝাতে চাইল চাউনি দিয়ে। কিন্তু তার সেই অসহায় ভঙ্গী দেখে উজ্জয়িনী হাসি চাপতে পারল না।

“মা, তোমার ফিরতে কি খুব দেরি হবে?”

“না, দেরি হবে বলে ত মনে হয় না। তোমার যদি দরকার হয় মেডকে ডেকে বলিস ‘ফ্রাউ উণ্টারমেয়ারকে খবর দিতে, তিনি যা হয় করবেন।’”

“আমি বলছিলুম”, উজ্জয়িনীর চোখের কোণে দুই হাসি, “আমার যদি মরণ কি তেমন কিছু হয় তবে কি আমি মাতৃভাষায় দুটো একটা কথা কইতে পাব না তার আগে?”

“ও কী রে!” মা আদর করে বললেন, “তোমার কী হয়েছে যে তুই ও কথা মুখে আনছিস! চুপটি করে শুয়ে থাক। বকবক করলে শরীর সারে না। আমি সকাল সকাল ফিরব।”

“বলছিলুম,” উজ্জয়িনী কাশতে কাশতে না হাসতে হাসতে রেঙে উঠল, “মাতৃভাষায় কি মা ভিন্ন আর কারো সঙ্গে কথা কওয়া চলে না? বকবক করব না, শুনব। তাতে কি প্রাণহানির ভয় আছে?”

তিনি এতক্ষণে বুঝলেন। গম্ভীর ভাবে বললেন, “না, তা হতে পারে না। এখানকার কর্তারা এসব বিষয়ে একটু কড়া। একে ত আমরা পুষ্কদেশী বলে সবাই সব সময় নজর রেখেছে। তার উপর তোমার স্বপ্নের মশায়ের কাছে জবাবদিহির দায় আছে, তা কি এক মুহূর্ত ভুলতে পারি?”

উজ্জয়িনীর মুখ চুন। তিনি ফিরে দেখলেন না। দে সরকার তাঁর অসুস্থতায় করবার সময় মাথা ঘুরিয়ে দেখল উজ্জয়িনীর চোখে জল।

যে পরাধীন তার প্রাণে প্রেমের সাধ কেন? সে ভালোবাসতে যায় কোন অধিকারে? কুমারের সঙ্গে তার কী করে তুলনা হবে? কুন্সার যে স্বাধীন, সে যে তা নয়। বাদল তাকে শাসন করছে না, তাই বলে কি সে স্বকীয়? বাদলের পিতা, তাঁর বংশ, তাঁদের সমাজ—এঁদের শাসন আপাতত স্থগিত রয়েছে, যেহেতু সে বিদেশে। দেশে একবার ফিরলে কি এঁরা তাকে ধরে নিয়ে যাবেন না, তার উপর মালিকী স্বত্ত্ব জারি করবেন না? তার মনে পড়ে যায় স্বাধীনতার

সতর্কবাণী। “তুই যেভাবে মানুষ হয়েছিস তোর পক্ষে কোন কাজের কী পরিণাম তা উপলব্ধি করা শক্ত।”

কুমার হাজার হোক বনের পাখী। আর সে তার সব জারিজুরি সম্বন্ধে খাঁচার পাখী। বনের পাখীর সঙ্গে খাঁচার পাখীর মিল হবে কী মন্তরে!

তবে কি তাকে তার জননীর সঙ্গে সম্পর্ক ছেদ করতে হবে? শ্বশুরের সঙ্গে ত নিশ্চয়ই। সমাজের সঙ্গেও? কার উপর নির্ভর করে সে তার সোনার শিকল কাটবে? কুমারের উপর কিসের ভরসা? বনের পাখী, বনে পালাতে পারে যে কোনো দিন। খাঁচার পাখী তখন কোন কুলে কুলায় পাবে? পিতৃকুল, মাতৃকুল, শ্বশুর কুল—তিন কুলে কেউ রাজি হবে কি তাকে আশ্রয় দিতে?

নিজেরই উপর তার অন্তিম নির্ভরতা। কিন্তু নিজের সম্বল যা আছে তা সর্ভাধীন। তার পিতা তাকে প্রভূত সম্পত্তির গ্রাসী করে গেছেন, যদি ক্লিনিক চালায়। তার কিন্তু মতি নেই সেবার্থ্যে। কিসে যে তার মতি তাও সে জানে না। ভাবতে পারে না। কেউ যদি তাকে গ্রহণ করত, করে নিপুণ হস্তে গড়ত, তা হলে সে এক তাল মাটির মত নীরবে আজসমর্পণ করত। তেমন মানুষ বাদল কিম্বা সূর্যী। ছুঁজনের একজনও তাকে নিল না। কুমার যদি নেয় তবে সে খুশি হবে নিশ্চয়, কিন্তু কুমার কি তাকে গড়তে পারবে? তেমন ষোণ্যতা কি ওর আছে? যদি নষ্ট করে তবে ত তার সব দিক গেল। সে নিজের পায়েও দাঁড়াতে পারবে না।

তার মা হঠাৎ ফিরে এসে তার বিছানার উপর ধপ করে বসে পড়লেন। উত্তেজনায় তাঁর বাক্‌স্ফুরণ হল না। তিনি শুধু তার

মাথায় হাত বুলাতে বুলাতে বললেন, “বেবী, my love ! তাড়াতাড়ি সেরে ওঠ।”

“কেন, মা, কী হয়েছে আমার যে তুমি অমন ব্যস্ত হচ্ছ ?”

“বেবী ভিয়ার, my own !” তিনি তাকে জড়িয়ে ধরে বললেন, “এক সঙ্গে চার চারটে নিমন্ত্রণ। সব এখানকার বড় বড় পরিবার থেকে। বনেদী ঘর থেকে। চিনিও না এঁদের সবাইকে। এ সৌভাগ্য কার জন্তে জানিস ? তোর জন্তে। তুই তোর সঙ্গে করে এনেছিস সৌভাগ্য। তোর পয় আছে।”

“আমি কোথাকার কে !” সে নম্রভাবে বলল। “হয়ত ওঁরা আমার স্বদেশকে সম্মান দেখাতে চান।”

স্বদেশ ! তিনি বিস্মিত হলেন। ভারতের খাতিরে কেউ তাঁকে, তাঁর মেয়েকে ও তাঁর ‘আত্মীয়’ মিষ্টার না মসিয়ে দে সরকারকে নিমন্ত্রণ করবে, এ কি কখনো সম্ভব ! ভারত এমন কী দেশ যে তার খাতিরে—না, বাজে কথা।

“আসতে পারি ?” এই বলে প্রবেশ করল দে সরকার। তার হাতে সেই তারিখের একখানা খবরের কাগজ। তাতে ছাপা হয়েছে তাদের তিনজনের ফোটো। লক্ষ করে গুপ্তজায়া লাফ দিয়ে উঠলেন।

“অবাক কাণ্ড। কোনোদিন ত এমন হয়নি।” নিজের ফোটো ছাপা হয়েছে দেখে কেটে পড়তে যাচ্ছিলেন, ধরাধরি করে তাঁকে বসিয়ে দেওয়া হল। “কী লিখেছে এর নীচে ? পড়তে পার তুমি, কুমার ? কোন ভাষা এটা ?”

জার্মান ভাষায় লেখা ছিল তিনজনের নাম ধাম, দেশের নাম। দে সরকার পড়ল, “এই ভারতবর্ষীয় অতিথিদের প্রতি স্বাগত সম্ভাষণ। কাশ্মীরের মনোহর দৃশ্যে লালিত এই রাজপুত পরিবার চন্দ্রগুপ্ত মৌর্যের

বংশধর। গোলকোণ্ডার হীরক এঁদের অঙ্গুরীয়ক ও অপরাপর অলঙ্কার মণ্ডন করে।”

উজ্জয়িনীও উত্তেজনার আতিশয্যে উঠে বসল। তার মা কাগজখানা সযত্নে ভাঁজ করে নিজের কাছে রেখে দিলেন। “কিন্তু কার কাছে পেল আমাদের ফোটো? তুই দিসনি ত?” তিনি প্রশ্ন করলেন সগর্বে ও স্নেহে।

“না, মা। আমি ত ঘরে বন্ধ রয়েছি কাল থেকে।” সে অহুমানে বলল, “কুমার নিশ্চয়। কুমার, তুমি ফোটো চেয়ে নিয়েছিলে, সে কি এইজন্তে?”

কুমার বলল, “দোহাই তোমার। কিন্তু ফোটোর নীচের কথাগুলি আমার নয়।”

৬

সন্দির সাধ্য কী যে টেকে! চার চারটে নিমজ্ঞণ মিলে তাকে চার দিক থেকে ঘেরাও করল। মিসেস গুপ্ত মেয়েকে ফুটবাথ দিলেন, তার আগে একবার বাথরুমে বসিয়ে আনলেন। নিজেই তাকে মাসাজ করলেন। এত যত্ন, এমন আদর সে বহুকাল পায়নি। সে নাকি সৌভাগ্য বহন করে এসেছে, তাই এত সোহাগ, এমন সম্বর্দ্ধনা।

মা ও মেয়ে দু’জনেরই এক চিন্তা, এক ধ্যান। শাড়ী কোথায়, চুড়ি কোথায়, হীরে বসানো আংটি আর কানের ফুল কোথায়! কাগজে যা রটে তার কিছু কিছু বটে। শেষটা কি অপদৃশ্ব হতে হবে! চার চারটে নিমজ্ঞণ! যার তার নয়, সজ্জা মহলের।

দে সরকারের উপর ভার পড়ল প্রাণ থেকে জ্বরং কেনবার।

হু'একদিন দেরি হলেও ক্ষতি নেই, কিন্তু উপযুক্ত ভূষণ না হলে প্রতিপক্ষের অপূরণীয় ক্ষতি। তখন আর কি কেউ নিমন্ত্রণ করবে! কাগজে ছবি ছাপিয়ে দে সরকার যে ব্যাপারটি বাধিয়েছে তার সাজা কয়েক হাজার টাকা। মিসেস গুপ্ত তাঁর ব্যাকের উপর চেক লিখে বাজার সরকারের হাতে দিলেন। ভগবানকে মনে মনে প্রার্থনা করলেন যে কুমার যেন তারাপদ না হয়।

“তোমার কি মনে হয়, বেবী,” দে সরকার চলে গেলে তিনি চুপি চুপি বললেন, “কুমার তারাপদের মত উধাও হবে?”

উজ্জয়িনী ক্ষেপে গিয়ে বলল, “তুমি কি মানুষ চেন না, মা? জান না তুমি কুমার হচ্ছে রাজকুমার? মানে, হতে পারত, যদি তার পূর্বপুরুষের সেই জায়গীর থাকত?”

“কই, ওসব ত শুনিনি।”

“কী করে শুনবে? ওদের কি আর সেই অবস্থা আছে? গরিব হলে যা হয়—ধন নেই, ভাগ আছে। ওর কাছে তিন হাজার টাকার মূল্য কী? হয়ত উড়িয়ে দিয়ে আসবে শূণ্য হাতে।”

তিনি থতমত খেয়ে বলে উঠলেন, “হ্যাঁ! সর্বনাশ!”

“না, মা।” মেয়ে অভয় দিল। “ও হিসাবী লোক। ওড়াতে চাইলেও পারে না। গরিব হলে যা হয়। পাই পরসার হুমার রাখে। ও কি অত খরচ করবে ভেবেছ? তোমার অর্ধেক টাকা বাঁচিয়ে আনবে।”

“বেঁচে থাকুক।” তিনি আশীর্বাদ করলেন আশ্বস্ত হয়ে।

“আমি হলে,” মেয়ে তাঁকে ভয় পাইয়ে দিল, “সত্যি সত্যি উধাও হতুম।

“দুঃ! কী যে বকছিস!” তিনি চুমু খেলেন।

“মিথ্যে নয়, মা। উধাও হয়ে এমন কোনো দেশে যেতুম যেখান থেকে কেউ আমাকে ফিরিয়ে আনতে পারত না। স্বধীনাও না, বিভূতিদাও না।” সে তাঁর বুকে মুখ ঢাকল।

“ছি। এমন কথা ভাবতে নেই।” তিনি তাকে বুকে জড়িয়ে ধরে বললেন। “তোমার জন্তে কি আমার কম আক্ষেপ, বেবী! তোমার দিদিদের বিয়ে আমি দিয়েছি, তাই তারা কেমন স্বখী হয়েছে। তোমার বাবা যদি আমার কথা শুনতেন তবে কি তোমার এ দুর্দশা হত! অপাত্রেয় সঙ্গে বিয়ে দিলে কি—”

“থাক, মা। অপাত্রেয় সঙ্গে বিয়ে হয়নি আমার। তুমি ভুল বুঝেছ।”

“অপাত্র না অপাত্র সে বিচারে কাজ কী এখন!” তিনি সহানুভূতির স্বরে বললেন। “বুঝি সব, তবু আকশোষ হয় তখন আমার কথা যদি কেউ শুনত।”

“তুমি ভুল বুঝেছ, মা।” সে পুনরাবৃত্তি করল। “বাদল চিরদিনই অপাত্র। বরং আমিই ওর অপাত্রী। কিন্তু প্রশ্ন হচ্ছে তা নয়। প্রশ্ন হচ্ছে, যদি তার আমাকে প্রয়োজন না থাকে, যদি আমারও না থাকে প্রয়োজন, তবে কি আমরা অকারণে আবদ্ধ হয়ে রইব আবহমান কাল?”

তিনি তার গালে হাত বুলিয়ে দিতে দিতে বললেন, “প্রয়োজন না থাকবে কেন? আছেই ত।”

“মা, তুমি আবার ভুল বুঝলে। আমি বলেছি, যদি না থাকে। মনে কর আমাদের কথা হচ্ছে না। হচ্ছে অন্ত কোনো দম্পতির কথা। যদি তারা নিঃসংশয়ে উপলব্ধি করে যে প্রয়োজন বাস্তবিক নেই তবে কি তারা সমাজের মুখ চেয়ে স্বামী স্ত্রীর ভূমিকায় অভিনয় করে যাবে সারা জীবন?”

তিনি আতঙ্কিত হলেন। “কী করে জানলি যে প্রয়োজন নেই ? বলেছে বাদল অমন কথা ?”

“না, অতটা স্পষ্ট করে বলেনি।” সে মানল। “কিন্তু যা বলেছে তার মর্ম এক রকম স্পষ্ট। তা ছাড়া মুখে বলাই কি একমাত্র বলা ? কাজ দিয়ে কি বলা যায় না ?”

সে কেঁদে নালিশ করল।

তিনি দীর্ঘনিঃশ্বাস ফেললেন। “অমন কত হয় ! তুই কি মনে করিস আমার জীবনে ওরকম হয়নি ! তোর বাবা,” তিনি খেমে বললেন, “তোকে নাস' করতে চেয়েছিলেন কেন ?”

“কারণ ওই ছিল ওঁর আদর্শ।”

“বটে !” তিনি বক্রোস্তি করলেন। “বাস্তবকে না পেলে লোকে আদর্শ বানায়, যেমন সীতাকে বনবাসে পাঠিয়ে স্বর্ণ সীতা।”

উজ্জয়িনী তার রূপবতী জননীর 'দিকে চেয়ে অবাক হয়ে ভাবল, তবে কি রূপের আকর্ষণও তার পিতাকে সপ্রেম করেনি ? কে ছিল সেই নাস' ? কী ছিল সেই নাসের ?

“যাক ও সব কথা। আমিও সারা জীবন সছ করেছি একজনের আদর্শের তাকামি। তাকেও সছ করতে হবে আরেক জনের। এই মহাপ্রভুর আদর্শ ভর করবে তোর মেয়ের মস্তকে।”

“আমি,” সে দৃঢ়কণ্ঠে জানাল, “মা হব না।”

“কী ছাই বকছিস রে তুই !” তিনি তার গালে ঠোনা মারলেন। “হওয়া না হওয়া কি তোর এক্সারে ! বিধাতার কারসাজির তুই কতটুকু বুঝিস। কিসে যে কী হয়, সে সব যারা দেখেছে তারা জানে।”

“আমি মা হব না। অন্তত এ জন্মে নয়।” সে রুদ্ধশ্বাসে বলল।

তিনি তার মাথায় হাত বুলিয়ে দিতে দিতে বললেন, “আমারও নে

সকল ছিল। রক্ষা করতে পারিনি বলেই রক্ষা, নইলে তোকে পেতুম কী করে ?”

“তোমার লোভ ছিল ছেলের মা হতে। তাই বার বার তিনবার মেয়ের মা হলে। আমার তেমন কোনো লোভ নেই। আমি নিষ্পৃহ।”

তিনি হেসে বললেন, “নিষ্কাম ?”

সেও হেসে বলল, “না, নিষ্কাম নই। নিষ্পৃহ।”

তিনি ব্যঙ্গ করলেন, “তাই বল ! নিষ্কাম নয়, নিষ্পৃহ। ফল সমান।”

“তা কেন হতে যাবে ? সবাই কি তোমার মত বোকা ?” সে করুণার সহিত বলল। “দেখছি ত ইউরোপের মেয়েদের। দেখে শিখছি।”

তার মা এবার রাগ করলেন। “ওদের দোষগুলো শিখতে হবে না। গুণগুলোই শেখা উচিত। আমার কপাল মন্দ, তাই একজন আই. সি. এসের পাঠ না শিখে বোলশেভিকের পাঠ শিখছেন। আর একজন শিখছেন নিষ্কাম না হয়ে নিষ্পৃহ হতে।”

উজ্জয়িনী তামাসা করল, “না শিখে উপায় আছে ? তুমি কি বলতে চাও আমি অনির্দিষ্টকাল তপস্যা করব ?”

তিনি দারুণ আঘাত পেয়ে হতবাক হলেন। পরে বললেন, “এসব কী রে ! তোকে ত আমি খুব pure বলেই জানতুম।”

“আমি খুব pureই আছি।” সে অকুণ্ঠিতভাবে বলল। “আমি খুব pureই থাকব, মা, যদি কারো সঙ্গে থাকি।”

তিনি অজ্ঞান হতে হতে সামলে নিলেন। তার মুখে হাত দিয়ে বললেন, “না, আর ওসব শুনতে চাইনে। এখন বল, কী পরবি ? তোর সর্দি ত সেবে গেছে। এবার গুঠ, ক্যাবিন ড্রাক্টা খোল।”

এর পরে দু'জনাতে কী যে ফিস ফিস গুজ গুজ চলল, কে কী পরবে, না পরবে, এ বিষয়ে পরামর্শ—না অন্ত কোনো বিষয়ে গোপনীয় আলাপ—আমরা তা লিপিবদ্ধ করব না।

বিকালের দিকে দেখা গেল তাঁরা মোটরে উঠছেন, সেই যে-বেটা পোর্টার সে মোটরের দরজা খুলে দাঁড়িয়েছে। বোধ হয় খবরের কাগজে এঁদের ফোটো দেখে চিনেছে, বিশেষ করে উজ্জয়িনীকে। তার কপালে এক রতি গোলকোণার হীরক জুটলেও জুটতে পারত, যদি না সে কাল রাত্রে অমন “বলে দেব”র ভঙ্গীতে খাড়া থাকত রাজপুত্র রমণীর ঘরের বাইরে। বেচারার কাঁচুমাচু মুখখানা দেখে উজ্জয়িনীর মায়া হল। সে তাকে খামখা দশ ক্রোনে বকশিস দিল।

নিমন্ত্রণের বৈঠকে কথায় কথায় চন্দ্রগুপ্ত মোর্ঘোর নাম ওঠে। চন্দ্রগুপ্তকে যে কেন কেউ কেউ বিষ্টু ঠাণ্ডারায় মিসেস গুপ্ত তা ভেবে পান না। তাঁর ইতিহাসের বিজ্ঞা পর্যাপ্ত নয়, চন্দ্রগুপ্ত যে স্ত্রাণ্ডোকোটাস নামে ইউরোপেও প্রসিদ্ধ তা তিনি জানতেন না। তাঁর এক বিশিষ্ট আত্মীয়ের নাম ইতিহাসে লেখে না। সে মহাপুরুষ ভারতবর্ষের বড়লাটের সচিব। তিনি উক্ত পরিচয়ের উপরেই জোর দেন, কিন্তু ক্যাবিনেট মেম্বর শুনে চাপা হাসির ঢেউ খেলে যায়। ক্যাবিনেট শব্দের ফরাসী অর্থ তাঁর অজ্ঞাত। বড়লাটের পাখানার মেথর যে একজন ভাগ্যবান পুরুষ এ সম্বন্ধে কারো দ্বিমত নেই, তবে কিনা শুনলে হুড়হুড় লাগে।

“ইংরাজশাসিত ভারতবর্ষে,” কেউ কেউ জিজ্ঞাসা করেন, “ওই পদই কি ভারতবাসীর পক্ষে উচ্চতম পদ?”

গুপ্তজায়া সাহসে উত্তর দেন, “হাঁ, মহাশয়।”

দে সরকার প্রাগ থেকে যা কিনে আনল তার ডিজাইন তার নিজস্ব। দু'জনের জন্তে দুটি প্লাটিনামের টিকলি, উজ্জয়িনীরটিতে হীরকের কুমুদ, স্নজাতারটিতে হীরকের কমল। তাঁরা উচ্ছ্বসিত ভাষায় বন্দনা করলেন তাকে ও তার মনোনীত মণিকারকে।

সিঁথিতে টিকলি পরে তাঁরা যখন নিমন্ত্রণ রক্ষা করে বেড়ালেন সেখানকার সমাজে একটা হলস্থল বাধল। টিকলি জিনিষটা কেমন তাই দেখতে কত লোক হোটেলে হাজির হলেন। ফোটো ছাপা হল ফ্যাশন পুষ্ঠায়। যারা 'কল' করলেন তাঁদের সকলেব জন্তে মিসেস গুপ্ত একটা পাটি দিলেন। যারা নিমন্ত্রণ করলেন তাঁদের তিনি প্রতিনিমন্ত্রণ করলেন।

এসব কাজে দে সরকার তাঁর দক্ষিণ হস্ত। সে তারাপদ নয় এর জাজ্জল্যমান প্রমাণ ললাটে ধারণ করে তিনিও তার প্রতি স্বদক্ষিণ হয়েছিলেন। সে আর কিছু চায় না বা নেয় না। চায় উজ্জয়িনীর সান্নিধ্য। মাঝে মাঝে তিনি তার নিবেদন মঞ্জুর করতেন। তবে হোটেলে নয়, বনভোজনের সময় পাইন বনে।

“সখী”, কুমার বলে তার প্রিয়দর্শনাকে, “বার বার বিফল হয়ে জীবনের কাছে আমি অধিক প্রত্যাশা করিনে। আমার দাবী যারপর-নাই কম।”

“তুনি।” উজ্জয়িনী কৌতূহলে উৎকর্ষ হয়।

“আমার একনিষ্ঠতার অঙ্গীকার তুমি হয়ত বিশ্বাস করবে না, কিন্তু আমার প্রকৃতি এমন নয় যে আমি শিকারের গর্কে একটির পর একটি শিকার করতে চাইব। ভালোবাসতে আমার আরাম লাগে না, বরং

ক্লেশ হয়। সাধ করে কি কেউ ক্লেশে পড়তে চায়? যায় কোনো একটা প্রাণির প্রত্যাশায়। আমার সে প্রত্যাশা আমি যারপরনাই ক্ষুদ্র করেছি। শুনবে?”

“শোনাও।” উজ্জয়িনী অবাক্ত হয়।

“মনে কিছু করবে না?”

“না। কেন?”

“হয়ত মনে লাগবে, সেইজগ্রে ক্ষমা চেয়ে রাখছি, সখী।” কুমার করযোড় করল।

দু’জনে একটা বারণার ধারে পাশাপাশি বসল। হাতে হাত রেখে।

“শোন তা হলে বলি।” কুমার স্তব্ধ করল আকাশে দিকে চেয়ে। যেন সাক্ষী করছিল সূর্য্যদেবকে। “সেদিন তোমাকে যে উপস্থাসের কথাবস্ত শোনানো হল তা কতগুলি উপাখ্যানের সমষ্টি নয়। প্রত্যেকটি উপাখ্যানেরই একটি শিক্ষা আছে। সে শিক্ষা আমি দ্বিতীয়বার চাইনে। যা প্রথম তাই চরম। আমার জীবনে পুনশ্চ নেই।”

উজ্জয়িনী অনুধাবন করছিল দেখে সে থামল না, বলে চলল। “আমি দ্বিতীয়বার স্বর্গের অমৃত চাই নে। তা যদি হয় তবে নারীর সঙ্গে রমণের সুখ আমার জীবনে দ্বিতীয়বার আনুক, এ কামনা আমার নয়।”

সখীর পাংশু মুখ অবলোকন করে সে অপ্রতিভ হল। ভেবে বলল, “না, আমি ঠিক বোঝাতে পারছিনে। আমার বক্তব্য এই যে আমার ন্যূনতম দাবী তা নয়। যদি আমার ন্যূনতম দাবী মেটে তবে আমি অতিরিক্ত নিতে কুণ্ঠিত হব না।

এর পরে আবার আকাশের দিকে চেয়ে উজ্জয়িনীর হাত ধরে বলল, “বন্ধু, তুমি সতী হও, পতিব্রতা হও, কল্যাণী হও, দেশ উজ্জল কর।

আমি বাধা দেব না, অন্তরায় হব না। আগে মনে হত বাদলের সঙ্গে আমার প্রতিদ্বন্দ্বিতা। তার পরে মনে হত স্থধীর সঙ্গে। এত দিনে আমি আত্ম দর্শন করেছি। এবার আমি স্থধীর সম্মুখে মাথা উচু করে দাঁড়াতে পারব। বাদলের সামনে চোরের মত চোখ নীচু করে রইব না।”

উজ্জয়িনী তন্ময় হয়ে শুনছিল। কুমার বলে চল তন্ময় হয়ে, “তবে? তবে আমার কী বাঞ্ছা? এমন কিছু নয়, অতি সামান্য। যখন যে খেলা খেলবে তখন আমাকে ডেকে। টেনিস ব্যাডমিন্টন গল্ফ সঁতার তাস, যখন যে খেলা খেলবে তখন আমাকে সাথী কোরো। জীবনে তোমার পার্টনার হওয়া প্রত্যাশাতীত। কিন্তু নৃত্যে যেন আমিই তোমার পার্টনার হতে পাই। জীবনের শেষ দিন পর্যন্ত আমি সমান কুশলতার সহিত খেলব, আমাকে সাথী করে তুমি। কোনো দিন কোনো খেলায় হারবে না। আমি যদি ছবি আঁকি তুমি হবে আমার মডেল। যদি বই লিখি তুমি হবে আমার নায়িকা। যদি মানুষ হই তুমি হবে আমার প্রেরণা। মানুষ আমি হবই, যদিও ফোর্ড কিং Cecil Rhodes না।”

উজ্জয়িনী কী যেন বলতে চেষ্টা করে। তার মুখে কথা জোগায় না। কুমার তার জন্তে কিছুক্ষণ অপেক্ষা করে, তারপরে বলে, “একটা গল্প আছে। বোধ হয় আনাতোল ফ্রাঁসের। শুনবে? শোন তবে। এক ছিল বাজীকর। বাজী দেখানো ছাড়া ছুনিয়ায় সে আর কিছু শেখেনি বা করেনি। একদিন সে গির্জায় গিয়ে ভগবানকে উদ্দেশ্য করে বলল, প্রভু, ভজন পূজন সাধন আরাধনা কেমন করে করতে হয় জানিনে। . বয়সও নেই যে নতুন করে শিখব। জানি কেবল বাজী দেখাতে। তাই দেখাই। এই বলে সে একাগ্র মনে

ভগবানকে তার ক্রীড়াকৌশল দেখাল। ভগবান দয়া করে গ্রহণ করলেন তার নৈবেদ্য।”

উজ্জয়িনীর নয়নে জ্বল এল। মুক্তার মত এক একটি ফোঁটা টপ টপ করে পড়তে থাকল, জমতে থাকল, কুমারের একটি হাতে। কুমারের সেই হাতটি নিয়ে খেলা করতে করতে সে বলল, “আমি যদি ভগবান হতুম তব্দের সঙ্গে লীলা করতুম অবাধে। কিন্তু আমার পায়ে পায়ে বাধা। এই যে তোমার সঙ্গে বসেছি এও চুরি করে। খুঁজতে খুঁজতে মা এসে পড়বেন আর তোমার কথার উত্তর দেওয়া হবে না। কুমার, আমি যেদিন স্বাধীন হব সেদিন তোমার নূনতম দাবীর চেয়ে অতিরিক্ত দেব। সেটা আমার free gift।”

কাঁপতে কাঁপতে কুমার বলল, “সত্যি?”

“তিন সত্যি।” উজ্জয়িনী নয়ন নত করল। “কিন্তু মনে রেখো, সেটা আমার free gift। উপরি পাওনার উপর তোমার কোনো দাবীদাওয়া নেই। কোনো দিন তা নিয়ে তুমি পীড়াপীড়ি করতে পাবে না। যেদিন উপরির জন্তে হাত পাতবে সেদিন পাওনাটুকুও হারাবে। বুঝলে কিছু?”

কুমার পীড়িত স্বরে বলল, “সব বুঝেছি। আমার ভাগ্য।”

“কিছুই বোঝনি।” উজ্জয়িনী একটা ঝিলিক হেনে বলল, “কিন্তু বোঝাবারও সময় নেই আজ। শোনো। যেদিন আমি স্বাধীন হব সেদিন কেলি করব তোমার সঙ্গেই, একমাত্র তোমারই সঙ্গে। কেলি বলতে শুধু টেনিস তাস না, বোঝায় আরো কিছু যা আমি না বললেও বুঝবে। সেটাও তোমার পাওনা, যদি স্বাধীন হই।” যদি’র উপর জোর দিল।

স্বাধীন মানে স্বকীয়। কুমার বুঝল ঠিকই। কিন্তু তা কি

সম্ভবপর! ডিভোর্স কি এতই সহজ! বাবল ত সম্মত, কিন্তু আইন যে অতি বিজ্ঞী। কে ঐ ইল্ডং ঘাঁটবে!

“তা হলে তোমার উপরি পাওনা কোনটা?” উজ্জয়িনী নিজেই এর উত্তরে বলল, “আমার ইচ্ছা নেই গৃহিণী হতে, গৃহস্থালী চালাতে। দেশে যদি হোটেল না থাকে আশ্রম আছে, কারাগার আছে। আমাকে রান্না করতে, মুদির হিসাব রাখতে, জামাকাপড় সেলাই করতে, রোগীর সেবা করতে হবে না। ছেলে মানুষ করা দূরে থাক ছেলের মা হতে আমি নারাজ। কাজেই আমাকে ও নিয়ে পীড়াপীড়ি করো না। আমার যদি মন যায় তবে আমি এমনি তোমার ঘরে হাজির হব, তোমার ঠাকুর চাকরকে ধমক দিয়ে ভাগাব, তোমার হাঁড়ি ঠেলব, তোমার নাড়ি দেখব, টেম্পারেচার নেব, পোষাক ধোলাই করতে দেব, রুমালে সাবান ঘষব, সিগারেটের ছাই যেখানে সেখানে ফেললে কান ধরে সে ছাই তোমাকে দিয়ে সাফ করাব।”

তা শুনে কুমার তার কান বাড়িয়ে দিল। উজ্জয়িনী কানশুদ্ধ মাথাটা তার কোলের উপর টেনে নিল। চড় মেরে বলল, “আমার যদি মন যায় আমি তোমাকে দিয়ে আমাদের বাগানের মালীর কাজ করিয়ে নিতে পারি বিনা মজুরিতে।”

“সে কী! তোমাদের বাগান! তোমরা কারা!” কুমার চমকে উঠল। “তুমি ত বলেছ যে তুমি হবে স্বকীয়!”

“একশো বার। কিন্তু স্বধীনা আর আমি,” সে বিবল স্বরে বলল, “যে এক সঙ্গে দেশের কাজ করব। আমাদের যদি একটা আশ্রম কি আস্থানা থাকে তবে, একটা বাগান থাকা বিচিত্র নয়। তুমি সেই মালিকের হবে মালিকর।” সে একটু হুঁকল।

কুমার তার ঝুঁকে থাকা মুখখানি মুখের কাছে টেনে ধরে যা করল তা লিখতে সাহস হয় না। প্রায় পাঁচ মিনিট কারো মুখে রা নেই।

তার পরে কুমারই তাকে ছেড়ে দিয়ে বলল, “স্বধী সব জানে।”

“তাই নাকি ?” প্রিয়া সচকিতে জ্বাল। “কবে ? কী করে ?”

“প্রথম থেকেই। যেদিন তুমি লগুনে পা দিলে সেই দিন থেকে।”

“তুমিও কি সেই দিন থেকে—” সে সরমে শেষ করতে পারল না।

“না, তারও পূর্বে তোমার ছবি দেখে।” কুমার তাকে আলিঙ্গন করল।

হিসাবনিকাশ

১

সুধীর চিত্তকে আচ্ছন্ন করেছিল তার আসন্ন সংসারপ্রবেশ। আর মাস কয়েক পরে তার জীবনের দ্বিতীয় কক্ষ উদ্ঘাটিত হবে। কী আছে সেই রুদ্ধদ্বার কক্ষে! কে জানে হয়ত কত আদিব্যাধি, কত দুর্ঘটনা, কতবার কারাদণ্ড, বেত্রাঘাত, গুলি! কত মাগলা মোকদ্দমা, তদ্বির তদারক, আদায় উত্তল, ঝগাট! থাকলেও থাকতে পারে প্রজাবিজ্রোহ, মহাজনবিদ্বেষ, লুটতরাজ, খুন। কাজ কী এখন থেকে খতিয়ান করে! যখন সে গৃহস্থ হবে তখন তার গৃহ-স্থ ভালোমন্দের সঙ্গে একে একে পরিচয় হবে। তার গৃহ অবশ্য ভারত।

সব সমস্তার সমাধান আছে, যদি থাকে সম্মুখীন হবার যত শিক্ষা। শিক্ষা ত এতদিনে প্রায় সমাপ্ত হতে চলল। সেকালের আশ্রমগুরুগণ তাঁদের শিষ্যদের বিদায় দেবার সময় যে ভাষায় আশীর্বাদ করতেন তার আভাস রয়েছে উপনিষদে। সুধীর মনে জাগে তেমনি একটি শ্লোক। মনে হয় তার গুরু যেন তাকে বিশেষ করে বলছেন সংসারপ্রবেশের প্রাক্কালে—

“যদচ্চিদম্ যদগ্ৰভ্যোহু চ

যস্মিন্ লোকা নিহিতা লোকিনশ্চ

তদেতদক্ষরং ব্রহ্ম স প্রাণ শুভ্ বাঙ্ মনঃ

তদেতৎ সত্যং তদমৃতং তদ্বৈদ্যং সোম্য বিদ্ধি।”

যিনি অর্চিমান, যিনি, অগুর চেয়েও সুস্থ, যার মধ্যে লোকসমূহ

রয়েছে, রয়েছে লোকবাসিসমূহ, তিনি অন্ধর ব্রহ্ম। তিনিই প্রাণ, তিনিই বাক্ মন। সত্য তিনি, অমৃত তিনি, তাঁকে বিদ্ধ করতে হবে, সোম্য, বিদ্ধ কর।

শর যেমন করে লক্ষ্য ভেদ করে তেমনি করে ভেদ করতে হবে তাঁকে, তন্ময় হতে হবে। জীবনের প্রতি কাজে, প্রতি ভাবনায়, প্রতি বাক্যে স্মরণ করতে হবে তাঁকে, যুক্ত থাকতে হবে তাঁর সঙ্গে, স্থিত হতে হবে সেই কেন্দ্রে। কিছুতেই যেন কেন্দ্রচ্যুতি না ঘটে, না ঘটে মূলচ্ছেদ। লক্ষ্যের সঙ্গে যেন শরের বিচ্ছেদ না ঘটে, আর যাই ঘটুক।

“তদেদ্ধব্যং সোম্য বিদ্ধি।” ধ্বনিত হতে থাকে স্মধীর প্রবণে, মনে। তাঁকে বিদ্ধ করতে হবে, সোম্য, বিদ্ধ কর।

করব, বিদ্ধ করব। স্মধী কথা দেয়।

অবশেষে সহায় যখন শুনল যে স্মধীর গন্তব্যস্থল জেরার্ড্‌স্‌ ক্রস্‌ তখন বিশ্বাসের সহিত গন্তব্য করল, “আরে ও তো বহুৎ নভদিগ্‌ হৈ। গিয়ে সেই দিনই ঘুরে আসা যায়।”

“তা যদি বল,” স্মধী স্মরণ করাল, “এ দেশে এমন কোন গ্রাম বা নগর আছে যেখান থেকে সেই দিনই ঘুরে আসা যায় না। কিন্তু প্রহ্ম হচ্ছে, ঘুরে আসা কি সেইদিনই সম্ভব।”

সহায় আশা করেছিল য়াড্‌ভেঞ্চার। স্মধীর যুক্তি শুনে জবাব দিল, “না, না। অত কাছে আমি যাব না। সাত সপ্তাহ ধরে প্রস্তুত হচ্ছি যখন, তখন ওয়াই নদীর উপত্যকা কিম্বা তেমনি কোনো দুর্গম স্থানে যাব।”

সে বোধ হয় জানত না যে ওয়াই নদীর উপত্যকা শুনতে যেমন দুর্গম বাস্তবিক তেমন নয়।

“কোখাও বাওয়া,” স্মধী বলল, “যদি সেখানকার দৃশ্য দর্শনের জন্তে

হয় তবে ওয়াইনদীর উপত্যকাও তোমাকে সাত দিনের বেশী ধরে রাখতে পারবে না। আর যদি হয় সেখানকার মানুষের সঙ্গে মিলেমিশে প্রকৃতির সঙ্গে সম্পর্ক স্থাপনের জন্তে তবে জেরার্ড্‌স্‌ ক্রস্‌ থেকেও ঘুরে আসা সহজ নয় সাত সপ্তাহের আগে।”

সহায় ও কথার মর্ম বুঝল না। সহায়ের অভাব পূরণ করতে সুধী আরো খানকয়েক দেশী বই হুটকেসে ভরল। বিদেশে একজন দেশের লোক সঙ্গে থাকলে দেশের সান্নিধ্য উপলব্ধি করা যায়। লোকের অভাবে বই।

প্রতি রবিবার মার্সেলের সহিত অবসরযাপন তার অভ্যাস। এত কালের সেই অভ্যাসে ছেদ পড়বে। মার্সেল তা শুনে এমন গম্ভীর হল যে ওইটুকু মেয়ের পক্ষে এতটা গাম্ভীর্য অস্বাভাবিক। যেন সে অন্তরে অন্তরে অল্পভব করছিল দাদার স্বদেশপ্রয়াণ আসন্ন, এই পল্লীপরিক্রমা তার পূর্বাভাস। আগামী রবিবারে দাদা আসবে না, তার পরের রবিবারেও না, তার পরের রবিবারেও না। তবে আর কবে আসবে? মার্সেল অত ভাবতে পারে না। চুপ করে থাকে।

সুধীর এক একবার মনে হয় জেরার্ড্‌স্‌ ক্রস্‌ যখন এত কাছে তখন মাঝে মাঝে এসে মার্সেলের সঙ্গে দেখা করে যাওয়া অসাধ্য হবে না। কিন্তু আর কয়েক সপ্তাহ পরে যখন কন্টিনেন্টের পথে দেশে ফিরে যাবে তখন ত মাঝে মাঝে এসে দেখা করবার সাধ্য থাকবে না। যা অনিবাধ্য তা এমনি করে সহিয়ে নিতেই হয়। জীবনব্যাপী অদর্শনের পূর্বাভাস এই মাসাধিকের অদর্শন। মার্সেল বুঝেছে ঠিকই। তাকে ভুল বুঝিয়ে তার কিছা কারো কল্যাণ নেই।

সুধী তাকে প্রতিশ্রুতি দিল যে প্রতি রবিবারে তার নামে তার দাদার কাছ থেকে একটি করে পাসেল আসবে। ডাক পিয়ন এসে

খোজ নেবে, কার নাম মার্সেল, মার্সেল কার নাম। তার নামে পার্সেল, পার্সেলে তার নাম। কী মজা। ডাক পিয়ন কিন্তু বিশ্বাস করতে চাইবে না যে এইটুকু মেয়ের নামে পার্সেল। কাজেই মার্সেলকে ভালো করে খাওয়া দাওয়া করে বেশ মোটাসোটা বড়সড় হতে হবে। তা হলেই ডাক পিয়ন বিশ্বাস করবে যে এই সেই মার্সেল যার নামে পার্সেল।

সুধী বলল স্বেজেকে, “রবিবারগুলোতে ওকে বেড়াতে নিয়ে যেয়ো। বাড়ীতে বসে থাকতে দিয়ো না, বসে থাকলে ভাববে। ওকে বোলো, দাদাকে যদিও দেখা যায় না তবু দাদা খুব কাছেই আছে। চিরদিন কাছেই থাকবে, যদিও দেখা হয়ত হবে না।”

স্বেজ্ঞে আন্দাজ করেছিল সুধীর এ বাণী শুধু মার্সেলের জন্তে নয়, আর একজনের জন্তেও। সুধী যে তার কাছের মানুষ হয়ে চিরদিন রইবে এই যথেষ্ট স্থখ, দেখা যদিও হবে না। মাদুরীভরা চাউনি দিয়ে স্বেজ্ঞে ব্যক্ত করল তার ধন্যতা। বেচারি স্বেজ্ঞে। সে বুঝি কোন এক কাব্যের উপেক্ষিত।

সুধী শুনেছিল জেরার্ড্‌স্‌ ক্রস্‌ থেকে সামান্য দূরে স্ট্যানলি ফেয়ারফিল্ড্‌ বাস করেন। ফেয়ারফিল্ড্‌কে সে ইংলণ্ডের বিবেক বলে ভক্তি করত, যদিও চাক্ষুষ পরিচয় হয়নি। সন্ধান নিল তাঁর প্রতিবেশী হওয়া সম্ভব কি না। সুধীর সন্ধান তাঁর কর্ণগোচর হলে তিনি স্বতই তাকে আহ্বান করলেন তাঁর অতিথি হতে। আশাতীত সৌভাগ্য। কিন্তু সুধীর অভিপ্রায় ছিল বাদলকে কাছে রাখতে, পরে যখন উজ্জয়িনী যেতে চাইল তখন তাদের দুজনকে একত্র রাখতে। সহায়ও কৌতূহলী হয়েছিল। এসব ভেবে সুধী লিখল সে যদি অল্প দিনের জন্তে একা আসত তা হলে তাঁর অতিথি হতে পেলো কৃতার্থ হত, কিন্তু সদলবলে

মাসাধিককাল তাঁর উপরে অত্যাচার করা অসমীচীন হবে। তিনি তা পড়ে টেলিগ্রাম করলেন, তোমরা সকলেই স্বাগত যতদিন খুশি।

স্বধীর বন্ধু ছোট ব্লিজার্ড বললেন, “ফেয়ারফিল্ডকে আপনি চেনেন না। তিনি হচ্ছেন সত্যিকার খ্রিস্টান। তাঁকে এক মাইল হাঁটতে বললে তিনি দু মাইল হাঁটেন। ক্লোক চাইলে কোর্টটাও দেন।”

তার পর বাদল, উজ্জয়িনী ও সহায় একে একে সরে দাঁড়াল। ফেয়ারফিল্ডের আতিথ্য স্বীকার করতে স্বধীর নিজের বাধা রইল না, কিন্তু স্থিরা রইল মাসাধিক কাল সম্বন্ধে। সে কথা সে তাঁকে জানিয়ে রাখল।

জের্বার্ডস্ ক্রস্ স্টেশনে তাকে নিতে এসেছিলেন ফেয়ারফিল্ডের পালিতা কন্যা মুরিয়েল। স্বধীর চেয়ে বয়সে কিছু বড়, দেখলেই দিদি বলে ডাকতে সাধ যায়। তিনি সংবাদ দিলেন যে ফেয়ারফিল্ড স্বয়ং আসতে চেয়েছিলেন, কিন্তু ঠিক এই সময়ে আরো কয়েকজন তাঁকে দেখতে আসছেন শুনে বাড়ী থাকতে বাধ্য হলেন।

স্বধী বলল, “কী অশ্রায়! স্টেশনে কারো আসার কী দরকার! আমি কি আমার নিজের লোকদের কাছে আসছিনে?”

মুরিয়েল বললেন, “নিশ্চয়। সকলেই আমরা একই পিতামাতার সন্তান। ঈশ্বর আমাদের পিতা, ধরিত্রী আমাদের মাতা।”

তখন স্বধী বলল, “আমরা একই পরিবারভুক্ত। স্বতরাং আমি আপনার ভাই, আপনি আমার দিদি।”

পায়ে হাঁটতে হল সমস্ত পথ। এ দেশে বিছানা বয়ে বেড়াতে হয় না। ছয় সপ্তাহের জন্তে শহরের বাইরে গেলেও কেউ একখানা হটকেসের বেশী নেয় না। কিন্তু স্বধীর হটকেসটা একটু ভারী ছিল।

“দিন আমাকে।” মুরিয়েল জোর করে কেড়ে নিলেন।

“আপনি পারবেন না”, স্বধী অহুযোগ করল, “ওটা আপনার চেয়েও ভারী।”

“আপনি দেখছি গোটা লগুন শহরটাই প্যাক করে এনেছেন। কেন, আমাদের ওখানে কিসের অভাব? বাবা ত আপনার জন্তে পরণের কাপড়ও সাফ করে রেখেছেন।”

স্বধী হেসে বলল, “তুনেছি তাঁকে ক্লোক চাইলে কোট মেলে। যাতে কিছু চাইতে না হয় সেজন্তে আমি সবই এনেছি। কিন্তু দিদি, দিন। অন্তত বইগুলো বের করে নিতে দিন।”

সংস্কৃত, হিন্দী ও বাংলা কেতাব দেখে দিদি চমৎকৃত হলেন। তার পর বললেন, “আপনি আমাকে পড়ে শোনাবেন, বুঝিয়ে দেবেন। রাজি?”

“সানন্দে। কিন্তু আপনারই কষ্ট। অহুবাদ করবার পক্ষে আমার ইংরাজী জ্ঞান যথেষ্ট নয়, দিদি।”

বইয়ের বাগিল বয়ে স্বধী পাশে পাশে চলল।

২

ফেরারফিল্ড স্বধীর হাতে মুহু মুহু ঝাঁকানি দিয়ে মোলায়েম স্বরে বললেন, “তা হলে তুমিই চক্রবর্তী। এস, এস।”

দীর্ঘকায় বর্ষাযান পুরুষ, বহু যুদ্ধের বীর। তাঁর যুদ্ধগুলো সশস্ত্র নয়, স-লেখনী। কিন্তু মসীযুদ্ধেরও বহু দুঃখতাপ আছে, সেই অগ্নিপরীক্ষায় তিনি বারবার দগ্ধ হয়েছেন। কোথায় পর্তুগিজ আক্রমার গহন অরণ্য, কোথায় মরকোর মরুভূমি, কোথায় অমৃতসর, কোথায় ডামাস্কাস—যখন যেখানে অন্তায় অহুষ্ঠিত হয়েছে তখন সেখানে ফেরারফিল্ড উপস্থিত হয়েছেন, তদন্ত করেছেন, রিপোর্ট লিখেছেন; রিপোর্ট ছাপা না হলে

আপনি শাস্তি পাননি, অপরকেও শাস্তি দেননি। ইদানীং তিনি অবসর ভোগ করছেন, বয়সও হয়েছে প্রায় সত্তর।

মুরিয়েল তাঁর এক বন্ধুর কন্যা। বন্ধু ও বন্ধুপত্নী উভয়েই পরলোকে। মেয়েটি কচি বয়স থেকে তাঁকেই বাবা বলে জানে। তিনি নিজে নিঃসন্তান, তাঁর স্ত্রী তাঁকে ছেড়েছেন মতভেদের দরুণ।

“আমার আশা ছিল তুমি তোমার বন্ধুদেরও আনবে, কিন্তু তুমিও যে তাদের মত পেছিয়ে যাওনি এতেই আমি খুশি।” তিনি স্ত্রীকে তার জন্তে নির্দিষ্ট ঘর দেখিয়ে বাগানে নিয়ে গেলেন। সেখানে আরো জনকয়েক অভ্যাগত ছিলেন, স্ত্রীর সঙ্গে তাঁদের পরিচয় করালেন।

স্ত্রী লক্ষ করল তাঁরা কেউ তাঁকে ফেয়ারফিল্ড বলে উল্লেখ করলেন না, ডাকলেন স্ট্যানলি কিম্বা স্ট্যান বলে। অথচ তাঁরা যে সকলেই তাঁর অন্তরঙ্গ এমন মনে হবার হেতু ছিল না। তাঁর ব্যবহারে এমন কিছু ছিল যা পরকে আপন করে, বাইরের লোককে করে ঘরের লোক। শুধু তাই নয়, তাঁর প্রভাব এমন যে ছজন অপরিচিত অতিথিও কয়েক মিনিটের মধ্যে পরস্পরের সঙ্গে চির পরিচিতের মত বিশ্বাস বিনিময় করে। কিছুক্ষণ যেতে না যেতে দেখা গেল স্ত্রীর নামধাম প্রত্যেকের নোটবুকে উঠেছে, প্রত্যেকেই তাকে সনির্বাক নিমন্ত্রণ করছেন ভিন্ন ভিন্ন গ্রামে ও শহরে।

পৃথিবীতে অনেক আশ্চর্য্য বস্তু আছে, কিন্তু গ্রীক নাট্যকার যথার্থই লিখেছেন মানুষের মত আশ্চর্য্য কিছু নেই। স্ত্রী যতবার বেড়াতে বেরিয়েছে ততবার বিশ্বাসবিষ্ট হয়েছে মানুষের স্নেহমমতায়, আদর আপ্যায়নে। দিন দুই তিন পরে কেউ তাকে বিশ্বাস করে শুনিয়েছে জীবনের গোপনীয় ইতিহাস, কেউ তার পরামর্শ চেয়েছে দাম্পত্য প্রসঙ্গে। অথচ ইংরাজের মত চাপা স্বভাব নাকি অল্প কোনো জাতির

নয়। এবারেও স্থধী অভিভূত হল সৌজন্যে আত্মীয়তায়। সে ধরে নিয়েছিল গ্রামে যখন যাচ্ছে তখন প্রকৃতিকে পাবে সব সময়। কিন্তু মানুষ কেন তাকে ছাড়বে! শান্তিবাদীদের বৈঠক ব্যতীত এত রকম এত এনগেজমেন্ট এসে জুটল যে তার হাসি পেল নিজের পূর্ব ধারণায়। এর চেয়ে লগুন ছিল নিভৃত।

ইংলণ্ডের কোনো কোনো গ্রামে এখনো কার্শিল্লের অস্তিত্ব আছে। শিল্পীরা আপন আপন কুটীরে বসে সৃষ্টি করে। কোথাও পশমের খন্দর, কোথাও হাতে তৈরি লোহার সরঞ্জাম, কাঠের আসবাব, রাফিয়ার বুড়ি, কোথাও চীনা মাটির বাসন, চামড়ার কাজ, কোথাও বা নকসী কাঁথা পাওয়া যায়। স্থধী তার আলাপীদের সঙ্গে দিন ফেলল শিল্পীদের দর্শন করতে। দিদির এতে প্রচুর উৎসাহ, ফেয়ারফিল্ডেরও।

স্থধী আবিষ্কার করল যে ফেয়ারফিল্ড স্বয়ং দপ্তরীগিরি করেন, বই বাঁধেন। আর দিদি গ্রামের মেয়েদের জন্তে পোষাক বানান, গছেরে ধরণের নয়, লুপ্তপ্রায় প্রাচীন পদ্ধতির। অবশ্য আধুনিক জীবনযাত্রার সঙ্গে সঙ্গতি রেখে।

একদা স্থধীও নিয়মিত চরকা কাটত, কোনো একপ্রকার কার্শিল্ল না শিখলে গ্রামের মানুষের সঙ্গে বেমালুম মেশা যায় না। কিন্তু স্বদেশে থাকতেই সে অভ্যাস শিখিল হয়েছিল কলেজের আবহাওয়ায়। বিদেশে আসার পর একেবারেই ছিন্ন হয়েছে। তার পরিবর্তে অল্প কোনো অভ্যাস আয়ত্ত হয়নি, স্থধীও সেদিকে মন দেয়নি। একজন দপ্তরীর কাজ, একজন দক্ষির কাজ করছেন দেখে সে লজ্জায় বই পড়ায় ইস্তফা দিল। বসে গেল বই বাঁধাই শিখতে। ভারতের গ্রামে যে ওর বিশেষ কোনো প্রয়োজন আছে তা নয়, তবু হাত দুটো যে খাওয়া ভিন্ন আর কিছু জানে না এ গানি যেমন করে হোক মোড়ান করতে হবে।

ফেয়ারফিল্ড্ সুধীকে শিক্ষানবীশরূপে লাভ করে আহ্লাদিত হলেন। তাঁকে শিক্ষাগুরুরূপে লাভ করাও সুধীর সৌভাগ্য। ঘণ্টার পর ঘণ্টা দুজনে নীরবে কাজ করে যান, দুজনেই অক্লান্ত। ফেয়ারফিল্ড্ বলেন, “ক্রিস্টান কে? যে মাথার ঘাম পায়ে ফেলে যেদিনকার রুটি সেই দিন রোজগার করে।” সুধী শুনে অবাক হয়। খ্রীষ্ট ধর্মের এমন অপূর্ব ব্যাখ্যা সে যদি বা কোথাও শুনেছে তবু এমন অকৃত্রিম দৃষ্টান্ত-সহযোগে শোনেনি।

“সার,” সবিনয়ে জিজ্ঞাসা করে সুধী, “যিনি প্রতিদিন বই লিখতে পারতেন তাঁর পক্ষে বই বাঁধাই করা কি বেগার নয়?”

তিনি মুখ না তুলে উত্তর করেন, “না, তা কেন হবে? রোজ এত প্রেরণা কোথায় পাব যে বই লিখব? যখন পাই তখন লিখি বৈকি।”

সুধীর সংশয় যায় না। সে নিবেদন করে, “সার, ক্রিস্টান কি অহরহ জ্বায়ে জন্তু ক্ষুধিত পিপাসিত নন? তাঁকেও কি প্রেরণার জন্তে প্রতীক্ষা করতে হয়?”

সুধী আরো একটু বিশদ করে, “সার, পৃথিবীতে অন্তায় কি দৈনন্দিন ব্যাপার নয়?”

তিনি এবার মুখ তুলে তাকান। সক্রমণ তাঁর দৃষ্টি। “নিশ্চয়। কিন্তু ক্রুসেড যদিও প্রতি নিয়ত প্রয়োজন তবু তার প্রেরণা আসে না প্রত্যহ। যখন আসে তখন রুটির জন্তে মাথার ঘাম পায়ে ফেলার ফুরসৎ থাকে না। অল্প সময় কিন্তু সেইটেই ক্রটি।”

সুধীও ধৈর্যে জ্বায়ে জন্তু সংগ্রাম যদিও সব সময় প্রয়োজন তবু তার আয়োজন করতে, বহুকাল লাগে। কিন্তু রুটির জন্তে মাথার ঘাম পায় ফেলা নিয়ে, ^{সে} একমত হতে পারে না। তার নিজের বেলায়

স্থির আছে সে তার পৈত্রিক বিষয় আশয় দেখবে, কৃষির ও মহাজনীর উপস্থিতি থেকে সংসার চালাবে, উদ্ভূত বিত্ত গ্রামের জন্তে ব্যয় করবে। স্থায়ী বিশ্বাস এই হচ্ছে ব্রহ্মনিষ্ঠ গৃহস্থের আদর্শ। এর মধ্যে কায়িক শ্রমেরও ঠাই আছে। সে চাষীর সঙ্গে জুটে হাল ঠেলবে, মাঝির সঙ্গে জুটে দাঁড় ধরবে, কাটুনীর সঙ্গে জুটে স্নতো কাটবে। উপরন্তু অধ্যাপনা করবে। যখন আসবে সংগ্রামের আহ্বান তখন সে ও তার গ্রামের কামার কুমার চামার ছুতোর ময়রা মুদি গয়লা মাঝি মজুর চাষী এক জোটে সাড়া দেবে, কেননা তৎপূর্বে স্থায়ী তাদের প্রত্যেকের সঙ্গে জুটে তাদের এক জোট হতে অভ্যস্ত করেছে। সে তাদের নেতা হতে চায় না, হতে চায় তাদেরই একজন, হলই বা সে তালুকদার ও মহাজন ও অধ্যাপক ব্রাহ্মণ। তাদের দুঃখস্থখের সাথীকে কি তারা পর ভাবে ?

এই যদি হয় ব্রহ্মনিষ্ঠ গৃহস্থের আদর্শ, ক্রিস্চান আদর্শ কি এর থেকে সত্যিই স্বতন্ত্র ? সত্যিকার ব্রাহ্মণ কি সত্যিকার ক্রিস্চান নন ?

স্থায়ী ব্যক্তিগত পরিকল্পনার উপর পরিস্থাপিত এই প্রশ্ন শুনে ফেয়ারকিন্ড্ চিন্তিত হন। অনেকক্ষণ ইতস্তত করে এক সময় বলেন, “তোমাকে কেমন করে সাহায্য করব, স্থায়ী ? আমি যে মাত্র একটি আদর্শের সঙ্গে পরিচিত। বল দেখি, ব্রাহ্মণ কি ডাক শুনে গৃহিণী, সন্তান, আশ্রিত, আশ্রয়, বন্ধু—সবাইকে ছাড়তে প্রস্তুত ? গৃহ, গৃহপালিত পশু, সঞ্চয়, সম্পত্তি—সব ছাড়তে ?”

স্থায়ী চট করে জবাব দেয় না, অন্তর অন্বেষণ করে। সে কী কী ছাড়তে পারে, কাকে কাকে ছাড়তে পারে, গণনা করে। বুকটা দমে যায়। ব্রাহ্মণ যদি সব ছাড়তে, সবাইকে ছাড়তে পারত তবে সাতশো

বছর পরাধীন হত না তার দেশ। খ্রিস্টান তা পারে বলেই অর্ধেক ধরণীর অধীশ্বর।

“ব্রাহ্মণ,” স্বধী বিনতির সহিত বলে, “আপ্রাণ চেষ্টা করবেন সবাইকে সঙ্গে নিতে। ছাড়তে হয় তারাই তাঁকে ছাড়বে, তিনি কেন কাউকে ছাড়বেন! সম্পত্তি সম্বন্ধেও সেই কথা।”

ফেয়ারফিল্ড্ ধরতে পারেন না। তাকান।

স্বধী বোঝায়, “যুষ্টিটির যখন দুর্গম পন্থায় যাত্রা করেন তখন দ্বীকে সঙ্গে নিয়েছিলেন, ভাইদেরকেও। তাঁরা তাঁকে একে একে ছাড়লেন, চলতে চলতে পড়লেন, আর উঠলেন না।”

“আর সম্পত্তি?”

“সম্পত্তি তার নিজের নিয়মে বাড়বে বা কমবে, আসবে বা ছাড়বে। আমি সে বিষয়ে নির্লিপ্ত। যেমন সূর্য্যোদয় ও সূর্য্যাস্ত ভোগ করি তেমনি ভোগ করব পাখির সম্পত্তির উদয়াস্ত। দারিদ্র্যকে আমি ভয় করিনে, ঐশ্বর্য্যকেও না।”

ফেয়ারফিল্ড্ গভীরভাবে বলেন, “দরিদ্রের আশা আছে, ধনীর ধন থাকতে নেই স্বর্গরাজ্যের আশা। খ্রিস্টান যদি দীন দরিদ্র না হয় তবে ক্রশ বইতে অক্ষম, ক্রুসেডের অযোগ্য। এ যেমন সম্পত্তি সম্বন্ধে নির্দেশ তেমনি স্বজন সম্বন্ধে অনুরাসন—‘He that loveth father or mother more than me is not worthy of me ; and he that loveth son or daughter more than me is not worthy of me. And he that taketh not his cross, and followeth after me is not worthy of me.’”

বলতে বলতে তাঁর কণ্ঠস্বর রুদ্ধ হয়ে আসে। সারা জীবনের দুঃখ আভাসিত হয় আনন্দের।

৩

সত্যিকার ব্রাহ্মণের সঙ্গে সত্যিকার ক্রিশ্চানের তবে এইখানে প্রভেদ যে প্রয়োজনকালে সংগ্রাম করতে একজন একাকী উদ্ভূত, আর একজন অপর দশ জনের মুখাপেক্ষী। আমরা যে হেরেছি তার কারণ আমরা ডাক শুনে ডাকাডাকি করেছি, লোক জড় হবার আগে লড়াইয়ের লগ্ন উত্তীর্ণ হয়েছে। অতীতে যা হয়েছে ভবিষ্যতেও তাই হতে পারে, এ কথা মনে উদয় হতেই স্বধীর মনটা কেমন করে।

তা হলে কী করতে হবে? অপর দশজনের জগ্গে অপেক্ষা না করে একা অগ্রসর হতে হবে, গুলির সামনে বুক পেতে দিতে হবে, আগুনের উপর জল ঢালতে হবে, অন্ত্রায়ের বিরুদ্ধে খাড়া হতে হবে। একজনের বীরত্ব দেখলে আরো দশজন সাহস পাবে, একজনের পরাক্রম দেখলে আরো দশজন বল পাবে। সহস্র বক্তৃতায় যা হবার নয় একটিমাত্র দৃষ্টান্তে তা হবে। কিন্তু নাই বা হল কিছু, নাই বা এল কেউ। একজনের অগ্রগমন সমগ্র দেশেরই অগ্রগমন, একজনের সংগ্রাম সমগ্র দেশেরই সংগ্রাম, একজনের “না” সমগ্র দেশেরই “না।” লগ্ন উত্তীর্ণ হবার আগে বরষাজীরা যদি হাজির না হয় তা হলেও বিয়ে বন্ধ থাকে না, যদি বর সময়মত পৌছায়।

তা বলে কি গ্রামের কামার, কুমোর, চামার, ছুতোরকে ডাকা হবে না? ময়রা মুদি গয়লা মাঝির একজন হতে হবে না? মুচির সঙ্গে জুতো সেলাই বামুনের সঙ্গে চণ্ডীপাঠ করতে হবে না? অবশ্য, অবশ্য, অবশ্য। স্বধীর প্রোগ্রাম যেমন আছে তেমনি থাকবে, শুধু তার সঙ্গে জুড়তে হবে কেয়ারফিল্ডের উদ্ভূত ভাব। স্বধীকে এমনি বেপরোয়া হতে হবে। এমনি অনপেক্ষ।

স্বাধীন শাস্তিবাদী বন্ধুরা সমবেত হলে সে তাঁদের বৈঠকে যোগ দিতে থাকল। বেকীর ভাগই ঘরোয়া বৈঠক।

টাউনসেণ্ড বললেন, “আমরা বৃত্তাকারে ঘুরছি, বৃত্তের বাইরে বেরোতে পারছি, এই হয়েছে মুশকিল। যুদ্ধ ষতদিন বাধেনি ততদিন আমাদের হাতে কাজ রয়েছে, কিন্তু যুদ্ধ যদি কোনো গতিকে একবার বাধে”, তিনি গলা পরিষ্কার করলেন, “তা হলে আমরা জেলে যাওয়া হাড়া কী যে করতে পারি ভেবে পাইনে। যাই করি না কেন, সাহায্য করা হবে, সায় দেওয়া হবে। আহতের শুক্রবাণ্ড বিগ্রহের সাহায্য।”

ব্লিজার্ড বসেছিলেন গালে হাত দিয়ে। বললেন, “জানিনে। কিন্তু এমন কিছু করতে চাই যাতে যুদ্ধ থামে। শুধু আহতের শুক্রবাণ্ড করে কী হবে, আহত যাতে আর না হয় তাই করণীয়।”

“আমিও,” বললেন রেভারেণ্ড বার্নেট, “মনে করি তাই। এমন কিছু করতে হবে যাতে ভ্রাতৃহত্যা বন্ধ হয়। তেমন কিছু,” তিনি গাড়িতে হাত বুলাতে বুলাতে বললেন, “আমাদের প্রভুর অনুসরণ।”

“তার মানে কী, বব?” টাউনসেণ্ড কৌতূহলী হলেন।

“আমি আমাদের প্রধান মন্ত্রীর সঙ্গে দেখা করে বলব আমাকে অনুমতি দিন অপর পক্ষের প্রধান মন্ত্রীর সঙ্গে দেখা করতে। অনুমতি পেলে বার বার দেখা করব দু জনের সঙ্গে, প্রাণপণ চেষ্টা করব একটা সম্মানজনক নিষ্পত্তিপত্র দু জনকে দিয়ে স্বাক্ষর করাতে।”

টাউনসেণ্ড বলে উঠলেন, “বেচারি বব!”

বার্নেট বলতে লাগলেন, “যখন দেখব নিষ্পত্তির লেশমাত্র সম্ভাবনা নেই, দু জনেই নাছোড়বান্দা, তখন—”

মিস মার্শল কণ্ঠক্ষেপ করলেন, “তখন?”

“তখন আর কী?” বার্নেট আবেগভরে বললেন, “তখন আমাদের

সেনাপতির সঙ্গে দেখা করে বলব, আমাকে গুলি কর। না করলে আমি প্রত্যেকটি সৈনিককে বোঝাব ভ্রাতৃহত্যা অনন্ত নরক।”

“আহ্!” বললেন মিস মার্শল। “তোমার প্রবর্তনায় যদি এ পক্ষের লোক লড়াই ছেড়ে দেয় ও পক্ষের লোক উড়ে এসে জুড়ে বসবে। তাতে ভ্রাতৃহত্যা বন্ধ হতে পারে, ক্রীতদাসত্ব স্তূর হবে, বব।”

বান্‌ট বললেন, “ক্রীতদাসত্ব স্তূর হলে কী করব জানিনে, জানতে চাইনে। তখনকার কথা তখন ভাবব এবং প্রভুর কাছে প্রার্থনা করব, মড।”

“ওটা কোনো কাজের কথা নয়।” মড মাথা নাড়লেন।

“পরাদীনতা নৈব নৈব চ।” মুখ খুললেন ফেয়ারফিল্ড।

“স্ট্যান।” টাউনসেণ্ড অত্যাচার করলেন, “তুমিই বল।”

“বব,” ফেয়ারফিল্ড সোধন করলেন বান্‌টকে, “তুমি ধরে নিচ্ছ যে দুই প্রধান মন্ত্রীই সমান অবুঝ। কিন্তু এমন ত হতে পারে যে আমাদের মন্ত্রীরা তোমার সম্মানজনক নিষ্পত্তিতে রাজি, অথচ অপর পক্ষ নারাজ। যদি অশ্রান্তরূপে জানতুম যে আমাদের দিকেই অস্ত্রায় তা হলে তোমার কর্মপদ্ধতি সমর্থন করতুম, বব। কিন্তু অস্ত্রায় ত অপর পক্ষের হতে পারে।”

বান্‌ট ব্যাকুলভাবে বললেন, “কে বিচার করবে! কে বিচার করবে! আমি কি অশ্রান্ত! তুমি কি অশ্রান্ত!”

“সেইখানেই ত ক্যাসাদ।” টাউনসেণ্ড মুচকি হাসলেন। যেন তিনি জানতেন এ প্রশ্ন উঠবে।

“সেইজগ্গেই আমি ধরে নিচ্ছি যে ভ্রাতৃহত্যা নিজেই একটা অস্ত্রায়। রাজনীতির জায় অস্ত্রায় বুঝিনে, ধর্মনীতির অস্ত্রায়ই আমার পক্ষে যথেষ্ট।” বলে বান্‌ট দীর্ঘ নিঃশ্বাস ফেললেন।

“না, না।” ফেয়ারফিল্ড্ ছাড়লেন না। “অমন করে এড়িয়ে গেলে চলবে না। যারা কারুর স্বাধীনতায় হস্তক্ষেপ করেনি, অত্যন্ত নিষিদ্ধাচারী জাতি, যারা কিছুমাত্র অগ্রাধিকার করেনি, যাদের একমাত্র অপরাধ তাদের ভৌগোলিক অবস্থান, তেমন জাতিকে যদি কেউ হঠাৎ আক্রমণ করে তবে কি তারা প্রবলের উদ্ধৃত অগ্রাধিকার পড়ে পড়ে সহ্য করবে? প্রতিরোধ করবে না?”

সকলেই অস্বাভাবিক বুললেন বেলজিয়ামের কথা হচ্ছে। নিঃশব্দে সমর্থন করলেন।

“প্রতিরোধ,” বার্নেট স্বীকার করলেন, “করবে বৈকি। কিন্তু খ্রীষ্টীয় উপায়ে।”

“খ্রীষ্টীয় উপায়,” ফেয়ারফিল্ড্ জেরা করলেন, “বলতে ঠিক কোন জিনিসটি বোঝায়? নাকি কোরো আমার অজ্ঞতা।”

বার্নেট নিরুত্তর রইলেন। ব্রিজার্ড তাঁর তরফ নিয়ে বললেন, “আর যাই হোক নরহত্যা নয়। নরহত্যার বিরুদ্ধে অতি স্পষ্ট নিষেধ রয়েছে, স্ট্যান। ‘Thou shalt not kill.’ তোমার মত খ্রীষ্টানকে কি তা মনে করিয়ে দিতে হবে?”

ফেয়ারফিল্ড্ মাথায় হাত দিয়ে বসলেন। ছোট ব্রিজার্ড পিতার সঙ্গে তর্কে নামলেন। বললেন, “কিন্তু নিয়মমাত্রেরই নিপাতন আছে।”

বড় ব্রিজার্ড জিজ্ঞাসা করলেন, “আরো নয়টি নিষেধবাক্যেরও নিপাতন আছে কি?”

জন এদিক ওদিক তাকালেন। ‘ব্যভিচার করিও না।’ এই নিষেধবাক্য কি নিপাতননিরপেক্ষ নয়? তবে হত্যার বেলায় নিপাতন কেন?

ফেয়ারফিল্ড্ বিনীতভাবে বললেন, “বব, তোমার সঙ্গে আমি বহু

পরিমাণে একমত। শুধু ঐ খ্রীষ্টীয় উপায় নিয়ে পনেরো বছর ধরে কলহ করে আসছি। আর রনি, তুমি যে নিষেধবাক্যের উল্লেখ করলে সেইটেই চরম যুক্তি। তার নিপাতন নেই। কিন্তু আগি ও নিষেধ অমাত্র করব, করে অনন্ত নরকে পুড়ব, তবু পরাধীনতার জীবন্ত কবরে এ দেশের কিম্বা ও দেশের কিম্বা কোনো দেশের লোককে পচতে দেব না। বলতে পার আমি খ্রিস্টান নই। তা হোক, কিন্তু আমি গ্নায়বান।”

বাস্তব হয়ে ব্রিজার্ড বললেন, “তুমি যে খ্রিস্টান তথা গ্নায়বান এ বিষয়ে সন্দেহ করবার অধিকার আছে কার? তোমার জীবনটাই ত সাক্ষ্য। কিন্তু স্ট্যান, তুমি খ্রিস্টান হলে কী হয় উপায়টা খ্রীষ্টীয় কি না সন্দেহ। অন্তত আমার ত সন্দেহ ঘুচল না। পরাধীনতা ঘৃণ্য, কিন্তু পরহত্যা পাপ। আমি পাপ করব কোন সাহসে? যদি একটা করি আর একটা করতে বাধা কিসের?”

“ওটা হচ্ছে দুর্বল চিন্তের পরিচায়ক।” ফেয়ারফিল্ড মন্তব্য করেই মাফ চাইলেন। “আমি পাপ করব পরম সাহসে। এবং একটাই করব, আর একটা নয়। ততখানি আত্মসংযম আমার আছে।”

“প্রভু তোমাকে জ্ঞান করবেন।” বার্নেট অভয় দিলেন।

টাউনসেণ্ড এতক্ষণ চুপ করে শুনছিলেন। বললেন, “স্ট্যানলির শাস্তিবাদ যে পর্যায়ে চূর্ণ হচ্ছে সেটার নাম গ্নায়সম্মত উপায়। তাঁর বিশ্বাস নরহত্যাও গ্নায়সম্মত, যদি হয় ক্রুসেডের সামিল। যা গ্নায়সম্মত তা খ্রীষ্টীয় হোক বা না হোক, তাই খ্রিস্টানের বরণীয়। কেমন, স্ট্যান, ঠিক বুঝেছি কি না?”

“অবিকল বুঝেছি।” ফেয়ারফিল্ড যানলেন।

“এখন আমাদের মুশকিল হয়েছে এই যে আমরা যে উপায় অবলম্বন করতে চাই তা যদি কেবল গ্নায়সম্মত হয়, খ্রীষ্টীয় না হয়, তা হলে আমরা

পূর্ণ হৃদয়ে প্রতিরোধ করতে পারিনে, বিবেকে বাধে। আমরা চাই যে সে উপায় যেমন গ্ৰায়সম্মত হবে তেমনি খ্রীস্টীয় হবে। ঠিক বোঝাতে পেরেছি কি ?”

“ঠিক, ঠিক।” সাড়া দিলেন মিস মার্শল, বৃদ্ধ ব্লিজার্ড, আরো অনেকে।

“আমি জানি যে নবহত্যাও গ্ৰায়সম্মত হতে পারে, যদি হয় ক্রুসেডের সামিল। নইলে Thoreau কী করে স্থখ্যাতি করতেন জন ব্রাউনের—যে ব্রাউন নিগ্রো দাসদের স্বহস্তে মুক্ত করবার জন্তে দাসব্যবসায়ীদের স্বহস্তে খুন করেছিলেন ?”

“আমিও,” ফেয়ারফিল্ড জানালেন, “স্থখ্যাতি করি।”

“তুমি,” টাউনসেও অতুযোগ করলেন, “আমাদের মধ্যে সেরা ক্রিস্চান হয়েও কী করে তা পার ? যা গ্ৰায়সম্মত তা কি সব সময়ে খ্রীস্টীয় ?”

“আমার কাছে খ্রীস্টীয়তার অল্প কোনো মাপকাটি নেই। আমার বিশ্বাস যা গ্ৰায়সম্মত তাই খ্রীস্টীয়।” ফেয়ারফিল্ড নরম স্বরে বললেন।

“আমরা তোমাকে শ্রদ্ধা করি, স্ট্যান। কিন্তু তোমার সঙ্গে আমাদের মতভেদ দেখছি বহুমূল।” ব্লিজার্ড রায় দিলেন।

“কিন্তু পরাধীনতা সম্বন্ধে,” মিস মার্শল কণ্ঠক্ষেপ করলেন, “তোমাদের কারো কারো সঙ্গে আমারও মতভেদ বহুমূল, রনি। সে দিক থেকে স্ট্যান আমার নিকটতর।”

“সব সময় না।” ফেয়ারফিল্ড মাথা নাড়লেন। “যদি দেখি যে অগ্রায় আমাদের মন্ত্রীদের, আক্রমণ আমরাই করেছি বা অপরকে আক্রমণের উপযুক্ত কারণ দিয়েছি, তবে বোম্বার ঘৃণের সম্মত যা করেছিলুম তাই করব। পদে পদে বাধা দেব, লোকমত গঠন করব।

সে বারে আমি প্রার্থনা করেছিলুম, হে ঈশ্বর, আমার দেশ ধেন হারোঁ।
অগ্নায় দেখলে আবার সেই প্রার্থনা করব। নিজের দোষে দেশ যদি
পরাদীন হয় যথাকালে পরাদীনতারও প্রতিরোধ করব, মড।
পরাদীনতার ভয়ে অগ্নয়কারীর হাতে হাত মিলাব না। সে হাত
খুনীর।”

মুরিয়েল স্থধীর কানে কানে বললেন, “এ বার আপনার পালা।”

স্থধী বলল, “এখনো নয়। এবার জনের।”

জন অর্থাৎ ছোট ব্রিজার্ড স্থধীর পাশে বসেছিলেন। আলাপে যোগ
দিয়ে বললেন, “একবার পরাদীন হলে তারপরে কি প্রতিরোধশক্তি
থাকে? থাকলে সে আর কতটুকু? বিজেতার প্রথম কাজই হবে
অস্ত্র কেড়ে নেওয়া। দ্বিতীয় কাজ ভেদনীতির বীজ বপন করা।
প্রতিরোধের যতই বিলম্ব হবে প্রতিরোধশক্তিরও ততই অভাব হবে।
দেশ তখন স্বাধীনতার জগ্রে বিজেতার দ্বারে ধর্না দিয়ে বা আন্তর্জাতিক
ঘটনাবলীর উপর বরাত দিয়ে অমানুষ হবে। কাজেই পরাদীন হতে
দেওয়া কিছুতেই চলতে পারে না, সার। নিজের দোষেও না, নিজের
লোকের প্রার্থনার ফলেও না। আপনি যদি পদে পদে বাধা দেন
আপনাকে বন্দী করা হবে। হুঃখিত।”

ফেয়ারফিল্ড্ প্রতিধ্বনি করলেন, “হুঃখিত।”

মিস মার্শল শান্তিবারি সেচন করে বললেন, “ইংলও কখনো অগ্নায়
করবে না। আমরা অবহিত থাকব।”

টাইউনসেণ্ডের দৃষ্টি এখন স্থধীর উপর পড়ল তখন সে বুঝতে পারল
এবার তাকে কিছু বলতে হবে। মনে মনে প্রস্তুত হতে থাকল।

“আমাদের ভারতীয় বন্ধু,” টাউনসেণ্ড আহ্বান করলেন, “হয়ত এই বৃত্ত থেকে আমাদের উদ্ধার করবেন।”

স্বধী বিনীতভাবে বলল, “আমিও জিজ্ঞাসু। আমার সাধ্য কী যে উদ্ধার করি!”

“তোমার সুবিধা এই যে তুমি এমন একটি দেশ থেকে এসেছ যে দেশে কিছু কাজ হচ্ছে। আমাদের ত কেবল কথা কচকচি।” বললেন ব্লিডার্ড।

“আপনি আমার দেশকে স্নেহ করেন বলেই ও কথা বলতে পারছেন। কিন্তু আমি ত জানি কাজ কতটুকু হচ্ছে।”

“আপনি,” বললেন বার্নেট, “এমন একটি দেশ থেকে আসছেন যেখানে খ্রীষ্টীয় উপায়ের অন্তর্শীলন হচ্ছে। সেদিক থেকে আপনার সাক্ষ্য মূল্যবান।”

স্বধী ক্ষণকাল আত্মস্থ হয়ে বলল, “কোনটা গ্রায়সম্মত কোনটা খ্রীষ্টীয় এ সব বিশেষণের বদলে আমি ব্যবহার করতে চাই আর এক জোড়া বিশেষণ। আমি বলব যুদ্ধে সচরাচর যে উপায় ব্যবহৃত হয় সেটা পুরাতন, যেটা আমরা ভারতবাসীরা ব্যবহার করতে চেষ্টা করছি সেটা নতুন। কামান, বিমান, ডুবো জাহাজ, এ সব আমার মতে পুরানো, যদিও এদের উদ্ভাবকদের মতে আনকোরা। অহিংস অসহযোগ হচ্ছে নতুন, যদিও মানুষের ইতিহাসে এর প্রয়োগ ও অপপ্রয়োগ অগণ্য।”

জন বললেন, “সিভিল ও মিলিটারি এ দুটি বিশেষণের দোষ কী?”

স্বধী বলল, “আছে দোষ। সিভিলও অনেক সময় প্রচ্ছন্ন মিলিটারি। কিন্তু যতই বিবেচনা করবেন ততই বুঝতে পারবেন কেন আমি অল্প এক জোড়া বিশেষণ ব্যবহার করছি। ইতিমধ্যেই আরো কত রকম

নামকরণ হয়ে গেছে। যথা, সক্রিয় ও নিষ্ক্রিয়। আমার মত ধারা বিশ্বাস করেন যে একটা উপায় এখনো অপরীক্ষিত, এখনো পরীক্ষণাগারে আবদ্ধ, তাঁরা তাকে নতুন উপায় বলেই উল্লেখ করবেন। তার যে কত বৃহৎ সম্ভাবনা তা একমাত্র ঐ বিশেষণেই ব্যক্ত হয়।”

ফেয়ারফিল্ড বললেন, “আমি যখন তোমাদের দেশে গেছিলুম তখন ওর একটু ইঙ্গিত পেয়েছিলুম, কিন্তু এখনো বিশেষ গুয়াকিবহাল নই। তুমি কি সত্যি জান ভারত ঐ অস্ত্রে জিতবে?”

“ফলাফল ঈশ্বরের হাতে। আমরা শুধু যত্ন করতে পারি।” সুধী বলল।

“হয়ত ইংরাজের সঙ্গে সংঘাতে। কিন্তু আফগান, রুশ, জাপানী— এদের সঙ্গে রণ করে জিতবে কি?” মিস মার্শল এমন সুরে সুধালেন যেন ওর উত্তর সম্বন্ধে তিনি নিঃসন্দেহ।

সুধী লক্ষ করেছিল শান্তিবাদীদের অনেকেই মর্যগত ধারণা ভারতের সত্যগ্রহ কেবল ইংরাজের সঙ্গেই সম্ভবপর, উত্তর পশ্চিমের হিংস্র উপজাতি অথবা এশিয়ার অগ্ন্যাগ্নি দুর্ধ্ব জাতির সঙ্গে নয়।

বলল, “নূতন অস্ত্রের কোনখানে নূতনত্ব তা যদি উপলব্ধি করি তবে পুরাতন অস্ত্রধারীমাত্রেই আক্রমণ প্রতিহত করতে পারি। কার্যতঃ পারব কি না কেমন করে বলব!”

টাইনসেও চুপ করে শুনছিলেন। প্রশ্ন করলেন, “কোনখানে?”

“এইখানে যে প্রতিপক্ষের হৃদয় জয় করাই এর উদ্দেশ্য।” সুধী চেয়ে দেখল বার্নেটের চোখে স্বর্গীয় আভা।

“আমরা ভারতের লোক আমাদের ইংরাজ শাসকদের হৃদয় জয় করতে পারি এ বিশ্বাস আমাদের আছে, এর কারণ এমন নয় যে অগ্ন্যাগ্নি জাতিদের হৃদয় নেই। এর কারণ অগ্নি কারো সঙ্গে আমাদের এ জাতীয়

সম্পর্ক নেই। যদি কোনো দিন হয় তবে হৃদয়জয়ের একই অস্ত্র ব্যবহৃত হবে।”

“তুমি থাকে হৃদয় জয় বলছ,” ব্লিজার্ড দৃষ্টান্ত করে বললেন, “সেটা পকেট জয়। তোমরা আমাদের কাপড়ের কলগুলো জখম করেছ, এর পরে আর কী কী জখম করবে তোমরাই জান।”

ফেয়ারফিল্ড বললেন, “বেশ করেছ। আমাদের হৃদয় ত আমাদের পকেটে।”

“সেইখানে হাত ঢুকিয়ে একদিন হুংপিঙের নাগাল পাব, জানি। কিন্তু রহস্য থাক। ল্যাক্সাশায়ারের জখমের জগ্গে আমরা দুঃখিত। কী করা যায়! যুদ্ধমাত্রেরই পরিণাম জখম। অহিংস হলেও তা যুদ্ধ। কিন্তু আমরা আপনাদের বন্ধুতা চাই, সেইজগ্গে আমাদের অস্ত্র আপনাদের আর্থিক বিপর্যায় ঘটালেও এমন কোনো অহিত করবে না যাতে বন্ধুতা পরাহত হয়।”

স্বধীর কণ্ঠস্বরে বজ্রের দৃঢ়তা, কিন্তু তার উচ্চারণ কুসুমকোমল।

আর্থিক বিপর্যায় শুনেই কারো কারো চক্ষু চড়ক গাছ। দু’চার লাখ সৈনিকের মৃত্যু তার তুলনায় ছেলেখেলা।

“আর্থিক বিপর্যায়?” টাউনসেণ্ড কী যেন শুঁকলেন।

“না, বোলশেভিজম নয়।” স্বধী হাসল। “বোলশেভিকরা হৃদয় জয় করে না, অস্ত্রের পরিবর্তনে আত্মহীন।”

টাউনসেণ্ড বিনা বাক্যে বললেন, তাই বল!

ফেয়ারফিল্ড জানতে চাইলেন পুরাতন অস্ত্রের সঙ্গে বলপরিচালনা নতুন অস্ত্রের কতটুকু আশা।

স্বধী বলল, “ষোলো আনা। পুরাতন অস্ত্র দিয়ে পুরাতন অস্ত্র ঠেকানো যায়, তাতে জয়ের আশা আট আনা আট আনা। কিন্তু

নতুন অস্ত্র দিয়ে পুরানো অস্ত্রকে একেবারে একেজো করে দেওয়া যায়। শুল্জে তরোয়াল ঘোরালে কেউ না কেউ কাটা পড়তে পারে, কিন্তু কাটবার আনন্দে কি সৈনিক যুদ্ধে যায়? ও ত কসাইয়ের কাজ। সৈনিক চায় তলোয়ারের সঙ্গে তলোয়ারের ঝড়না। সৈনিক চায় মারণের সঙ্গে মরণের উত্তেজনা। যেখানে মরবার ভয় নেই, কেবল মারবার ধুম, সেখানে সৈনিকের স্বর্থ নেই, তার অস্ত্রেরও অতৃপ্তি। সুতরাং পুরাতন অস্ত্র নতনের কাছে নিশ্চিভ।”

“কী জানি!” ফেয়ারফিল্ড্ চিন্তিত হলেন। “তোমার উজ্জ্বল হয়ত সত্য। কিন্তু আমার অভিজ্ঞতা অল্পরূপ। আমি এমন সৈনিকও দেখেছি যারা পৈশাচিক ভাবে অত্যাচার করেছে, নিরস্ত্রদের নিরীহতার সুযোগ নিয়েছে। কসাই ওদের চেয়ে ভালো, কারণ কসাই ত স্বজাতিহিংস্রক নয়, কসাই ত মানুষ মারে না। প্রার্থনা করি তোমাদের দেশে অমৃতসরের পুনরাবৃত্তি না ঘটুক। কিন্তু অগুহ্র ঘটতে পারে। ইংলণ্ডে ঘটতে পারে। কাজেই তুমি আমাদের পুরাতন অস্ত্র বর্জন করতে বোলো না। আট আনা ভরসাও কম নয় হে। এক আধ আনার চেয়ে বেশী।”

সুধী মাথা নোয়াল। এ নিয়ে কি তর্ক করা চলে!

ব্লিজার্ড বললেন, “তা হলে শাস্ত্রবাদের নাম করা কেন? এ পাট তুলে দিলেই হয়।”

“না, শাস্ত্রবাদেরও প্রয়োজন আছে। কিন্তু তার অর্থ collective security. কোনো নেশন যুদ্ধ বাধালে বাকী সব নেশন মিলে sanctions প্রয়োগ করবে। তাতেও যথেষ্ট শিক্ষা না হলে মারণাস্ত্র প্রয়োগ করবে। ক্রিস্তানের কর্তব্য হচ্ছে দুর্বলের রক্ষণ, দুষ্টির দমন।”

সুধীর সঙ্গে যার সবচেয়ে মতের মিল তাঁর নাম ম্যাক্স আণ্ডারহিল।
মধ্যবয়সী, স্বগঠিতদেহ, কৃষ্ণিত কেশ, গ্রীক স্ট্যাচুর মত দেখতে।

তিনি সুধীর পক্ষ নিয়ে বললেন, “ঈশ্বর না থাকলে যেমন ঈশ্বরকে
উদ্ভাবন করতে হয় তেমনি নতুন অস্ত্রকে। পুরাতন অস্ত্রের উপর
ভরসা রাখা মানে ত পরস্পরের সঙ্গে পাল্লা দিয়ে মারণাস্ত্রনির্মাণ। তার
কি সীমা আছে?”

ফেয়ারফিল্ড বললেন, “ঐ যে বলেছি, collective security.
সকলের অস্ত্র একত্র করবার ব্যবস্থা থাকলে পাল্লা দেবার প্রস্নই ওঠে না।”

“নিশ্চয় ওঠে।” ম্যাক্স মাফ চাইলেন। “অবশিষ্টের ইচ্ছার
বিকল্পে যে নেশনটা বিগ্রহ বাধাবে সে কি প্রস্তুত না হয়ে বাধাবে?
তাঁর প্রস্তুত হওয়া, অবশিষ্টের সঙ্গে পাল্লা দিয়ে মারণাস্ত্র সংগ্রহ করা।
তার সঙ্গে পাল্লা দিয়ে অবশিষ্টও তাই করবে। কে জানে সেই নেশনটা
কোন নেশন, কত দূর তার দৌড়! যদি রাশিয়া হয় তবে তার পাল্লার
পরিধি অনেক দূর। হুতরাং আমরা যদিও অবশিষ্টের সামিল তবু
আমাদের ভাগে অস্ত্রশস্ত্রের পরিমাণ খুব বেশী না হলেও খুব কম পড়বে
না, স্ট্যান।”

জন প্রতিবাদ জানালেন। রাশিয়া, তিনি বললেন, সে নেশন নয়।
রাশিয়া কারো সঙ্গে যুদ্ধ বাধাতে চায় না, বাধাতে চায় ফাসিস্ট ইটালী।

ফেয়ারফিল্ড বললেন, “যদি খুব বেশী না পড়ে তবে তোমার উক্তি
তোমার যুক্তির প্রতিকূল। নতুন অস্ত্রের আবশ্যকতা ভারতবর্ষের মত
নিরস্ত্র দেশে রয়েছে, যদিও তার সাফল্য সম্বন্ধে আমি সন্দেহান।
এ দেশে তার আবশ্যক কী?”

“সেই কথাই বোঝাতে চেষ্টা করছি।” ম্যাক্স বললেন, “আমি রাশিয়ার দৃষ্টান্ত দেওয়ায় জন আমাকে সাম্যবাদবিরোধী সমঝেছে। আচ্ছা, এবার উদাহরণ দিই রুরিটানিয়ায়। রুরিটানিয়া যদি বিশ বছর ধরে লুকিয়ে লুকিয়ে তৈরি হতে থাকে তবে বিশ বছরের শেষে হঠাৎ আমাদের ঘুম ভাঙবে। আমরা দেখব আমাদের ও রুরিটানিয়া ব্যতীত অন্যান্য দেশদের যেসব মারণাস্ত্র আছে সে সব একত্র করলেও জয়ের আশা নেই। আমরা তখন উদ্ধ্বাসে অঙ্গনির্মাণ আরম্ভ করে দেব। কিন্তু তার আগে রুরিটানিয়া হয়ত গোটাকয়েক দেশকে ঘায়েল করে তাদের অস্ত্রশস্ত্র কেড়ে নিয়েছে। পরের বলে বলীয়ান হয়ে সে যখন আমাদের অভিমুখে অগ্রসর হবে তখন অবশিষ্ট নেশন বলতে হয়ত পাঁচটি কি সাতটি। স্ট্যান, তখন তোমাকে বাধ্য হয়ে উদ্ভাবন করতে হবে নতুন অস্ত্র, যে অস্ত্রের ব্যবহার রুরিটানিয়া জানে না। স্ট্যান, এমনি করে ইতিহাস সৃষ্টি হয়। যাদের সমপরিমাণ প্রস্তরাস্ত্র ছিল না তারা বৃদ্ধি খাটিয়ে ধাতব অস্ত্র উদ্ভাবন করেছিল। কোণঠাসা হয়ে মানুষ ক্রমাগত নতুন অস্ত্র উদ্ভাবন করে এসেছে, আমাদের যুগে সেই নতুন অস্ত্র হচ্ছে নিষ্ক্রিয় প্রতিরোধ।”

এবার কণ্ঠক্ষেপ করতে হল সুদীকে। “নিষ্ক্রিয় প্রতিরোধ কথাটি আমার নয়, কারণ আমার দেশে যে অস্ত্রের পরীক্ষা চলেছে তা সর্বতোভাবে সক্রিয়, যদিও তার দ্বারা কারো প্রাণহানি অঙ্গহানি বা যাতনাবোধ ঘটবে না। কষ্ট যা কিছু তা মনের।”

“এবং,” ব্লিজার্ড চোখ টিপলেন, “পকেটের।”

“না, পকেটেরও নয়। প্রতিপক্ষ ইচ্ছা করলে লুটের ধনে পকেট বোঝাই করতে পারে। ক্রিস্চানরা ক্লোক চাইলে কোর্টটাও দেন। আমরা বলি, ওধু কোট কেন, সব নাও, নিয়ে বিদায় হও।”

‘কেউ কেউ হেসে উঠলেন, কিন্তু কারো কারো বৃকে তীর বিধল।

“আমরা ত বিদায় হতেই চাই,” গম্ভীরভাবে বললেন মিস মার্শল, “কিন্তু নাবালকদের প্রতি আমাদের ত একটা ঐতিহাসিক দায়িত্ব আছে। আমরা চলে এলে মাইনরিটিদের যে কী দশা হবে তাই ভেবে আমাদের আসার দেরি হচ্ছে। কিন্তু আসবই আমরা একদিন। থাকব না, ঠিক জেনো।”

“ধন্যবাদ।” সুধী হাসি চাপল। “নাবালকরা ততদিনে সাবালক হয়ে থাকবে। প্রত্যেকেই এক একটা মেজরিটি।”

মুরিয়েল সুধীকে চোখের ইশারায় নিবৃত্ত হতে বললেন। সুধীও জানত যে ভারত সম্বন্ধে অধিকাংশেরই একটু দুর্বলতা ছিল। এমন কি স্বয়ং ফেয়ারফিল্ডের। যদিও জালিয়ানওয়ালাবাগের পরে তিনি নিজের দেশকে অভিশাপ দিয়ে প্রবন্ধ লিখেছিলেন। কথায় কথায় এখনো তিনি বলে থাকেন, “ইংলও যদি সত্যিকার ক্রিস্চান হয় তা হলে তার স্থান আছে ভারতে। ভারত খ্রীষ্টকে চেয়েছিল বলেই ইংলওকে পেয়েছিল।”

ম্যাক্স বললেন, “নতুন অস্ত্র যে উদ্ভাবন করতে হবে এটা আমার বিচারে ঐতিহাসিক প্রয়োজন। তবে দেশভেদে তার প্রকারভেদ থাকবে, নামভেদও প্রকারভেদের আনুষঙ্গিক। সুতরাং সুধীর সঙ্গে আমি ও নিয়ে তর্ক করব না। ওঁর দেশ সম্বন্ধে উনিই প্রকৃষ্ট বিচারক।”

“নিশ্চয়। নিশ্চয়।” স্বীকার করলেন ফেয়ারফিল্ড। “কিন্তু আমার বক্তব্য হচ্ছে এই যে নূতনের মোহে আমরা যেন পুরাতনকে না ছাড়ি। জান ত, পুরানো পিদিমের বদলে নতুন পিদিম নিয়ে আলোদিনের কী বিপদ ঘটেছিল।”

টাউনসেণ্ড এতক্ষণ এক মনে নোট লিখছিলেন। স্বধীকে স্থাধলেন, “তুমি বলছিলে নতুন অস্ত্রে সাফল্যের সম্ভাবনা ষোলো আনা। তুমি কি স্থির জ্ঞান ষে ওটা অতিরঞ্জন নয়?”

স্থধী ফাঁপরে পড়ল। চিন্তা করে বলল, “যার দই সে ত. ভালো বলবেই। অস্ত্রটা ভারতের স্বকীয়, অস্ত্রত ব্যাপকভাবে ওর প্রয়োগ অগ্রহ হয়নি। ভারতসম্ভান আমি, ওতে আমার সম্পূর্ণ বিশ্বাস আছে, একমাত্র ওরই দ্বারা আমরা স্বরাট হব, একটা বিরাট ভূখণ্ডের আশাআকাঙ্ক্ষার রাগে রঞ্জিত আমার উত্তর কি অতিরঞ্জিত হয়েছে, সার?”

টাউনসেণ্ড আশ্বাস দিয়ে বললেন, “অতিরঞ্জনের জন্তে অপরাধী করছিনে। জ্ঞানতে চাইছি বাস্তবিক সাফল্যের সম্ভাবনা কতটুকু বা কতখানি। তুমি ভারতসম্ভান হিসাবে উত্তর না দিয়ে মানবসম্ভান হিসাবে উত্তর দাও দেখি। ষে কোনো দেশে ওর সম্ভাবনা কত দূর—পুরাতন অস্ত্রের সঙ্গে তুলনায়?”

স্থধীকে রীতিমত মনন করতে হল। টাউনসেণ্ড চান বৈজ্ঞানিক উত্তর। এমন উত্তর যাতে আশাআকাঙ্ক্ষার অনুরঞ্জন থাকবে না।

“ঐ এখনো অপরীক্ষিত তার বিষয়ে ষাই বলি না কেন কতক পরিমাণে আশারঞ্জিত হবেই। ষোলো আনার স্থলে সাড়ে তিন আনা বললেও বৈজ্ঞানিকের বিচারে ঠিকবে না। অতএব আমি ষোলো আনাই বলব, ষে কোনো দেশে ষোলো আনা।” স্থধী শৈলের মত অবিচল রইল।

“তুমি ভয়ঙ্কর লোক।” টাউনসেণ্ড হাসলেন।

“নতুন অস্ত্র,” ম্যাক্স বললেন, “যদি উদ্ভাবন করতে হয় তবে ষোলো আনা সাফল্যের সম্ভাবনা তার অন্তর্নিহিত বলে ধরে নিতে হবে।

নতুবা উদ্ভাবনের কোনো অর্থ হয় না, বেন। তুমি কি মনে করেছ সাড়ে তিন আনা সাফল্যের জগ্রে নতুন অস্ত্র ও সাড়ে বার আনা সিদ্ধির জগ্রে পুরানো অস্ত্র ব্যবহার করবে? দুই একসঙ্গে বা পর্যায়ক্রমে ব্যবহার করা চলে না, বেন।”

তার উক্তি যুগপৎ সমর্থন ও সংশোধন করে সুধী বলল, “দুই একসঙ্গে চলতে পারে না, ম্যাক্স, কিন্তু পর্যায়ক্রমে চলতে পারে বৈকি। রুরিটানিয়ার আক্রমণ প্রত্যাহত করতে পুরাতন অস্ত্র যদি ব্যর্থ হয় তবে যে কোনো দেশ একাকী দাঁড়াতে পারে নতুন অস্ত্র হাতে নিয়ে। কিন্তু তার আগে তাকে স্বেচ্ছায় নিরস্ত্র হতে হবে, যদি অনিচ্ছায় নিরস্ত্রীকৃত হয় তা হলে স্বেচ্ছায় পুরাতন অস্ত্রের মায়া কাটাতে হবে। নতুন অস্ত্রে যার ষোলো আনা বিশ্বাস নেই তার ষোলো আনা সিদ্ধি নেই, আর নতুন অস্ত্রে ষোলো আনা বিশ্বাস মানে পুরানো অস্ত্রে ষোলো আনা অবিশ্বাস।”

ম্যাক্স বলিলেন, “আমিও ঠিক সেই কথাই বোঝাতে চেষ্টা করেছি, সুধী।”

টাউনসেণ্ড বললেন, “ম্যাক্স, তোমাকে আমরা ভারতবর্ষে পাঠাব। তুমি নিজের চোখ কান খোলা রেখে পরিমাপ কোরো ওদের সাফল্য। আমার নিজের মনে হয় সুধীর কথার পিছনে কিছু অভিজ্ঞতা আছে, কিন্তু অভিজ্ঞতার ভাগ যদি হয় সাড়ে তিন আনা ত অভিলাবের ভাগ সাড়ে বারো আনা। আমার সন্দেহ হয় মাটিতে একটি আঙুল রেখে বাকী নয়টা আঙুলে ওরা শূণ্যে দাঁড়াতে চাইছে। কিন্তু আমরা ইংরাজরা বাস্তববাদী, আমরা দশটি আঙুল দিয়ে মাটিতে দাঁড়িয়ে দুই হাতে আকাশের চাঁদ পাড়তে চাই। আমরা আদর্শকে ভালোবাসি বলে বাস্তবকে ভুলতে পারিনে। চাঁদ আমাদের প্রিয়, কিন্তু পৃথিবীও প্রিয়।”

টেবল বাজিয়ে এত জন সায় দিলেন যে টাউনসেণ্ডকে দেখে মনে হল তিনি সেদিনকার যুদ্ধে জিতেছেন।

ফেরবার পথে মুরিয়েল বললেন স্বধীকে, “শুনলেন ত। আমরা ইংরাজরা মাটিও ছাড়ব না, চাঁদও পাড়ব। পুরাতন অস্ত্র যেন মাটি, নতুন অস্ত্র যেন চাঁদ।”

স্বধী হেসে বলল, “আমরা ভারতীয়রাও কম ঘাইনে। আমাদের অনেকের ধারণা নতুন অস্ত্রে স্বরাজ লাভ করলেও স্বরাজ রক্ষা করা অসম্ভব, তার জন্তে লাগবে পুরানো অস্ত্র। কাজেই আমরা অহিংসার ম্যাটিক্যুলেশন পাশ করে তার পরের দিনই নাম লেখাব হিংসার কলেজে।”

“তা হলে আপনাদের মনোভাব আমাদেরই মত।”

“ঠিক উল্টো। হিংসায় আপনাদের বিশ্বাস টলেছে, আপনারা তবু তাকে ছাড়তে পারছেন না প্রাকটিকাল কারণে। হিংসায় আমাদের অটল বিশ্বাস, সেই আমাদের ছেড়েছে বলে আমরা অহিংসার নিশান ধরেছি। এই অস্তুর্ধ্বন্দের অবসান না হলে আমাদের দ্বারা কোনো মহৎ কাজ হবে না, দিদি। তবে আশা আছে—” স্বধী আকাশের দিকে তাকায়। সেদিন চাঁদ ছিল।

৬

স্বধীর নিজের তেমন কোনো অস্তুর্ধ্বন্দ নেই, স্বধী সে হিসাবে স্বধী। কিন্তু মানুষের জগতে বহির্ধ্বন্দ আছে, স্বধীও মানুষ, তাকেও বহির্ধ্বন্দের দিনে অস্ত্র ধরতে হবে। সে অস্ত্র পুরানো না হয়ে নতুন হলেও তা অস্ত্র, তার সঙ্গে নিজের ও পরের ক্ষয়ক্ষতি জড়িত। তার

দ্বারা হৃদয় জয় করতে চাইলেও জ্বালার উপশম হয় না। জ্বালা উভয় পক্ষেরই।

সহিংস হোক অহিংস হোক সংঘর্ষমাত্রেরই দুঃখের। সংঘর্ষ যাতে না বাধে, যাতে নিবারিত হয় সেই প্রয়াসই প্রাথমিক কর্তব্য। কিন্তু সকলের সব চেষ্টা বার্থ করে যদি একদিন ও জিনিষ বাধে তবে সহিংস কিম্বা অহিংস কোনো একটা অগ্নি হাতে নিতেই হবে। স্বধীও বাদ যাবে না, যেহেতু সে মানুষ। ননকোঅপারেশন আন্দোলনে স্বধীও যোগ দিয়েছিল, যেহেতু সে ভারতীয়। আর একটা আন্দোলন যে আসন্ন তা সে দেশের কাগজ পড়ে আন্দাজ করতে পারছিল। সংসার প্রবেশের সঙ্গে সঙ্গেই হয়ত সংগ্রাম প্রবেশ। এ কথা মনে হলোই স্বধীর মন কেমন করে।

ইংলণ্ডকে সে বাদলের মত স্বদেশ বলে গ্রহণ করেনি, কিন্তু স্বদেশের মত ভালোবেসেছে। এর একটি বর্ণ মিথ্যা নয়। যেমন এ দেশের প্রকৃতি তেমনি এ দেশের মানুষ, দুই তার কাছে আপনার। কাকে বেশী পছন্দ করে, প্রকৃতিকে না মানুষকে, তা সে বলতে পারবে না। কিন্তু ছাড়তে চায় না কাউকেই। উপায় নেই, ছাড়তেই হবে। জীবনটাই একটানা একটা ত্যাগ। তার পদে পদে প্রিয়জনকে পিছনে ফেলে যেতে হয়। মাতৃগর্ভ ত্যাগ না করলে শিশু ভূমিষ্ঠ হয় না। মায়ের কোল ত্যাগ না করলে হাঁটতে ছুটতে খেলতে পায় না। একদিন খেলাঘর ত্যাগ করে পাঠশালায় চলে যায়, মা বেচারি কাঁদে।

আর কিছুদিন পরে স্বধী ইংলণ্ড থেকে বিদায় নেবে। সে বিদায় দুঃখের। কিন্তু তার চেয়ে আরো দুঃখের, বিদায়ের পরে সেই ইংলণ্ডের সঙ্গেই সংঘর্ষ। এত ভালোবাসা, এত সদ্ব্যবহার, আতিথ্য,

আলাপ, সম্পর্কস্থাপন, দিদি বলে ডাকা—সংঘাতের দিন এ সব কৌখায়-
রইবে! তবু ত তা অহিংস সংগ্রাম, বড় জোর পুকেটের উপর দাগ
রাখবে, হৃদয়ের উপর নয়। যদি সহিংস হত, তা হলে কি দুঃখ রাখবার
ঠাই থাকত? জার্মানে ইংরাজে ফরাসীতে কী করে সেবার লড়াই
বাধল, কী করে আবার বাধবে? ওরা যে নাড়ীর বাধনে বাধা!
স্বধীর মত কত স্বধী, মুরিয়েলের মত কত মুরিয়েল, আন্ট এলেনরের
মত কত আন্ট এলেনর ওদের ঘরে ঘরে।

ভোর না হতেই স্বধীর ঘুম ভেঙে যায়, সে তাড়াতাড়ি নিত্য কর্ম
সেরে বেরিয়ে পড়ে। মাঠে মাঠে বেড়ায়, ঘাসের ফুল কুড়ায়, পাখীর
ডাক শোনে, গাছের গড়ন লক্ষ করে, মানুষের সঙ্গে করে কুশলবিনিময়,
জেনে নেয় কোন ফুলের কোন পাখীর কোন গাছের কী নাম।
ইংরাজরা এ সব বিষয়ে ভারতীয়দের তুলনায় ওয়াকিববাহাল। দেশে
যেমন প্রকৃতি সম্বন্ধে প্রগাঢ় ঔদাস্ত্য বিলেতে তেমন নয়। স্বধী অনেক
সময় ভাবে প্রকৃতির সঙ্গে যাদের বিরোধের সম্পর্ক তারাই তার
প্রেমিক। ইউরোপের মানুষ পশুপাখী শিকার করে বলেই তাদের
খবর রাখে, চেনে ও যত্ন করে। আমরা অহিংস বলে উদাসীন।
অহিংসার এই দিকটা প্রীতিকর নয়। মানুষের সঙ্গে মানুষের
বিরোধের সম্পর্ক বলেই কি এত দেশভ্রমণ, সভাসমিতিতে যোগদান,
আমোদপ্রমোদে অভিনিবেশ? অহিংসার প্রাচুর্য হলে কি যে যার
দেশে একঘরে হয়ে অপরের প্রতি অন্ধ ও বধির হবে? তা যদি হয়
তবে অহিংসার বিপক্ষেও বলবার আছে।

প্রাতরাশের সময় স্বধী কুটীরে ফিরলে ফেরারকিল্ড, তাকে
কেপিয়ে বলেন, “কি হে। আজ কার গাড়ীতে চড়ে দিবিজয় করে
এলে?”

হয়েছিল কী, একদিন বেড়াতে বেড়াতে সূধী দেখল পিছন থেকে আসছে একখানা কার্ট অর্থাৎ এক-ঘোড়ার গাড়ী। সূধীর মনে পড়ল সূধীন্দ্র বসুকে একজন গাড়োয়ান একবার গাড়ীতে চড়ে ডেকেছিল। সে ত. আমেরিকায়। বিলেতে কি তেমন গাড়োয়ান আছে? সূধী ভাবছে, এমন সময় সত্যিই সে গাড়োয়ান গাড়ী থামিয়ে তাকে ডাকল। ডেকে বলল, “চড়বেন?” সূধী তার পাশে বসল। সেই যে বসল তার পরে নামল গিয়ে চার পাঁচ মাইল দূরে ভিন্ গাঁয়ে, গাড়োয়ানের ঘরে। তার সঙ্গে চা খেয়ে আরো কয়েক জায়গা ঘুরে, আরেক জনের বাড়ীতে ছপুয়ের খাবার খেয়ে, আবার সেই গাড়োয়ানের ওখানে চা খেয়ে সূধী সেদিন সন্ধ্যাবেলা ফিরল। ইতিমধ্যে ফেয়ারফিল্ড্ সর্বত্র লোক পাঠিয়েছেন তাকে খুঁজতে, মুরিয়েল তাকে না খাইয়ে খাবেন না বলে অতুল রয়েছেন। সূধী ভীষণ লজ্জিত হল এসব শুনে ও দেখে।

সূধী বলে, “না, আর দ্বিগুণে যাচ্ছিনে। আমার সেই ভাষণ এখনো সমাপ্ত হয়নি। লিখে শেষ করতে হবে।”

“ওহ্। তোমার সেই স্বপ্নমনোনয়ন? তুমি সেদিন বলছিলে তোমার দেশের পৌরাণিক বীরদের এক এক জনের এক একটি স্বমনোনীত আয়ুধ থাকত। তোমার মতে প্রত্যেক দেশেরও এক একটি স্বমনোনীত রণপদ্ধতি থাকে। স্পেনের যেমন গেরিলা, রাশিয়ার যেমন পোড়ামাটি তোমাদের তেমনি অহিংস অসহযোগ।”

সূধী বলে, “আমার বিশ্বাস জয়ের সর্ব হচ্চে স্বাধীনিক রণপদ্ধতি যে কী তা আবিষ্কার করা ও তাতেই লেগে থাকা। আমার দেশের অধিকাংশ মানুষ নিরামিশাষী। যারা জীবনধারণের ভুলে জীবহত্যা করে না তারা দেশের জন্তে নরহত্যা করবে, এ কি কখনো হয়?

অধিকাংশকে বাদ দিয়ে যদি মুষ্টিমেয়কে দিয়ে লড়াই করা হয় তবে তাতে জয়ের সম্ভাবনাও মুষ্টিপরিমেয়।”

ফেয়ারফিল্ড বলেন, “তা হলে, বাপু, এ দেশের অধিকাংশ মানুষ ত নিরামিশাযী নয়, এ দেশে তোমার রণপদ্ধতি সফল হবার কতটুকু আশা? কেন তবে তুমি টাউনসেণ্ডকে যোলো আনার আশা দিলে?”

স্বধী অপ্রস্তুত হয়ে কৈফিয়ৎ দেয়, “পুরাতন অস্ত্র যদি বার্থ হয় তবে আপনারা হয়ত ওর মায়া কাটানোর সঙ্গে সঙ্গে আমিষেরও মায়া কাটাবেন।”

ফেয়ারফিল্ড তখন ইংরাজোচিত আত্মপ্রত্যয়ের সহিত এই কথা কয়টি বলেন, “তার ঢের দেরি আছে।”

স্বধীর ভাষণ শাস্ত্রিবাদীদের বৈঠকে অম্লরূপ গুঞ্জন তুলল। নতুন অস্ত্রের সন্ধান নিতে সকলেই উৎসুক, কিন্তু তার জন্তে জীবনের ধারা পরিবর্তন করতে বিশেষ কারো উৎসাহ দেখা গেল না। নিরামিশাযীর সংখ্যা দিন দিন বাড়ছে। সে দিক থেকে স্বধীর সমর্থকের অভাব হল না। কিন্তু স্বধীর প্রধান যুক্তি তা নয়। স্বধী চায় স্বাচ্ছন্দ্য পরিহার। স্বধী বলে খাওয়া কমাতে হবে, পরা কমাতে হবে, উপকরণের ভার লাঘব করতে হবে, উপনিবেশ বা অধীন দেশ থেকে এমন কিছু আমদানি করা চলবে না যাতে তাদের টান পড়ে, উপনিবেশে বা অধীন দেশে এমন কিছু রপ্তানী করা চলবে না যাতে তাদের শিল্প ধ্বংস হয়। এক কথায় যে জীবন শোষণের উপর প্রতিষ্ঠিত তার পরিবর্তে যে জীবন শোষণসংক্রমণেই সে জীবন বরণ করতে হবে। তা হলেই মরণ বরণ করা সহজ হবে, যারা মরতে প্রস্তুত তাদের পরাভব নেই।

“মরতে প্রস্তুত কে নয়? যে টর্পেডো ছোড়ে, ট্যাক চালায়,

আকাশে ওড়ে, বোমা ফেলে সেও ত মরতে প্রস্তুত। শোষণ অবশ্য পরিতাপের বিষয়, কিন্তু তার দক্ষণ কেউ মরতে কুণ্ঠিত হয়েছে বলে ত জানিনে।” বললেন সার চার্লস্ হোল্ট্রবী।

স্বধী নিবেদন করল, “আমিও জানিনে, কিন্তু আমার বাক্যের তাৎপর্য এই যে কোনো দিন যদি কোনো কারণে মারণাস্ত্র ফুরিয়ে যায়, কম পড়ে বা তুলনায় নিকুণ্ঠ হয় তবে যারা মরতে প্রস্তুত হয়ে যুদ্ধে নেমেছিল তারাও কুণ্ঠিত হয়ে পিছু হটে। পিছু হটে না কেবল তারাই যাদের জীবনযাপনের প্রণালী এমন যে তাতে পরস্বাপহরণের ঈদৃশিত নেই, যাদের বিবেক সম্পূর্ণ অমলিন।”

“কিন্তু এর সঙ্গে নতুন অস্ত্রের কী সম্পর্ক! তুমি যাদের কথা বলছ তারা শোষণকার্থ্যে বিরত হলে মারণাস্ত্রের অভাব কিম্বা অপকর্ষ সত্ত্বেও মারে এবং মরে, পিছু হটে না। স্বধী, তোমার ও যুক্তি সোশ্যালিস্টদের। অহিংসকদের নয়।” সমালোচনা করেন ম্যাক্স আগারহিল।

“ঠিক।” সায় দেন জন ব্লিজার্ড।

“আমিও,” স্বধী ঘোষণা করল, “কতকটা সোশ্যালিস্ট। কিন্তু থাক ও কথা। আমার গবেষণার ফল হচ্ছে এই যে শোষণবিরতির সঙ্গে মরণবরণের গভীরতর সম্পর্ক আছে, সেটা সব যুদ্ধে প্রকাশ পায় না, পায় প্রধানত ছ’রকম যুদ্ধে—সোশ্যালিস্ট যুদ্ধে ও অহিংস যুদ্ধে। কাজেই আমার যুক্তি সোশ্যালিস্ট ও অহিংসক উভয়েরই অহুকূল। কতক দূর পর্য্যন্ত জন ও আমি এক পথের পথিক। তফাৎ এইখানে যে আমি মারব না, মরব, উনি মারবেন ও মরবেন।”

অহিংসার সঙ্গে সোশ্যালিজমের প্রচ্ছন্ন সম্পর্ক অনাবৃত হবার পর শান্তিবাদী মহলে স্বধীর পসার মাটি হল। ধারা এত দিন তাকে একজন

ছদ্মবেশী ক্রিস্চান বলে সমাদর করছিলেন তাঁরাই এখন তাকে একজন ছদ্মবেশী সোশ্যালিস্ট বলে অনাদর করলেন। এর পরে তার অহিংসাকেও একটা ছদ্মবেশ বলে সন্দেহ করা হল। হিংসার ছদ্মবেশ।

ফেয়ারফিল্ড্ কিন্তু খুশি হলেন। বললেন, “আমি যে অহিংসক নই তা ত তুমি জান। আমি সোশ্যালিস্টও নই। তোমার সঙ্গে তবে কিসের মিল? অমলিন বিবেকের। আমি যদি যুদ্ধে নামি আমার বিবেক নির্মল হবে না, যদি না করি যেদিনকার রুটি সেই দিন রোজগার। একজন ক্রিস্চান, একজন সোশ্যালিস্ট ও একজন অহিংসক, এরা অনেক দূর পর্য্যন্ত একই পথের পথিক।”

কথা ছিল স্বধী ছ’ হুগা ফেয়ারফিল্ড্দের সঙ্গে কাটিয়ে পরে অগ্ন্যুত্তর বাসা করবে ও বাদলকে ডাকবে। কিন্তু ঘটল তার বিপরীত। নীলমাধব লিখলেন, বাদলকে নদীর বাধ থেকে ধরে আনা গেছে। যথাসময়েই আনা গেছে বলতে হবে, কেননা ডাক্তারের মতে ওটা নিউরাস্থীনিয়া।

স্বধী পত্রপাঠ বিদায় নিল। ফেয়ারফিল্ড্ এবার নিম্নেই স্টেশন অবধি এলেন, স্বধীর আপত্তি কানে তুললেন না। স্বধীর প্রতি তাঁর শেষ বাণী, “My son, you must be thoroughly equipped.”

বাদলের জন্তে তার মন ভালো ছিল না। কিন্তু মন ভালো না থাকার আরো কারণ ছিল। পরকে সে যে উপদেশ দিয়ে এল তা কি তার নিজের বেলায় প্রযোজ্য নয়?

ইংলণ্ড, যেমন ভারতের মহাজন ও জমিদার সেও কি তেমনি তার গ্রামের নয়? খাজনা ও স্বদের টাকা নিলে যদি কারো বিবেকে ময়চে ধরে তবে কি তা কেবল ইংলণ্ডের বিবেকে, স্বধীর বিবেকে—তার মত

উপস্বত্বভোগীদের বিবেকে নয়? গ্রামের উপস্বত্ব গ্রামে ব্যয় করলেই কি বিবেকের মানিয়া মোছে? খরচা দিলেই যদি মরচে ঘুচত তবে ইংরাজকে বললেই ত হয়, “সাহেব, আমার দেশ থেকে যা নিচ্ছ তা আমার দেশেই খরচ কর।” তা হলে শোষণবিবর্তির প্রেক্ষাপট নষ্ট না দিয়ে শোষণ অক্ষুণ্ণ রেখে তোষণের ব্যবস্থাপত্র দেওয়া উচিত।

না, তা হলে ভারতের আত্মসম্মানে যা লাগে। আত্মসম্মান কি তবে চাষী খাতকের নেই? তাদের যেদিন আত্মসম্মানবোধ প্রথর হবে তারাও কি সেদিন বলবে না, “দা’ঠাকুর! গোক মেরে জুতো দান নাই করলেন। আমরা চাই জ্যাস্ত গোকটা।”

স্বধী আপনাকে একাত্ম করতে চায় ছোট বড় সকলের সঙ্গে। কিন্তু ছোটতে বড়তে যে সম্পর্ক সেটা ইঙ্গ-ভারতীয় সম্পর্ক। গ্রামে ধনব্যয় করলেই কি উৎপাদক ও উপস্বত্বভোগীর সম্পর্ক বদলে যাবে? ইংলণ্ডকে যে পরিবর্তনের উপদেশ দেওয়া গেল তা কি কেবল ইংলণ্ডই সীমাবদ্ধ থাকবে, দেশীয় ভূস্বামী গোস্বামী বণিক ধনিকদের জীবনে প্রসারিত হবে না? সম্পর্কের পরিবর্তনই যদি প্রকৃত পরিবর্তন হয় তবে স্বধীকেও করতে হবে সম্পর্কেরই পরিবর্তন। গ্রামের লোকের সঙ্গে তার সম্পর্ক মহাজন ও খাতকের সম্পর্ক হবে না, তালুকদার ও রায়তের সম্পর্ক হবে না। এ যদি না হয় তবে যেদিন ইঙ্গ-ভারতীয় সম্পর্ক বদলাবে তার পরের দিন ছোট-বড়’র সম্পর্ক ছোট’র অসহ হবে। স্বধীর মহাজনী ও তালুকদারী তখন স্বধীকে করবে ওদের চোখের বালি। দা’ ঠাকুরকে তখন ওরা দা নিয়ে কাটতে না আসে!

আমরা স্বাধীন হবই এ যেমন আমাদের ভীষ্মের প্রতিজ্ঞা, আমরা স্বাধীনতা দেবই এও তেমনি আমাদের দধীচির সঙ্কল্প।) গ্রামের লোককে

জানাতে হবে, বিশ্বাস করাতে হবে যে তারা যদি না স্বেচ্ছায় দেয় তবে আমরা স্বদ ও খাজনা নেব না। যদি স্বেচ্ছায় দেয় তবে বেশীর ভাগ তাদেরই জম্মে খরচ করব। সম্পর্কের পরিবর্তনের জম্মে আমরা সব সময় প্রস্তুত, তারা যদি মনে করে যে তারাও প্রস্তুত তবে দা'ঠাকুরকে দা নিয়ে কাটবার দরকার নেই, দা'ঠাকুর মহাজনী কারবার গুটিয়ে নেবেন ও তালুকদারীতে ইস্তফা দেবেন।

ভারাক্রান্ত মন নিয়ে সুধী প্যাডিংটনে পৌছাল। হামারস্মিথে নীলমাধবের বাসা একটা দোকানের নীচের বেস্মেন্টে। দোকানটা তার ও তার বান্ধবীর। স্বরলিপির দোকান। সেখানে বাদলকে এক কোণে বসিয়ে পাহারা দিচ্ছিল নীলমাধব। তার বান্ধবী কোথায় বেহালা বাজাতে গেছিলেন।

সুধীকে দেখে বাদল যেন প্রাণ পেল। সুধীও বাদলকে বুকে বেঁধে তার চুলে হাত বুলিয়ে দিল। ক'টাই বা চুল! টানতে টানতে বাদলই প্রায় নিমূল করেছিল।

“তার পর, বাদলা।” সুধী বলে আবেগজড়িত কণ্ঠে। বাদল যে শয্যাশায়ী নয় এই আনন্দের সঙ্গে যোগ দিয়েছিল বাদল যে সত্যিই অসুস্থ এই উদ্বেগ।

“সুধীদা,” বাদল আর সবুর করতে পারছিল না, “নীচে চল, তোমার সঙ্গে কথা আছে।”

নীলমাধব তাদের নীচে বসিয়ে উপরে ফিরে গেল দোকান আগলাতে। যতরকম গাইয়ে বাজিয়ে তার খবিস্কার, সেইসব গুণীজনদের গুনগুনানি শুনে তার দিবস কাটে। বাদল কিন্তু অতিরিক্ত হয়ে উঠেছিল এই ক'দিনে।

“এইখানে তোরা থাকিস, তোরা কষ্ট হয় না?” সুধী সুধায়।

“আর কষ্ট!” বাদল ফুৎকার করে। “কষ্ট দেখতে দেখতে আমার কষ্টবোধ অসাড়। নইলে বেস্মেণ্টে কি মাতুষ থাকে!”

সুধীও কখনো বেস্মেণ্টে বাস করে নি। ভাবল বাদলকে সরাসরেই হবে অল্প কোনোখানে। কিন্তু কোনখানে?

“শুনবে আমি কী উপলব্ধি করেছি?” বাদল কম্পিত স্বরে বলল। শুধু স্বর নয়, তার হাত পাও কাঁপছিল।

“শুনি?” সুধী আশ্চর্য হচ্ছিল, ওসব কি নিউরাস্থেনিয়ার লক্ষণ!

“সুধীদা,” বাদল বলল ভাঙা গলায়, “এ যুগের মূল স্বর মুক্তি নয়, সাম্য। লিবার্টি নয়, ইকুয়ালিটি। এ যুগের চাষী চায় জমিদারের সমান হতে, মজুর চায় মালিকের সমান হতে, শূদ্র চায় ব্রাহ্মণের সমান হতে, কৃষ্ণাঙ্গ চায় শ্বেতাঙ্গের সমান হতে। যে কোনো মাতুষের মূল বিশ্লেষণ করলে দেখা যাবে সে চায় তার উপরওয়ালার সঙ্গে সাম্য, এবং এই চাওয়াই তার পরম চাওয়া। আমার যুগের মাতুষ আমার সঙ্গে পা ফেলে চলবে কী করে? আমার জীবনের মূল স্বর যে লিবার্টি।”

সুধী সন্তোষে বাদলের মুখ নিরীক্ষণ করছিল। শুনছিল কি না সেই জানে, কিন্তু বহুদিন পরে বন্ধুকে দেখে সে পূর্ণ কলসের মত নিঃশব্দ হয়েছিল।

“আমার কথা কেউ শুনবে না, সুধীদা, আমার কণ্ঠস্বর যতই জোরালো হোক। তোমার কথাও কি কেউ শুনবে! আমার যেমন লিবার্টি বা মুক্তি তোমার তেমনি Fraternity, মৈত্রী। এ যুগ তোমার কিছা আমার নয়, মার্কসের ও লেনিনের। স্বীকার করতে কুণ্ঠা বোধ করি, কিন্তু স্বীকার না করলে সত্যের অপলাপ হবে যে তাঁরাই এ যুগের মূলস্বরের সঙ্গে কণ্ঠ মিলিয়েছেন, তাই তাঁদের কণ্ঠস্বর জোরালো। তাঁদের জোর আসছে অধিকাংশ মাতুষের কাছ থেকে,

নতুবা তাঁরা নির্জোর। আমি যদি এক শতাব্দী পরে জন্মাতুম আমারও কণ্ঠস্বরে জোরের জোয়ার আসত, কিন্তু সে জোয়ার লিবার্টির।”

বাদল এলিয়ে পড়েছিল। সুধী তাকে শুইয়ে দিল, দিয়ে তার পাশে বসল। বলল, “অত কাঁপছিস কেন? তোর কি শীত করছে?”

“উহু। কী করে তোমাকে বোঝাব? আমার মগজে যেন এক দল ধুতুরী তুলো ধুনছে। ঠক ঠক ঠাই ঠাই। ঠক ঠক ঠাই ঠাই। ঠাই ঠাই ঠাই ঠাই।” বাদল চোখ বুজল।

“আজকাল ঘুম কেমন হয়?”

“হয় না। হলে টের পাইনে।”

“তা হলে তুই ঘুমিয়ে পড়, আমি তোকে মাসাজ করি।”

সুধীর মাসাজের হাত ভালো। বাদলের তন্দ্রা আসছিল, তা সবেও সে বকবক করছিল।

“আমি তবে কেন থাকব? আমার দ্বারা ত এ যুগের মূল সমস্যার সমাধান হবে না। দুঃখমোচন? দুঃখমোচন বলতে আমি বুঝি মজুরি দাসত্বের উচ্ছেদ, মজুরদের লিবার্টি। কিন্তু তারা নিজেরা কি লিবার্টি চায়! তারা চায় যার চাকরি নেই তার চাকরি, যার চাকরি আছে তার আরো মজুরি। আরো মজুরির জন্তে তারা আরো খাটতেও রাজি, ছুটির দাবী তারা তখন করে যখন মজুরি বাড়বে না বলে জানে। রাষ্ট্রের মালিকানা, কলকারখানার মালিকানা তারা অস্তরে অস্তরে চায় কি? চাইলে মালিকদের সঙ্গে দরাদরি করত না, আপোষ করত না। মালিকের সমান হতে চাওয়াই ওদের চরম চাওয়া, সাম্যই ওদের মোক্ষ।”

নীলমাধব ঘরে ঢুকে সুধীকে কিছু ফলমূল দিয়ে গেল, কিছু দুধ ও কুটি। সুধী বলল, “বাদল, তুই খাবি?”

বাদল বলল, “আমার কিছু খেতে ইচ্ছা করে না। কোনোরকম কসরৎ নেই, দু’বেলা কড়া পাহারায় নজরবন্দী রয়েছি। তুমি আমাকে উদ্ধার কর, স্বধীদা।”

“ভাবছি কোনখানে তোরা সেবার স্নানোবস্ত হবে। কার্লস্‌বাদ গেলে কেমন হয়? সেখানে উজ্জয়িনী আছে।”

“তোমাকে বলিনি, আমার আজকাল জ্বল দেগলেই ঝাঁপ দিতে রোখ চাপে। চ্যানেল পার হবার সময় যদি জাহাজ থেকে লাফ দিই তুমি কি আমাকে খুঁজে পাবে?”

এটা কিসের লক্ষণ! স্বধী তটস্থ হল। বলল, “তা হলে কাজ নেই অত দূর গিয়ে। চল, আমরা হাম্পস্টেড অঞ্চলে একটা স্ল্যাট নিই। তোকে সেয়ে উঠতে হবে, বাদল।”

“আমার অস্থখটা যদি শরীরের হত তা হলে কেন সারত না? কিন্তু স্বধীদা, যারা তুলো ধুনছে তারা ধুনছে আমার মনকে। ঐ যে tension ওটা আমার মনের। শুধু আমার মনের নয়, ইউরোপের মনের। মনের relaxation না হলে শরীরেরও হবে না। আমাকে আলো দাও, আশা দাও, বোঝাও কী করে মানুষ মুক্ত হবে, শান্ত হবে। তবে ত অস্থখ সারবে।”

৮

নীলমাধব বহু কাল বিলেতে আছে। প্রথমে এসেছিল নির্কাসিত হয়ে, পরে যদিও গবর্ণমেন্টের নিষেধ নেই তবু বাঙ্কবীর আছে। অতএব তাঁর নির্বাসনদণ্ডই বহাল আছে বলতে হবে।

সকলে একে একে দেশে ফিরবে, সে ফিরতে পাবে না, এই বেদনা

তার অন্তরের অন্তরালে। সেইজন্তে সে বাংলা বলে এতটা দরদ মাখিয়ে, তার বাংলা গানেও এতখানি বিবাদ। সূধী তাকে তার স্বদেশপ্রেমের জন্তে শ্রদ্ধা করে। মমতা বোধ করে তার নির্বাসনের দরুণ। পক্ষপাতের আর একটা কারণ লোকটি কারো সাতেও নেই, পাচেও নেই। সকলের সঙ্গে সমানভাবে মিশলেও কখনো নিজেকে খেলো করে না। কেউ বিপদে পড়লে অযাচিতভাবে সাহায্য করে, যাচিত হলে ত কথাই নেই।

“ফ্ল্যাট জোগাড় করে দিতে হবে? তাই ত!” নীলমাধব বাদলের দশা দেখে দুঃখিত হল। “এখানে খুব কষ্ট হচ্ছে, বুঝতেই পারছি।”

“কষ্ট ওখানেও হবে।” বাদল বিরক্ত মুখে বলল।

“না, সে জন্তে নয়।” সূধী ভেঙে বলল। “বাদলের স্ত্রীকে চিঠি লিখতে যাচ্ছি, বাদলের খাশুড়ীও হয়ত আসবেন। ফ্ল্যাট ছাড়া উপায় কী!”

বাদল প্রতিবাদ করল না। নীলমাধব জানত যে মিসেস গুপ্ত তার খাশুড়ী। তারাপদকেও সে চিনত।

“ওহ্! তাই নাকি! আরে আগেই ও কথা বলতে হয়।” নীলমাধবকে একটু ব্যস্ত বোধ হল। “তা হলে আমি চললুম ফ্ল্যাটের সন্ধানে। ভালো কথা, তারাপদ কুণ্ডুর খবর শুনেছ?”

“কই, না?”

“খাক, বলব না। বলা বোধ হয় অজ্ঞায় হবে। সত্যি মিথ্যে জানিনে যখন।”

সূধী পীড়াপীড়ি করল না। কিন্তু বাদল চেপে ধরল। তারাপদ তার সর্বস্ব নিয়েছে। চেষ্টা করলে এখনো তার কাগজপত্র ফিরে পেতে পারে।

“আছে প্যারিসেই। কিন্তু ঠিকানাটা তেমন সুবিধের নয়। মানে, ভালো পাড়ার নয়। যাকে বলে লাল বাতির এলাকা।”

স্বধী জানত না ওর অর্থ। বাদলও সুবোধ। নীলমাধব ওর চেয়ে বেশী খোলসা করল না। শুধু বলল, “ও নাকি এখন বামার দালাল বনেছে।”

খবরটা শুনে বাদল ভয়ানক উত্তেজিত হল। স্বধী বলল, “চুপ। চুপ। তোর কিছু করার নেই। যা গেছে তা গেছে।”

“না, তা নয়। লোকটা কত মেয়ের সর্বনাশ করবে তাই ভেবে শিউরে উঠছি। পুলিশ কি ওর ঠিকানা জানে না?” বলল বাদল।

“নিশ্চয়।” নীলমাধব তাড়াতাড়ি তৈরি হয়ে বলল, অস্বস্ত প্যারিসের পুলিশ ত জানেই। কিন্তু পুলিশের যত দাপট রাজনৈতিক কর্মীদের বেলায়। তারাপদ এখন রাজনীতি থেকে অবসর নিয়েছে।”

বাদল ছটফট করতে থাকল। নীলমাধব ত্রস্ত হয়ে বলল, “ডাক্তারকে টেলিফোন করব?”

“করে কী হবে! ডাক্তার কি আমাকে বাঁচাতে পারবে?” বাদল বিহ্বল স্বরে বলল, “আমি চাইনে বাঁচতে এমন জগতে। পাপের প্রতিকার করতে না পারাও পাপ। সর্বনাশের প্রতিরোধ না করাও সর্বনাশ করা।”

স্বধী নীলমাধবকে বলল, “তুমি তবে বেরিয়ে পড়, মাধবদা। আমিই আপাতত ওর ডাক্তার। নাসও আমি. যতক্ষণ না উজ্জয়িনী এসে পৌছায়।”

বাদল চুপ করে পড়ে থাকল, কিন্তু তার মুখ ক্রোধে ক্রোধে বিকৃতিতে বিকৃত। স্বধী তার গায়ে হাত বুলিয়ে দিতে দিতে বলল, “তুলে যেতে চেষ্টা কর, বাদল। তোর আরোগ্যের প্রথম সর্প বিশ্বাস্তি।”

“কী ভুলব, সুধীদা ?”

“জগতের যা কিছু অশোভন, যা কিছু গর্হিত।”

“অমন করে,” বাদল বলল, “ছ’ভাগ করা যায় না, সুধীদা। ওটা অশোভন, ওটা ভুলব। এটা সুশোভন, এটা ভুলব না। এমন ক্ষমতা আমার ত নেই। আমি সব কিছু মনে রাখি। অসাধারণ আমার স্মরণশক্তি। সেই জন্যে আমার ঘুম হয় না। যদি ভুলতে শিপি ত ভালোমন্দ দুই-ই ভুলব।”

সুধী বলল, “চেষ্টা করলে ইচ্ছামত মনে রাখা ও ভোলা যায়।”

“বোধ হয় সেই কারণে তোমার স্বাস্থ্য এত ভালো। কিন্তু তোমার জ্ঞানের পরিধি সীমাবদ্ধ। তুমি জগতের অর্ধেক বস্তু দেখতে চাও না। প্রকৃতির সৌন্দর্য্য তোমার নয়ন হরণ করে, কিন্তু প্রকৃতি যেখানে রক্তাক্ত, নির্ধর, সয়তান, অপচয়শীল সেখানে তুমি অন্ধ। প্রাণীমাত্রেরই এক অপরকে ভক্ষণ করে, তবেই সম্ভব হয় প্রাণধারণ। তুমি কিন্তু চোখ বুজে ধ্যান করবে, নিখিল ব্রহ্মাণ্ডব্যাপী শান্তি।”

বাদল দুই হাতে চুল ছেঁড়ে। সুধী বাধা দেয়।

“আমি ভুলব না, ভুলতে পারিনে। আমি চাই সব কিছু ভেঙে নতুন করে গড়তে। প্রকৃতির প্রকৃতি বদলে দিতে।” বাদল পাশ ফিরল।

“বাদল,” সুধী তাকে স্মরণ করাল, “আগে স্বাস্থ্য, তার পরে আর সব। এই শরীর নিয়ে তুই ঘাই গড়তে যাবি তাই খাপছাড়া হবে। ভালো করে যদি কিছু গড়তে চাস্ তবে ভালো করে বাঁচতে হবে, এটা স্বতঃসিদ্ধ।”

“আমার এত ধৈর্য্য নেই।” বাদল মাথা নাড়ল। ছেলেমানুষের মত বলল, “আমি কেবল ইচ্ছা করতে পারি, ইচ্ছাপূরণের ভাঁর ইতিহাসের উপরে

স্বধী হাসল। “ইতিহাস ত একটা অর্থ ? না ?”

“হ্যাঁ। অস্বাভাবিক পর্ক।” বাদলের মনে পড়ল আইল অফ ওয়াইট।

“ইতিহাস ত আলাদিনের প্রদীপ নয়। ইতিহাসের ভিতর দিয়ে যার ইচ্ছা পূর্ণ হয় তিনি আলাদিন নন, তিনি আল্লা।”

“ভগবান,” বাদল কল্পিত কণ্ঠে বলল, “থাকলে আমার মাথাব্যথা কিসের, বল ? নেই বলেই ত মানবকেই ইতিহাসের সারথি হতে হয়। যদি মানবও নির্লেশ হয় তবে থাকবে কেবল অন্ধ নিয়তি—অশাসিত প্রকৃতি। সেইজন্মে আমি যুদ্ধের সম্ভাবনায় উদ্বিগ্ন হই, স্বধীদা।”

স্বধী তাকে গরম দুধ খাইয়ে একটু চাঙ্গা করে তুলল।

“তুমি কি সত্যি বিশ্বাস কর যে ভগবান বলে কেউ বা কিছু আছেন বা আছে ?” বাদল জিজ্ঞাসা করল। “না, ওটা তোমার স্বাস্থ্যরক্ষার সোশান ?”

“ছি।” স্বধী ক্ষুব্ধ হল। “যে কেউ আছে, যা কিছু আছে, সবই ভগবানের অস্তিত্বে অস্তিত্ববান। তাঁর অস্তিত্ব না থাকলে কারই বা থাকে ? যে যুক্তিবলে তিনি অসিদ্ধ সেই যুক্তিবলে একে একে সকলেই অসিদ্ধ। ওটা আত্মঘাতী যুক্তি। ওতে আত্মবিশ্বাস নাশ করে। স্বাস্থ্য ত হার।”

“তবে আমাকে সেই ঐকনিশ্চিতি দাও।” বাদল অহুন্নয় করল। “আমি যদি নিশ্চিত হই তবে নিশ্চিন্ত হব, যদি নিশ্চিন্ত হই তবে দায়মুক্ত হব, যদি দায়মুক্ত হই তবে স্বস্থকায় হব। মাথার উপর বোকা থাকতে আমি বোধ হয় বাঁচব না, স্বধীদা।”

স্বধী তার জন্তে প্রার্থনা করল।

পরের দিন ওরা দু’ জাই হ্যাম্পস্টেড গার্ডেন সাবার্বে উঠে গেল।

লগনের যাবতীয় শহরতলীর মধ্যে ওটাই সব চেয়ে নিভৃত ও নির্জন। শহরতলী শেষ হতে না হতে বনস্থলী আরম্ভ হয়েছে। অন্তত সে সময় এইরূপ ছিল। পরে নাকি প্রগতি হয়েছে।

সুধী নিজেই বাদলকে রেঁধে খাওয়ায়, মাসাজ করে, চব্বিশ ঘণ্টা চোখে চোখে রাখে। ফাঁক পেলেই বাদলের সঙ্গে বাগানে বসে, বাদল হয়ত গাছের ডাল থেকে বুলন্ত ছামকে শুয়ে দোল খায়, সুধী সাহায্য করে। মাঝে মাঝে তারা বনস্থলীতে গিয়ে বনভোজন করে, গাছের ছায়ায় চিং হয়ে শুয়ে পাখীদের ঘরকন্না দেখে, আকাশের দিকে চেয়ে তন্ময় হয়ে যায়। মরি মরি কী ঘননীল আকাশ! যেন বনস্থলীর সঙ্গে নভস্তলের রূপের প্রতিযোগিতা চলেছে।

কী জানি কী ভেবে বাদল বলে ওঠে, “Treacherous!”

সুধী তার দিকে প্রস্রব্ধক দৃষ্টিতে তাকায়।

“তোমাকে বলিনি, সুধীদা। বলেছি তোমার প্রকৃতি ঠাকুরাণীকে। চারিদিকে এত সৌন্দর্য, কিন্তু সেই সৌন্দর্যের আড়ালে রয়েছে মৃত্যুবাণ। পৃথিবী যদি বিদ্রুত হয়ে যায়, মানুষ যদি নিশ্চির হয়ে যায়, তা হলেও আকাশ এমনি গাঢ়নীল থাকবে, প্রকৃতি এমনি নীলকঙ্কলা।” বাদল দম নিয়ে বলল, “এরা যে আমাদের প্রতি শুধু উদাসীন তাই নয়, এরা আমাদের শত্রু, এরা আমাদের মারে।”

সুধী ছিল সম্পূর্ণরূপে নিবিষ্ট। প্রজাপতি যেমন ফুলের মধুপানে নিবিষ্ট সুধী তেমনি প্রকৃতির মাধুরী পানে। বাদলের দিকে কান ছিল, কিন্তু মন ছিল না।

“বুঝলে, সুধীদা।” বাদল তার ধ্যান ভঙ্গ করল। আমি যখন চিত্তের কিছা সজীভের সৌন্দর্য উপভোগ করি তখন নিঃকণ্টকভাবে

করি। কিন্তু প্রকৃতির সৌন্দর্য্য আমাকে উপভোগমুহূর্ত্তেও সচেতন রাখে যে এর অন্তরালে বিধাক্ত কণ্টক।”

“বাদল,” স্বধী যেন নেশার ঘোরে বলল, “ভুলে যেতে চেষ্টা কর ও কথা। কত বড় রহস্যের সাক্ষী আজ আমরা। মেঘ নেই, কুয়াসা নেই, স্তম্ভরী তার অবগুষ্ঠন খুলেছে। প্রকৃতির চোখে চোখ রেখে আমরা যে আজ দেখতে পাচ্ছি তার অনন্ত অতৃপ্তি। সে মারে, কিন্তু বাঁচাবে বলেই মারে, নইলে খেলার সাথী পাবে কোথায়? দর্শক হবে কে? আমরাই তার চিরকালের রসিক সৃজন!”

৯

স্বধী বাদলের হিসাবনিকাশ বাকী ছিল। দিনের পর দিন চলল তাদের উপলব্ধি বিনিময়। কখনো খেতে খেতে, কখনো বেড়াতে বেড়াতে, কখনো শুয়ে শুয়ে, কখনো বনস্থলীতে বসে।

পরিশেষে বাদল বলল, “আমার ভয় হয় আমিও একজন ডিক্টেটর হয়ে উঠছি। জগতের আদি ডিক্টেটর যেমন আদেশ করেছিলেন, ‘Let there be light’ আর অমনি ‘there was light,’ তেমনি আমিও বোতাম টিপে ইসারা করব, ‘বর্ত্তমান ব্যবস্থা ধ্বংস হোক’ আর অমনি ধ্বংস পড়বে তার কংক্রীটের দেয়াল, ইম্পাতের ছাদ। তার পরে আবার বোতাম টিপে ইঙ্গিত করব, ‘নূতন ব্যবস্থার পত্তন হোক’ আর অমনি গড়ে উঠবে—” বাদল কথা খুঁজে পেল না, বলল, “কিসের দেয়াল, কিসের ছাদ?”

স্বধী বলল, “বাক্যের দেয়াল, স্বপ্নের ছাদ।”

“না, ঠাট্টা নয়, স্বধীদা। সত্যি আমি একজন ডিক্টেটর হয়ে

উঠছি। যাদের আমি উৎখাত করতে চাই, যাদের বাড়ি শত্রু আমার নেই, শেষ কালে আমিই কিনা তাদেরই একজন হতে বসেছি। উঃ!”

“ও রকম হয়।” সুখী বলল গম্ভীরভাবে। “পশুর সঙ্গে লড়াতে লড়াতে মানুষ পশু হয়ে যায়। যুদ্ধের বিরুদ্ধে প্রধান যুক্তি হচ্ছে এক নেশনের চরিত্র অপর নেশনে অর্শায়। যুদ্ধ যদি করতেই হয় তবে নিজের মনোনীত অস্ত্রে। তা না হলে জয়ের সম্ভাবনা থাক বা না থাক, আত্মাকে হারানোর আশঙ্কা থাকে।”

“আমার ভয় হয়,” বাদল কাঁপতে কাঁপতে বলল, “আমিও হারিয়ে ফেলছি আপনাকে। আমি আজকাল যুক্তি করিনে, তর্ক করিনে, বোতাম টিপি। কেউ যদি জিজ্ঞাসা করে, কারণ কী? কেন তুমি পাকা ইমারৎ চুরমার করবে? আমি বলব, আমার ইচ্ছা। আমার ইচ্ছাই যেন একটা স্বতঃসিদ্ধ। একে একে আর সমস্ত স্বতঃসিদ্ধে আমি আস্থা হারিয়েছি। বাকী আছে আমার ইচ্ছা। আমার মনে হয় ইউরোপের মনীষাও ক্রমে ক্রমে যুক্তিমার্গ পরিত্যাগ করে ইচ্ছামার্গে পদক্ষেপ করছে। ডিক্টেটরশিপের বীজাণু এখন আকাশে বাতাসে। মনের সদর দরজায় পাহারা থাকলেও খিড়কি ত খোলা, সেই ছিদ্র দিয়ে শনি প্রবেশ করছে। আমার বা ইউরোপের উপায় নেই, সুদীর্ঘ। ডিক্টেটরকে উৎখাত করতে হলে ডিক্টেটরই হতে হবে।”

“যার বাইরে দ্বন্দ্ব ভিতরেও দ্বন্দ্ব সে কি কখনো জয়ী হাত পারে? জয়ের জন্তে তাকে তার ভিতরের দ্বন্দ্ব মিটিয়ে ফেলতে হবে। ইউরোপের মনীষীরা যদি জয়ের অস্ত্র উপায় না দেখে ডিক্টেটরদের সঙ্গে তাল রেখে ডিক্টেটরবাদী হন তবে আমি আশ্চর্য্য হব না, বাদল। কিন্তু দুঃখিত হব, কেননা অস্ত্র উপায় বাস্তবিকই আছে।”

“কিনী কী উপায়?”

“বাহুবলের একমাত্র প্রতিবেশ বাহুবল নয়, তা যদি হত তবে প্রকৃতি মানুষকে নখী দস্তী বা শৃঙ্গী না করে জীবন সংগ্রামে কোন ভরসায় পাঠাত? নিরস্ত্র মানুষও সশস্ত্র মানুষকে পরাস্ত করতে পারে, যদি আত্মিক বলে বলীয়ান হতে শেখে ও অস্ত্র কোনো বলের প্রয়োগ না করে।”

বাদল চিন্তা করল। বলল, “বিশ্বাস করতে পারিনে, স্বধীদা। জোর করে বিশ্বাস করা যায় না। আত্মিক বলে আমার আস্থা নেই। অথচ বাহুবলেরও আমি মাত্রা মানি। আমার বাইরে হৃদয়, ভিতরে হৃদয়, আমি ভাসতে ভাসতে কোথায় গিয়ে পড়ছি, নিজেই জানিনে। আমার মনে হয় ইউরোপের মনুষ্যও আমারই মত ভাসমান। মার্কসিষ্টদের তবু একটা চার্ট আছে, আমাদের তাও নেই। আমরা drift করছি অচিহ্নিত সাগরে।”

“তোর মধ্যে এই প্রথম দ্বিধা দেখছি, বাদল।” স্বধী মন্তব্য করল।

“আমার বিশ্বাসের মেরুদণ্ড ভেঙে গেছে, স্বধীদা। আমার ঈশ্বরে বিশ্বাস ছিল না, কিন্তু মানবে ছিল। মানবজাতি সহসা বিলুপ্ত হবে না, লক্ষ লক্ষ বছর বাঁচবে, ক্রমে ক্রমে প্রগতির উচ্চতম শিখরে আরোহণ করবে, সেই শিখরের নাম স্বর্গ—এই ছিল আমার নিশ্চিত প্রত্যয়, এই ছিল আমার একান্ত নির্ভর। ‘ছিল’ বললুম, ‘আছে’ বলতে পারলুম না, বললে মিথ্যা বলা হত। এখন অবশিষ্ট যা আছে তা আমার ইচ্ছা। ইচ্ছাও একটা প্রচণ্ড শক্তি। কিন্তু বিশ্বাসের জোর না থাকলে ইচ্ছার জোরও ড্রাইভার না থাকা ইঞ্জিনের মত অকর্মণ্য।”

“তবে তোর প্রথম কর্তব্য হবে বিশ্বাসের অন্বেষণ।” স্বধী পরামর্শ দিল। “যদি বিশ্বাস ফিরে পাস্ কিছা নতুন বিশ্বাস খুঁজে পাস্ তা হলে তোর অস্থির আপনি সারবে।”

“আমিও সেই কথা বলি।”

“চেষ্টা করেছিস বিশ্বাস ফিরে পেতে?”

“যথেষ্ট।” বাদল হতাশভাবে বলল, “ও বিশ্বাস ফিরবে না, সুধীদা।”

বাদল বলতে লাগল, “যদি স্বর্গ প্রতিষ্ঠা হয় তবে তা হবে আমাদের গায়ের জোরে—বিশ্বাসের জোরে নয়। হবে, এতটা বিশ্বাস নেই। হতেই হবে, এই অদম্য ইচ্ছায় যদি হয়। ‘It will happen’—বলতে ভরসা পাইনে। ‘It must happen’—বলতে বাধ্য হই।”

“হঁ।” সুধী অগ্রমনস্ক ছিল।

“পুরানো বিশ্বাসের ত ফেরবার লক্ষণ নেই। নতুন বিশ্বাস যদি খুঁজে পাই!” বাদল বলল। “কিন্তু নতুন বিশ্বাসের সঙ্গে যদি ইচ্ছার সামঞ্জস্য না হয় তা হলে কি আমার অস্থখ সারবে? কী জানি!”

“সে প্রশ্ন পরে। আপাতত তুই কোনো নতুন বিশ্বাসের অন্বেষণ কর।” সুধী বিধান দিল। “ঈশ্বরে বিশ্বাস নেই, মানবে বিশ্বাস গেছে। আত্মায় বিশ্বাস—কেমন, কখনো ভেবেছিস তার কথা?”

“ভেবেছি। কিন্তু সেখানেও কয়েকটি জিজ্ঞাস্য আছে। আত্মা না হয় আছে, কিন্তু অমরত্ব?” বাদল সংশয়ের স্বরে সুধাল।

“আত্মা থাকলে অমরত্বও থাকে। যেমন ফল থাকলে ফলের বীজ। অথবা বীজ থাকলে ফলের অবশ্যস্তাবিত।”

“সব বীজ থেকেই কি ফল হয়?” বাদল জেরা করল। “বলতে পার, সাধারণত হয়। কিন্তু হবেই হবে, বলতে পার কি?”

“অবস্থা অনুকূল হলে সব বীজ থেকেই ফল হয়। হতেই হবে।”

“তা হলে,” বাদল তর্ক করল, “অবস্থার উপর নির্ভর করছে ফল হওয়া না হওয়া। অমরত্ব তা হলে অবস্থাসাপেক্ষ। মরণের পরে আমি

থাকতেও পারি, নাও পারি। জন্মাতোও পারি, নাও পারি। একদম নিবে যেতে পারি, নাও পারি। এ সব কি আমি ভাবিনি, ভাই স্বধীদা? কত ভেবেছি। ভেবে কোনো কূল কিনারা পাইনি। যে দিন ভালো খাই, ভালো ঘুম হয়, ভালো হজম হয়, শরীরটা ভালো লাগে সেদিন মনে হয় আমি বাঁচব, মরে গেলেও বাঁচব। যেদিন তার উল্টো সেদিন মনে হয় আমি বেশী দিন বাঁচবনা, মরলে আমার চিতার আগুনের সঙ্গে সঙ্গে আত্মার আলোকেরও নিকাগ।”

স্বধী শুধু বলল, “কী করি? তুই ত ইন্টেলেকটের জবানবন্দী ছাড়া আর কোনো প্রমাণ স্বীকার করিসনে। ইন্টেলেকটের পাল্লার বাইরে যেসব সত্য রয়েছে তারা তোর বিচারে অসিদ্ধ। একটু আধটু ইনটুইশনের চর্চা কর, বাদল।”

“তাও কি করিনি?” বাদল স্মরণ করল ও করাল। “গোয়েনের ওখানে তবে কী করেছি? সেন্ট ফ্রান্সিস হলের অভ্যুত্থিতি কি ইনটুইশন লব্ব ছিল না?”

স্বধী নীরবে মানল।

“কিন্তু,” বাদল জবাবদিহি করল, “ইনটুইশনের দ্বারা যা পেয়েছি তাকে ইন্টেলেকটের কষ্টিপাথরে যাচাই করেছি, করে সন্তুষ্ট হইনি। সেইজন্তে চর্চা ছেড়ে দিয়েছি, স্বধীদা।” জুডল, “নইলে ওর বিরুদ্ধে আমার কোনো প্রেজুডিস নেই।”

“ইন্টেলেকট দিয়ে কি সব কিছু যাচাই করা যায়?” এই বলে স্বধী আবৃত্তি করল—

“কমলবনে কে আসিল সোনার জহরী

নিকষে পরখে কমল আ মরি আ মরি!”

বাদল মুগ্ধ হয়ে বলল, “চমৎকার। কিন্তু, ভাই, সোনার জহরীর

যে ওই একটিমাত্র নিকষ। কমলের অন্ত্রে সে আর একটা নিকষ পাবে কোথায়! আমার সবে ধন নীলমণি আমার ইনটেলেকটের কষ্টিপাথর।”

স্বধী বলল, “তা হলে তুই কোনো দিন এই বিশ্বব্যাপারের মর্মভেদ করতে পারবিনে। রিয়ালিটি তোর জ্ঞানবুদ্ধির অতীত হয়ে রইবে। তোকে দিয়ে হবে বড় জোর সমাজের ও রাষ্ট্রের গুলটপালট—”

বাদল খপ করে কথা কেড়ে নিল। বলল, “তাই হোক, স্বধীদা। তাই হোক। তা হলেই আমি কৃতার্থ হব, আমার তার বেশী কাম্য নেই। তবে, ই—আমি যা চাই তা ঠিক গুলটপালট নয়, আমি চাই বিনা গুলটপালটে গুলটপালটের ফল।”

স্বধী হাসল। “ইনটেলেকটকে তুই শানিয়ে তুলেছিস, দেখছি। যদি বিস্ময় মননের কোনো পুরস্কার থাকে তবে সে পুরস্কার তুই পাবি। যদি শানিত বুদ্ধির দ্বারা শোষণের জাল কাটে তবে তোর এই শান দেওয়া তরবারি ব্যর্থ হবে না ভাই।”

“ইনটেলেকটের অক্ষমতা কত তা কি আমি বুঝিনে, স্বধীদা?” বাদল আর্দ্র স্বরে বলল। “কিন্তু আমার যে আর অল্প অল্প নেই। প্রবল ইচ্ছাশক্তির দ্বারা শানিত করছি ওকে, কিন্তু জলন্ত বিশ্বাস ভিন্ন কে ওকে চালনা করবে?”

১০

স্বধী চিন্তা করে বলল, “দৈনন্দিনে কিহা মানবে বিশ্বাস নেই, আত্মায় আছে কি না সন্দেহ। কিন্তু তোর সেই সোশাল জাস্টিসের কী হল? তাতে বিশ্বাস আছে নিশ্চয়?”

“সে পথে সংঘাত অপরিহার্য।”

“হলই বা।”

“না, ভাই, আমি সংঘাতের মধ্যে নেই। সংঘাত এ ক্ষেত্রে শ্রেণীতে শ্রেণীতে। যদি শ্রমিক পক্ষে যোগ দিই তবে আমার আপনার লোকদের ঘরে আগুন দিতে হবে, কারখানা ছারখার করতে হবে, খুন জগম লুটতরাজ তাও করতে হবে। যদি ধনিক পক্ষে যুক্ত থাকি তবে যাদের প্রতি আমার এত দরদ তাদের উপর গুলি চালাতে হবে, তাদের পাড়ায় বোমা ফেলতে হবে, তাদের জোট ভেঙে কাঁচুনে গ্যাস থেকে শুরু করে বিষাক্ত গ্যাস ব্যবহার করতে হবে। রাশিয়ার বিপ্লবের পর থেকে সব দেশের ধনিকরা সতর্ক রয়েছে। এখন তাদেরই একত্রে সব চেয়ে মোক্ষম শ্রম, যার সঙ্গে তুলনায় শ্রমিকদের অস্ত্র অক্ষম।”

স্বধী দীর্ঘভাবে শুনছিল। বলল, “শ্রমিকরা যদি আত্মিক অস্ত্রের উপর আস্থা রেখে আর সব অস্ত্র বর্জন করে তবে তাদের সঙ্গে তুলনায় ধনিকদের অস্ত্র নিশ্চিহ্ন।”

“ওসব বুঝিনে।” বাদল বধির হল। “বুঝি শুধু এই যে সংঘাত যেদিন বাধবে সেদিন দু’পক্ষেই আমাকে টানাহেঁচড়া করবে, না পোলে দু’খানা করবে। নিরপেক্ষতার অবকাশ দেবে না। মধ্যাশ্রয়ী যে মধ্যস্থতা করবে তেমন প্রতিপত্তিও তার নেই। মাঝখান থেকে তারই সব চেয়ে বিপদ, কারণ বাহুড়কে কোনো পক্ষই বিশ্বাস করে না। নাম ভাঁড়িয়ে, বুলি আউড়িয়ে, ভেক বদল করে বেশী দিন সে বাঁচবে না, বাঁচলেও পালিয়ে বাঁচবে। সুতরাং সংঘাত যাতে না বাধে সেই চেষ্টাই করতে হবে প্রাণপণে, যাতে এক পক্ষ আপোবে অপর পক্ষের দাবী মেনে নেয়, অর্ধেক ছেড়ে দেয়, তাই করতে হবে সময় থাকতে। অস্ত্রখা সংঘাত অপরিহার্য। একবার আরম্ভ হলে আর রক্ষা নেই, স্বধীদা। কোনো পক্ষই বাঁচবে না, যারা নিরপেক্ষ তারাও মরবে।”

বাদল এমন সবিস্তারে বলল যেন তৃতীয় নেত্রে দেখতে পাচ্ছিল। দেখছিল আর শিউরে উঠছিল।

“শ্রমিকেরা যেদিন প্রস্তুত হবে ধনীরা সেদিন অর্ধেক কেন, সমুদয় ছেড়ে দেবে, বাদল। কিন্তু প্রস্তুত হওয়া কেবল অহিংস অর্থেই সম্ভব, অথবা কোনো অর্থে তারা কোনো দিনই প্রস্তুত হবে না, কারণ প্রতিপক্ষ তাদের প্রস্তুত হতে দেবে না। তুই নিজেকেই ত বলছিস রাশিয়ার অভিজ্ঞতার পর থেকে ধনিকরা সতর্ক রয়েছে। আমিও তোর সে উক্তি সমর্থন করি।”

“তা হলেও,” বাদল বলল, “শ্রমিকরা চিরকাল পড়ে পড়ে সইবে না। পায়ের তলার পোকাও পায়ে কামড় দেয়। শ্রমিকরা যেদিন মরীয়া হয়ে উঠবে সেদিন যা হাতে পাবে তাই দিয়ে মারবে—ও মরবে।”

স্বধী স্বীকার করল না। “ধনিকেরা তাদের মরীয়া হয়ে উঠতে দেবে কেন? মজুরি বাড়িয়ে দেবে, ছেলেকে বিনা বেতনে পড়াবে, গুণের ছেলেকে জামাই করবে, যদি কিছুতেই তাদের মন না পায় তবে দেশে দেশে লড়াই বাধিয়ে দিয়ে তাদের বলবে, এবার সামলাও।”

বাদল রাগে ফোঁস ফোঁস করছিল। বলল, “অসম্ভব নয়। কিন্তু লড়াই একবার বাধলে যারা বাধাবে তারাও বাঁচবে না, দেখো। তাদের নিজেদের ফাঁদে তারাও পড়বে নির্ধাত।”

স্বধী হেসে বলল, “পড়া উচিত, পড়লে জ্ঞানবিচার হয়। কিন্তু পড়বে কি? ওরা যে বড় সাবধানী পাখী।”

“পড়বেই, পড়বেই, পড়বেই।” বাদল যেন অভিসম্পাত দিল। “দেশে দেশে যদি যুদ্ধ বাধে তবে এক পক্ষের ধনীর অস্ত্রে অপর পক্ষের ধনীও মরবে। বিশ্ববাস্য ত ধনী দ্বিগুণ বিচার করে না। বোমাও সে বিষয়ে নির্বিশেষ।”

“কে জানে! আমার ত মনে হয় ওতে ওরা জন্ম হবে না। বরং ওতে ওদেরই সুবিধা হবে। দু’পক্ষেই মোড়লি করবে ওরা, মোড়লরা দরকারী লোক, দরকারী লোক পিছনেই থাকে, মরে কম।”

“মরবেই, মরবেই, মরবেই।” বাদল আবার অভিসম্পাত দিল। “তুমি লিখে রাখতে পার আমার কথা। মিলিয়ে দেখো। ওরাও মরবে, গরিবরাও মরবে। যারা বাঁচবে তারা কিছুদিন বাদে ফের লড়বে ও মরবে। এ ব্যবস্থা বাঁচতে পারে না। এতে লিপ্ত রয়েছে যারা তাদেরও মরণ অনিবার্য। হয় শ্রেণী সংগ্রামে মরবে, নয় জাতি সংগ্রামে মরবে। হয় এক সংগ্রামে মরবে, নয় একাধিক সংগ্রামে। কিন্তু মরবেই, যদি না এ ব্যবস্থা বদলায়।”

বাদলকে চটানো তার স্বাস্থ্যের পক্ষে হানিকর। সুধী শুধু বলল, “অগ্ন্যাশ্রু দেশের ভার আমার উপরে নয়। আমি কেবল ভারতের জন্তেই দায়ী। আমি আমার দেশবাসীকে এমন ভাবে প্রস্তুত করব যে এক পক্ষ যখন নিতে প্রস্তুত হবে অপর পক্ষ তখন দিতে প্রস্তুত হবে। চাষীরা যখন জমির মালিক হতে চাইবে মালিকরা তখন জমি ছেড়ে দিতে চাইবে। জমি ছেড়ে দিয়ে কারুশিল্পে মন দেবে।”

“জাতেও শোষণ চলে।” বাদল সহজে ছাড়ল না। “সেটাও শোষণব্যবস্থার অঙ্গ। সুধীদা, তুমি বৈজ্ঞানিক ধারায় চিন্তা করতে শেখ।” পরামর্শ দিল বাদল।

“আমি হাতে কলমে কাজ করব, বাদল। বৈজ্ঞানিক ধারায় চিন্তা বৈজ্ঞানিকরাই করুন।”

“উহু! হাতুড়ের কর্ম নয়।” বাদল ঘাড় নাড়ল। “খুব ভালো করে বুঝে দেখতে হবে ক্যাপিটালিজম বস্তুটা কী। জমি থেকে মূলধন উঠিয়ে নিয়ে তুমি চরকায় ঢালবে, কিন্তু তোমার মুনাফা ত তুমি মকুব

করবে না। মুনাফার জন্তে চাষীর রক্ত শুষছিলে, তাঁতীর রক্ত শুষবে। মশা এক জনের গা থেকে উড়ে গিয়ে আরেক জনের গায়ে বসে। তাতে রক্ত শোষণের পাত্র বদলায়, শোষণ যায় না। সমস্ত মূলধন ব্যক্তির তহবিল থেকে নিয়ে রাষ্ট্রের তহবিলে রাখতে হবে, এ হচ্ছে প্রথম কাজ। তার পরে রাষ্ট্রের কর্তৃত্ব জনকতক শাসকের মুঠোর ভিতর থেকে নিয়ে প্রত্যক্ষভাবে জনসাধারণের আয়ত্তে আনতে হবে, এ হল দ্বিতীয় কাজ। রাশিয়ায় এখনো দ্বিতীয়টা হয়নি, ষ্টালিনের দল জনসাধারণের বকলমে নিজেদের খেয়ালমত অর্থব্যয় করেছে। তবু সে দেশে প্রথমটা ত হয়েছে। বলপ্রয়োগ ও রক্তপাত বাদ দিয়ে তোমরা যদি ওদুটো কাজ করতে পার তা হলেই জানব তোমরা চাষী ও তাঁতী উভয়েরই মিত্র। নতুবা তোমরা মিত্র কারো নও, শোষক একের পর অপরের। তুমি, স্বধীদা, অবশ্য আদর্শবাদী। কিন্তু যাদের সঙ্গে তোমার কারবার তারা কেউ আদর্শবাদী নয়। চাষী ও তাঁতী তোমার আদর্শবাদ বুঝবে না। বুঝবে তুমি মুনাফা নিচ্ছ কি নিচ্ছ না, সেই অন্তসারে তোমাকে বিচার করবে।”

স্বধী মনঃস্থির করেছিল। স্থির কর্তে বলল, “মুনাফা আমি চাষীর কাছ থেকে না নিলে তাঁতীর কাছ থেকে নেব। নিজে ওদের জগ্গেই থরচ করব, অবশ্য নিজেকে একেবারে বঞ্চিত করব না। মশা ত রক্ত ফিরিয়ে দেয় না, কেন তবে মশার সঙ্গে তুলনা করছিস্?”

“তুলনাটা যদি তোমার মনে লেগে থাকে আমাকে মাফ কোরো, ভাই স্বধীদা। কিন্তু বিজ্ঞানসম্মত মীমাংসা যদি কাম্য হয় তবে মুনাফার জড় মারতে হবে। প্রাইভেট প্রফিট হচ্ছে এ ব্যাধির ব্যাসিলি। তবে, হাঁ, রোগের জড় মারতে গিয়ে রোগীর ধড় মারতে যাওয়া বেকুবী। কোনো কোনো ডাক্তার ঠিক হাতুড়ের মতই বেকুব। সেইজন্তে

রাশিয়ার দৃষ্টান্ত থেকে ধরে নিতে নেই রক্তগঙ্গা বইয়ে না দিলে প্রাইভেট প্রফিট ভেসে যাবে না।”

“আমি কিন্তু প্রাইভেট প্রফিটকে রোগের জড় বলে ভুল করব না।” সুধী দৃঢ়তার সহিত বলল। “তোমার বৈজ্ঞানিকরা রোগনির্ণয় না করেই রোগের জড় মারছেন। ওটা আন্দাজী চিকিৎসা। টাইফয়েডে যেমন কুইনিন।”

“তবে তোমার মতে রোগটা কী?”

“আমিও মানছি যে শোষণ চলেছে, আমিও চাই যে শোষণের অবসান হোক, কিন্তু আমার মতে,” সুধী সবিনয়ে বলল, “অস্ত্রের পরিবর্তন না হলে কিছুতেই কিছু হবে না। যদি অস্ত্রের পরিবর্তন হয় তবে প্রাইভেট প্রফিট থাকলে ক্ষতি কী? রাষ্ট্র কি আমার চেয়ে বেশী বিজ্ঞ? আমার চেয়ে বেশী দরদী? ওটা ত একটা মেশিন। চাষীরা ও তাঁতীরা আমার কাছে যদি দু’চার পয়সা ঠকে ত সে পয়সা আমাকে ঠকিয়ে ফেরৎ নেবে। কিন্তু রাষ্ট্র যে নিজের খোশখেয়ালে চাষীকে মিলছাণ্ড, তাঁতীকে মেকানিক, বানিয়ে ভিটেমাটি ছাড়াবে। সংস্কার হারিয়ে, সংস্কৃতি হারিয়ে, নোঙর ছেঁড়া নৌকার মত তারা কোথায় তুলিয়ে যাবে ভাবতেও হৃৎকম্প হয়!”

“বুঝেছি।” বাদল একটু শ্লেষ মিশিয়ে বলল, “তোমার মনোগত অভিপ্রায় এই যে চাষীরা চাষীই থাকুক, তাঁতীরা তাঁতী। প্রগতি হবে না, মানব সভ্যতা চিরকাল পায়চারি করতে থাকবে ফিউডাল যুগে। ধিক্!”

“না, প্রগতি হবে না, প্রগতি বলতে যদি বোঝায় দিশেহারা দরিদ্রায় গা ভাসানো। পশ্চিমের লোক যে drift করছে তা তুই নিজেই বলেছিল। ভারতের লোক দিশেহারা হবে না, দৃষ্টিমান হবে। অস্ত্রের পরিবর্তনই মুখ্য, আর সব গৌণ।”

বাদল কানে হাত দিয়ে বলল, “থাক, প্রগতিনিষ্ঠা শুনব না।”

১১

স্বধী কিন্তু আনন্দ বোধ করল। বলল, “ওরে, তোরা অস্থখ সারবে।”

বাদল আশ্চর্য্য হল। “সারবে? কী করে বুঝলে?”

“এখনো যে তোরা একটা বিশ্বাস রয়েছে। প্রগতিতে বিশ্বাস।”

“ওহ্!” বাদল সংশোধন করল। “প্রগতি যে হবেই, এ বিশ্বাস আর নেই। কিন্তু প্রগতি যে হওয়া উচিত, এ বিশ্বাস এখনো আছে। বোধ হয় এই নিঃশ্বাস আমাকে বাঁচিয়ে রেখেছে।”

“তা হলে তোরা বিশ্বাসে আঘাত লাগে এমন কিছু বলা অজায় হবে। যদি তেমন কিছু বলে থাকি তবে ক্ষমা চাইছি, বাদল।”

“না, না। ক্ষমা চাইতে হবে কেন?” বাদল ব্যস্ত হয়ে বলল। “আমি কি জানিনে যে তুমি প্রগতিবাদী নও। তুমি ত নতুন কিছু বলনি।”

ছ’জনে অনেকক্ষণ নির্বাক থাকল। মনে হল সব কথা ফুরিয়েছে।

তার পরে বাদল প্রশ্ন করল, “তুমি আজকাল কী ভাবো, স্বধীদা? তোমার বিশ্বাসের কি তিলমাত্র পরিবর্তন হয়েছে?”

“আমার?” স্বধীর ধ্যান ভাঙল। “হাঁ। আমিও মানুষ। আমারও একটা-আধটা ইকুপ আলগা হয়েছে।” এই বলে হাসল।

“যে শব্দ মানুষ তুমি!” বাদলও হাসল। “একটা ইকুপ আলগা হওয়াও অলৌকিক ঘটনা।”

“একদিক থেকে আমি তোরা খুব কাছাকাছি এসে পড়েছি।” স্বধী বাদলকে খুশী করে তুলল। “আগে আমার ধারণা ছিল সমাজের সঙ্গে

ব্যক্তির ঠোকাঠুকি বাধলে সমাজ সব সময় অভ্রান্ত, ব্যক্তি সব সময় ভ্রান্ত। এখন সে ধারণা শিথিল হয়েছে।”

“তাই নাকি?” বাদল উচ্ছ্বসিত স্বরে অভিনন্দন জানাল।

“হাঁ। আমাদের দেশে আমরা বহু শতাব্দী ধরে রাষ্ট্রের মালিক নই। আমাদের যা কিছু কর্তৃত্ব সমাজকে ঘিরে। সমাজের উপর আমরা সেই সব গুণ আরোপ করেছি যে সব গুণ রাষ্ট্রের উপর আরোপ করা হয় ইউরোপের কোনো কোনো দেশে। কোনো কোনো দার্শনিকের রচনাতেও।”

“আমার নাচতে ইচ্ছা করছে, সূদীদা।” বাদল করুণ স্বরে বলল।

“কিন্তু নাচব কী করে। কোমরে বাথা।”

সূদী তাকে গুটিয়ে দিয়ে বলল, “তুই নাচতে চাস কোন্‌ স্থখে? তুই না বলছিলি ব্যক্তির ধন সমাজের তহবিলে দিতে?”

“কিন্তু এই সৰ্ত্তে যে ব্যক্তি তার উপর খবরদারী করবে।” বাদল উত্তর করল সপ্রতিভ ভাবে।

সূদী চিন্তাধিত হল। বলল, “খিওরীহিসাবে মন্দ নয়। কাণ্ডাত অচল। কিন্তু আমার কথা চলছিল, আমার কথাই চলুক।”

“বেশ, আমি কান পেতেছি।”

“বলছিলুম, রাষ্ট্র বা সমাজ সব সময় অভ্রান্ত এ ধারণার ইকুপ টিলে হয়েছে। রাষ্ট্র আমাদের দেশে পরহস্তগত, স্তবরাং রাষ্ট্র সম্বন্ধে এমন ধারণা সহজেই শিথিল। সমাজ আমাদের স্বহস্তে, সেইজন্মে সমাজ সম্বন্ধে আমার ধারণার শৈথিল্য আমার নিজের কাছেই অপ্রীতিকর। কিন্তু কী করব, সত্য কি সকলের উর্দ্ধে নয়!”

বাদল মাথা নেড়ে তারিফ করল। সূদী বলতে লাগল।

“বস্তুত সমাজ ও রাষ্ট্র একই মুদ্রার এ পিঠ ও পিঠ। আমরা যে

ওদের বিচ্ছেদ কল্পনা করেছি তা কেবল বিদেশীর দ্বারা হতরাষ্ট্র হয়ে। ভুল রাষ্ট্রেরও হয়, সমাজেরও হয়। অত্যাচার রাষ্ট্রও করে, সমাজও করে। রাষ্ট্রের বিধান অমান্য করা বিধেয় হলে সমাজের বিধি অমান্য করাও বৈধ। তা হলে আমি কোন্ স্পর্ধায় বিচার করতে যাব উজ্জয়িনীকে?”

ওর জন্তে বাদল প্রস্তুত ছিল না। কেন ও কথা অসময়ে উঠল? বাদলের জিজ্ঞাস্য ভাব লক্ষ্য করে স্বধী বলল, “শোন। সেদিন উজ্জয়িনীকে চিঠি লিখেছিলুম আসতে। লিখেছিলুম, স্বামীর অস্বথ, স্ত্রীর কর্তব্য সেবা। তার জবাব পেয়েছি। সে বলে, বাদলের কাছে আমি চিরকৃতজ্ঞ। সেবা করতে পেলো ধন্য হব। কিন্তু স্বীহিসাবে নয়। আমি স্বকীয়া।”

“ঠিকই বলেছেন।” বাদল উজ্জয়িনীর পক্ষ নিল। “কিন্তু চিরকৃতজ্ঞ কেন? আমি ত তাঁর উপকার করিনি, বরং অজ্ঞাতসারে ও অনিচ্ছাসত্ত্বে অপকার করেছি।”

“যাক, সে ত আসছে। তখন বোঝাপড়া হবে। কিন্তু সধবা মেয়ের মুখে স্বকীয়া শুনলে আমার সংস্কারে আঘাত লাগে। শুধু সধবার মুখে কেন, কুমারীর মুখে, বিধবার মুখেও। ও কথা-মুখে আনতে পারে তারাই যারা সমাজের বাইরে চলে গেছে। যারা পতিতা।”

“অত্যন্ত বর্বর সংস্কার।” বাদল উত্তেজিত হল। “পুরুষ যদি বলে, আমি স্বকীয়, সকলে সাধুবাদ দেয়। নারী বললেই সংস্কারে বাধে।”

“আমি তোকে সেই জন্তেই বলছিলুম যে নারীকে বিচার করবার অধিকার আমার নেই, যদিও সে নারী আমার সহোদরার অধিক।”

“তোমার অন্তরের পরিবর্তন হয়েছে। এইটেই মুখ্য, আর সব

গৌণ।” বাদল স্বধীর উক্তি স্বধীকে ফিরিয়ে দিল, দিয়ে কৌতুক অন্তর্ভব করল।

স্বধী কিন্তু হাসল না। তলিয়ে গেল চিন্তের অতলে।

“তুমি যে আমার খুব কাছাকাছি এসে পড়েছ,” বাদল বলল, “আমি এতে খুশী। তুমি বোধ হয় খুশী নও।”

“না, আমিও। তোরা কাছে আসতে কি আমি কম উৎসুক, বাদল? তুই আর আমি কি ভিন্ন? কিন্তু কোনো কোনো বিষয়ে আমাদের দু’জনের মধ্যে দুস্তর ব্যবধান। ইনটেলেকট ছাড়া তুই অন্য কোনো ভাষা বুঝিসনে, ইনটুইশনকেও ইনটেলেকটের দ্বারা তর্জমা করে নিস। তোরা প্রাণ যদি বলে, এটা সত্য, তোরা মন বলে, প্রমাণ কী? আমি কিন্তু মনের প্রাধাণ্য স্বীকার করিনে। আমার ধ্যান যদি বলে, এটা সত্য, আমার মন সেটা মেনে নেয়। নিতে বাধ্য। মনকে আমি সেই ভাবে তালিম করেছি। তুই যদি তোরা মনটাকে ডিসিপ্লিন করতে পারতিস তবে কি তোরা সঙ্গে আমার লেশমাত্র ব্যবধান থাকত রে!” স্বধী সন্তোষে তাকাল।

বাদল ভাবল। ভেবে বলল, “সত্যি আমার মনটা উচ্ছৃঙ্খল। কিন্তু উচ্ছৃঙ্খল বলেই সে নিত্য নতুন আইডিয়া আবিষ্কার করে। তোমাদের কাছে আমি ক’টাই বা প্রকাশ করতে পারি! দিন রাত কত অজস্র আইডিয়া আসে কী জানি কোনখান থেকে—ভিতর থেকে কি বাইরে থেকে! সেই সব রঙিন প্রজাপতি কি আসত আমার কাছে, বসত আমার হাতে, যদি না আমি শিশুর মত কৌতূহলী হতুম? শিশুর মত উচ্ছৃঙ্খল!”

“আছে তোরা মধ্যে একটি চির শিশু।” স্বধী তার গায়ে হাত বুলিয়ে দিতে দিতে বলল। “আর আমার মধ্যে একজন চির স্তবির।

আমি যে অতি প্রাচীন সভ্যতার উত্তরাধিকারী। আর তুই কোনোরকম উত্তরাধিকার মানিসনে। না, পিতৃধনের, না পৈত্রিক বিস্তার, না পৈত্রিক সত্যের।”

“অনেক সময় শিশুর মত অসহায় বোধ করি, স্মৃধীদা।” বাদল কবুল করল। “উত্তরাধিকারের নিরাপদ আশ্রয় একটা মস্তবড় জিনিষ।”

স্মৃধী তাকে বোঝাতে চেষ্টা করল, “পাখীরা আকাশে ওড়ে। কিন্তু উড়তে পারত কি, যদি না তাদের নীড় থাকত মাটিতে? তেমনি মাতৃশেরও একটা দেশ থাকা দরকার। তুই যদি ইংলণ্ডের উত্তরাধিকারী হতে পারতিস তবে কথা ছিল না, কিন্তু তুই দুই দেশের উত্তরাধিকার থেকে বঞ্চিত। ভারতের ধন থেকে স্বৈচ্ছায়, ইংলণ্ডের ধন থেকে অনিচ্ছায়।”

বাদল একটু উষ্ণ হয়ে বলল, “ইংলণ্ডের ধন থেকে বঞ্চিত, কী করে জানলে?”

“কারণ, না কন্সারভেটিভ, না লিবারল, না লেবার, কারো সঙ্গেই তোরা খাপ খায় না। তোরা নিজের অলঙ্কে তোরা মনের খাঁচ কটিনেন্টাল হয়েছে। কতকটা কমিউনিষ্ট, কতকটা য়ানাকিষ্ট। তুই যখন লিবার্টির কথা বলিস তখন সেটা ক্রোচে কথিত লিবার্টি। বাদল, তোরা ইংলণ্ডে থাকা না থাকা সমান।”

বাদল বিষম শক্ পেল। সামলে নিতে তার সময় লাগল।

“স্মৃধীদা,” সে অতি কাঁটে উচ্চারণ করল, “সত্য সকলের উর্দ্ধে। ইংলণ্ড একদা আমার দেশ ছিল। এখন নয়।”

“তা হলে,” স্মৃধী আবেগভরে বলল, “তুই আমার সঙ্গে ভারতে ফিরে চল।”

“ভারত,” বাদল প্রতীতির সহিত বলল, “কোনো দিন আমার দেশ হবে না।”

“তবে তুই যাবি কোথায় ? কন্টিনেন্টে ?”

“না, সেখানেও আমার খাপ খাবে না। আমি সব জায়গায় বেখাপ। কাজেই কোনো জায়গায় যাব না। যেখানে আছি সেখানেও থাকব না।”

সুধী বিহ্বল স্বরে সুখাল, “তার মানে কী, পাগল ?”

“জানিনে।” বাদল তার চুল টানতে টানতে বলল, “আমার দেশ নেই, এ যুগ আমার কাল নয়। আমার কেউ নেই, আমি একক। কেন তবে আমি থাকব ? কে আমাকে চায় ?”

“ও কী বকছিস, বাদল !” সুধী তাকে শাসন করল। “তোর কেউ নেই কী রকম ! আমি রয়েছি, তোর অভিন্নহৃদয় বন্ধু। তোর কত কাছাকাছি এসে পড়েছি, আরো কাছে আসব, তুই সঙ্গে চল।”

“বৃথা সাধনা দিচ্ছ, সুধীদা। তোমাদের এই শৃঙ্খলাবদ্ধ determined জগতে আমার ঠাই নেই। আমি উচ্ছৃঙ্খল free will.”

আমার কথাটি ফুরাল

১

চার সপ্তাহ পূর্বে সে যখন যায় তখন বালিকা। চার সপ্তাহ পূর্বে সে যখন ফেরে তখন পূর্ণবয়স্কা নারী। কার্লস্বাডের জলে কি যাহু আছে? বিস্মিত হয়ে ভাবছিল স্মৃধী।

সুস্থিত হল যখন উজ্জয়িনী তাকে টিপ করে একটা প্রণাম করল। ট্যাক্সি তখনো দাঁড়িয়ে, যদিও পথে তেমন লোক চলাচল ছিল না। স্মৃধীদের পাড়াটি নিম্নতর, শনিবারের বন্ধে প্রতিবেশীরা শহরের বাইরে। তা হলেও গেটে ঢুকতে না ঢুকতে আচমকা একটা প্রণাম—নেহাৎ গাছপালার আড়াল ছিল বলেই রক্ষা—একেবারে অভূতপূর্ব ব্যাপার।

সুস্থিত হয়েও তার সেদিন নিষ্কৃতি নেই। উজ্জয়িনী একান্ত শাস্ত ভাবে নিতান্ত লক্ষ্মীটির মত স্মৃধাল, “দাদা, ভালো আছ ত?”

স্মৃধী বলল, “হ্যাঁ। তুই?”

“যেমন দেখছ।” এই বলে একটু মিষ্টি হেসে উজ্জয়িনী প্রণাম করল, “বাদলদা কেমন আছেন?”

হতভম্ব স্মৃধী নিজের কানকে বিশ্বাস করবে কি না বুঝতে পারছিল না। জিজ্ঞাসা করল, “কী বললি?”

“বলছিলুম,” উজ্জয়িনী স্নিগ্ধ স্বরে পুনরাবৃত্তি করল, “বাদলদা কেমন বোধ করছেন?”

বাদল কবে থেকে এর দাদা হল! স্মৃধীর রক্তে সনাতন চণ্ডীমণ্ডপের সংস্কার টগবগিয়ে উঠছিল। সে একটা গর্জন ছাড়বে কি না চিন্তা

করছে এমন সময় যা শুনল তাতে তার মাথা ঘুরে গেল, ব্রহ্মতালুতে তাল পড়ল।

“মহিম খুড়োকে খবর দেওয়া হয়েছে?” উজ্জয়িনী নিরীহ ভাবে বলল।

মহিম খুড়ো! শ্বশুরকে খুড়ো বলা কবে থেকে ফ্যাশন হল! সাম্প্রতিক মেয়েরা কি ভাণ্ডুরকে দাদা বলেই ক্লেস্ত নয়, শ্বশুরকে খুড়ো বলে? ওঃ! একেই কি বলে প্রগতি!

বাদল তখন বাগানে শুয়ে মনে মনে বোতাম টিপছিল। উজ্জয়িনী তার পায়ের কাছে মাথা ঠেকিয়ে বলল, “বাদলদা, প্রণাম।”

বাদল ভাষাচাকা খেয়ে উঠে বসল। বলল, “প্রণাম? নমস্কার। হাউ ডু ইউ ডু?”

ওদিকে স্বধী দে সরকারের কাছে কৈফিয়ৎ তলব করছিল। এসব কী! ও মেয়ে ত এমন ছিল না!

ভিক্ষে বেড়ালটি সেজে দে সরকার বলছিল, “কী জানি! আমিও ত তাজ্জব বনেছি। দেখছ না, আমার গা দিয়ে কেমন ঘাম যাচ্ছে।”

“সেদিন ওকে দিয়ে এলুম লিভারপুল স্ট্রীট স্টেশনে।” স্বধী গজগজ করছিল। “এখনো একটা মাস পূরো হয় নি। এর মধ্যে কী এমন ঘটল! ওর ছুটুমি আমার বেশ ভালো লাগত, কিন্তু এই শিষ্টামি—ওঃ!”

দে সরকার সহানুভূতির স্বরে বলছিল, “ওঃ! মহিম খুড়ো!”

“সত্যি অসহ।”

“আমিও তাই বলতে যাচ্ছিলুম। রীতিমত অসহ।”

“আমার মাথা ঘুরছে হে।”

“তোমার ত শুধু মাথা, আমার সর্ব শরীর। ওঃ! মহিম খুড়ো!”

মাথায় জল ছিটিয়ে সুধী যখন বাদল উজ্জয়িনীর কাছে এল তখন ওরা দিবি জমিয়ে বসেছে।

উজ্জয়িনী বলছে বাদলকে, “আপনার ও চিঠি আমি পাইনি। পেলো বিয়েতে মত দিতুম। বিয়ে না করলে মা বাপের অধীনতা থেকে মুক্ত হতুম কী উপায়ে!”

“কিন্তু বিয়ে করেও যে পরাধীন হলেন।” বাদল মন্তব্য করছে।

“আপনি যে তার থেকেও আমাকে মুক্তি দিয়েছেন। আমার মত সুখী কে?”

“আমার কিন্তু ধারণা ছিল আপনি সুখী হননি।”

“আমারও সে ধারণা ছিল। এখন বুঝেছি স্বাধীনতাই সুস্বাদের সেরা সুখ। একবার যে এ সুখের আনন্দ পেয়েছে সে অল্প কোনো সুখ চায় না, বাদলদা।”

“তা হলে আমাকে মার্জনা করেছেন?”

“আমি আপনার কাছে চিরকৃতজ্ঞ। আপনি আমাকে বার বার আঘাত করে আমার অধীনতার মোহ ভাঙিয়েছেন, আমাকে স্বাধীনতার দীক্ষা দিয়েছেন।”

“আঘাতের জন্তে আমি লজ্জিত।”

“সে আপনার মহত্ত্ব। তা ছাড়া নারীহিসাবেও আমি আপনার কাছে স্বামী। আমাকে আপনার দখলে পেয়েও আপনি কোনোরূপ সুযোগ নেন নি। এর দরুণ একদা আমার অভিমান ছিল। এখন দেখছি খুব বেঁচে গেছি। নইলে নিজেই মনে হত ভ্রষ্টা।”

সুধী যেমন এসেছিল তেমনি চলে গেল। বসল না। সে কি স্নানতে প্রস্তুত ছিল এ ধরনের কথা! ছি ছি! কত আশা করে সে উজ্জয়িনীকে চিঠি লিখেছিল। ভেবেছিল এক বাড়ীতে থেকে হামেশা

মেলামেশা করে পরস্পরের স্বথঃস্থের ভাগী হয়ে তারা অবশেষে একটা বোঝাপড়ায় পৌছাবে। হা হতোহ্মি।

দে সরকার ইতিমধ্যে রন্ধনশালায় অনধিকারপ্রবেশ করে চায়ের আয়োজন করছিল। স্বধীকে দেখে বলল, “তুমি ত নিমন্ত্রণ করবে না। অগত্যা নিজেই নিজেকে নিমন্ত্রণ করেছি।”

স্বধী জ্ঞানতে চাইল, “কই, বাদলের স্বাস্থ্য ঠিক এলেন না যে?”

“বাদলের স্বাস্থ্য ঠিক!” দে সরকার যেন আকাশ থেকে পড়ল। তার ইচ্ছা করছিল বলতে, আমার স্বাস্থ্য ঠিক। কিন্তু সাহস ছিল না। বলল, “মিসেস গুপ্ত কী করে আসবেন? তাঁর যে হস্তায় হস্তায় বাথ নিতে হয়। তিনি তোমাকে চিঠি লিখেছেন। দেব।”

“কিন্তু বাড়ীতে অগ্র কোনো স্ত্রীলোক নেই যে। উজ্জয়িনীর অসুবিধা হবে।” স্বধী উদ্বেগ প্রকাশ করল।

“ওঃ! এই কথা!” দে সরকার বলল, “কী চাও? ঝি, না রাধুনী, না শাপেরোন? কবে চাও? আজ, না কাল, না দু’দিন পরে?”

স্বধী এ বিষয়ে চিন্তা করেনি। বিবেচনার জন্তে সময় নিল।

“বেশ, দরকার হলেই সরকারকে বোলো। কিন্তু আমি কী অভদ্র। পেটের সেবায় লেগে গেছি, এদিকে বাদলের সেবা দূরে থাক, সে কেমন আছে খবরটাও নিইনি। চল হে, চায়ের ভেট নিয়ে তাকে সন্দর্শন করি।”

বাদলের সম্মুখীন হতে তার যেমন সঙ্কোচ তেমনি কুঠা। গিয়ে হাজির হল বটে, কিন্তু সরমে নীরব রইল। উজ্জয়িনীর কিন্তু কণামাত্র গ্লানি ছিল না। সে পরম অকপটে আলাপ করছিল, যেন লুকোচুরির কিছু নেই, সবই খেলোখুলি।

“কুমার, এস, বাদলদাকে প্রণাম কর।” উজ্জয়িনী হাতে হাঁড়ি ভাঙল।

বাদল ত মহাদেব। বুঝল না কী ব্যাপার। শশব্যস্তে বলল, “না, না, প্রণাম কেন? আমি যে বয়সে ছোট।”

দে সরকার প্রমাদ গণল। স্বধীর দিকে আড় চোখে চেয়ে দেখল মুখখানা কালো হয়ে গেছে, যেন অপমানে বিবর্ণ।

উজ্জয়িনী তেমনি অথলভাবে বলল, “শুনবে, স্বধীদা? আমাদের আশ্রমে বাগান ত থাকবে। মালী হবে কে জান? এই লোকটি।”

স্বধী উচ্চবাচ্য কবল না। বাদল বলল কুমারকে, “তুমি বুঝি মালীর কাজে ওস্তাদ?”

“কোন কাজে নয়?” উজ্জয়িনী প্রশংসার ভঙ্গীতে তাকাল।

বেচারি বাদল? সরল মানুষ, কিছুই ঠাহর করতে পারছে না। তার জন্তে স্বধীর মায়া হয়। অথচ উজ্জয়িনীও তেমনি সরলা। স্বধীর রাগ পড়ল গিয়ে দে সরকারের উপর।

দে সরকার থাকতে স্বধীর তিষ্ঠানো দায় হল। সে এক সময় সরে পড়ল। কেবল বাগান থেকে নয়, বাড়ী থেকে। বলতে ভুলে গেছি যে ওটা একটা ফ্ল্যাট নয়, একটা semi-detached বাড়ী। যাদের বাড়ী তাঁরা গরম কালটা বাইরে কাটাচ্ছেন, ততদিন স্বধী-বাদলের ভাড়ার মেয়াদ। ততদিনে, স্বধীর বিশ্বাস, বাদল সরে উঠবে।

বাড়ী থেকে বেরিয়ে স্বধী যে দিকে দু’চোখ যায় সেদিকে চলল। কল্পনা করতে বিতী লাগছিল সেই দৃশ্যটা—একটা মেয়ে তার পতি ও প্রণয়ী উভয়ের মাঝখানে বসে দু’জনকেই চা পরিবেষণ করছে।

কিন্তু স্বধীর শিক্ষানবীসী কিসের জন্তে যদি একদিনের ঝড়ে এঁত দিনের সূর্য্যম ভেঙে পড়ে। রাগ করা অশোভন, তা ছাড়া রাগ করে

লাভ কী! জীবনের অন্ত্যন্ত সমস্তার মত এটাও একটা সমস্যা। শীতল মস্তিষ্কে এটারও একটা সমাধান করতে হবে। রাগের মাথায় চণ্ডী-মণ্ডপবিহারীরা ভাবতেন বহিষ্কারের বিধানটাই সমাধান। আসলে ওটা প্রতিবেশী সমাজের পুষ্টিবিধান। অমনি করে চণ্ডীমণ্ডপ নিজেই নিজেকে দুর্বল করেছে, ক্ষয় রোগে ভুগছে হিন্দু সমাজ।

তা হলে এই ঘোর অসামাজিক প্রণয়ের প্রশ্ন দিতে হবে? কিছুতেই না। স্বধীর মধ্যে এতদিন অন্তর্দ্বন্দ্ব ছিল না, এই বুঝি আরম্ভ হল। তার খেয়াল যাচ্ছিল ছুটে কোথাও পালাতে। অথচ ভাবুদ্ধি বলছিল, না, বাসায় ফিরে যেতেই হবে। সব সমস্যারই সমাধান আছে। সব তালো এক চাবীতে খোলে না, প্রত্যেকের চাবী আলাদা। এই তালোটার চাবী খুঁজে বের করতে হবে। চাই ধৈর্য। বহিষ্কার নয়, পলায়ন নয়, সধৈর্য সন্ধান।

২

স্বধী যখন ফিরল তখন বাদলের ঘরে ঢুকে দেগল সেখানে উজ্জয়িনীর বিছানা পাতা হয়েছে, স্বধীর বিছানা সেখান থেকে তার নিজের ঘরে সরানো হয়েছে। ভালো। তার মনটা একটু নরম হল। মেয়েটি মুখে যাই বলুক কাজে এখনো ঠিক আছে।

তার পরে স্বধীর মনে পড়ল রান্নার ব্যবস্থা হয়নি। তারই ত কর্তব্য। তাড়াতাড়ি রান্নাঘরে গিয়ে দেখল দে সরকার কোমরে এপ্রন জড়িয়ে রাঁধুনী সেজেছে। গনগনে আগুনের আভায় তার মুখচোখ রাঙা। স্বধী তার মনোযোগ ভঙ্গ করল না। নিজের ঘরে গিয়ে বই খুলে বসল। উজ্জয়িনী তখন বাদলের সঙ্গে পায়চারি করছিল বাগানে।

আইন অমাত্র সম্বন্ধে গবেষণা করতে করতে হুদী Thoreau লিখিত “Civil Disobedience” আবিষ্কার করেছিল। সেই অপূর্ব প্রবন্ধ পড়তে পড়তে সে দেশকাল ভুলে আর এক দেশে ও আর এক যুগে উপনীত হল।

এই ভাবে কতক্ষণ কাটল সময়ের হিসাব ছিল না। হুদীকে সচকিত করল উজ্জয়িনীর আহ্বান। “দাদা, এস। খাবার দেওয়া হয়েছে।”

“আমি থাক না।” হুদীর ক্ষুধা ছিল না।

“থাবে না? রাগ করেছ?”

“না, রাগ করিনি।” হুদী আনমনে বলল।

“আমি জানতুম তুমি ভুলেও মিথ্যা কথা বল না।”

“বেশ,” হুদী চোখ তুলে বলল, “রাগ করেছি ত করেছি।”

“কী করি, বল। একটু দেরি হয়ে গেছে। আমারই উচিত ছিল রান্নাঘরে যাওয়া। কিন্তু বাদলদা—”

হুদী বাধা দিয়ে বলে উঠল, “ফের যদি বাদলদা শুনি ত পাগল হয়ে যাব। বাদল কবে থেকে তোর দাদা হল? স্বামীকে কোন দেশে দাদা বলে ডাকে?”

উজ্জয়িনী তার হাত ধরে বলল, “চল, থাবে চল। খেলে আপনি রাগ পড়ে যাবে। তার পরে বলব তোমাকে আমার যা বলবার আছে। লক্ষ্মীটি, চল। আর বাদলদা বলে ডাকব না।”

উজ্জয়িনী কথা রাখল। খাবার টেবলে বাদলকে ডাকল খালি বাদল বলে। ‘আপনি’ থেকে এক সময় ‘তুমি’তে নামল। বাদলেরও তাতে সহযোগিতা দেখা গেল। সেও শুরু করল ‘উজ্জয়িনী’, ‘তুমি’।

আহাৰাদিৰ পৰে উজ্জয়িনী বলল স্বধীকে নিভূতে, “তুমি আসতে লিখেছিলে, তাই এসেছি। আমি তোমার ও তোমার বন্ধুর অতিথি। অতিথিৰ উপৰ ৰাগ কৰা কি স্থনীতি, না স্মৃতি?”

“সে কী রে!” স্বধী অপ্রস্তুত হয়ে বলল, “অতিথি কেন হবি? তোৱই ত স্বামী, তোৱই ত সংসাৰ।”

“তোমার মতে হয়ত তাই। বাদলের মতে?”

“বাদলের মতামতে কিছু আসে যায় না। বিবাহ একটা সামাজিক ক্ৰিয়া, ওতে কেবল বয়ৰ একাৰ নয় সমগ্র সমাজেৰ যোগাযোগ। সমাজেৰ মতে সে তোৱ স্বামী, তুই তাৰ স্ত্ৰী। তোৱ যদি কোনো নাগিশ থাকে তবে তা সমাজেৰ বিৰুদ্ধে।”

“নাগিশ আমাৰ নেই কাৰো বিৰুদ্ধে।”

“তবে?”

“তবে কী?”

“তবে তুই তাৰ স্ত্ৰী, সে তোৱ স্বামী।”

উজ্জয়িনী চুপ কৰে থাকল। তাৰ পৰে বলল, “বিয়েৰ সময় আমি বালিকা ছিলাম। শুধু বিয়েৰ সময় কেন, এই সেদিন পৰ্য্যন্ত। আমাৰ অঙ্গীকাৰ কি নীতিৰ আমলে আসবে?”

স্বধী চট কৰে জবাব দিতে পায়ল না। ভেবে বলল, “কেন, তুই ত মেনে নিয়েছিলি তোৱ বিয়ে।”

“মেনে নিয়েছিলুম। কিন্তু তত দিন মেনে নিয়েছিলুম যত দিন আমাৰ মনেৰ বয়স হয়নি। স্বপ্ন মানুষ ততক্ষণই দেখে যতক্ষণ না তাৰ জাগৰণ হয়।”

“আচ্ছা, কাল ওকথা হবে। এখন যা, ঘুমিয়ে পড়। টেনে ভালো ঘুম হয়নি নিশ্চয়, তোকে আৰ জাগিয়ে ৰাখব না! যা, ঘুমিয়ে ঘুমিয়ে

স্বপ্ন দেখ, যতক্ষণ না জাগরণ হয়।” এই বলে সুধী চিন্তা করবার সময় নিল।

কত কাল পরে বাদল আর উজ্জয়িনী এক কক্ষে শুচ্ছে, পাশাপাশি শয়ায়। অথচ কেউ কাউকে কামনা করছে না। অদৃষ্টের পরিহাস।

তাদের দাম্পত্য আলাপের নমুনা শুনুন। উজ্জয়িনী বলছে, “বাজে যদি দরকার হয় আমাকে নাড়া দিলেই সাড়া দেব। নাড়া দিতে ইতস্তত কোরো না, বাদল।”

“দরকার হলেও আমি তোমার ঘুমের ব্যাঘাত করব না, উজ্জয়িনী। নিদ্রার যে কী দুর্লভ স্থান তা কি আমি জানিনে! তোমার সুনিদ্রা হোক।” বলছে বাদল।

“তোমারও।”

“আমার!” বাদল উপহাস করছে। “এ জন্মে নয়!”

“তোমার জন্তে”, উজ্জয়িনী বলছে, “আমার বড় দুঃখ হয়।”

“আমার জন্তে”, বাদল বক্তৃতা আরম্ভ করছে, “দুঃখ করা বৃথা। বরং দুঃখ কোরো তাদের জন্তে যাদের জন্তে আমি দুঃখি।” এর পরে বাদল শোষিতদের পক্ষে ও শোষকদের বিপক্ষে কী যেন বলছে, কিন্তু উজ্জয়িনী অসাড়া।

“ঘুমিয়ে পড়লে?” বাদল সুধায়।

উজ্জয়িনী ততক্ষণে অর্ধেক পাঁচাবার পার হয়েছে। বাদলের বক্তৃতার অর্ধেকও শোনেনি। বাদল মর্দাহত হয়। এর চেয়ে সুধীদা ছিল সময়দার শ্রোতা। কাল থেকে আবার সুধীদাকেই তার কাছে শুতে বলবে।

অথচ বাদল নারী সম্বন্ধে নির্বিকার নয়। নারীর আকর্ষণ অন্তর্ভব করেছে, দিনের পর দিন দর্শনপ্রার্থী হয়েছে, স্পর্শের জন্তে উন্মুখ রয়েছে।

৭ .

কিন্তু যাকে তাকে কামনা করেনি, যার তার কামনা পূরণ করেনি। তার অনুরাগের পাত্রী অল্গা। অল্গা যদি ভাকেন ত সে ভল্গা যেতে রাজি আছে। ভল্গা বোটম্যান হতে রাজি। দাঁড় টানবে আর গান গাইবে—বিপ্লবের গান। সুখী যে সেদিন বলছিল বাদলের মনের খাঁচটা কন্টিনেন্টাল হয়েছে সে-কথা মিথ্যা নয়। অল্গার আঁচ লেগেছে। তার আগে মারিয়ানার। সেই যে ভিয়েনার মেয়ে মারিয়ানা ভাইস্মান। যার নৃত্যের উল্লাস তার শোণিতে মিশে তার শিরায় শিরায় নৃত্য বাধিয়েছিল।

কিন্তু উজ্জয়িনী সম্বন্ধে সে একেবারেই উদাসীন। যেমন পীচ সম্বন্ধে। এরা তার ছোট বোনের মত। এদের প্রতি স্নেহ জন্মায়। এদের সেবা নিতে স্বতই সাধ যায়। কিন্তু এদের সঙ্গে এক কক্ষে রাজি যাপন করলেও সজকামনা জাগে না। অথচ এরা দেখতে সুশ্রী, বোধ হয় অল্গার চেয়েও, মারিয়ানার চেয়ে ত নিশ্চয়।

পরের দিন উজ্জয়িনী বলল সুখীকে, “বাদল কাল সারা রাত ঘুমায়নি। যত বার আমার ঘুম ভেঙেছে ততবার দেখি ও জেগে আছে।”

“তোমার ঘুম,” সুখী জানতে চাইল, “এত বার ভাঙল কেন?”

“সে যদি ডেকে আমার সাড়া না পায় এইজন্তে আমি ঘুমের মধ্যেও হুঁশিয়ার ছিলুম।”

“হঁ।” সুখী দয়াদের সুরে বলল, “ওর এ দশা অনেক দিন থেকে চলছে। এইটেই ওর রোগ, অগ্র বা কিছু সব এর উপসর্গ অথবা আত্মবিক। ওর ইনসমনিয়া সারলে নিউরাস্থেনিয়াও সারবে।”

উজ্জয়িনী বাদলের জন্তে উদ্বিগ্ন হল। শুনেছিল সমুদ্রের হাওয়ায় অনিদ্রা সারে। সমুদ্রতীরে যাওয়া যায় কি না জিজ্ঞাসা করল। সুখী

বলল, “না। সেখানে কোন দিন কী ভেবে ঝাঁপ দেবে খ্রীষ্টতন্ত্রের মত।”

“বলতে চাও, অষ্টেতন্ত্রের মত।”

“একই কথা।” সুধী করুণ হাসি হাসল।

বাদলকে নিয়ে তারা দু’জনে এমন ব্যাপৃত থাকল যে উজ্জয়িনী কিম্বা সুধী কেউ তুলল না পূর্ব রাজের সেই অসমাপ্ত প্রসঙ্গ। বালিকার বিয়ে কি তার জাগরণের পরেও নীতির দৃষ্টিতে বলবৎ? নীতি অবশ্য দেশকালনিরপেক্ষ বিশ্বস্ত নীতি। দেশাচারমিশ্রিত ব্যবহারিক নীতি নয়।

উজ্জয়িনীর সন্দেহ ছিল না যে বিশ্বমানবের মহত্তম নীতি তার সহায়। সেইজন্তে তার মনে কোনো দ্বিধাদ্বন্দ্ব ছিল না। সে প্রকাশে কুমারকে প্রসাদ বিতরণ করে, কে কী ভাবছে জ্ঞপ্তি করে না। সখার কণ্ঠলগ্ন হয়ে পায়েচাষি করে, খেয়াল চাপলে পায়ে পা মিলিয়ে নাচের ভঙ্গী করে। খাবার টেবলে এমন ভাব দেখায় যেন ওদের দু’জনের একজনের খাওয়া হলে আর একজনের খাওয়া হয়ে যায়।

“আমার জন্তে তুমি খাও, কুমার।”

“না, না। ও কী করছ, বেবী?”

“বেশ করছি, তোমাকে পাস করে দিচ্ছি। সকালে আমার ক্ষিদে পায় না।” এই বলে নিজের গ্রেপ ফ্রুট, ফোর্স, বেকন ও ডিম চালান করে দেয় টেবলের ওপারে। নিজের জন্তে রাখে শ্রেফ এক পেয়াল চা।

“তোমারও কি মনে হয় না, সুধীদা, কুমার দিন দিন শুকিয়ে যাচ্ছে যথেষ্ট না খেয়ে? আর আমি দিন দিন মোটা হচ্ছে?”

সুধী অগ্নীমনস্ক থাকে। জবাব দেয় না।

স্বধী দেখে শুনে অতিষ্ঠ হয়ে উঠেছিল। অথচ কিছু করতেও পারছিল না। উজ্জয়িনী আসায় বাদলের অনেক বেশী হেপাজৎ হচ্ছিল। আর দে সরকার আসায় বাদলের পাতে আমিষ পড়ছিল। বাদলের সেবার দিক থেকে বিবেচনা করলে ওরা দু'জনে স্বধীর চেয়েও দরকারী। 'স্বধীর পড়াশুনার দিক থেকে বিবেচনা করলেও ওদের প্রয়োজনীয়তা ছিল।

যেতে হলে স্বধীরই যাওয়া উচিত, ওদের নয়। কিন্তু স্বধী কেমন করে যাবে? স্বধীর কাছ থেকে বাদলের দায়িত্ব কে নেবে? সে বাদলের বাবাকে জরুরি তার করেছিল। তিনিও সংবাদ দিয়েছিলেন যে রওনা হচ্ছেন। তাঁর পৌছাতে প্রায় তিন সপ্তাহ লাগবে। ততদিন এই অনাচার সহিতে হবে ত!

ওটা যে অনাচার সে বিষয়ে স্বধীর সন্দেহ ছিল না। অথচ উজ্জয়িনী যে নীতির প্রাণ তুলেছে স্বধী তার যুক্তিসঙ্গত উত্তর খুঁজে পায়নি। বিয়েতে উজ্জয়িনীর মত ছিল, মত না থাকলে যে সে বিয়ে অসিদ্ধ হত তা নয়, তবু মত ছিল বলে তা আরো অনিন্দ্য। এত বড় একটা ঘটনাকে ও মেয়ে উড়িয়ে দিতে চায়, যেহেতু বিয়ের সময় ওর মনের বয়স ছিল অপরিণত।

কিন্তু সত্যই তাই। চার পাঁচ সপ্তাহ আগেও তাকে দেখলে মনে হত বালিকা। এখন মনে হয় যুবতী। এই কয় সপ্তাহে যে সে কয়েক বছর বেড়েছে তা সত্যের খাতিরে মানতেই হবে। এখন সে ধীর দ্বির শাস্ত সমাহিত সহিষ্ণু। বাদলের জন্তে কি সে কম চিন্তিত! মায়ী মমতা দরদ বিনয় সবই তার স্বভাবে বিকশিত হয়েছে। "অথচ যে গুণ

না থাকলে বাকী সমস্ত গুণ থেকেও না থাকার সমান সেই গুণটি নেই।
নেই সতীত্ব। সুধী তার জন্তে প্রার্থনা করে।

এখনো খুব বেশী বিলম্ব হয়নি। এখনো শোধরানো সম্ভব। এখনো
সে কার্যিক অর্থে সতীত্ব রয়েছে। বাচনিক ও মানসিক অর্থে নয়।
সুধী তার জন্তে প্রার্থনা করে। বলে, প্রভু, তুমি আমার বোনটিকে
রক্ষা কর। বাঁচাও। সে বোঝে না সে কী করছে। যখন বুঝবে
তখন হয়ত বড় বেশী বিলম্ব হয়ে গেছে। আমাকে যুক্তি দাঁও, যে যুক্তি
দিয়ে আমি খণ্ডন করব তার উক্তি। এমন যুক্তি দাঁও যা সে স্বৈচ্ছায়
গ্রহণ করবে, যা সে অস্বীকার করতে পারবে না। আমি তাকে
সংসারিক দুর্গতির ভয় দেখাতে চাইনে, ভয় পাবার মেয়ে সে নয়।
তাকে লজ্জা দিতে গেলে সে গর্ভিত হয়। কলঙ্ক তার কাছে চন্দন।
কী করে জাগাব তার কল্যাণ বোধ, তার সামাজিক বিবেক!

সুধীর যে ইজুপট্টা আলগা হয়েছিল সেটা কখন এক সময় আপনা
থেকেই আঁট হয়েছিল। উজ্জয়িনীর দাবী যদি হত বাদলের সঙ্গে
অসামঞ্জস্যের দরুণ স্বতন্ত্রবাস তা হলে সুধী সে দাবী সমর্থন করত।
ততদূর উদার হতে সে নিজেকে প্রস্তুত করেছিল। কিন্তু উজ্জয়িনীর
দাবী বাদলের সঙ্গে সামঞ্জস্যের সম্ভাবনাসত্ত্বেও অপরের সহবাস।
এ দাবী এমন চরম দাবী যে সুধী এর জন্তে কোনোকালেই প্রস্তুত
হবে না। এ বিষয়ে তার সংস্কার এমন বদ্ধমূল যে মহত্তর নীতিও
তাকে উন্মূল করতে পারবে না। এ ক্ষেত্রে আপোষের আশা
নেই।

সুধী অবশেষে দে সরকারকে পাকড়াল। বেড়াতে নিয়ে গিয়ে
বলল, “ভায়া, তোমার ত দয়ামায়া আছে, কেন তবে ওর সর্বনাশ
করছ?”

দে সরকার পান্টা গাইল, “সুধীদা, তোমারও ত দয়ামায়া আছে, তুমি কেন ভাবছ না যে আমারও সর্বনাশ হচ্ছে।”

“তোমার সর্বনাশ!” সুধী আশ্চর্য্য হল।

“নিশ্চয়! আমি ত তোমার মত মহাপুরুষ নই, আমি সামান্ত পুরুষ। পুরুষমাত্রেয়ই সখ জাগে ঘরসংসার করতে, ঘরগী পেতে। এটা ত মান?”

“মানি বৈকি।”

“কিন্তু উজ্জয়িনী আমাকে সাফ বলে দিয়েছে কোনো দিন আমার ঘর করবে না। দেশের কাজের ফাঁকে মাঝে মাঝে আমার সঙ্গে দেখা করবে, আমিও মাঝে মাঝে দেখা করতে যাব তার ও তোমার আশ্রমে না আস্থানায়। তুমি যদি আমাদের মিলতে না দাও তবে সে বৈষ্ণবী হয়ে তীর্থে তীর্থে ঘুরে বেড়াবে, আর আমি যদি পারি ত তার সহচর হব।”

“তাই নাকি?”

“শোন। এটা ত মান যে পুরুষমাত্রেয়ই সম্ভানকামনা আছে?”

“মানি।”

“কিন্তু উজ্জয়িনী আমাকে স্পষ্ট বলে দিয়েছে ইহজন্মে মা হবে না। যদি আইন অহুসারে আমার স্ত্রী হয় তা হলেও না। তা হলে বুঝে দেখ আমার কত সুখ!”

সুধী শুধু শুনল। দে সরকার বলে চলল, “তার পরে এটা অবশ্য মানবে যে আমারও আত্মীয় স্বজন আছেন। আমার মা বাবা দুজনে বেঁচে। কুলাকার বলে তাঁরা কি আমার মুখ দর্শন করবেন, না কুলটা কুলে আয়ার বধুর?”

সুধী আকুল হয়ে বলল, “থাক।”

“না, শোন। মান কি না বল, যাহুযমাজেরই আছে লোকনিষ্ঠার ভয়? সমাজের দশজন আমাকে চরিত্রহীন বলে অপাংক্তেয় করবে, যদি চাকরি পাই সহকর্মীরা আমার সঙ্গে মিশবে না, যদি বই লিখি সমালোচকরা এক হাত নেবে। অপমান হবে আমার দৈনিক বরাদ্দ, খাণ্ড জুটবে কি না জানিনে।”

সুধী বলল, “খাক, হয়েছে।”

“না, হয়নি।” দে সরকার ভাবগ্রবণ মাহুয। বলে চলল, “তার পরে যার জগ্রে চুরি করছি সেই যদি বলে চোর তবে আমার সর্বনাশের যোলো কলা পূর্ণ হবে। সেই যদি অবিশ্বাস করে তবে আমার জীবন বার্থ।”

সুধী মৌন থাকল। দে সরকার থামল না। বলল, “অথচ আমি এমন কিছু কুপাত্ত নই যে আমাকে আর কেউ বিয়ে করত না, আমি আর কোনো স্ত্রীর মেয়ের স্বামী হতুম না। বাংলাদেশে কুমারীর অভাব?”

“তোমরা,” সুধী বাধিত স্বরে বলল, “হুজনেই হুজনের সর্বনাশ করছ। ইচ্ছা করলেই এড়াতে পারতে।” আরো বলল, “এখনো পার।”

• “আমরা,” দে সরকার গদগদ স্বরে বলল, “জানি আমাদের নিস্তার নেই। সাধু পুরুষ ও সাধ্বী রমণীরা সকলেই আমাদের টিল ছুঁড়ে যাবেন। একটু মমতা, একটু বুঝে দেখা—এটুকুও ক’জনের কাছে? তথাপি উজ্জয়িনীর জেদ দেশে ফিরতে হবে। গুর সাহস দেখে আমারও ভয় ভেঙে যায়। এখন আমার যা কিছু ভয় গুর জগ্রেই। কেমন করে ওকে অপমানের হাত থেকে বাঁচাব তাই ভেবে আমি দিন দিন শুকিয়ে যাচ্ছি, সুধীদা।”

স্বধী কোমল স্বরে বলল, “বাঁচাবার পথ একটিমাত্র। সে পথ নিবৃত্তির।”

“তুমি কি মনে করেছ,” দে সরকার ফণা তুলল, “প্রবৃত্তির স্রোতে আমরা তুণের মত ভাসছি? আমাদের বিয়ের উপায় থাকলে তুমিই স্বীকার করতে আমরা নর্মাল নরনারী। সমাজের চোখে আমরা দোষী, তাই নীতির চোখেও দোষী। কিন্তু আমরা ত জানি আমরা আমাদের বয়সের অন্ত্যন্ত তরুণ তরুণীর চেয়ে অধিক আসক্ত নই।”

“আমি সে অর্থে বলিনি।” স্বধী সংশোধন করল। “আমি ইঙ্গিত করেছিলুম আত্ম বিসর্জনের। যারা ভালোবাসে তারা কি সব ক্ষেত্রে মিলিত হতে পারে? যেখানে অলঙ্ঘ্য ব্যবধান সেখানে আত্ম বিসর্জনই শ্রেয়। করে দেখ, তাতে অপার্থিব আনন্দ।”

“আত্মবিসর্জনের কথা যদি উঠল,” দে সরকার গলা পরিষ্কার করল, “তবে বলি, কার আত্মবিসর্জন বেশী? আমাদের না তোমার? তোমাকে তোমার পৈত্রিক ঘরবাড়ী ধনদৌলৎ ত্যাগ করতে হবে না। আমরা গৃহহীন সম্পত্তিহীন। তোমাকে তোমার আত্মীয়স্বজনরা ত্যাগ করবেন না। আমরা সর্ববিবজ্জিত। তোমার সন্মান-বচবে, তুমি হবে দেশমাগ্ন স্বধীজ্ঞনাথ। আমাদের কলঙ্কের দাগ মুছবে না, লোকের মজল করলেও তারা ভুলবে না যে আমরা দাগী আসামী। তা হলে আত্মবিসর্জনের কথা ওঠে কেন? আমাদের সম্বল ত আমাদের পারম্পরিক সঙ্গস্বথ। তাও বিসর্জন দিতে হবে?”

স্বধী বিচলিত হল। সহসা উত্তর খুঁজে পেল না। দুজনে স্বচ্ছ হয়ে দুজনের দিকে তাকাল।

“কিন্তু কেন?” স্বধী বলল, “কেন এসবের মধ্যে যাওয়া? কেন প্রেমে পড়লে?”

“তুমি কি কখনো পড়নি যে প্রাকৃত জ্ঞানের মত প্রশ্ন করছ ? তুমি যে অপার্থিব আনন্দ পাচ্ছ তারই বা প্রয়োজন কী, বল ?” সে স্বধীকে জেরা করতে লাগল। “তফাৎ কোথায়, স্বধীদা ? দৈবক্রমে উজ্জয়িনী বিবাহিতা, অশোকা অবিবাহিতা। তুমি কি হলফ করে বলতে পার যে তোমার আগে স্নেহময়ের সঙ্গে ওর বিয়ের কথাবার্তা চলছিল জেনেও তুমি প্রেমে পড়নি ? মায় কোরো যদি রুঢ় শোনায়, এখন ত সে পবের বাগ্দস্তা, বলতে গেলে পরত্নী। এখনো কি তুমি তাকে কম ভালোবাস, কোনো দিন কি কম ভালোবাসবে ? তফাৎটা তবে কোনখানে ?”

স্বধীর মুখে উত্তর জোগাল না। কিন্তু ছিল উত্তর। সে অত্যন্ত ব্যাকুলতা বোধ করল প্রকাশের উপযুক্ত ভাষা না পেয়ে।

স্বধী কোনো দিন এ দিক থেকে ভাবেনি। ভেবে দেখল, তাই ত। স্নেহময়ের চোখে স্বধী একজন বৌচোর। আর একটু হলেই তার বহুদিনের মনোনীতাবে বাগ্দানের পূর্বেই অপহরণ করত। এখনো তাকে বিশ্বাস করে বাড়ীতে ডাকা চলে না। তাকে বিশ্বাস করলেও অশোকাকে বিশ্বাস কী। এই ত সেদিনও সে স্বধীকে চিঠি লিখেছে টরকী থেকে। তাতেও কি তার হৃদয়ভাব অব্যক্ত রয়েছে ?

বীণা বলেছেন, “Judge not, that ye be not judged.” স্বধী ভেবে দেখল, পরকে বিচার করতে যাওয়া ধৃষ্টতা।

৫

বাদল জানত না যে তার বাবা তার অস্থখের খবর পেয়ে রওনা হয়েছেন। যেদিন শুনল তিনি এডেন থেকে তার করেছেন সেদিন কেমন যেন ভয় পেয়ে গেল। স্বধীকে ধরে বসল, “এর মানে কী, স্বধীদা ?”

৬.

“মানে আবার কী ! তোকে দেখতে আসছেন ।”

“দেখতে, না নিতে ?”

“সে কথা পরে ।”

“আমার কিন্তু আশঙ্কা হয়, তিনি আমাকে ধরে নিয়ে যাবেন ।”

“না রে । ধরে নিয়ে যাবেন কেন ? ডাক্তারের পরামর্শ শুনে যা হয় করবেন ।”

বাদল সেদিন সমস্তক্ষণ উন্ননা হয়ে রইল । পরের দিন তার প্রথম কথা, “বাবা কত দূরে ?”

“বোধ হয় লোহিত সাগরে ।”

“এর মানে কী, বলতে পার, সুধীনা ? বল, বল, লুকিয়ে রেখো না ।”
বাদল আন্ধার ধরল ।

“মানে কী ! বাপ কি ছেলেকে দেখতে আসেন না ? আমি কেন জেরার্ড্‌স্‌ ক্রশ থেকে ছুটে এসেছি ?”

“আমার কিন্তু আশঙ্কা হয়, তিনি আমাকে না নিয়ে ফিরবেন না ।”

বাদল তার বাবাকে জুজুর মত ডরাত । তিনিই তার ডিক্টেটর কম্প্লেক্সের মূলে । ছোটবেলা থেকেই তিনি তাকে এমনভাবে শাসন করেছেন যে শাসনের আড়ালে তাঁর আন্তরিক স্নেহপ্রবণতা ঢাকা পড়ে গেছে । তিনি যে ছেলেকে মারধর করতেন তা নয় । বন্ধুত্বের বললেও বেশী বলা হয় । ছেলের পিছনে খরচ করতেন দেদার, তার কোনো সাধ অপূর্ণ রাখতেন না । অমন লাইব্রেরী ক’জনের আছে ? কিন্তু সব সময় তাঁর মনে এই এক চিন্তা—আমার ছেলে আমার মত হবে, আমার মতে চলবে । ছেলে যে তার নিজের মত হবে বা নিজের পথে চলবে এটা তিনি বরদাস্ত করা দূরে থাক, কল্পনাই করতেন না । অথচ বাদল ঠিক ওই অধিকারটি দাবী করে । নিজের মত হওয়াই

তার আদিম দাবী, মধ্যম দাবী, অন্তিম দাবী। বাদল চায় বাদল হবার লিবার্টি। রায়বাহাদুর স্বরাজ মঞ্জুর করবার পাত্র নন, প্রাদেশিক অটোনমি দিয়ে মনে করেন খুব দিয়েছেন। বাদলও নাছোড়বান্দা। বিলেতে পালিয়ে এসেছে তাঁকে ফাঁকি দিয়ে। আই. সি. এস'এর আশা দেখিয়ে।

যেদিন পোর্ট সৈয়দ থেকে তার এল সেদিন বাদল স্তম্ভ হয়ে স্থধীকে বলল, “যদি ধরে নিয়ে যান?”

“অত ভাবছিল কেন, বাদল? যদি ধরে নিয়ে যানই তবে কিছু দিন দেশে থেকে স্থস্থ হয়ে ফিরে আসতে বাধা কিসের?”

“না, স্থধীদা। তুমি বুঝবে না। গেলে ফিরে আশা দুর্ঘট। বাবা আমার জোর করে বিয়ে দিয়েছিলেন, জোর করে—ঐ যে বাঙালীদের কাগজে বিয়ের বিজ্ঞাপনে থাকে, settled in life—তাই করাবেন। তার মানে ডেপুটি কি সাবডেপুটি।”

“বেশ ত! ডেপুটি সাবডেপুটিরা কি মাছুষ নন? তোরা যদি মন না লাগে ইন্তফা দিতে কতক্ষণ! তিনি কি তোকে জোর করে চিরকাল চাকরি করাতে পারেন?”

“অসম্ভব।” বাদল কোখে কোখে নিরাশায় কাঁপতে কাঁপতে বলল, “বিংশ শতাব্দীর বাদল আমি, আমার পক্ষে আই. সি. এস'এর চাকরিই যথেষ্ট অধঃপতন। তাও নয়, ডেপুটিগিরি! আমার রক্ষা কর, স্থধীদা।”

স্থধী তাকে শান্ত হতে বলল। তার যদি ঝুঁচি না থাকে তবে তার বাঁবা কি তাকে জোর করে চাকরিতে বহাল করতে পারবেন, তিনি কি চাকরির মালিক?

“তুমি কি জান না, স্থধীদা, বাবার কী রকম প্রভাব! তিনি চেষ্টা

করলেই আমার বহালের হুকুম আসবে, কিন্তু তার চেয়ে ফাঁসির হুকুম ভালো। বিংশ শতাব্দীর—”

“ছি বাদল, অতটা অহঙ্কার শোভা পায় না। তোরা অহমিকাই তোরা বৈরী। এই যে তুই অস্থখে ভুগছিস এর গোড়ায় রয়েছে বিশ্বের বোঝা নিজের ঘাড়ে নেওয়া। আমি ত মনে করি ইংলণ্ডেই হোক আর ভারতবর্ষেই হোক ছোট্ট একটি স্থলের মাষ্টারি করাই তোরা প্রকৃষ্ট জীবিকা। ওর সংকীর্ণ সীমাই তোরা যথার্থ বিশ্ব।”

বাদল বিমূঢ় হয়ে সুধীর দিকে ফ্যাল ফ্যাল করে তাকাল। তার মত উচ্চাভিলাষী কিনা ছোট্ট একটি স্থলের মাষ্টারি হয়ে জীবন কাটাবে! তবু যদি কোনো দিন পার্লামেন্টের মেম্বর ও গবর্নমেন্টের শিক্সচিব হবার ভরসা থাকত!

“সত্যি, বাদল, সীমা অতিক্রম করে কেউ সার্থক হয় না। ব্যর্থই হয়। ছোট্ট একটি পত্রিকার সম্পাদক হতে পারিস, যদি লিখে তৃপ্তি পাস।”

“তুমি বোধ হয় ভুলে যাচ্ছ যে আমি একজন ব্যারিস্টার,” বাদল যোগ করল, “হতে পারি।”

“ব্যারিস্টারিও কিছু মন্দ নয়, যদি মফঃস্বলে প্র্যাকটিস করে সন্তুষ্ট থাকিস। চল, ভাগলপুরে বসবি।”

বাদলের মুখভাব দেখে সুধী নিরস্ত হল।

বাস্তবিক জীবিকার মানদণ্ডে মাপলে বাদলের ভবিষ্যৎ কী! শরীর সারলেও দেশলাই বেচা চলবে না, তেমন কিছু করা তার পক্ষে প্রাণদণ্ড। বিলিভী ডিগ্রী নেই, প্রোফেসারি জুটবে না। তাহলে বাকী থাকে সম্পাদকী, মাষ্টারি ও ডেপুটিগিরি, যদি না আসছে বছর পাস করে ব্যারিস্টারি। আই. সি. এস’এর বয়স নেই, বোধ হয়

ডেপুটিগিরির বয়সও উত্তীর্ণপ্রায়। বাদলের জন্তে স্থখী উষ্ম হয়। High thinking বেশ ভালো কথা, কিন্তু plain livingএরও একটা ব্যবস্থা চাই।

মহিমচন্দ্র ওরফে মহিম খুড়ো আসছেন শুনে উজ্জয়িনী একটুও বিচলিত হন না। বরং একটু উৎসুকভাবে প্রতীক্ষা করতে থাকল। এই মানুষটিকে একদা সে খুশর না বলে অশুর বলত, ভয় করত অশুরেরই মত। কিন্তু এখন আর সে ভীত নয়, তার মনে হয় সে তাঁর সামনে মাথা ঠুঁক করে পাড়াতে পারবে, পাড়িয়ে বলতে পারবে, “এই যে খুড়ো, কেমন, ভালো আছেন ত ?”

“বাদল,” সে বলল বাদলকে বিষয় দেখে, “তুমি অমন মুষড়ে পড়ছ কেন ? নিয়ে যাবেন ত কী হয়েছে ?”

“উজ্জয়িনী,” বাদল জানাল, “নিয়ে যদি যান ত সব মাটি হবে।”

“বুঝিয়ে বল, যদি আপত্তি না থাকে।”

“আপত্তি কিছুমাত্র নেই।” বাদল ত বলতেই ব্যগ্র। “তুমি ত জ্ঞান, বিলেত আসবার জন্তে আমি কী পরিমাণ উৎকণ্ঠিত ছিলাম। বিয়ে করলে যে রাজি হয়ে গেলুম সেও এই কারণে। তোমার প্রতি যে অসহনীয় অন্তায় করলুম তার অণু কোনো অজুহাত ছিল না। বলতে গেলে তোমার জীবনটাকে ব্যর্থ করলুম আমার জীবনটাকে সার্থক করতে।”

“আমার জীবন,” হাসল উজ্জয়িনী, “অন্ত সহজে ব্যর্থ হবার নয়। তবে তোমার জীবনটা যে সার্থক হয়েছে এটা একটা মস্ত লাভ।”

“এখনো হয়নি। কিন্তু তখন মনে হয়েছিল হবে।”

“এখনো হয়নি ?” উজ্জয়িনী পরিহাস করল। “সত্যি ?”

“কোন অর্থে জিজ্ঞাসা করছ ?”

“যে অর্থে মেয়েরা করে।” সে হঠাৎ বাদলের মুখে হাত চাপা দিয়ে বলল, “থাক, বলতে হবে না। আমি শুনতে চাইনে।”

“অর্থাৎ ?” বাদল ভাবতে লাগল।

“অর্থাৎ ?” উজ্জয়িনী হাসতে থাকল।

“কোন অর্থে মেয়েরা জিজ্ঞাসা করে ?” বাদল জল্পনা করল।

“থাক, কী বলছিলে বল।”

“না, আমি এ রহস্য ভেদ করতে চাই।”

কথাবার্তা এগোয় না দেখে উজ্জয়িনী বলল, “কমবেড জেসী কেমন আছেন ? কই, দেখতে এলেন না যে ?”

এতক্ষণে বাদলের ঠাইর হল। সে একটু রেঙে উঠল। বলল, “কে তোমাকে কী বলেছে, জানিনে। কিন্তু জেসী বড় মিষ্টি মেয়ে। ও যে এখনো আসেনি এর একমাত্র কারণ ও ঠিকানা পায়নি।”

“কাজ নেই ঠিকানা পেয়ে।” উজ্জয়িনী ত্রস্ত স্বরে বলল। “তুমি কি তোমার হারেমশুদ্ধ সবাইকে হাজির করবে নাকি ?”

বাদল অত্যন্ত অপ্রতিভ হল। যে অর্থটা সে এতক্ষণ ধরে অশ্বেষণ করছিল সেটাও সঙ্গে সঙ্গে ধরা দিল। “তোমাকে কে কী বলেছে জানিনে। কিন্তু সত্যি আমি কারো সঙ্গে তেমন সম্পর্ক পাতাইনি।” বাদল আন্তরিকতার সহিত জ্ঞাপন করল।

“একদিনের জন্তেও না ?” উজ্জয়িনী কৌতূহলী হল।

“এক মুহূর্তের জন্তেও না। তা বলে মনে কারো না আমি সাধু পুরুষ। আশা করেছি কারো কারো কাছে। পাইনি। পেলে অনুতাপ করতুম না। কাজেই তোমরা আমাকে পাণীর পধ্যায়ে ফেলতে পার।”

“পাপ না করেও পানী ?” উজ্জয়িনী বিস্মিত হল।

“পাশ করবার ইচ্ছা সবেও করতে পাইনি বলে শাপী।” বাদল ব্যাখ্যা করল।

“তাহলে জেসী তোমার Sweetheart নয়?”

“না, জেসী আমার Sweetheart নয়, যদিও ওয় মত sweet আমি দেখিনি। ওকে দেবে একটা খবর?”

উজ্জয়িনী বলল, “আচ্ছা।”

৬

উজ্জয়িনী বাদলকে সন্দেহ করত। ঐ সন্দেহ যে ভিত্তিহীন তা জেনে নজ্জিত হল। বাদলের কাছে তার মার্জনা ভিক্ষা করা উচিত। এই মনে করে সে বাদলের দুটি হাত নিজের দুটি হাতে ভরে আধো আধো স্বরে বলল, “কমা কোরো।”

বাদল অবাক হল! বুঝতে না পেরে হুদাল, “কেন?”

“আমি তোমাকে সন্দেহ করেছি। সন্দেহ করে হারেমগুদক বলেছি। তুমি ত তেমন নও।”

“কিন্তু তুমি যা ভেবেছ তাও ত ঠিক নয়। আমি আমার স্বাধীনতা এখনো প্রয়োগ করিনি বটে, কিন্তু কোনটা সন্দেহজনক? স্বাধীনতা, না তার প্রয়োগ?”

“আমি মাক চাইছি আমার পাপ মনের জন্তে।” উজ্জয়িনী ঘুরিয়ে বলল। “তোমাকে দোষ দিচ্চিনে, বাদল। দোষ দিচ্ছি নিজেকে।”

“কেউ সন্দেহ করলে অন্তায় করত না, কেননা আমি যা আশা করেছি তা কপালে না জুটলেও তা ঘটনারই সায়িল। সন্দেহ করবার অধিকার কারো নেই। তুমি যদি অনধিকারচর্চা করে থাক তবে কমা চাইতে পার। কমা করলুম।”

“ধন্যবাদ। এখন আমার বিবেক পরিষ্কার।” এই বলে উজ্জয়িনী আরো কী চিন্তা করল।

“কী বলছিলুম? বলা বন্ধ হল যে। শুনবে না?” বাদল বলতে ব্যগ্র হয়েছিল তার বিলেত্ভ আমার কথা।

“আমারও কিছু বলবার আছে, সেটা আগে বলি। কেমন?”

“উত্তম।” বাদল একটু বিরক্ত হয়ে অনুমতি দিল।

“দেখ,” উজ্জয়িনী ধীরে ধীরে অবতারণা করল, “তোমার আজকের উক্তি যদি মাসকয়েক আগে শুনতুম তা হলে হয়ত এত দূর যেতুম না। কিন্তু আমি যে অনেক দূর এগিয়েছি। বলব?”

“বলে যাও।”

“আমি আর তোমার স্ত্রী নই।”

“এই কথা? কেন, এ কি খুব নতুন কথা! আমি স্বাধীন হলে কি তুমিও অগত্যা স্বাধীন হও না? বিয়ের বাকী থাকে কী আর?”

“শুধু তাই নয়, আমি—”

“বলে যাও।”

“আমি আরেকজনকে ভালোবাসি।”

“এই কথা!” বাদল ফুৎকার করল। “তুমি যদি বুর্জোয়াদের মত প্রেম বলে একটা আকাশকুসুমের আবাদ করতে চাও তাতে আমার কী! বুর্জোয়াদের বিশ্বাস ওরি নাম নাকি অনেক দূর এগিয়ে যাওয়া।”

“আর তুমি? তুমি কি বুর্জোয়া নও?”

“না, উজ্জয়িনী।” বাদল দীপ্তকণ্ঠে বলল, “যে প্রচণ্ড প্রেরণা, যে *élan vital*, জীবহৃষ্টির মূলে তাকে আমি ক্রিয়মান বুর্জোয়াদের মত ক্রীণ করতে চাইনে। সে ত খেলা নয়।”

“কী জানি !” উজ্জয়িনী বহুশ্রম চিন্তে মৌন রইল। অক্ষুট স্বরে বলল, “খেলা নয় তাঁ’কী ?”

“যদি খেলা হয় ত তার জন্তে আমার সময় নেই। কঠোর মননেই আমার জীবনের রোদটুকু ফুরাল। যদি বাঁচি ত কারো সঙ্গে মিলিত হয়ে প্রেরণার দুর্জয় বেগে ভবিষ্যতের গর্ভে প্রবেশ করব। তারই নাম অনেক দূর এগিয়ে যাওয়া, সে যাওয়া কালের বস্ত্র।”

উজ্জয়িনী বিশেষ কিছু বুঝল না। যেটুকু বুঝল সেটুকু এই যে বাদল বাঁচবে বলে আশা করে না।

“যদি বাঁচি বলছ কেন ?” সে অন্ত্রযোগ করল।

“কারণ, বোধ হয় বেশী দিন বাঁচব না। কেন বাঁচব, যদি বাঁচাতে না পারি ?”

“কাকে বাঁচাতে চাও তুমি ? কোনো বন্ধুর অস্থখ করেছে ?” সে স্নিগ্ধ স্বরে সুখাল। “আমি সাহায্য করতে পারি ?”

“না, উজ্জয়িনী। কোনো বন্ধুর নয়, সারা দুনিয়ার অস্থখ। সে রোগের নাম ক্যাপিটালিজম, তার ব্যাসিলির নাম প্রাইভেট প্রফিট। তারই দাওয়াই খুঁজতে গিয়ে আমার অস্থখ বাধল। সেও মরবে, আশ্রিত বাঁচব না।”

উজ্জয়িনী তাকে কথা বলতে বাধণ করল। বাদলের মুখে ঐ অলঙ্ঘন্য বাক্যটা শুনে তার মনটা খারাপ হয়ে গেল। বেচারী বাদল ! সবাই নিজের নিজের সুখ নিয়ে ব্যাপৃত, সে কিনা দুনিয়ার অস্থখ নিয়ে। এখন তার এই অস্থখের কী প্রতিকার ? যে মানুষ দুনিয়াকে বাঁচাত দুনিয়া কেন তাকে বাঁচাবে না ? উজ্জয়িনী পণ করল সে একা যত দূর পারে বাঁচাবে।

সে জেসীর সন্ধানে কুমারকে পাঠাল, যদি জেসীকে দেখলে বাথলেগ
বাঁচতে সাধ যায়।

কুমার ফিরে এসে যে সংবাদ দিল তা শুনে উজ্জয়িনীর চক্ষু স্থির।
“ম্যা! মারা গেছে।” তার মুখ ফুটে বেরোল।

“কে মারা গেছে, উজ্জয়িনী? কে মারা গেছে?” বাদল বায়ন
ধরল। নাছোড়বান্দা।

উজ্জয়িনী বলল, “পরের কথায় তোমার কাজ কী, বাদল? তুমি
যা ভাবছিলে ভাবতে থাক। ইঁ, মানবের একমাত্র ভরসা রাশিয়া,
যদি মাত্রা মানে ও ডিকটেটরশিপ ছাড়ে। তার পর?”

“না, বল না আমাকে—কে মারা গেছে?”

“কেউ না, বাদল। একটা পোষা বেড়াল ছিল, সেটা মারা যায়নি,
তবে মারা যাবার দাখিল।”

“থাক, বানিয়ে বলতে হবে না। আমি কচি খোকা নই যে
রূপকথায় কুলব-১-বল আমাকে কে মারা গেছে।” বাদল মা-
করল।

কুমার বলল, “শুনলে তুমি উত্তেজিত হতে, তাই তোমাকে
খোলাইনি। মারা গেছে মুসোলিনি।”

বাদল আক্কায়ে উঠে বলল। কিন্তু কুমারের দিকে চেয়ে তার ক
আনি কেন বিশ্বাস হল না। সে আবার শুয়ে পড়ল বিব্রত হয়ে
হাজার সাথলেও সেদিন সে ওখ পথ্য খেল না, কথা কওয়া বন্ধ কর
সমস্তকণ আপন মনে গুজ গুজ করতে থাকল, কে? কে? কে?

উজ্জয়িনী স্থখীর সঙ্গে পরামর্শ করল। স্থখীও অনেক চিন্তা করল
শেষে স্থখী নিজেই বাদলের কাছে গিয়ে তার মাথায় হাত বুলায়ে
বুলাতে তার কানে কানে বলল, “বাদল, জেসী চলে গেছে।”